




৬ উজ্জ্বল সাহিত্য সন্নিহিত ৬



প্রথম প্রকাশ

গর ঢাকা

‘ভায়মণ্ড প্রিণ্টিং হাউস’—মুদ্রাকর-প্রিনাইচরণ ঘোষ
১৯৭৭এইচ২, গোয়াবাগান স্ট্রীট, কলিকাতা



অভিমন্যু শিস্ দিচ্ছিলো।

জোরে নয়, যত্নগুণনে। অধুনালুপ্ত অথচ বহুপরিচিত একটি গানের সুর। সুন্দর শিস্ দেয় অভিমন্যু, শিসের মধো সুর যেন কথা কয়ে ওঠে। কবে কোথায় কার কাছে যে শিখেছিলো কে জানে, কিন্তু ছেলেবেলা থেকেই এটা ওর অভ্যাস।

মঞ্জরী অবশ্য বলে—‘বদভ্যাস’। তার মতে শিস্ দেওয়াটা নিতান্ত সেকলেপনা তো বটেই, এবং শালীনতারও বিরোধী। বলে, ‘একালে কোনো ভজলোকে কখনো শিস্ দেয়না।’ অভিমন্যু তর্ক করেনা, হাসে, আর মঞ্জরীর খুব রাগের সময় একটু শিস দিয়ে ওঠে। মঞ্জরী আরো রেগে রেগে বলে, ‘হ্যাঁ, ঠিক একজন একেবারে উপযুক্ত বটে!’

অভিমুখ্য বলে, 'তা আমি তো আর ছাত্রীদের সামনে শি
দিচ্ছি না ?'

'দিতে কতোক্ষণ ? বদভ্যাস্ যে কোথায় গিয়ে পৌছোয়—'

'এতোদিনেও যখন অতোদূর পৌছোয়নি, তখন তোমার শাসন
কালে আর বেশী বাড়বে কি ?'

'জানিনা, বিচ্ছিরী লাগে।'

অভিমুখ্য আর মঞ্জরী।...বৌদিরা বলেন, 'জোড়ের' পায়রা'
প্রেমে প'ড়ে, অভিভাবকদের ভারি মুখকে অবহেলা ক'রে বিয়ে। তবুও
সেই একান্ত মনোরমা সুন্দরী প্রিয়ার 'বিচ্ছিরী'-লাগা সবেও, যখন-
তখনই শিস্ দিয়ে ওঠে অভিমুখ্য, স্বচ্ছন্দবিহারী আকাশচরী পাখীর
মতো। কিন্তু তাই ব'লে তিনতলায় উঠে বারান্দায় ঝুঁকে দাঁড়িয়ে
নীচের রাস্তার চলমান জনশ্রোতের দিকে তাকিয়ে তাকিয়ে শিস্
দিয়েই চলেছে, অনেকক্ষণ ধরে দিচ্ছেই, এরকম কোনোদিন দেখা
যায়না।

যেমন আজ দেখা যাচ্ছে।

মনে হচ্ছে ওর যেন আজ আর কোনো কাজ নেই। হয়তো
কাজ সত্যিই নেই, হয়তো আজ কলেজ ছুটি, তবু বেলা দশটার
সময় যখন সমস্ত পৃথিবীর কর্মচক্র উন্নতবেগে ঘুরছে, তখন এ কী
অলসতার ভূতে পেলো ওকে ?

তবে সত্যি বলতে, অভিমুখ্যর যথার্থ পরিচয় দিতে, না ব'লে

জনম
জনমকে
গাথা

উপায় নেই—অভিমুখ্যর অলসতাতেই আনন্দ। একটি
মেয়ে-কলেজে সপ্তাহে চারদিন ঘণ্টাদেড়েক ক'রে পড়িয়ে
আসা ছাড়া আর কিছুই পারেনা ও, মাত্র যথেষ্ট
বই পড়া বাদে। অথচ কতো সুবিধে ছিলো ওর।

বাড়ী গিয়ে ভাগ্নেভাগ্নীদের আলিয়ে জামাইবাবুদের
স্বাগতস্বত্ব হয়, এবং এরই মাঝখানে ফর্সা ধূতি পাঞ্জাবী প'রে
সেঁক গিয়ে গম্ভীরভাবে ছাত্রী পড়িয়ে আসে।

কমরে সর্বাপেক্ষা তরুণ এই অধ্যাপকটিকে ছাত্রীরা সর্বাপেক্ষা
পছন্দ করে।

পুণিমা উঠে এসে পিছনে দাঁড়ালেন।

দাঁড়িয়ে রইলেন মিনিটখানেক।

দেখলেন, অভিমন্যু জানতে পারছেন না, একভাবে পথের দিকে
কে দাঁড়িয়ে শিস্ দিয়েই চলেছে। দেখে হাড় জলে গেলো
নিমাই। তিক্তস্বরে বললেন—‘দাঁড়িয়ে দাঁড়িয়ে শিস্ দিচ্ছিস্?
লজ্জা করছেন?’

প্রায় চমকে ফিরে দাঁড়ালো অভিমন্যু।

ফিরে দাঁড়াতেই সম্পূর্ণ দেখতে পাওয়া গেলো ওকে।

দেখতে পাওয়া গেলো ওর কাটাছাঁটা গ্রীসিয়ান-ছাঁদের মুখ,
জিলকরা চুলের নিখুঁৎ পারিপাট্য, মাজাঘসা শ্যামলা রঙের
কটি উজ্জলতা, লম্বা দোহারা গড়ন, অপ্রতিভ একটু হাসি।

মার খিকারে অপ্রতিভ একটু হাসি হেসে ফিরে তাকালো
ভিমন্যু। তারপর উত্তর দিলো :

‘লজ্জা? কই, না তো?’

‘লজ্জা করছেন? তা করবে কোথা থেকে? লজ্জা তোর
মুখে থাকলে তো?’

‘কই! তাহ'লে তো জেনেই ফেলেছো।’

‘কই! আদিখ্যেতা রাখ। বলি, তুই এতে

জন্ম
জন্মকে
জানি

অভিমত মত হাসলো ।

‘আমার মত দেওয়ার কথা উঠছে কোথা থেকে না ?
তুমি সেকলে আছো এখনো । নাকে চশমা লাগিয়ে
কাগজ তো পড়ো দেখি, জগতের হাওয়া কোন্‌দিকে বইছে
পাওনা ?’

‘হয়েছে হয়েছে, নতুন ক’রে আর আমাকে জগতের হাওয়া
দেখাতে আসিস্নে তুই । যেদিনকে মাথার ওপর পাঁচটা গায়ে
থাকতে অস্বস্তিবদনে এসে নিজের পছন্দকরা মেয়ের সঙ্গে কি
কথা বলতে পেরিছিলি, সেইদিনই তো জগতের হাওয়া কোন্‌দিকে
বইছে, বুঝিয়ে দিয়েছিলি ।’

বোঝা যাচ্ছে পূর্ণিমা দেবী মারাত্মক রকমের চটেছেন ।

তবু অবোধের ভানই সুবিধে । তাই অভিমত হাসে । বলে :

‘আহা, সে তো গত কথা । এই তিন বছরে হাওয়া আ
এগোচ্ছেনা ? নিখর হয়ে থেমে আছে ?’

‘হ্যাঁ, এগোচ্ছে ।’...রাগে হাঁপাতে থাকেন পূর্ণিমা দেবী...
লোকের ঘরের বৌ থিয়েটার করতে যাচ্ছে । ওসব কথা পাগ
গারদের পাগলাকে বোঝাতে যা অভি, আমায় বোঝাতে আসিস্নে ।

‘থিয়েটার নয় মা ।’


‘আচ্ছা আচ্ছা, নাহয় তোদের সিনেমা । তাকাও কি
নাম ভাজাচাল তার নাম মুড়ি ! আমি বলছি ওসব হবে
তোদের কোনো কথায় থাকতে যাইনা ব’লে সাপের পিট

দেখিছিস্, কেমন ?’

‘সাপের পাঁচ পা ? কই—কেনে পড়ছে না ?’

‘চুপ কর । চুপ কর । একেবারে

গেছিস্ । কিন্তু আমি বলছি, ওসব চলাকলা



মঞ্জরীর এই দ্বন্দ্ব সখটিকে সে খুব বেশী গুরুত্ব দেয়নি, কিন্তু এইমাত্র হঠাৎ আবিষ্কার করলো, স্ত্রীর সেই সখকে মনে মনে মোটেই সমর্থন করছেন না সে। অথচ তাকে বাধা দেবার শক্তিও বোধহয় অভিমতের নেই।

কিন্তু কেন নেই ?

বাধা দিতে গেলে মান থাকবেনা ভেবে ? না বাধা দিতে যাওয়াটা লজ্জার ব্যাপার ব'লে ?

তা হয়তো শেষেরটাই।

আধুনিক-সমাজ স্ত্রীর ওপর কর্তৃত্ব খাটানোর চেষ্টাকে নীচতা ব'লে, সেকলেপনা ব'লে, নিন্দনীয় ব'লে ঘোষণা করে।

তবু !

তবু একবার সে-চেষ্টা ক'রে দেখতে ইচ্ছে হলো অভিমতের।

এর আগে হয়নি, এখন হলো। মায়ের এই নিতান্ত বিচলিত অবস্থা দেখে মনের কোথায় যেন একটা অপরাধবোধ উঁকি মারলো। সত্যি, মার ওপরই কি কোনো কর্তব্য নেই তার ? দায়িত্ব নেই তাঁকে সন্তুষ্ট রাখবার ?

তরতর করে নেমে এলো নীচে।

বিনা ভূমিকায় বললো, 'মঞ্জু, তোমার সখ আর মিটলোনা মনে হচ্ছে। মার দেখছি ভীষণ আপত্তি, বড্ডো বেশী রাগারাগি করছেন।'

মঞ্জরী সকাল থেকে সাংসারিক নানা খুঁটিনাটি কাজ সেরে, সেই মাত্র স্নান করতে যাবার আয়োজন করছিলো। বেশী খুলে চুলগুলোকে ছড়িয়েছে, তখনো

জন্ম
জন্মকে
সার্থী

জট-ছাড়ানো বাকি, আরশির সামনে দাঁড়িয়ে মাথায় চিরুনি
বুলোনোর অবসরে নতুন ক'রে নিজেকে চেয়ে চেয়ে দেখছিলো।

শুধু দেখছিলো বললে হয়তো সবটা বলা হবেনা, দেখছিলো
আর মুহূর্মুহুঃ মুগ্ধ হচ্ছিলো। আরশিটাকে রূপালি পর্দা কল্পনা ক'রে
দর্শকের দৃষ্টিতে দেখতে চেষ্টা ক'রে বিভোর হচ্ছিলো।

তা সত্যি। 'সিনেমাস্টার' হবার মতো চেহারাখানি বটে।

রংটা অবিশিষ্ট খুব ফর্সা নয়, কিন্তু ময়লা রং 'স্টার' হবার
পথ আটকায় না। মুখ চোখ যে নিখুঁৎ! তাছাড়া চুল।

কী চুল তার।

এই ঢেউ-খেলানো চুলের গোছা এলিয়ে দাঁড়ালে—

কে জানে কিভাবে সাজতে হবে তাকে। সামান্যই ভূমিকা
তার—গ্রাম্যবধূ নায়িকার একটি আধুনিক বান্ধবী— মাত্র তিনটি
দৃশ্যে তাকে দরকার। তবু কী রোমাঞ্চ!

ছেলেবেলা থেকে এই এক অন্তত সখ মঞ্জরীর।

অন্ততঃ একবারের জন্যে দূর থেকে, দর্শকের আসনে ব'সে নিজেকে
দেখবে। দেখবে কেমন দেখায় তাকে ঘুরলে-ফিরলে, কথা বললে।
সেই কথা বলার সঙ্গে সঙ্গে কী ভঙ্গি ফোটে চোখের তারায় আর
ঠোঁটের ইসারায়। সে ভঙ্গি দেখে লোকে কী বলে।

ছাত্রী-জীবনে স্কুলে কলেজে অভিনয় করেছে ঢের, কিন্তু তাতে
আমোদ আছে, রোমাঞ্চ নেই। সে অভিনয় নিজের চোখে দেখে
যাচাই করা যায়না।

জন্ম
জন্মকে
সার্থী

কিন্তু স্কুলে কলেজে উৎসব-অনুষ্ঠানে অভিনয় করা,
এক, আর পর্দায় নামা এক। গৃহস্থঘরের মেয়ের
রক্ষণশীল গৃহস্থঘরের বো, বিয়ের আগে একটু পূর্ব-
রাগের স্বেযোগই নাহয় জুটেছিলো, তাই ব'লে এ সখ

মেটবার স্বেযোগ জুটেবে এমন আশা করা যায়না।

তবু জুটেছে স্বেযোগ।

ভাগ্যের দাক্ষিণ্য।

মঞ্জরীর বড়ো জামাইবাবু বিজয়ভূষণ মল্লিক পয়সাওলা লোক, হঠাৎ তাঁর খেয়াল চেপেছে—সঞ্চিত সেই পয়সাকে সহস্রগুণ কাঁপিয়ে তোলাবার। অতএব আর কি।

সিনেমার প্রযোজক।

প্রযোজক যদি বায়না ধরে ছোট্ট একটি ‘রোলে’ নতুন একটি মুখকে নিতে হবে, পরিচালক পারে সে বায়না উপেক্ষা করতে? আর ছোট্ট শ্রালিকাটি যদি জামাইবাবুর কাছে নিতান্ত না-ছোড়, এমন একটি বায়না ধরে যা পূরণ করা তাঁর হাতের মধ্যে, তাহলে— জামাইবাবুরই কি সাধ্য আছে তাতে ‘না’ করবার?

অবিশি তিনি এই সর্বোত্তম রাজী হয়েছেন যে, মঞ্জরীর স্বশুরবাড়ীর এবং স্বশুরপুত্রের খোসমেজাজ অনুমতি থাকলে তবে।

মঞ্জরী বলেছে সে ভার তার।

মঞ্জরীর দিদি সুনীতি বলেছিলো, ‘ককখনো ওদের মত হবেনা, দেখিস্।’

বিজয়ভূষণ বলেছিলেন, ‘আহা, ও কি আর তোমাদের মতো? ‘লভ্’ ক’রে বিয়ে করেছে, ওদের কথাই আলাদা। মত পাবে সে সাহস আছে।’

অনেক বড়ো ভগ্নীপতি, মঞ্জরীকে হামা দিতে দেখেছেন, দিদির ছেলেমেয়েরাই খেলার সাথী ছিলো মঞ্জরীর, কাজেই শ্রালিকাকে ভজলোক ‘তুই-তোকারি’ ক’রে থাকেন।

মঞ্জরীরও তাই যথেষ্ট আবদার।

বিজয়বাবু বলেছেন তিনি আজ সন্ধ্যায় আসবেন

জন্ম
জন্মকে
সার্থী

জট-ছাড়ানোর ঠুংগিতে নিয়ে যেতে, লেখানে অভিনেতা
বুর্জেন্দ্রীদের সকলের সামনে নির্বাচিত বইটি পড়া হবে। হেসে
বলেছেন, ‘তাছাড়া—ভায়রা-ভায়ার সই নিয়ে যাবো। ও যে শেষ-
কালে বলবে “বুড়ো আমার বৌকে ফুসলে বার ক’রে নিয়ে গেছে,”
তার মধ্যে আমি নেই বাবা। অভিমন্যু খোসমেজাজে বাহাল তবিয়েতে
সই ক’রে দেবে—এ ব্যাপার আমি সর্বাস্তঃকরণে সমর্থন করছি,
তবেই আমি তোকে গাড়ীতে তুলবো।’

মঞ্জরী অভিমন্যুকে ব’লে রেখেছে এ-কথা।

অভিমন্যু অবশ্য বলেছিলো, তুমি সাবালিকা।

তবু মঞ্জরী নিশ্চয় জানে, জামাইবাবুর এই ঠাট্টার ছলে বলা
কথার কিছু অর্থ আছে। তাই মুচকে হেসে বলেছিলো, ‘মেয়েরা
আবার সাবালিকা হয় নাকি? তারা তো চিরবালিকা।’

এসব গত রাত্রেই কথা।

সকালে তো মঞ্জরী আছে নিজের মনে, অভিমন্যু আছে নিজের
মনে। চা খাবার সময় ছাড়া দেখাই হয়নি হুঁজনে। শুধু মঞ্জরী
মনে রেখেছে—সন্ধ্যাবেলা জামাইবাবু আসার কথাটা আর-একবার
মনে করিয়ে দিতে হবে অভিমন্যুকে।

মন ভাসছিলো প্রজাপতির পাখায় ভর ক’রে।

তেমনি হাল্কা, তেমনি থরো থরো কম্পনে।

এমনি সময়ে অভিমন্যুর এই প্রতিবাদের হাতুড়ীর ঘা।

জন্ম
জন্মকে
স্মৃতি

অভিমন্যু যদি বলতো ‘আমার কেমন ভালো
লাগছেনা,’ মঞ্জরী গলে জব হয়ে সেই ভালো
না-লাগাকে ভালো লাগিয়ে ছাড়তো। কিন্তু এ যে
অসম্ভব।

এতোদূর এগিয়ে, এতো আশার মুখ দেখে, সহসা এহেন বিরক্তি-
কর কথায় আপাদমস্তক জলে গেলো মঞ্জরীর

চিরনিটা চুলে আটকে ভুরু কঁচকে বললে, 'তোমার মা বুঝি এই
প্রথম শুনলেন ?'

অভিমন্যুর কাছে এ অকুণ্ঠন অপ্রত্যাশিত নয়। তৈরী হয়েই
এসেছে সে। মৃদু হেসে বললে, 'তা অবশ্য নয়। তবে প্রথমটায়
বোধহয় বিশ্বাস করেননি।'

'কেন ? এমনই একটা অবিশ্বাস্ত কথার ?'

'তা অবশ্যই।'

'ও। তাহ'লে সেটা কথার সূচনাতেই ব'লে দাওনি কেন

'তখন ভাবিনি, মা এতো বেশী 'আপসেট' হয়ে যাবেন।'

'ভাবোনি কেন ? ভাবা উচিত ছিলো। নিজের মাকে চেনোনি
এমন নয়।'


অভিমন্যুর মুখটা ঈষৎ আরক্ত দেখায়, তবু সহজকণ্ঠে বলে,
'নিজেকেই চিনিনা, তা—মাতা ভগ্নী জায়া !'

'বুঝিছি। নিজেরই এখন ইয়ে হচ্ছে, তাই সেই অনিচ্ছেকে
মার আপত্তির ছদ্মবেশ পরিয়ে—'

সহসা হেসে ওঠে অভিমন্যু।

রীতিমত শব্দ ক'রে হেসে ওঠে।

'হঠাৎ এতো বড়ো বড়ো কথা ব'লে ফেলছো কেন ? স্টুডিওয়
বাবার নামেই স্টেজের হাওয়া গায়ে লাগলো না কি ? মা সেকেতে
মানুষ, বাড়ীর বোঁ মেয়ে থিয়েটার সিনেমা দেখতে
যাচ্ছে শুনলেই অপ্রসন্ন হয়ে ব'সে থাকেন, সেটা
করতে যাচ্ছে শুনলে রাগ করবেন এটা কি খুব
অস্বাভাবিক ?'



‘আচ্ছা স্বীকার করছি খুব স্বাভাবিক তিনি। সর্বদাই স্বাভাবিক কাজ করছেন। কিন্তু কি আর করা যাবে?’

অপমানে আহত অভিমন্যু তবুও শেষ চেষ্টা দেখে।

আহত হয়েছে এভাব দেখায়না, অবহেলাভরে বলে, ‘করবার সবই আছে হাতে। বিজয়বাবু এলে ব’লে দেওয়া যাবে, মার ভীষণ আপত্তি।’

আর একবার দ্বিতীয় রিপূর বিদ্যুৎ প্রবাহ।

শিরায় শিরায় আগুন ধরিয়ে দেয়।

অভিমন্যু যদি মুষ্কিলে পড়ার ভঙ্গিতে ওর কাছে পরামর্শ চাইতো, ‘বলো দিকি বিজয়বাবুকে কি বলা যায়?’ তাহ’লে হয়তো এমন দপ্ ক’রে আগুন জ্বলে উঠতোনা। কিন্তু ওর এই অবহেলার ভঙ্গি অসহ্য!

মঞ্জরী যেন মানুষ নয়, তার ‘কথা দেওয়ার’ কোনো মর্যাদা নেই যেন।

আবাল্যের সাধ চুলোয় যাক! মান-মর্যাদার প্রশ্নই প্রধান।

তাই এবার আরশির দিকে ঘুরে দাঁড়িয়ে চিরুনিটা বাগিয়ে ধ’রে মঞ্জরী স্থিরস্বরে বলে, ‘না, তা হয়না। আমি কথা দিয়েছি।’

‘কি আশ্চর্য্য! এর আবার কথা দেওয়া-দিইর কি হলো?’

‘হয়েছে।’

‘হলেও অবস্থাটা তিনি বুঝবেন। বাঙালীর ঘরের ছেলে তো, আমিই নাহয় ব’লে দেবো।’

‘না।’



এই একাক্ষরী সংক্ষিপ্ত প্রতিবাদের পর আর কথা চলেনা, অস্তুতঃ অভিমন্যুর মতো অভিমানী স্বামীর পক্ষে।

ঘুরে দাঁড়িয়ে সেও তোয়ালেখানা টেনে নিয়ে চলে যায় স্নানের
উদ্দেশ্যে। একটু আগে ভাবছিলো আজ আর কলেজে যাবেনা,
প্রস্তুত হয়ে বেরোবার গা আসছিলোনা। ঝটু ক'রে মত বদলালো।

নিটোল সুন্দর স্বচ্ছ কাচের বাসনখানা ভিতরে ভিতরে একটু
চিড় খেলো।

বিজয়বাবু দরাজ-গলায় বললেন, 'কই, যে শালা অনুমতিপত্র
সই করবে সে কই?'

'আঃ! আপনি আর জ্বালাবেননা। আমি যেন নাবালিকা!'

সুনীতি এসেছে সঙ্গে।


সে বললো, 'নাহয়, মস্ত সাবালিকা তুই। কিন্তু গেলো কোথায়
সে? আমরা আসবো জানেনা?'

'জানবেনা কেন! বেছে বেছে ঠিক আজকেই ওর কলেজ-
লাইব্রেরীর মীটিং।'

'বলি, তার আপত্তি-টাপত্তি নেই তো?'

'থাকলেই-বা শুনছে কে?'

সুনীতির মনে সায় নেই। সে নিজের বরকে বকতে বকতে
এসেছে, বোনের বরকে নিন্দাবাদ করেছে! এতো ফ্যাসান ভালো
নয়, এই হচ্ছে তার মত। আশা করছিলো, শেষ পর্যন্ত হয়তো
এসে শুনবে অভিমত নিষেধ করেছে। কিন্তু সে আশা ভঙ্গ
হলো। কে জানে এ-সখের ফল কি হবে। শেষ পরিণাম
কোথায় গিয়ে পৌঁছোবে। আত্মীয়-স্বজন হয়তো
নিন্দায় শতমুখ হবে। আর এইসবের জন্মে দায়ী
করবে তারই স্বামীকে। এ কী ঝগড়াটো সেধে ডেকে
আনা।



অভিমতটাও কি তেমনি ?

এ-যুগের ব্যাপারই এই।

আধুনিক হবার নেশায় হিতাহিত জ্ঞান হারিয়ে ব'সে আছে সবাই।

সুন্নীতিদের ছেলেবেলায়—কী কড়াকড়িই ছিলো! অথচ কি এমন যুগ-যুগান্তরের কথা সেটা। বেচারী সুন্নীতি, লেখাপড়া করবার কতো ইচ্ছে ছিলো তার! কিন্তু ক্লাশ নাইনে উঠেই স্কুল ছাড়তে হলো তাকে, বড়ে হয়ে যাবার অপরাধে। ছাড়াবার সময় অবশ্য একবার প্রস্তাব উঠেছিলো, বাড়ীতে একজন 'বুড়োশুড়ো' মাষ্টার রাখবার, কিন্তু সংসারের আর পাঁচটা সাধুপ্রস্তাবের মতোই সে প্রস্তাবও তলিয়ে গিয়েছিলো বিস্মৃতির অতল তলে।

তারপর বছর-দুই কোথা দিয়ে যে কাটলো! মায়ের শরীর খারাপের ধাক্কায় যাবতীয় সংসারের কাজ পড়লো ঘাড়ে। অতঃপর জন্মালো মঞ্জরী। কিশোরী সুন্নীতিকে নিতে হলো মায়ের 'আতুর্ড' তোলার' দায়িত্ব। তখন তো আর এমন হাসপাতালে যাওয়ার রেওয়াজ ছিলোনা? রক্ষণশীল ঘরের বধু কন্ঠারা ভাবতেই পারতোনা সে-কথা।

মঞ্জরী হামা দিতে শিখতে না-শিখতেই বিয়ে হয়ে গেলো সুন্নীতির। মনে আছে, খশুরবাড়ী যাবার সময় কেঁদে ডাসিয়েছিলো বেচারী বোনটিকে কোলে ক'রে। সত্যি বলতে কি, দিদি আমাইবারুর আদরের প্রভাবেই আরো মঞ্জরী এতো দুঃসাহসিক।

জন্ম
জন্মকে
জানি

সুন্নীতিই বাপ মাকে ব'লে-ক'য়ে ওকে কলেজে পড়ানোর ব্যবস্থা ক'রে দিয়েছিলো। বলেছিলো, 'আমাদের তো হলোনা, তবু ওর হোক।' ই্যা, অনেক ছাড়পত্র আছে মঞ্জরীর দাদর কাছে।

কিন্তু তাই ব'লে এতোটা ! বোনের সিনেমায় নামার বদলে যাঁরা
বরদাস্ত হচ্ছেনা সুনীতির, আর শেষ পর্যন্ত রাগটা গিয়ে পড়ছে
অভিমুখ্য উপর !

মঞ্জরী সাজসজ্জা সুরু ক'রে দেয়, সুনীতি এদিক-ওদিক তাকিয়ে
গলা নামিয়ে বলে, 'তোরা শাশুড়ী-বড়িকে... দেখলামনা তো ?
কোথায় ?'

মঞ্জরী গম্ভীরভাবে বলে, 'আমার ওপর চটেমটে মেয়ের বাড়ী
চ'লে গেছেন !'

'সর্বনাশ করেছে ! যা ভেবিছি তাই ! ভাবছিলাম, বুড়ি থাকতে
এসব চালাচ্ছে কি ক'রে ? এখন উপায় ?'

মঞ্জরী গলার হারটা বদলে আর-একটা পরতে পরতে বলে,
'বুড়োবুড়িরা তো চিরকালই থাকবে বড়দি ! তারা গত হ'লে
পরবর্তীকাল আবার বুড়ো হবে ! তাহ'লে সমাজে নতুন কিছুই
চলবেনা ?'

'তোদের সঙ্গে তর্কে পারি এতো বিত্তে আমার নেই !'

বিজয়বাবু বলেন, 'এই ছাখো ! মেয়েটা যাচ্ছে একটা শুভকাজে,
আর তুমি প্যান্‌প্যান্‌ করতে-লেগে গেলে ? কি একেবারে পাপকাজ
করছে যেন ! দোষটা কি ?'

'না দোষ নয়, খুব গুণ !'

ব'লে বেজার মুখে ব'সে থাকে সুনীতি ।

বিজয়বাবুর সঙ্গে তর্কে জিতবে সে সামর্থ্যও
র নেই । তর্কই চলেনা তাঁর সঙ্গে । জীবনভোর
টা ক'রে এলো সুনীতি, স্বামীকে আর কোনোদিন
'পার্লিয়স' ক'রে ছুঁতে পারলেনা । জগতের অন্ধকার

জন্ম
জন্মকে
সার্থী

দিকটা তিনি যেন দেখতেই পাননা। জোর ক'রে, চোখে আঙুল দিয়ে দেখিয়ে দিলে হেসে ওড়ান।

অভিমন্যু যদি ক্ষুণ্ণবাজ তো, তিনি ভোলানাথ।

কিন্তু ক্ষুণ্ণবাজ অভিমন্যুর ভিতর থেকে দেখা দিয়েছে আজ এক কঠিন মূর্তি, তাই না মঞ্জরীর এতো রাগ অভিমান। এই তো আজন্ম দেখে আসছে, দিদি কতো যা-খুশি করে, কই, জামাইবাবু তো কখনো কঠিন হননা।

সেবারে ছ'বছরের কচি ছেলেটাকে ফেলে রেখে সুনীতি যখন পাড়ার লোকের সঙ্গে কেদারবদরী চলে গেলো, ঘরে-পরে কেউ আর নিন্দে করতে বাকি রাখেনি। বিজয়ভূষণের কিন্তু অত্যন্ত শরীর!

মঞ্জরীই যখন দিদির অন্ডায় নিয়ে জামাইবাবুকে বলতে গিয়েছিলো, বিজয়ভূষণ সহাস্তে বলেছিলেন, 'যেতে দে ভাই যেতে দে! তোর দিদির স্বর্গের সিঁড়ি গাঁথা হ'লে আমারও কিছু আশা রইলো। ঝাঁচলের ডগায় বেঁধে হিঁচড়োতে হিঁচড়োতে না নিয়ে যাবে কি? 'টোয়েন্টি-ফোর-আওয়ার্সের সার্ভেন্ট' একটা না থাকলে স্বর্গস্থলের খানিকটা সুখ কমে যাবে যে!'

'থামুন আপনি।' বকে উঠছিলো মঞ্জরী, 'আর এই খোকাটার অবস্থা? বি-চাকরের কাছে আবার অতোটুকু ছেলে ফেলে রেখে যায় লোকে? হৃদশার একশেষ হচ্ছেনা?'

জন্ম
জন্মকে
সাথী

'আহা-হা, আমার ওপর অতোটা অবিচার করিস ভাই।' বলেছিলেন বিজয়ভূষণ, 'আমি বাপ হয়ে হৃদশার একশেষ করছি, এটা কি মুখের ওপর বালো! বলবি নাইয় আড়ালে বলবি।'

‘আড়ালে বলতে আমার দায় পড়েছে। যা বলবো সামনে।’

‘তা বটে। তোরা যে আবার আধুনিক। কিছু রেখে-ঢেকে মিষ্টি ক’রে বলা তোদের আইনে নেই। যাক্, একটা ভালো হলো, এই দু’মাসে শিশুপালন-পদ্ধতিটা শিখে নেবো।’

এই হচ্ছেন বিজয়ভূষণ।

একেই বলে স্বামীর মতো স্বামী! তা নইলে স্ত্রী যতোকণ স্বামীর এবং তার গোষ্ঠিবর্গের মতানুবর্তিনী হয়ে চলতে পারলো ততোকণই ভালোবাসার জোয়ার বইতে লাগলো, অন্ত্যায় মুহূর্তে ভাঁটা—একে কি আর প্রেম বলে?...

উপরোক্ত কথাগুলি ভাবতে ভাবতে জোরে জোরে মুখে স্নো ঘষতে থাকে মঞ্জরী।

অতঃপর মঞ্জরী সাজসজ্জা সেরে চাকরটাকে যথাকর্তব্যের নির্দেশ দিয়ে দিদি জামাইবাবুর আগে আগে গট্-গট্ ক’রে গিয়ে গাড়ীতে ওঠে।

প্রযোজক নতুন, কিন্তু পরিচালকটি অভিজ্ঞ।

বই প’ড়ে তিনি অভিনেতা অভিনেত্রীদের বিশদ এবং প্রাঞ্জল ভাষায় তাদের ভূমিকা বুঝিয়ে দিচ্ছিলেন, কিন্তু মঞ্জরী যেন বারে-বারেই মনের খেঁই হারিয়ে ফেলছিলো। যেসব অভিনেতা অভিনেত্রীদের ছবির পর্দায় দেখে উচ্ছ্বসিত হয়েছে, অভিভূত হয়েছে, তাঁদেরই কয়েকজনকে নিতান্ত কাছে থেকে দেখতে দেখতে উৎসাহ যেন স্তিমিত হয়ে পড়ছে।

এই তো মনীষ চৌধুরী কিছুদিন আগে কি একটা ছবিতে এক ভাবেভোলা আত্মহারা গায়কের পাট ক’রে কী নামই-না করেছিলো। তিন-তিনবার

জন্ম
জন্মকে
সার্থী

সে ছবিটা দেখেছে মঞ্জরী, শুধু মনীশ চৌধুরীর জন্মেই। দেখেছে আর মনে হয়েছে, এ যেন সাধারণ জগতের জীব নয়, কোনো ভাবলোকের। সেই মনীশ চৌধুরী হরদম ব'সে ব'সে সিগারেট খাচ্ছে, তার ফাঁকে ফাঁকে ডিবে খুলে পান খাচ্ছে আর মুঠো মুঠো জর্দা খাচ্ছে!

ছিঃ।

আর এই কাকলী দেবীই বা কি।

চোখে একরাশ কাজল, গালে বড়ো বড়ো ব্রণ, বিস্তীর্ণ রংচঙে শাড়ী ব্লাউজ পরা, দেখলে বিশ্বাস করা যায় ও সাজবে একটি পতিগতপ্রাণা বিলাসলাস্তুবর্জিতা সরলা গ্রাম্যবধূ?

আশ্চর্য্য।

সর্ব্বত্রই কি একেবারে কাছাকাছি এলেই মোহভঙ্গ হয়ে যায়? কি ঘরে, কি বাইরে।

‘কই, কি হচ্ছে? আপনি মন দিয়ে শুনছেন কই?’

ধুরন্ধর পরিচালক তীক্ষ্ণ কটাক্ষে প্রযোজকের শ্যালিকার প্রতি দৃষ্টিপাত ক’রে কোমল অভিযোগ করেন।

‘এখানটা আপনারই ভালো ক’রে শোনা দরকার। মনে রাখুন, বইয়ের হিরোইন শিউলী আপনার ছেলেবেলার বন্ধু। ওর অল্পবয়সে পল্লীগ্রামে বিয়ে হয়ে গিয়েছে, বেশী লেখাপড়ার সুযোগ পায়নি। স্বশুরবাড়ীতে লক্ষ্মী বৌ, রান্না করে, কুটনো কোটে,

জন্ম
জন্মকে
সার্থী

বাটনা বাটে, পুকুরঘাট থেকে জল আনে, সকলের সেবা যত্ন করে। আপনার সঙ্গে অনেকদিন দেখা সাক্ষাৎ নেই। হঠাৎ আপনি—মানে আর কি, কলেক্টর মেয়ে ‘শিখার’ ভূমিকায় আপনি—কি খেয়ালে গিয়ে

হাজির হলেন শিউলীদের গ্রামে।...গিয়ে দেখলেন
এসেছে ঘড়ায় ক'রে জল নিতে।...দেখে আপনার
মাল্যসখীর উদ্দেশে স্ত্রীপুরুষের সাম্য ও নারীর স্বাধীনতা
নিকট ঝাঁঝালো বক্তৃতা, এবং তার উত্তরে হিরোইনে
চকিত ব্যঙ্গহাস্যে সবেগে প্রস্থান। বিশেষ কিছু খাটুনি নেই
আপনার, শুধু—

মঞ্জরী ক্ষীণস্বরে বলে, ‘শুধু ওই একটা দৃশ্যই?’

‘না, না, আরো দু'বার দেখানো হবে আপনাকে, হিরোইনের
কৃত্য শোনানোর প্রয়োজনে। মানে আর কি—মূল বইতে এই
শিখা’ চরিত্রটা ছিলোনা, হিরোইনের চরিত্র ফোটানোর জন্তেই—’

সুনীতি অবশ্য স্টুডিওতে আসেনি, পথেই তাকে বাড়ীতে নামিয়ে
রখে আসা হয়েছিলো। ফেরার সময় একা বিজয়বাবুর সঙ্গে।

বিজয়বাবু সোৎসাহে বলেন, ‘যা দেখলাম, কিছুই নয়! ও
ই দিবি উৎরে যাবি। কি বলিস?’

মঞ্জরী ফিকে হাসি হেসে বলে, ‘কি জানি!’

‘কিছুই নয়’ বলেই তো তার উৎসাহ ঠাণ্ডা মেরে যাচ্ছে।
যে ‘কিছু একটা’ দেখিয়ে দিতে চেয়েছিলো, চেয়ে এসেছে
রাবর। ছোট্ট একটি ভূমিকাতেও সে রাখতে পারতো তার প্রতিভার
ক্ষর। কিন্তু এমনি তার ভাগ্যদেবতার পরিহাস যে, এমন ভূমিকা

কে দেওয়া হলো যেটা গ্রন্থকারের সৃষ্ট চরিত্রই

বইয়ের কাহিনীতে সে ফালতু, শুধু নায়িকার
কে ফোটাতে তার প্রয়োজন। উজ্জল ছবির
ন মসীলিপ্ত পৃষ্ঠপট।

জনম
জনমকে
সাথী

সে ছবিটাপটের মূল্য বোঝবার ক্ষমতা জন্মায়নি মঞ্জরীর, তাই চিরদিনের
আরাম মেটবার সুযোগ পেয়েও খুঁতখুঁতে মন নিয়ে বসে থাকে।

নানা কথা কইতে কইতে বিজয়ভূষণ একসময় বলেন, ‘ব্যাপার
কি বল তো? মনে আর তেমন স্বর্গ দেখছি না কেন? দেখে-
শুনে ঘাবড়ে গেলি নাকি? তাহলে বাপু এখনো বল!’

মঞ্জরী চাঙ্গা হয়ে বসে।

এক ফুৎকারে নিজের মনোবৈকল্য এবং বিজয়ভূষণের সন্দেহ
নস্যাৎ করে দিয়ে ঠোট উল্টে বলে, ‘হ্যাঁ, ঘাবড়ে না আরো
কিছু! ভারী তো!’

‘তাইতো ভাবছি! ও যা পার্ট, ও তো তাদের কাছে অভিনয়ই
নয়। সম্পূর্ণ স্বাভাবিক। ওই শিখা না কি! ওর মতো তাল ঠুকেই
তো আছি তোরা!’

মঞ্জরী হেসে ফেলে বলে, ‘তাই বৈ কি! কতো ভেবে চলতে
হয় তা জানেন? এখন এই ভাবনা হচ্ছে—শাণ্ডীঠাকুরাণী তো
রেগে লাল হয়ে বসে আছেন, এখন—’

বলা বাহুল্য এ-কথাটা এইমাত্রই মনে উদয় হয়েছে মঞ্জরীর।
তবে ভাবনারূপে নয়, কথা বলবার উপায় হিসেবে।

বিজয়ভূষণ এ মনস্তত্ত্বের ধার ধারেন না, চলন্ত গাড়ীর মধ্যে
অট্টহাস্য করে উঠে বলেন, ‘এখন কি করে তাঁকে ‘কালো’ করে
তুলতে সক্ষম হবে, তাই ভাবছো তাহলে?’

জন্ম
জন্মকে
সাথী

গাড়ী এসে দরজায় থামে।

নীচের তলার ভাড়াটেদের ছেলেরা বসে।

সিঁড়ির কাছে, চাকরটা ছিলো তার পাশে।

দিন হ’লে কিছু প্রশ্ন অস্বস্তি করতো। আজ

বাক্যব্যয়ে তাদের পাশ কাটিয়ে তরতর ক'রে উপরে উঠে গেলো মঞ্জরী।

উঠে গিয়ে দেখলো যথারীতি টেবলের উপর খাবার ঢাকা দেওয়া রয়েছে, যথারীতি খাটের কাছে টুল টেনে তার উপর টেবলল্যাম্পটা বসিয়ে একখানা বই হাতে বিছানায় লম্বা হয়ে শুয়ে প'ড়ে আছে অভিমন্যু।

বিরক্ত মনের অবস্থায় হঠাৎ কেন কে জানে ঐ দৃশ্যটা ভারী ভালো লাগলো মঞ্জরীর। তবে নাকি মান খোয়ানোর প্রশ্ন! তাই অভিমন্যুর সঙ্গে কথা না কয়ে শুধু গম্ভীরভাবে বিছানার একধারে গিয়ে বসলো।

বইয়ের নীচে থেকে একবার কটাক্ষপাত করলো অভিমন্যু।

মঞ্জরী বললো, 'মা ফেরেন্নি?'

'ফিরেছেন।'

যাক বাবা! তাহ'লে অন্ততঃ মঞ্জরীর অপরাধের গুরুত্বটা কিছু হ্রাস হয়েছে।

ঈষৎ নড়েচড়ে ব'সে মঞ্জরী সন্ধির সুরে বলে, 'তুমি গিয়ে নিয়ে এলে বুঝি?'

'না তো কি নিজে এসেছেন ব'লে আশা করো?'

আশা?

সহসা অভিমানে চোখের কোণে জলের রেখা স্পষ্ট হয়ে ওঠে। মঞ্জরীর ভাগে একটা নিতান্ত অপ্রধান চরিত্রের ভূমিকা পড়ায় যে অভিমানের মেঘ সঞ্চিত হয়ে উঠছিলো জামাইবাবুর উপর, সেই মেঘটাই ঝরে পড়তে চায় অসতর্কতার মুহূর্তে।

'আমার আবার আশা! কারো কাছেই কিছু

জনম
জনমকে
সার্থী

আশা করবার নেই আমার । চিরদিনের একটা সাধ ছিলো—’

বইটা মুড়ে পাশে রেখে দেয় অভিমন্যু ।

হাতটা বাড়িয়ে অভিমানিনীকে কাছে টেনে নেয় ।

দেখে আপাততঃ মনে হয় মশ্বন সুন্দর কাঁচের বাসনখানার
গায়ের সেই কালো দাগটা, একটা দাগই শুধু । চিড় খাওয়া নয় ।

আর সকালে দু’জনকে দেখে মনে হয় নতুন ক’রে বুঝি প্রেমের
জোয়ার এসেছে দু’জনের প্রাণে ।

পূর্ণিমা দেবী বিরক্ত চিন্তে ভাবেন, ছেলেটা কি অপদার্থ ! দু’দিন
একটু শক্ত হয়ে থাক্ ? তা নয়, গলে যাচ্ছেন একেবারে । ছিঃ !

গতকাল অভিমন্যু দিদির বাড়ী গিয়ে কুপিত জননীকে ফিরিয়ে
নিয়ে এসেছে । বৌয়ের হয়ে অবশ্য কিছু কল্লনাশ্রুত ভাষণ দিতে
হয়েছে তাকে ।...

মঞ্জরী নাকি শুধু ঠাট্টা ক’রে সিনেমা করার কথা জামাইবাবুর
কাছে বলেছিলো, তিনি ভোলানাথ মানুষ, ঠাট্টাকে সত্যি ভেবে সব
ঠিকঠাক ক’রে ব’সে আছেন । মঞ্জরী যদি এখন ‘না’ করে, সে
ভদ্রলোকের আর ‘মুখ’ থাকবে না । কাজে-কাজেই বাধ্য হয়ে
মঞ্জরীকে—ইত্যাদি ইত্যাদি ।

ভোলানাথ বিজয়ভূষণ ঠাট্টাকে সত্যি ভাবলেও ভাবতে

জন্ম
জন্মকে
সার্থী

পারতেন, কিন্তু তীক্ষ্ণবুদ্ধি পূর্ণিমাদেবী মিথ্যাকে সত্যি
ব’লে ভুল করেননা । তবু ভুলের ভান করেন ।
সত্যকে উদ্ঘাটিত করার প্রয়াস পাননা । এ/তবু
ভালো । এই ছদ্মবেশী মিথ্যার অবতারগাটুকু কাঁপে

ছেলে তাঁর কিছু মর্যাদা রেখেছে। অতএব নিম্নরাজি ভাব রেখে ফিরে যাওয়া চলে।

কিন্তু এটুকু তো তিনি আশা করতে পারেন যে, ছ'চারটে দিন অন্ততঃ ছেলে তার বৌকে কিছুটা অবহেলা করবে। রাগ-রাগ বিরক্ত-বিরক্ত ভাব দেখাবে। তা নয়—যেন কাল ফুলশয্যা হয়েছে, ছ'জনে এমনি ভাবে ডগমগ। ছিঃ! একশোবার ছিঃ!

বই প'ড়ে ভূমিকা বুঝিয়ে দেবার পর প্রায় মাসখানেক কেটে যায়, ও পক্ষে আর কোনো উচ্চবাচ্য নেই। মঞ্জরীর নিজের থেকে খোঁজ নিতে লজ্জা করে।

অভিমন্যু বলে, 'তোমার জামাইবাবুর আর কোটিপতি হওয়া হলোনা মঞ্জু, কোম্পানী বোধহয় অঙ্কুরেই নির্বাণ লাভ করলো।'

মঞ্জরী চৌট উন্টে বলে, 'মরুক্কে!'

'আহা, তোমার চিরদিনের সাধটা—'

'কী পার্টই দিচ্ছিলো, মরি মরি। না হ'লেই ভালো।'

স্মৃতিবাজ অভিমন্যুর কঠিন মূর্তিটা আর উঁকি মারেনা। সে তার স্বভাবসিদ্ধ হাস্যে উত্তর দেয়, 'তা সত্যি। নায়িকাই যদি না হতে পেলে, জাত খুইয়ে লাভ কি?'

এদিকে পূর্ণিমাও ক্রমশঃ 'ছোটবৌমা' ব'লে ডেকে কথা কইছেন।

সহসা এই স্থির গঙ্গায় আবার ঢেউ উঠলো।

অপ্রত্যাশিত নয়, কিন্তু অবাস্তিত যে।

তাই আবার অভিমন্যুর জ্যোৎস্নাভরা মুখাকাশে নামলো মেঘ, পূর্ণিমার মুখে অমাবস্যা।

জনম
জনমকে
জাখী

কি একটা ছুটির দিন, বিজয়ভূষণ একেবারে গাড়ী নিয়ে হাজির।

‘একঘণ্টার মধ্যে তৈরি হয়ে নে, বইয়ের মহরৎ হচ্ছে।’

‘মহরৎ?’

‘হ্যাঁ হ্যাঁ! শুভদিন দেখে একদিন—মানে, যে যতোই সাহেব হোক, পাজীপুঁথি দেখে একদিন শুভক্ষণে শুভলগ্নে না কি করতে হয় এসব। মানে, করে সবাই। তোকে আগে খবর দিতে বলেছিলো, আমারই বিস্মৃতি। যাক্গে, দেরী আছে এখনো। তুই তৈরি হয়ে নে, আমি বসছি।’

অভিমন্যু নীরব।

পড়া খবরের কাগজখানা থেকে চোখ আর ফেরাতে পাচ্ছেনা।

মঞ্জরী বিমূঢ়ভাবে একপলক স্বামীর ভাবশূন্য মুখের দিকে তাকিয়ে দেখে দ্বিধাগ্রস্তভাবে বলে, ‘একঘণ্টার মধ্যে তৈরি হয়ে নেবো? সে কি আর সম্ভব হবে?’

বিজয়ভূষণের এসব ‘ভাব’ এবং ভাবশূন্যতার প্রতি দৃষ্টিমাত্র নেই, তিনি সরব প্রতিবাদ ক’রে ওঠেন, ‘একঘণ্টার মধ্যে তৈরি হওয়া যাবেনা? ক’খানা শাড়ী পরবি? হুঁঃ! বললে তো তোমাদের আবার গৌঁসা হয়। সাধে কি আর ‘মানুষ’ কথাটার আগে একটা ‘মেয়ে’ শব্দ জুড়েছে? নে বাবা, সওয়াঘণ্টা সময়ই নে। আমারই যখন দোষ, থাকছি ব’সে। ততোক্ণ একটা তাকিয়া দে, তোফা খানিকটা ঘুমিয়ে নিই। তার আগে এক গ্লাস জল। .. এই যে অভিমন্যু লাহিড়ী, আপনার কার্ড নিন। উঠে প’ড়ে

বেশ পরিবর্তন ক’রে ফেলুন।’

‘আমি? আমি কোথায় যাবো?’

পঙ্কজ হাস্তে প্রশ্ন করে অভিমন্যু।

‘কোথায় আর! সাজঘরে। ছায়াচিত্রের আঁতুড়-

জনম
জনমকে
সার্থী

‘ঘরেও বলতে পারো।’

খ

‘পাগল হয়েছেন।’

‘পাগল তো আমরা হয়েই আছি রে দাদা! এঁদের হাতে যখন পড়েছি।’

‘আমার যাবার দরকার নেই। আপনারাই যান।’

বিজয়ভূষণ সহাস্ত্রে বলেন, ‘কেন, গেলে বুঝি অধ্যাপক মশাইয়ের সম্মানের হানি হবে? এতো তো আধুনিক, এ বিষয়ে এখনো পিউরিটান্ আছো তো? কাল বদলেছে ভায়া, কাল বদলেছে। যেকালে থিয়েটারের রাস্তা কোন্মুখে শুধোলে, সভ্য ভদ্রলোকেরা উত্তর দিতো, ‘জানি কিন্তু বলবোনা’ সেকাল আর নেই। এখন বিশ্ববিদ্যালয়ের অধ্যাপকরাই হচ্ছেন সিনেমা থিয়েটারের কর্ণধার। তাছাড়া গিন্নীকেই যখন পর্দা আলো করতে ছেড়ে দিচ্ছে, তখন আর অতো শুচিবাই করলে চলবে কেন?’

অভিমত্যা অবশ্য এমন নির্বোধ নয় যে ধরা পড়বে। অতএব সেও হাস্যবদনে বলে, ‘কাজ আছে বড়দা, না হ’লে যেতাম।’

‘কাজ! হুঁ! তুমি আবার এতো কাজের লোক কবে হ’লে হে? আসল কথা বুঝেছি, চক্ষুলজ্জা হচ্ছে। আচ্ছা থাক্। এ লজ্জা ভাঙবে। ...ছোটশালী, একটা বালিশ দাও?’

সংবাদটা ঘোষিত হতে দেবী হয়না।

নতুন কোম্পানীর প্রথম বইয়ের মহরতের সংবাদ এবং সেখানে উপস্থিত নিমন্ত্রিত ভদ্রজনের ও শিল্পী-বৃন্দের গ্রুপফটো সাড়ম্বরে ছাপা হয়েছে কাগজে কাগজে। কারণ, অনুষ্ঠানের জন্ত আয়োজন যেমন-

জনম্
জনমকে
জাখী

তেমন হোক, কয়েকটি বিখ্যাত সংবাদপত্রের রিপোর্টারদের সসম্মানে নিমন্ত্রণ ক'রে আনা হয়েছিলো, এবং তাঁদের প্রতি ব্যবহার করা হয়েছিলো ভারতের চিরন্তন ঐতিহ্য “অতিথি নারায়ণ” নীতির অনুসরণে। শেষ-বেশ ভক্তি-অর্ঘ্যের নমুনা স্বরূপ প্রত্যেকের গাড়ীতে তুলিয়ে দেওয়া হয়েছিলো এক-একটি হৃষ্টপুষ্ট সন্দেশের বাস।

বিজয়ভূষণ নিজে ব্যবসাবুদ্ধিহীন হলেও তাঁর যে হিতৈষী বন্ধুটি তাঁকে এক টাকাকে একশো টাকা ক'রে তোলবার ফিকির শেখাতে নামিয়েছেন, তিনি রীতিমত ব্যবসাবুদ্ধিসম্পন্ন। প্রতিপক্ষকৌ প্রথম থেকেই হাতে রাখবার কৌশল প্রয়োগ করেছেন তিনি।

অতএব গ্রুপফটোর প্রত্যেকের তলায় তলায় নাম পরিচয় ছাপা হয়, আর তরুণমহলে কাকলীদেবীর পার্শ্ববর্তিনী নবাগতা মঞ্জরীদেবীর মুখের কাট্ সস্বন্ধে আলোচনা শুরু হয়ে যায়।

এসব ব্যাপারে নামটা যে বদলালে ভালো হতো সে কথা এখন মনে পড়ে, কিন্তু এখন আর ভেবে লাভ কি? ইতিমধ্যে তো আত্মীয়কুটুম্ব বন্ধুবান্ধব সকলের গোচরীভূত হয়ে গেছে নাম।

এ সংবাদ ঘোষিত হবার পর আত্মীয়সমাজে মঞ্জরীর ভয়াবহ ভবিষ্যতের কল্পনা, আর সেই নিয়ে আলোচনা ছাড়া কয়েকদিন আর কোনো কাজ থাকেনা।

অভিমন্ত্যর বন্ধুরা ভাবতে থাকে অভিমন্ত্যর ভবিষ্যৎ।

তারা বাড়ী ব'য়ে এসে ব'লে যায়, ‘নিজের পায়ে নিজে কুড়ুল মারলে ভাই? এখন ফ্যাসানের খাতিরে ক'রে বসলে বটে, পরে পস্তাতে হবে।’

জনম
জনমকে
সার্থী

অভিমন্ত্য প্রতিবাদ করেনা, শুধু হাসে।

বন্ধুরা রেগে বলে, ‘এখন হাসছো? আচ্ছা দেখবো এরপর। পরে কঁাদতে হবে, বুঝলে?’

অভিমন্যু মুচ্‌কি হেসে ঠাণ্ডা গলায় বলে, ‘তখন তোমরা হেসো।’
এমন ভাবে বলে যেন সে হাসিটা অভিমন্যুর কাছে পরম উপভোগ্য
হবে।

বন্ধু সগর্জে প্রশ্ন করে, ‘সখটা কার?’

‘আমারই।’

‘চমৎকার।’

অভিনন্যুর দিদিরা ছুঁজন থাকেন কলকাতায়, ছুঁজন বিদেশে।
যাঁরা বিদেশে থাকেন, তাঁরা আগেই অপর ভগ্নীদের পত্রে কানাঘুসো
কিছু শুনেছিলেন, এখন সংবাদপত্র পাঠমাত্র সবেগে পত্রাঘাত করলেন।
সেসব পত্রের প্রকাশভঙ্গী আলাদা হলেও মর্ম্মকথা একই।

ছুঁজনে ইনিয়-বিনিয় এই কথাই বুঝিয়েছেন—অভিমন্যু
একেবারে পাগল, ক্ষ্যাপা, উন্মাদ, পণ্ডিতমূর্খ, অপরিণামদর্শী
ইত্যাদি ইত্যাদি।

যে দিদিরা কলকাতায় থাকেন, তাঁরা নিজেরাই এলেন সবেগে।


বড়দি রক্তমূর্ত্তি হয়ে বললেন, ‘তুই ভেবিছিস্‌ কি? আমরা কি
মরে গেছি?’

অভিমন্যুর অটল হাসি মুখ।

‘সর্ব্বনাশ! খামোকা এমন অলক্ষণে কথা ভাবতে যাবো কেন?’

‘খাম্‌ খাম্‌! চুপ কর্‌। সব রকমে বংশের মুখ
ডোবালা?’

বলাবাহুল্য এটা অভিমন্যুর প্রেম পরিণয়ের প্রতিও
বক্রোক্তি।



অভিমন্যু বললো, ‘তোমরা ছ’জনে মিলে সেই ডুবন্ত মুখকে টেনে তুলতে পারবেনা ?’

‘কাকে আর কি বলবো ! তোর মতো বন্ধ বেহায়াকে কিছু বলতে আসাই ঝক্কারি ! কিন্তু আমরা যে খণ্ডুরবাড়ীতে মুখ দেখাতে পারছি না। ছোট্টাওর যখন কাগজখানা হাতে ক’রে বাড়ী মাথায় করতে করতে খবর দিলো—বৌদি, কাগজে তোমার ছোট ভাজের ছবি বেরিয়েছে ! এই ঢাখো—নবাগতা মঞ্জরীদেবী ! তখন যেন মাথাটা কাটা গেলো ! ছি ছি !

অভিমন্যু সহাস্রোই বলে, ‘বৌ যখন বিয়ের পর এম্-এ পড়তে চেয়েছিলো, তখনো তো তোমাদের লজ্জায় মাথাকাটা গিয়েছিলো বড়দি !’

‘তাই বুঝি এই অপরূপ গৌরবের কাজটার বেলায় আর কারুর পরামর্শটুকুও নেওয়ার দরকার বোধ করেনি ?’

‘ঠিক বুঝেছো !’

ছোড়দি প্রথমে সরাসর গেলেন ভাইবোঁয়েরই কাছে ।

বললেন, ‘এসব চলবেনা । আমার বাপের বংশের সুনাম কলঙ্কিত করবার তোমার অধিকার নেই ।’

মঞ্জরী এঁদের কাছে বরাবরই নতমুখ নম্রবাক ।

বিয়ের সময় অনেক বাঁকা কথা আর ব্যঙ্গকটাক্ষ সহ্য করতে হয়েছিলো তাকে, কেবলমাত্র অভিমন্যু তাকে ভালোবেসে বিয়ে

জন্ম করেছে এই অপরাধে । সেসব নীরবেই সহ্য করেছে মঞ্জরী । কারণ অভিমন্যু তাকে আগে থেকেই এসব বিষয়ে প্রস্তুত ক’রে রেখেছিলো ।

এখনও চোপা করলোনা ।

শুধু শাস্তভাবে বললো, ‘একটা তুচ্ছ ব্যাপারকে এতো বড়ো ক’রে দেখছেন কেন ছোড়দি ?’

‘তুচ্ছ ? তা তোমার কাছে তুচ্ছ বৈ কি। আমার বাবার বংশমর্যাদার মর্ম তুমি কি বুঝবে ? স্টেজে নেচে গেয়ে দেহমৌষ্ঠব দেখিয়ে, বাহবা কুড়নো যায় ছোটবোঁ, সম্ভ্রম পাওয়া যায়না।’

ঠোট ছোটো কেঁপে উঠলো মঞ্জরীর, কি বলতে গিয়ে থেমে গেলো। মুখটা ছাইয়ের মতো বিবর্ণ কালচে।

অভিমন্যু ওপাশে ইজিচেয়ারটায় শুয়ে পড়েছিল।

ওর ওই মুখের দিকে তাকিয়ে হঠাৎ ভারী মমতা লাগলো তার। চুপ ক’রে থাকতে পারলোনা। বললো, ‘এটা একটু বেশী বাড়াবাড়ি হয়ে যাচ্ছেনা ছোড়দি ?’

‘বাড়াবাড়ি ?’

ছোড়দি নাক কুঁচকে বললেন, ‘তা বটে। বাড়াবাড়িটা আমাদেরই। কিন্তু বলছি, তোর রোজগারে বুঝি আর সংসার চলছেন ? উনি বলছিলেন, অভিমন্যুকে বোলো সে যদি চাকরি করতে চায় তো আমার অফিসে চাকরি ক’রে দিতে পারি। মোটা মাইনের কাজ !’

অভিমন্যু মুচুকে হেসে বলে, ‘ওঃ, তাই বলো ! তোমার উনি ! তা—‘উনি’ যখন বলেছেন, তখন একবার বিবেচনা করা দরকার।’


ছোড়দিকে ‘উনি’ নিয়ে ক্ষাপানো অভিমন্যুর চিরদিনের অভ্যাস।

রাগ ক’রে চলে গেলেন ছোড়দি মাতৃ-দরবারে।

সেখানে অনেক কথা, অনেক আক্ষেপ। শেষ পর্য্যন্ত দেখা গেলো, মা বিনা বাক্যব্যয়ে ছোট মেয়ের সঙ্গে চলে যাচ্ছেন।

অভিমন্যু গিয়ে মার চাদরের খুঁট ধরলো।

‘মা, কি পাগলামী হচ্ছে ?’



মা বললেন, ‘পাগল বলেই তো তোমাদের মতো বুদ্ধিমানদের সঙ্গে থাকা সম্ভব হচ্ছেনা বাবা ! ছাড়ে।’

অভিমন্যু দৃঢ়স্বরে বললে, ‘বেশ, আমাকে ত্যাগ করো তো তোমার অশু ছেলের কাছ থেকে যাও। জামাইবাড়ী গিয়ে থাকা চলবেনা।’

ছোড়দি ফুঁসে উঠে বললেন, ‘ওঃ, তার বেলায় বাবুর লজ্জা চেগে উঠলো কেমন?’

‘তা উঠলো।’

‘কেন, আমরা মার সম্মান নই?’

পূর্ণিমা বাধা দিয়ে বললেন, ‘তর্ক থাক ইন্দু, কারুর বাড়ীতেই আর থাকতে রুচি নেই আমার, তুই বাড়ী যা। আমি খড়দায় গিয়ে থাকবো।’

খড়দায় পূর্ণিমার গুরুবাড়ী।

খড়দায় অবশ্য গেলেননা পূর্ণিমা, কিন্তু এমন ভাবে থাকতে লাগলেন বাড়ীতে, যেন এদের সঙ্গে কোনো সম্পর্ক নেই তাঁর।

ওদিকে স্যুটিং শুরু হয়ে গেছে।

অভিমন্যুর এক অদ্ভুত অবস্থা।

আমার স্ত্রী স্বেচ্ছাচারিণী, তার উপর আমার কন্ট্রোল নেই, একথা স্বীকার করা চলেনা। কাজেই সকলের সমস্ত গালমন্দ হজম করে নীলকণ্ঠ হতে হয় তাকে। লোকের কাছে দেখাতে হয় তার নিজের সাথেই এই অঘটন।

জন্ম
জন্মকে
জাঠা

আর সেই হাসি-ঠাট্টার পরই মঞ্জরীর উপর স্পষ্ট বিরক্তি প্রকাশ করতে লজ্জা হয়। বরং মাঝে মাঝে মুখ ফস্কে বলে ফেলতে হয়, ‘বাবা,

কি যে করছে সব! একেই বলে তিলকে তাল!’

মঞ্জরী চূপ ক’রে থাকে।

কারণ তার নিজের মা দাদাই বাড়ী বয়ে এসে যথেষ্ট কটুকাটব্য
ক’রে গেলেন।

তবু ছবি উঠছে।

লোকলজ্জা শুধু একদিকেই থাকেনা।

এতদূর এগিয়ে, পিছিয়ে পড়াও যে মৃত্যুতুল্য।

‘স্ত্রী আমার অবাধ্য’ একথা স্বীকার করা পুরুষের পক্ষে
অপমানজনক, মেয়েদের পক্ষেও তেমনি অপমানকর—যদি স্বীকার
করতে হয় স্বামী আমার গতিবিধির বিধানকর্তা।

অতএব দাম্পত্যজীবনে আনুক মনোমালিন্যের মালিন্য, সংসারে
নামুক অশান্তির বিষাক্ত বাতাস, বাইরের জগতে সুখ থাক্!

বাইরের লোক জানুক আমি উদার।

বাইরের লোকে জানুক আমি স্বাধীন।

মঞ্জরীর বাপেরবাড়ীর অপরাপর লোকদের এ ব্যাপারে বংশমর্যাদা
হানির প্রশ্ন নেই, কাজেই, তাঁরা সকৌতূহল প্রশ্নে স্টুডিও আর
স্ট্যাটিং সম্বন্ধে জ্ঞান সঞ্চয় করছেন, এবং সহাস্রো বলছেন, ‘ধন্য
মেয়ে! খুব যাহোক কীর্ত্তি রাখলে বাবা!’

অবশ্য এ পক্ষেও এমন ছ’চারজন আছেন।

যথাঃ অভিমম্বুর ছই বৌদি।

তাঁরা একজন থাকেন থিয়েটার রোডে, অপরা
সেন্ট্রাল এভিনিউতে, কিন্তু ‘একদা কি করিয়া মিলন
হলো দৌহে।’ হঠাৎ একদিন একজনের গাড়ী চড়ে

জন্ম
জন্মকে
জাখা

হু'জনে বেড়াতে এলেন পুরনো বাড়ীতে ।

বিজয়া দশমীর পরে সময় সুবিধা মতো একদিন শাওড়ীকে
প্রণাম ক'রে যাওয়া ছাড়া এ-বাড়ীতে পদার্পণ তাঁরা দৈবাৎ
করেন । তবে এলে অবশ্য সপ্রতিভ ভাবের ঘাটতি দেখা যায়না ।

এসেই তাঁরা অভিমন্ত্যর ঘরে জাঁকিয়ে বসলেন ।

বললেন, 'তুমিই যাহোক একটা কিছু করলে ছোট ঠাকুরপো !
চেপ্পোচজনের কাছে বলতে-কইতে মুখোজ্জল । আর কি অদ্ভুতদের
হাতে আমরা পড়েছি ! একালের হালচাল কিছু শিখলোনা গো !
'কেন খালি পয়সা, আর জানে খালি ব্যবসা ! ছিঃ !'

অভিমন্ত্য যুহুহাস্তে বলে, 'সেটা আপনাদের কপাল দোষ নয়,
ক্যাপাসিটির দোষ । গাধা পিটিয়ে ঘোড়া করবার ক্যাপাসিটি
থাকলে আর আক্ষেপ করতে হতোনা ।'

'তা সত্যি ! সে হাতযশ ছোটবৌয়ের আছে । ...তা ছোটবৌ,
সিনেমার পাশ-টাস দিবি তো ভাই ? জীবনভোর খালি রাশরাশ
পয়সা খরচা করেই দেখে এলাম, এবার বিনিপয়সায় দেখা যাবে,
কি বলো মেজবৌ ?'

মেজবৌ হেসে গড়িয়ে পড়েন ।

অভিমন্ত্যর মুখটা আর কিছুতেই স্বাভাবিক থাকতে চায়না ।

মঞ্জরী অতিথি বড়োজায়েদের 'সেবা'র জন্ত ইলেকট্রিক হীটারটাকে
জ্বালতে বসে ।

ওঁরা আর একপালা হেসে মন্তব্য করেন, 'একেই বলে লক্ষ্মীবৌ ।

জনম
জনমকে
সাখা

দরকার হ'লে সিনেমা থিয়েটারও করতে পারে,
দরকার পড়লে গেরস্থালী কাজও করতে পারে ।
আর আমরা ? হি হি হি । পারি খালি খেতে,
ঘুমোতে, আর দিনদিন মোটা হতে । ...ছোটবৌ

আমাদের দলে আসেনি। দিব্যি তালপাতার সেপাইটি আছে।
না থাকলেই-বা চলবে কেন? হ্যাঁ রে ছোটবো, নাচতে-টাচতে
হবে তো?’

এমনি করেই মঞ্জরীর জীবনের একান্ত সাধ পূর্ণ হয়।

মনে মনে শতবার নিজের কান মলে মঞ্জরী, আর ভাবে, যা
হয়েছে হয়েছে বাবা, এই শেষ। কে জানতো এতোটুকু একটা
জিনিস নিয়ে এতো তোলপাড় হবে!

ছবি রিলিজের দিন বিজয়ভূষণ আবার এলেন।

আজ আর ছাড়াছাড়ি নেই, যেতেই হবে অভিমন্যুকে।

না যাওয়াটা অশোভন।

তাছাড়া—আজ না গেলে ধরা পড়ে যাবে অভিমন্যুর বিরুদ্ধ
মনোভাব।

কৌতূহলও আছে। আর—আর?

হ্যাঁ, মমতাও আছে বৈকি!

সত্যিই কি আর পাষণ হয়ে গেছে অভিমন্যু? ও কি আর
মঞ্জরীর জল ছলোছলো চোখ, অভিমানে কাঁপা কাঁপা ঠোঁট, আর
বিষাদ বিষাদ মুখ দেখতে পাচ্ছেনা? না, দেখে মন কেমন করছেনা?
কিন্তু কি করবে? ঘরে পরে সকলে ব্যাপারটাকে এতো বেশী
ফনাচ্ছে, আর এতো ধিকার দিচ্ছে অভিমন্যুকে, যার
দ্রুত কিছুতেই সহজ হতে পারছেননা সে।

বাইরে যতো হাস্তবদনে লোকের কথা ওড়াচ্ছে,
ভতরে ততো গুম হয়ে যাচ্ছে।

জনম্
জনমকে
সার্থী

আজ তাই ফসাঁ পাঞ্জাবীর ওপর দামী একখানা শাল চাপিয়ে,
ছবি দেখতে যাবার জন্তে প্রস্তুত হয়ে মঞ্জরীর কাছাকাছি এসে,
নিজস্ব ভঙ্গিমায় হাসি হাসি সুরে বললো, ‘কি রকম দেখাচ্ছে ?
স্টোরের বর ব’লে মনে হচ্ছে ?’

অনেকদিন এমন ভালো সুরে কথা বলেনি অভিমন্যু ।

কিসে যে কি হয় ! জল ছলোছলো চোখ আর শুধু ছলোছলো
থাকেনা, উছলে ওঠে ।

‘এই ছাখো ! এ কী হচ্ছে ? আরে ?’

মঞ্জরী ফসাঁ পাঞ্জাবী আর দামী শালকে কেয়ার করেনা ।
চোখের জলে ভিজে ওঠে সেগুলো ।

অভিমন্যু ধীরে ধীরে ওর মাথায় হাত বুলোয় ।

নিজের উপর নিজের ভারী একটা দিক্কার আসে, আসে অনু-
শোচনা । বেচারী মঞ্জু, না বুঝে একটা ছেলেমানুষী ক’রে ফেলেছে
সত্যি, কিন্তু তার জন্তে কম লাজনা তো পাচ্ছেনা ! আর
অভিমন্যুও কি না নিতান্ত নির্মায়িক ভাবে বাইরের লোকের মতোই
ব্যবহার করেছে ! করেছে ব্যঙ্গ বিদ্রূপ আর বিরূপতা !

নাঃ ! ভারী অশ্রায় হয়ে গেছে ।

কি একটা বলতে গেলো, বলা হলোনা ।

বিজয়ভূষণ হাঁক পাড়লেন, ‘প্রাইজ-ট্রাইজগুলো পরে এসে দিলে
হতোনা ? ওদিকে যে সময় চলে গেলো ।’

জনম
জনমকে
সার্থী

সময় চলে গেলো ।

তাই বটে ।

সময় ছুটেছে । তাই মানুষও ছুটেছে উর্দ্ধশ্বাসে ।

ছ’দও বসার অবসর নেই, অবসর নেই শান্ত হয়ে

ব'সে একবার আপনার হৃদয়খানিকে মেলে ধরবার। অবকাশ নেই
আপনাকে নিয়ে চিন্তার ঘাটে ঘাটে ফিরে একবার যাচাই ক'রে
নেবার। শুধু ছুটে চলো। সময়ের পিছু পিছু।

অশান্ত উদ্বেগ।

হৃঃসহ প্রতীক্ষা।

ঝাঁঝাঁ করছে মাথা, ছায়াছবির কাহিনী ছায়ার মতো চোখের
সামনে দিয়ে ভেসে চলে যাচ্ছে, চৈতন্যের জগৎ পর্যাস্ত পৌঁছাচ্ছেনা।
কখন আসবে সেই মহামুহূর্ত! যখন পর্দার গায়ে ঝলসে উঠবে
অশরীরী একখানি শরীর। দেহ নয়, দেহাতীত।

জ্ঞানাবধি বহু রূপে, বহু সাজে আরশির মাঝখানে যাকে দেখেছে,
দেখে মুগ্ধ হয়েছে, ভালোবেসেছে, আশ মেটেনি, তাকে নতুন রূপে
নতুন সজ্জায় অভিনব এই পর্দার আয়নায় একবার দেখবার জন্তে
কতো না সংগ্রাম।

আজ সেই সাধনার সিদ্ধি, সেই স্বপ্নের সাফল্য।

মন্ত্রাবিষ্টের মতো নিথর হয়ে ব'সে আছে মঞ্জরী।


বিশ্বাস হচ্ছেনা সত্যিই ওকে, দেখা যাবে।

বুঝতে পাচ্ছেনা, দেখে ওকে বোঝা যাবে কিনা।

অবশেষে এলো সেই ক্ষণ।

মঞ্জরী এসে দাঁড়িয়েছে পর্দার গায়ে! ঘুরলো
ফিরলো, কথা বললো, চলে গেলো। আবার এলো
আবার কথা বললো।

কিন্তু কি কথা বললো? কি স্বর? কার স্বর?



অবগেন্দ্রিয়ের শক্তি কি হারিয়ে ফেলেছে মঞ্জরী? নইলে কোনো কথা শুনতে পাচ্ছেনা কেন? ওর সমস্ত ইন্দ্রিয়গুলোই কি শুধু চোখের তারায় এসে হাজির হয়েছে?

‘কি রে, উঠবি না কি? বাহুজ্ঞানশূন্য হয়ে গেছিস্ যে একেবারে!’

সুনীতির ঠেলায় চম্কে উঠে, উঠে দাঁড়ালো মঞ্জরী।

‘চল্ চল্, ওরা নেমে গেলো!’

ব’লে সুনীতি চলে এগিয়ে। দেখা গেলো, সুনীতির মেয়েরা হাসতে হাসতে ঠেলাঠেলি ক’রে সিঁড়ি দিয়ে নামছে।

গাড়ীতে উঠতে ছাড়াছাড়ি।

বিজয়বাবু এখন যাচ্ছেননা, এখানে আরো বন্ধুবান্ধব রয়েছে। সুনীতি মেয়ে-ছেলেদের নিয়ে চলে গেলো বাড়ীর গাড়ীতে, এরা ফিরে এলো ট্যাক্সিতে।

হু’জনের কেউ কথা বলছেননা।

ট্যাক্সির মধ্যে অথগু নীরবতা।

শুধু থেকে থেকে এক-একটা হালকা নিঃশ্বাস ছড়িয়ে পড়ছে বাতাসে। কে জানে সে নিঃশ্বাস উঠছে কার বুক থেকে।

জন্ম
জন্মকে
জানি

প্রথম কথা কইলো অবশ্য অভিমন্যুই।

গায়ের জামাটা খুলে আলনায় টাঙিয়ে রাখলো আর সেই অবকাশে পিছন ফিরেই বললো, ‘বেছে বেছে ভূমিকাটি দিয়েছে ভালো!’

মঞ্জরী আজ প্রতিজ্ঞা করেছিলো কিছুতেই রাগবেনা। 'লছে।
মানেই তো হার মানা।

কিন্তু অভিমন্ত্যর এই সূক্ষ্ম ব্যঙ্গমিশ্রিত ছোট্ট মন্তব্যটুকু সে
প্রতিজ্ঞা বজায় রাখতে দিলোনা।

সেও ব্যঙ্গের সুরে ব'লে উঠলো, 'তা সত্যি বটে। নায়িকার
ভূমিকাটা পাওয়া উচিত ছিলো আমারই।'

'নায়িকা না হোক, অন্য কিছু হতে পারতে। পর্দার গায়ে রূপই
যদি ফোটাতে হয় তো এমন কদর্য্য রূপ কেন?'

'কদর্য্য!'

'তাছাড়া? যেমনি চ্যাটাং চ্যাটাং বুলি, তেমনি কুৎসিত মুখ-
ভঙ্গি! করেছিলে কি ক'রে তাই ভাবছি।' ব'লে নাক কুঁচকে
বিছানায় এসে বসে অভিমন্ত্য।

আর ঠিক সেই মুহূর্তে মঞ্জরীরও মনে হলো—সত্যিই তো, কি
ক'রে করেছিলো সে।

বিজয়ভূষণ বলেছিলেন, 'তোরা কাছে তো সে পার্ট পার্টই নয়,
ছাচারাল! দিব্যি একখানি আপ'টুডেট মেয়ে।'

কিন্তু সত্যিই কি তাই?

চরিত্রটা একটি অতি আধুনিক মেয়ের ব্যঙ্গচিত্র।

সুদূর অরণ্যে উঠলো আলোড়ন।

অনেকদিনের সঞ্চিত অশ্রু, অনেকক্ষণের ভারাক্রান্ত হৃদয়ভার,
অনেক অপমানের জ্বালা আর অভিমানের বেদনা, সহসা উথলে
উঠলো ছরস্তু বাষ্পোচ্ছ্বাসে। আর সেই নিতাস্ত
পরাজয়ের স্বাক্ষর অভিমন্ত্যর কাছে প্রকাশ হয়ে
পড়বার ভয়ে দ্রুতপদে ঘর থেকে বেরিয়ে গেলো
মঞ্জরী অভিমন্ত্যর দিকে না তাকিয়ে।

জন্ম
জন্মকে
সার্থী

সারারাত এলোনা এ-ঘরে ।

অভিমন্যুও ডাকলোনা মান খাটো ক'রে । ভাবলো, 'উঃ, এতো রাগ

অভিমানের বেদনাকে রাগ ভেবে ভুল করেই তো সংসারে যতো অনর্থপাত ।

সমস্ত রাত ঘুমিয়ে উঠে শূণ্য শয্যার দিকে তাকিয়ে অভিমন্যু প্রতিজ্ঞা করলো, বেশ, ওর কোনো কথায় আর থাকবোনা । ওকে দেখিয়ে দেবো ওর কোনো ব্যাপারেই কিছু যায়-আসেনা আমার ।

আর সমস্ত রাত জেগে আর ভেবে মঞ্জরী সংকল্প করলো, বেশ, আরও একবার নেবো চান্স্ । সেইবো আত্মীয় বন্ধুর গল্পনা, কুড়োবো নিন্দে, তবু দেখিয়ে দেবো ওকে, সুন্দর রূপ ফোটাবার ক্ষমতাও মঞ্জরীর আছে । মহিমাময় সুন্দররূপ ।

প্রেমে উজ্জ্বল, গৌরবে সমুজ্জ্বল !

কিন্তু কোথায় সে চরিত্র ?

বিজয়ভূষণের সখ বোধকরি একবারেই মিটবে, মঞ্জরী কাকে ধরবে তবে ?

লুকিয়ে গিয়ে পরিচালক কানাই গোস্বামীর সঙ্গে দেখা করবে ? আবদার করবে তাঁর পরবর্তী ছবির নায়িকার ভূমিকার জন্যে ?

সে কি সম্ভব ?

ছোটজা ও ছাওরকে নেমন্তন্ন করার সখ অভিমন্যুর বৌদিদের কদাচ দেখা যায় ।

জন্ম
জন্মকে
সার্থী

সেই কদাচটি দেখা গেলো ক'দিন পরে—মেজবৌদি রঞ্জিতার কাছ থেকে । টেলিফোনে নেমন্তন্ন নয়, মেজদা প্রবীর স্বয়ং অফিস ফেরত গাড়ী ঘুরিয়ে এসে বসে

গেলেন, 'ওরে মনু, তোর বৌদি কাল তোদের যেতে বলেছে।
ওখানেই খাওয়া-দাওয়া করবি। ছোটবৌমাকে নিয়ে যাস্ অবিশি
ক'রে।'।

‘হঠাৎ নেমস্তন্ন ?’

‘নেমস্তন্ন-টেমস্তন্ন কিছু নয়, অনেকদিন তো একসঙ্গে খাওয়া-
টাওয়া হয়নি, তাই তোর বৌদি বললে—ব’লে এসো ওদের। ছুটি
রয়েছে কাল। নতুন কি এক পোলাও রান্না শিখেছেন—’

‘আমার ওপর দিয়ে এক্সপেরিমেন্ট চালানো হবে বুঝি ?’

হেসে উঠলো অভিমন্যু।

হেসে উঠলেন মেজদাও। হাসির আওয়াজ মেলাবার আগেই
স্টার্ট দিলেন গাড়ীতে। জানা আছে মা এখানে নেই, নিশ্চিত।
থাকলে সৌজন্যবোধের দায়ে একবার অন্ততঃ নামতে হতো দেখা
করতে।

যেতেই হবে।

বড়ো ভাই ছোট ভাইকে আদর ক’রে অনুরোধ ক’রে গেছে
‘অনেকদিন একত্রে খাওয়া হয়নি’ ব’লে, এ আমন্ত্রণ উপেক্ষা করা
যায়না। কিন্তু মঞ্জরী বঁকে বসলো।

বললো, ‘তুমি যাও, আমি যাবোনা।’

‘না যাবার কারণটা কি দর্শাবো ?’

‘বোলো, শরীর খারাপ।’

‘কেউ বিশ্বাস করবেনা।’

‘তা বটে।’ মঞ্জরী তীক্ষ্ণস্বরে বলে, ‘তোমার
আত্মীয়স্বজনের কাছে আমার তো ওই প্রাপ্য। যাক্,
আজ বিশ্বাস না করুন, ভবিষ্যতে করতেও পারেন।’

জনম
জনমকে
সার্থী

অভিমন্যু থম্কে বললো, 'মানে ?'

'মানে নেই ।'

'মানে নেই ?'

'না ।'

অভিমন্যু একবার ওর মুখের দিকে তাকালো । ...সত্যিই তো
অস্বাভাবিক ক্লান্ত আর করুণ দেখাচ্ছে মঞ্জরীকে । মুখটা শুকনো,
রংটা ফ্যাকাসে, চোখদুটো ছলছলে । চোখের নীচে কালি । ভারী
মায়া লাগলো ।

কতোদিন মঞ্জরীর মুখের দিকে তাকিয়ে দেখেনি অভিমন্যু ?

সন্দিগ্ধভাবে বললো, 'ঠিকই তো । তোমাকে তো খুব খারাপই
দেখাচ্ছে । কি হয়েছে বলো তো ?'

অভিমানিনীর বড়ো ভয়, পাছে প্রিয় স্নেহস্পর্শের বাতাসে
ঝ'রে পড়ে পাতার আগায় আগায় সঞ্চিত শিশিরকণা । সে বড়ো
লজ্জার ।

তার চাইতে হেসে ওঠা ভালো ।

হোক সে হাসি অস্বাভাবিক ।

'হবে আবার কি ?'

'এতো ক্লান্ত দেখাচ্ছে কেন ?'

'ইচ্ছে ক'রে শরীর খারাপ দেখাচ্ছি, অভিনেত্রী কিনা ।'

অভিমন্যু নিষ্পলক দৃষ্টিতে একবার ওর এই অসঙ্গত হাসি-
মাখানো মুখের দিকে তাকিয়ে থেকে শাস্তভাবে বললো, 'কি জানি ।

তবে না গেলে কিন্তু মেজদা মেজবৌদি খুব দুঃখিত
হবেন ।'

'তুমি তো যাচ্ছে ।'

'আমি তো আধখানা ।'

জন্ম
জন্মকে
সার্থী

মিষ্টি একটু হাসলো অভিমন্যু ।

‘তুমি একাই একশো ।’

মঞ্জরীও হাসলো একটু, আরো মিষ্টি ক’রে ।

‘সত্যিই যাবেনা ?’

‘না গো । ভালো লাগছেনা ।’

‘আমার মন কেমন করবে ।’

‘আহা ।’

‘আহা মানে ? মেজবোদির হাতের নতুন পোলাও খাবো আর চোখ দিয়ে জল ঝরবে !’

নিজস্বভাবে খিলখিল ক’রে হেসে উঠলো মঞ্জরী, অনেকদিন আগের মতো । হেসে হেসে বললো, ‘তা ঝরতে পারে । সব-মশলার সেরা মশলা যে লঙ্কা, মেজদি এ থিয়োরীতে বিশ্বাসী ।’

‘বাড়ীতে তাহ’লে আজ তোমার জন্মে ভালো ভালো রাঁধতে দাও ?’

‘কি যে বলো ।’

‘কেন, অন্তায় কি বলেছি ? নিজেদের বিষয়ে উদাসীন ভাব, ওটা পৌরাণিক হয়ে গেছে ।’

‘উদাসিনী আবার কি ? রোজ কতো যেন খাচ্ছি !’

‘খাচ্ছেনা ?’

অভিমন্যু আর একবার সন্দিগ্ধ দৃষ্টিপাত ক’রে বলে, ‘আমার ওপর রাগ ক’রে খাওয়া-দাওয়া ছেড়ে দিয়েছো ?’

‘হ্যাঁ, দিয়েছি । বাজে কথা ছেড়ে দিয়ে চান করতে যাও দিকি ! দেরী হ’লে মেজবোদির কাছে বকুনি খাবে ।’

‘ওই জিনিসটাই তো খেয়ে মানুষ আমি ।’

জন্ম
জন্মকে
জার্থী

অস্তিত্ব দিতে স্নানের ঘরে গিয়ে ঢোকে অভিমন্যু ।

তার উদ্দাম স্নানের কলকল্লোল ধ্বনি শোনা যায় বাইরে থেকে ।

চিরদিনের নির্মল নীল আকাশ কখনো ঢাকা প'ড়ে যায় ভুল বোঝার কুয়াশায়, আবার ঝলসে ওঠে সহজকথা আর সহজহাসির সূর্য্যোদয়ে ।

ওখানে গিয়ে অভিমন্যু দেখলো চাঁদের হাটবাজার । দুই দিদি এসেছেন, এসেছেন মা । বড়বৌদিও এসেছেন বড়দাকে বাড়ীতে রেখে । মোটকথা বেশ মোটা খরচা ক'রে বসেছেন মেজগিন্নী ।

উপলক্ষ ?

উপলক্ষ কিছু নয়, এমনি ।

তবে নাকি অভিমন্যু চিরকালে ছুটু, তাই আবিষ্কার ক'রে বসলো অন্তর্নিহিত উপলক্ষ্য—অভিমন্যুর বিচার ! কিন্তু বড়ো ব্যথা পেয়েছেন এঁরা, তার অপরাধের দলিলটি সঙ্গে না দেখে । তাই'লে সত্যিকার জমতো !

‘ছোট বৌ এলো না ?’

‘ওমা, সেকি ?’

‘কেন ?’

‘শরীর খারাপ ?’

জনম
জনমকে
সার্থী

‘কই, কাল কিছু শুনলামনা তো ?’

‘হঠাৎ এমন কি হলো যে একবারটির জন্তে আসতেই পারলোনা ?’

এক ডজন প্রশ্নকর্ত্রী, উত্তরদাতা একা অভিমন্যু ।

প্রত্যেকের প্রাণেই অবিখ্যাসের সুর। প্রত্যেকের মুখেই আশা-
ভঙ্গের স্নানিমা।

আশাভঙ্গের আক্ষেপ শেষ হ'লে শুরু হলো আসল কাজ।

‘অভিমন্যু কি ভেবেছে?’

‘একবারেই শিক্ষা হয়েছে, না জের চলতে থাকবে?’

‘ও বড়ো ভয়ানক নেশা।’

‘বাঘিনীর কাছে রক্তের আশ্বাদ! এইবেলা অন্ধুরে বিনষ্ট না
করলে অভিমন্যুর আর রক্ষে নেই।’

‘স্ত্রী যদি প্রফেশনাল অভিনেত্রী হয়ে দাঁড়ায়, অভিমন্যুকে
আর প্রফেসরি ক’রে খেতে হবে?’

নানা ছন্দে, ভাষার নানা কসরতে এই একই প্রশ্ন।

আশ্চর্য্য! অভিমন্যু আগাগোড়াই অবিচল। স্ত্রীর কাজটাকে
আদৌ নিন্দনীয় ব'লে স্বীকার করলোনা সে, উল্টে সমর্থন করলো।
বললো, ‘কার ভেতরে কি প্রতিভা লুকোনো থাকে, কে বলতে
পারে? হয়তো—কালে মঞ্জরীদেবীই বাংলাদেশের শ্রেষ্ঠ তারকা
হয়ে উঠবেন।’

‘প্রতিভা! প্রতিভার গলায় দড়ি! তুই তখনো বেশ বড়োমুখ
ক’রে বেড়াতে পারবি তো?’

‘অবশ্যই! কেন নয়? তখন বড়ো গাড়ী চ’ড়ে বেড়াবো নিশ্চয়?
বড়ো গাড়ী চড়লে মুখ আর বুক আপনিই বড়ো হয়ে ওঠে।’

‘ছাত্রীরা গায়ে ধুলো দেবে।’

‘ছাত্রী? দিন পেলে আর ছাত্রী ঠেঙাতে যাচ্ছে
কে? পায়ের ওপর পা দিয়ে ব’সে খাবো। এবং
ভবিষ্যতে একদিন ডিরেক্টর হয়ে জাঁকিয়ে বসবো।’

জন্ম
জন্মকে
সার্থী

কথায় কথা বাড়লো, তর্কে তর্ক ।

কিন্তু কিছুতেই পেড়ে ফেলা গেলোনা অভিমন্যুকে ।

মঞ্জরীকে মনে মনে ধন্যবাদ দিলো অভিমন্যু, না-আমার জ্ঞে !
তারিফ করলো তার বুদ্ধির । সঙ্গে এলে সামনে থাকলে কি
হতো বলা যায়না । থাকলে হয়তো এতো ফ্রী হতে পারতোনা
অভিমন্যু ।

অবশেষে এঁরা হাল ছাড়লেন ।

বুঝলেন একেবারে স্ত্রৈণ হয়ে গেছে ছেলেটা ।

এরপর সমস্তা পূর্ণিমাদেবীকে নিয়ে । রাগ ক'রে চলে গিয়ে-
ছিলেন মেয়ের বাড়ী, সেখানে অতিষ্ঠ হয়ে উঠেছেন । অথচ জেদ
রয়েছে প্রবল ।

অতিষ্ঠ অবশ্য উভয়পক্ষেই ।


ছোটমেয়ে এসে অভিমন্যুকে বললো, 'তোরা উচিত মাকে
সাধ্যসাধনা ক'রে নিয়ে যাওয়া ।'

অভিমন্যু ভুরু কৌচকালো, 'সাধ্যসাধনা মানে ? কেন ?'

'মা কিরকম অভিমান ক'রে এসেছেন জানিস্না সে কথা ?'

'এমনও তো হতে পারে, আমিও তাতে ভীষণ অভিমানাহত
হয়ে ব'সে আছি ।'

'বকিস্নে । তোরা রাগের মুখ আছে ? ভেবেছিলাম ছোটবৌকে
নিয়ে তুই আসবি আমার বাড়ী ।'



'অদ্ভুত ! দেখছি—মা মেয়ের বাড়ী তোকা
আরামে রয়েছেন ।'

ভাবনা ধ'রে গেলো ছোড়দির ।

মতলব কি এদের ?

বুড়ো মাকে তার ঘাড়ে চাপাতে চায় নাকি ? হতে পারে ।
বৌ যদি হাওয়ায় ওড়েন, মাকে নিয়ে ঝঞ্জাট তো । না বাবা,
এই বেলাই প্রতিকারের দরকার ।

অশ্রুপন্থা ধরলো ।

‘আরামে থাকলে কি হবে, এদিকে অন্তরে অন্তরে কোলের
ছেলের জন্তে হেদিয়ে পড়েছেন ।’

‘তাই নাকি ? তোমার তো খুব অন্তদৃষ্টি !’

আর কোনো কথা হলোনা । অভিমন্যু মার ধারেকাছেও
ঘেঁষলোনা, অথচ সবাইকে আশ্চর্য্য ক’রে দিয়ে গাড়ীতে উঠতে
গিয়ে অভিমন্যু অবলীলাক্রমে বললো, ‘মা, এসো ।’

যেন ওর সঙ্গেই এসেছিলেন পূর্ণিমা ।

বলা বাহুল্য, দ্বিরুক্তিমাত্র না ক’রে পূর্ণিমা গিয়ে গাড়ীতে
উঠলেন ।

আর বাড়ী এসে ? .

বাড়ী এসে ছ’দিন পরেই আবিষ্কার করলেন পূর্ণিমা, শরীর
খারাপ হবার সঙ্গত কারণ আছে মঞ্জরীর ।

পুলকে উল্লসিত হলেন পূর্ণিমা ।

ভাবী পৌত্রের মুখ সন্দর্শনের আশায় যতোটা না
হোক, মঞ্জরীর ডানা ভাঙলো ভেবে ।...নাও, এইবার
করো যা খুশি ? আর চলবেনা । জন্ম, একেবারে
জন্ম !

জন্ম
জনমকে
সার্থী

সৃষ্টির আগে মানুষের সৃষ্টিকর্তা মেয়েমানুষকে জন্ম করে রাখবার
যে অপূর্ব কৌশল আবিষ্কার করেছিলেন, মনুষ্যসমাজ তার সুযোগ
নিয়ে আসছে পুরোপুরি।

মেয়েমানুষ মেয়েমানুষকে ছেড়ে কথা কয়না।

বিজয়ভূষণ আরাম কদারায় লম্বা হয়ে পা নাচাতে নাচাতে
বললেন, ‘সুনীতি, তোমরাই তোমাদের চিনেছো।’

সুনীতি বালিশে ওয়াড় পরাচ্ছিলো, হাতের কাজ স্থগিত রেখে
ভুরু কুঁচকে বললো, ‘মানে?’

‘মানে, যা বলেছিলে তাই। তোমার ভগিনী বলছে, আবার
ছবিতে নাববে।’

‘বলেছে এই কথা? কাকে বলেছে?’

‘কাকে আবার? আমাকে।’

‘তোমাকে!’ সুনীতি সন্দিগ্ধভাবে বলে, ‘তোমাকে ও পেলো
কখন?’

‘আছে রহস্য! পাবার চেষ্টা করলে নিভৃতের অভাব আছে?’

‘রক্ত রাখো! গিয়েছিলে বুঝি?’

‘হুঁ! তা নয়! এতো সাহস আছে যে, তোমার অজ্ঞানিতে
শালীসঙ্গসুখ আশ্বাদন করতে যাবো? চিঠি লিখেছে হে গিন্নি,
চিঠি লিখেছে।’

জন্ম
জন্মকে
জাখা

‘চিঠি? ওমা! চিঠি আবার কখন এলো?
আমি দেখলাম না।’

‘অফিসের ঠিকানায় লিখেছে। ভেবেছিলো
বোধহয় তুমি টের পাবেনা।’

‘ঢং ! কই দেখি চিঠি !’

বিজয়ভূষণ বুকপকেটে একটা হাত দিয়ে করুণস্বরে বলেন, ‘দিয়ে দেবো ? জীবনের প্রথম পরস্ত্রীপত্র নিজের স্ত্রীর হাতে তুলে দেবো ?’

‘তাহ’লে রাখো, বক্ষপঞ্জরের কোটোয় তুলে রাখো ।’

ব’লে সুনীতি রাগ রাগ ভাবে একটা ছোট ওয়াড় একটা বড়ো বালিশে টানাটানি ক’রে পরাতে চেপ্টা করে, আর ঘর ফাটিয়ে হেসে ওঠেন বিজয়ভূষণ ।

‘করছো কি ? এভাবে ধরা পড়ছো ? ওদিকে বালিশ বেচারার বক্ষপঞ্জর যে চূর্ণ হয়ে গেলো ! এই নাও । এরপর আটকে রাখা হৃদয়হীনতা ।’

বলা বাহুল্য ততোক্ষণে চিঠিটা কেড়েই নিয়েছে সুনীতি ।


চোখটা বার-দুই বুলিয়ে নিয়ে চিঠিখানা মুঠোয় চেপে সুনীতি অগ্নিমূর্তি হয়ে বলে, ‘দেখলে ? বলিনি আমি ? বলিনি একবার বাঁধ ভেঙে দিলে আর রক্ষা নেই ! নাও, এখন শালীর হিরোইন হবার সাধ কি ক’রে মেটাবে মেটাও । তুমি ! তুমিই যতো নষ্টের মূল । তুমিই ওর মাথা খেলে ।’

বিজয়ভূষণ সহাস্রো বলেন, ‘তাহ’লে ছাখো, এই বুদ্ধবয়সে সে ক্যাপাসিটি রাখি ।’

‘আচ্ছা যাচ্ছি আমি, সেই রাফুসীকে দেখে নিচ্ছি ।’ সুনীতি বিষদৃষ্টি হেনে ঘর থেকে বেরিয়ে যায় ।

কিন্তু যাবে কোথায় ? বিজয়ভূষণও সঙ্গে সঙ্গে পিছু নিয়েছেন ।

খপ্ ক’রে আঁচলটা ধ’রে ফেলে বলেন, ‘ওর



আগুঁমেটটা কিন্তু খুব অসঙ্গত নয়। নেমেইছে যখন, তখন একবার একটা পার্টের মতো পার্টে নেমে, লোককে তাক্ লাগিয়ে দেবার ইচ্ছেটা স্বাভাবিক।’

‘হুঁ, নেমেছে যখন, তখন পাতালপর্য্যন্ত নামুক।’

বিজয়ভূষণ তবু সীরিয়স্ হবেননা। তিনি সুনীতির রাগ দেখে হা হা ক’রে হাসবেন।

ছোট্ট একটি ব্যাপার।

তাই নিয়ে কতো আলোড়ন।

ছোট্ট একটি ঢিল যেমন আলোড়ন তোলে নিস্তরঙ্গ নদীর জলে।

এদিকে কিন্তু আপাততঃ নিৰ্ম্মল নীল জল।


মায়ের ঘর থেকে এসেই অভিমন্যু হাসি-উপ্ছোনো মুখে গান্ধীর্যোর প্রলেপ লাগিয়ে বলে, ‘নাও এখন ডাক্তার বাড়ী চলো।’

‘ডাক্তার বাড়ী?’ মঞ্জরী চমকে মুখ তুলে তাকায়—‘কেন?’

‘কেন তা তুমিই জানো, আর জানেন তোমার শাশুড়ীঠাকুরাণী।’

মঞ্জরীর পাণ্ডুর মুখে ঈষৎ রক্তোচ্ছ্বাস দেখা দেয়, তবু কণ্ঠে স্বাভাবিকত্ব বজায় রেখে বলে, ‘ডাক্তার বাড়ী যাবার কোনো দরকার নেই।’

‘তুমি ‘নেই’ বললে আর শুনছে কে? পূর্ণিমাদেবীর হুকুম। একালে না কি ডাক্তার দেখানোই ক্যাসান হয়েছে, অতএব—উঃ, এতো খুশী লাগছে! ইচ্ছে হচ্ছে ভীষণভাবে শিস্ দিই।’



‘বটে! আমাকে ডাক্তার বাড়ী যেতে হবে শুনে,

খুশীতে তোমার শিস্ দিতে ইচ্ছে হচ্ছে?’

‘ইচ্ছে তো দেখছি।’

‘খামো! ভীষণ খারাপ লাগছে আমার।’

‘খারাপ লাগছে ?’

‘লাগছেই তো ! যাচ্ছেতাই রকমের খারাপ লাগছে ।

সহসা গম্ভীর হয়ে যায় অভিমন্যু । সত্যিকার গম্ভীর । গম্ভীর সুরেই বলে, ‘এ মনোবৃত্তি প্রশংসনীয় নয় ।’

‘তা কি করা যাবে ! মনোবৃত্তি যদি সবসময় প্রশংসার পথ ধরে চলতো, তাহলে তো পৃথিবী স্বর্গরাজ্য হতো ! বিশ্রী লাগছে আমার—খুব বিশ্রী !’

অভিমন্যু আর একটা কি উত্তর দিতে যাচ্ছিলো, ঘরের দরজায় আবির্ভাব ঘটলো ভৃত্য শ্রীপদর । ছিম্ছাম্ ফিট্ফাট্ সভ্য চাকর । পূর্ণিমার ডানহাত ।

‘ছোটবৌদি, আপনাকে এক ভদ্রলোক ডাকছেন ।’

‘আমাকে ?’

মঞ্জরী সবিস্ময়ে বলে, ‘আমাকে আবার কে ডাকবে রে ? যারা ডাকে সবাইতো তোর চেনা ।’

‘আজ্ঞে এ ভদ্রলোক চেনা নয় । প্রকাণ্ড একটা গাড়ী চড়ে এসেছে । আপনার নাম ক’রে খোঁজ করছে ।’

মঞ্জরী অভিমন্যুর দিকে দৃষ্টিপাত ক’রে বলে, প্রকাণ্ড গাড়ী চড়ে এসে আমাকে ডাকবে, এমন কে আছে বুঝতে পারছি না তো ! যাওনা, দেখে এসো গে না ?’

অভিমন্যুর মুখটা কেমন ছায়াচ্ছন্ন দেখায় । ও উদাসীন ভাবে বলে, ‘ডাকছে তোমাকে, আমি গিয়ে কি করবো ?’

‘আহা একবার দেখেই এসোনা ! দরজায় দাঁড়িয়ে থাকবে ভদ্রলোক !’

অভিমন্যু মুচকে হেসে বলে, ‘প্রকাণ্ড গাড়ী চড়ে এসেছে বলেই বুঝি এতো ভাবনা ? ...এই শ্রীপদ,

জন্ম
জন্মকে
সার্থী

আণ্ডমেন্টটা

একটা নজরেন্স ক'রে আয় কি দরকার ?

ইচ্ছে' শ্রীপদ নিজাক্ত।

বলা বাহুল্য, খানিক পরেই চলে আসে সে, এবং ব্যস্তভাবে বলে, 'বৌদি, বলছে ও হচ্ছে ডিরেক্টার গগন ঘোষ, আপনার সঙ্গে একটা দরকারি কথা বলবে।'

সহসা কি এক দুর্বোধ্য ভয়ে বুকের রক্ত হিম হয়ে এলো মঞ্জরীর। বোকার মতো বললো, 'দরকারটা কি তাই বল ?'

'শুধিয়েছিলাম। বললো, আপনাকেই চাই।'

মঞ্জরীর মুখ শুকিয়ে যায়।

কাতরভাবে অভিমুখ্যর দিকে তাকিয়ে বলে, 'ওগো, দেখোগেনা কে এসেছে ! কি বলতে চায়।'

অভিমুখ্য কিন্তু এ কাতরতায় বিচলিত হয়না। দিব্যি ব্যঙ্গস্বরে উত্তর দেয়, 'কে এসেছে, সে তো শুনতেই পেলো, কি বলতে চায় তাও আশাকরি অনুমান করছো ? আর ডাকছে তোমাকে, আমি গিয়ে কি করবো ?'

আহত দুই চোখে একবার ওর দিকে তাকিয়ে মঞ্জরী গম্ভীর ভাবে শ্রীপদকে বলে, 'আচ্ছা তুই বসাগে যা, আমি যাচ্ছি।'

অভিমুখ্যর দিকে আর দৃকপাতমাত্র না ক'রে এলো চুলটা হাতে জড়িয়ে, আলনা থেকে একটা ছোট স্কাফ' টেনে নিয়ে গায়ে জড়াতে জড়াতে নীচে নেমে যায় মঞ্জরী।

জনম
জনমকে
সার্থী

এসেছেন হু'জন ভদ্রলোক।

জোরালো ভদ্র। বিনয়ে বিগলিত, জোড়হাতের
'জাড় খোলেনা প্রায়। যাই হোক, ভদ্রতা বিমিসমের

পালা চুকলে আসল কথা পাড়েন তাঁর, সেটা অন্ততঃ আড়াল চাই।

বঝতো।

মঞ্জরী আরক্তমুখে জানায় এ অমুরোধ রাখা নয়, মাপ করতে হবে।

কিন্তু মাপ করার জন্মে তো আর আমাপা খানিকটা স্পর্শ দেউ, নিয়ে আসেননি তাঁরা। কোন্ কথার উত্তরে কি যুক্তি দে কিন্তু হবে, সে তাঁরা মেপেজুপেই এসেছেন। অতএব মঞ্জরীকে বুঝিয়ে ছাড়েন ভদ্রলোকযুগল—ছোট্ট একটি ‘রোলে’ যে টাচ দিয়েছে মঞ্জরী, তাতেই তাঁদের অভিজ্ঞ চক্ষু টের পেয়েছে মঞ্জরীর ভবিষ্যৎ উজ্জ্বল! ‘স্টার’ হবার প্রতিভা নিয়েই সে জন্মেছে। কথার বৃষ্টি। কথার ফুলঝুরি। কথার ঢেউ। কোন্টা থেকে আত্মরক্ষা করবে মঞ্জরী?

যতোই সে আত্মরক্ষা করবার চেষ্টা করতে থাকে, তাঁরা ততোই কোন্ঠাসা করে ফেলেন তাকে মোক্ষম মোক্ষম যুক্তিবাণে। শেষ-পর্যন্ত ‘ভেবে দেখি’ বলে তাদের আপাততঃ বিদায় করে মঞ্জরী। তবে যাবার বেলায় জানিয়ে যান তাঁরা—‘ভেবে দেখা-টেখা’ চলবেনা, আসতেই হবে মঞ্জরীকে দর্শকের দাবি মেটাতে। এবং এ আশ্বাসও দিয়ে যান, কাল-পরশুই আসছেন তাঁরা চুক্তিপত্রের খসড়া নিয়ে।

নীচেরতলায় ছোট্ট এই একটা ঘর নিজেদের প্রয়োজনে রেখেছে অভিমন্যু, যেটা দিনে ‘বৈঠকখানা’, রাতে শ্রীপদর শয়নমন্দির।

বলা বাহুল্য, শ্রী সজ্জার বালাই বিশেষ নেই, অভিমন্যুর বাবার আমলের খানকতক রংচটা চেয়ার আর একটা বনাত-মারা সেকলে টেবিল বক্ষে ধারণ করেই বৈঠকখানা নামের গৌরব বহন করছে এই

জন্ম
জনমকে
সার্থী

আগু মের্ট
একটা
ই

জ্জেস ক'রে আয় কি দাদর চৌকি আর রাজশয্যা মঞ্জরী
শ্রীপদ নিজ্জাস্ত। মাথা ঘামায়নি, কারণ ওর বন্ধুবান্ধবী আত্মীয়
বলা বাহুল্য, শ্মুক, সোজা সিঁড়ি বেয়ে ওপরতলায় উঠে যায়।

বলে, 'বৌদি, কবরা এলেই এ-ঘরে এসে বসে।

সঙ্গে একটা চারদিকে একবার তাকিয়ে মঞ্জরীর মনে হলো ঘরটা কি
স্ন। উঠে এসে শ্রীপদকে বললো, 'ঘরটা যতো বিচ্ছিরী ক'রে
দেখেছি ক'ন ?'

শ্রীপদ মাথা চুলকে বললো, 'আজ্ঞে ?'

'তোর ওই তেলচিটে বিছানাটা ঢাকা দিস্নি ক'ন ?'

কথাটা নতুন। তাই শ্রীপদ আর-একবার মাথা চুলকে নিলো।

অভিমন্যু খবরের কাগজের আড়াল থেকে বললো, 'এযাবৎ
এতোবড়ো গণ্যমান্য অতিথির পায়ের ধুলো তো পড়েনি, তাই খেয়াল
করেনি বেচার।'

স্তব্ধ হয়ে গেলো মঞ্জরী।

স্তব্ধ হয়ে ব'সে থাকলো পাশের ঘরে গিয়ে।

অনেকক্ষণ কিছুই ভাবেনি।

ভাবতে পারেইনি।

হঠাৎ একটা বড়ো আঘাত খেলে যেমন আঘাতপ্রাপ্ত
জায়গাটা খানিকক্ষণের মতো অসাড় হয়ে যায়, তেমনি অসাড় হয়ে
থাকে মনটা।

জনম
জনমকে
সার্থী

নীচে থেকে উঠে আসবার সময় ভাবছিলো—
মঞ্জরীকে বিপদের মুখে ঠেলে দিয়ে দিব্যি নিশ্চিন্ত হয়ে
ব'সে থাকার জন্তে অভিমন্যুর উপর তীব্র অজিয়ান

দেখাবে, কা সাংঘাতিক অবস্থায় পড়ে 'ভেবে দেখবো' চার
অসম্ভবতঃ রেহাই পেতে হয়েছে তাকে, সেটা অন্ততঃ আড়াল
থেকেও দেখলে পারতো অভিমন্যু। দেখলে বুঝতো।

সে সব কিছুই জানেন।

তবু হয়ে থাকতে থাকতে কোথা থেকে আসে চিন্তার ঢেউ,
সে চেষ্টা কোথায় ভাসিয়ে নিয়ে যায় মঞ্জরীকে! বিপদ? কিন্তু
এই বিপদই কি মনে মনে প্রার্থনা করছিলো না মঞ্জরী? এইতো
ক'দিন আগে জামাইবাবুকে নিজের হাতে ক'রে চিঠি দিয়েছে সে
অভিমন্যুর অজানিতে। দ্বিতীয়বার পর্দায় নামবার ইচ্ছাপ্রকাশ
করেইতো সে চিঠি।

তবে?

জামাইবাবুর প্রেরিত লোকও তো হতে পারে এরা!

না কি ঈশ্বর প্রেরিত?

মঞ্জরীর গোপন প্রাণের কামনা শুনেছেন তিনি, পাঠিয়েছেন
অভীষ্ট পূরণের সুযোগ! এ সুযোগকে দুর্যোগ বলে সরিয়ে দেবে
মঞ্জরী?

টুকরো টুকরো ভাঙাচোরা লাইন। ভেঙে ভেঙে ছড়িয়ে পড়ে
মনের মধ্যে। ভাঙতে থাকে মঞ্জরীর দ্বিধা।...

'নিজের ক্ষমতা সম্বন্ধে আপনার এখনো কোনো ধারণা নেই
মঞ্জরীদেবী...'

'কি আশ্চর্য্য! এতে নিন্দে হবার দিন এ-যুগে
আছে নাকি?...

'হ্যাঁ, নিশ্চয়! সম্ভ্রাস্তবরের মেয়েরাই তো আজ-
এ-লাইনে বেশী আসছেন...'

জন্ম
জন্মকে
সার্থী

আগুমে^{১৫} বিশ্বাস না হয়, অনুগ্রহ ক'রে একদিন আসুন আমার বাড়ী।'

‘কে বলেছে এ-কথা আপনাকে? ...বাড়ী থেকে পালানো মেয়ে?... হা হা হা, কী যে বলেন? বাপ মেয়েকে নিয়ে, স্বামী স্ত্রীকে নিয়ে এসে সাধ্যসাধনা করছে—’

‘তাদের?’

‘সকলের মধ্যেই কি প্রতিভার অঙ্কুর থাকে মঞ্জরীদেবী?’

না, সকলের মধ্যেই কিছু আর সঞ্চিত থাকেনা প্রতিভার ফুলিঙ্গ, সকলকেই কিছু আর চান্স দিয়ে দিয়ে দেখা যায়না।

তাই যারা সাধ্যসাধনা ক'রে মরে, তাদের ‘বেরিয়ে যাবার’ দরজা দেখিয়ে দিয়ে জহুরী পরিচালক গগন ঘোষ ‘জহুর’এর দরজায় এসে সাধ্যসাধনা করছেন।

মঞ্জরী নিজে জানেনা।

জানেনা কোথায় লুকোনো আছে তার প্রতিভার সেই অগ্নি-ভাণ্ডার! যার থেকে উৎসারিত একটি ফুলিঙ্গ থেকে ওরা আবিষ্কার ক'রে ফেলেছে মঞ্জরীকে!

কিন্তু মঞ্জরী এখন কি করবে?

হায়! অভিমন্যু যদি তার এই দুঃসাধ্য চিন্তার ভাগীদার হতো!

কিন্তু কেন?

কেন অভিমন্যুর এই অসহযোগিতা?

জন্ম
জন্মকে
সার্থী

বিজয়বাবু সোল্লাসে বললেন, ‘এই জাখো! মনে মনে যা চাইছিলি, হাতে হাতে তাই পেয়ে কাটা

অপত্তি তোলে—‘মেয়েটাকে কি উচ্ছ্বসে পাঠাতে
ছ, নিমিত্তের ভাগী তুমিই হ’লে।’

‘TOMMY!’

হত্যাশার ভানে বলেন, 'কি মুন্সিল! এ-জগতে
কে? প্রত্যেকেরই কিছু-না-কিছু পেশা আছে
'

নিচ্ছেননা ? বাদিকারা ? লেখিকারা ?
শিক্ষিকা ? সীবনিকা ? বুননিকা ? কে

55

স্বনীতি ক্রুদ্ধ দৃষ্টি হেনে উত্তর খোঁজে, তার আগেই জিয়বার
আবার বলেন, 'আরে শোনো। আসলে মঞ্জুর মতো আমায়
হয়েছে, ছুঁড়ি একটা পুরো ভালো পার্টে নেমে ওর ক্যাম্পাসে
দেখিয়ে দিক সবাইকে। এই শেষবার।'

মঞ্জরীও মনে মনে সেই প্রতিজ্ঞা নিয়ে চুপচাপে থাকে
করলো। এই শেষবার।

আছে অভিলাষ পূরণের উন্মাদনা, আছে অনুভূতির উপায়ে
হাত থেকে নিষ্কৃতি পাওয়ার স্বপ্ন, আছে ভয়, ভয়, আশঙ্কা,
আছে অসহায়তা।

তরুণ একখানি বুক, কি করে বইবে এতোগুলো কথা
ভার ?

আর—দেহের সঙ্গোপনে তিল তিল করে বর্ধিত হচ্ছে
অজানিত অনুভূতির ভার ? তার জন্মেও যে কতো আনন্দ
কতো যন্ত্রণার আনন্দ ! যেন কী এক নিরলস অনিশ্চিত
পথ হারাতে বসেছে মঞ্জরী, কেউ আশ্বাসের হাত
দেবার নেই।

মাঝে মাঝে দেহের গ্রন্থিতে গ্রন্থিতে কী এক অসহ্য
মোচড় দেয়, থরথর করে ওঠে বুক, অকারণে চোখের
জল ওঠে উপচে।

জন্ম
জন্মকে
সার্থী

অথচ বলতে পারেনা কারো কাছে।

কাকে বলবে ?

যাকে সব বলতে পারতো, আবেশে আর
লজ্জায় আর গৌরবে, সে যেন কাচের দেহ

ওপিঠে দাঁড়িয়ে। চোখের সীমানায় রয়েছে, স্পর্শের সীমানায় নেই।

আর আছেন দিদি।

তাকে কিছু বলতে ভয় করে। যদি তিনি কড়াশাসনের হুমকি দিয়ে বন্ধ ক'রে দেন মঞ্জরীর ছবির কাজ। সেই ভয়ে দিদির কাছে বলা হয়না কিছু।

আরো একজন অবশ্য আছেন। কিন্তু বড়ো বেশী উপস্থিতি। উঠতে-বসতে উপদেশের বাণে বাণে জর্জরিত হয়ে ছাড়ছেন তিনি মঞ্জরীকে। হ্যাঁ—পূর্ণিমার অতি সারাদিনে মন্দিরালয় নতুন কোনো চেতনার ইঙ্গিত, নতুন কোনো আভাস জানানো যায়না তাঁকে, জানানো যায় দৈহিক উপসর্গের অস্থিতি।

কাজেই সবসময় হাসতে হয় মঞ্জরীকে।

হেসে ওড়তে হয় পূর্ণিমার দুশ্চিন্তা আর সাবধানবাণীকে। বলতে হয়, 'কি যে বলেন।' কই কিছু বুঝতেই পারিনা। যেমন ছিলাম তেমনি ছিলাম।

তেমনটি আছে এই দেখাবার চেষ্টায়, চেষ্টা অসম্পূর্ণ অসময়ে শুতে ইচ্ছে করলে ব'সে থাকি। সতেজ সোজা। খেতে বসতে হয় ওদের একই সময়।

মর প্রয়োজন জানাতে মেরুদণ্ড টন্টন্ ক'রে জানায়, আবেদন অগ্রাহ্যের আক্রোশে

জন্ম
জন্মকে
সার্থী

তীব্র দংশন দিতে শুরু করে, পিঠটান ক'রে ব'সে থাকে মঞ্জরী।
যতোকণ না রাত আসে, শোবার দাবি জন্মায়, ততোকণ বিছানায়
পিঠ পাতবেনা, এই যেন ওর পণ।

না খেয়ে খেয়ে দুর্বলতা বেড়ে চলে, বলতে পারেনা সে-কথা।
যে অপরাধের খাতায় স্বাক্ষর ক'রে ব'সে আছে, পাছে তার থেকে
স্বামি খারিজ হয়ে যায়, পাছে এরা মেডিকেল সার্টিফিকেটের
স্বাক্ষরে মঞ্জরীর স্বাধীনতার সনদ কেড়ে নেয়।

সে ভারী লজ্জা।

চমৎ

দর্শকচিত্তের বই প্রায় 'সাবিত্রী সত্যবান'-এর উপাখ্যানের কাছাকাছি।
খাড়া ক'রে ছিদ্র হিসেব ক'রে গগন ঘোষ নিজেই গল্পটাকে
শক্তটাই বা কি? আর সত্যি, গল্প একটা খাড়া করা
পাঁচজনে 'বই বই' করে ঘোষ তো ভেবেই পাননা, কেন আর-
মরছে, বইলিখিয়েদের কামেরে। লাইব্রেরী উজাড় ক'রে বই প'ড়ে
দিতে হচ্ছে ওইসব লিখিয়েদের, অকারণ কতকগুলো টাকা
শ্রেফ অপব্যয়।

লিখিয়েদের আবার আজকাল সেম-
মতো খাঁই নিয়ে ব'সে আছেন, আর দর-
অতো দেমাকের ধার ধারেননা। কী আছে ওর
যতাবড়ো লিখিয়ে তার বইয়ের মধ্যে
কচকচি। সেই কথার সমুদ্র ঠেলে গল্প
করতে সময়টাই কি কম নষ্ট হয়?

অথচ কোনো দরকার নেই।

জন্ম
জন্মকে
সার্থী

গগন ঘোষের দরকার ছবি। মনস্তত্ত্বের তত্ত্বক্ষেণ নিয়ে তিনি করবেনটা কি? তার চেয়ে বাবা দরকার মতো গল্প তৈরি ক'রে নিলাম, চুকে গেলো ল্যাঠা। বাহুল্য অংশের বালাই থাকেনা তাতে। কিছুই না, প্রথমে গোটাকতক 'সিচুয়েশান' গ'ড়ে ফেলে মনশ্চক্ষে দেখে নেওয়া—কোন্ কোন্ অভিনেতা অভিনেত্রীকে কোন্ ভূমিকায় ঠিক খাপ্ খাবে। ব্যস। তারপর খানিকটা কৌশল ক'রে 'সিচুয়েশান'গুলো গেঁথে ফেলা একটা গল্পের চেন্ গ'ড়ে নিয়ে।

ব্যস। আর কি চাই?

ছবি তৈরি করতে আসল যেটা চাই, সে হচ্ছে প্রযোজক। শাসালো একটি প্রযোজক জোগাড় ক'রে ফেলতে পারলেই ছবি হয়। নইলে গল্প? ওটা গৌণ।

ছোটো দিন বসেই তো এই 'কমলিকা' গল্পটা তৈরি ক'রে ফেলেছেন গগন ঘোষ। এতে নেই কি? যেমন গান আছে, নাচ আছে, রঙ্গতামাসা আছে, তেমনি আছে ছুঃখের সাঁতার-পাথার, শোকের অগ্নিদহন। কুঞ্জবনও আছে, শ্মশানও রইলো। একটা আদালতের দৃশ্য নইলে ছবি জমেনা, ওটা আছে, একটা রোগশয্যা আর ডাক্তার চাই, ওটাও আছে। একটা কাণা খোঁড়া কুঠে আতুর অথবা বোবা কালা কি বিকলাঙ্গ নাইলে আবার আজকাল নাকি বায়োস্কোপ থিয়েটার জমেনা, কাজেই ওটাও রাখতে হয়েছে।

তবে?

এতো সব দরকার-মাফিক জিনিস, কোনো নামকরা লেখকের লেখা বইতে মিলবে? মিলবেনা। কাজেই সে বই নিলে, ভাঙতে-চুরতে জোড়াতালি দিতে দিতে প্রাণ ঝেরিয়ে যাবে। কি দরকার অতো ঝামেলায়?

জনম্
জনমকে
সাথী

গগন ঘোষ পাকা লোক, তিনি জানেন লোকে কি চায়।
 মানে, তাঁর দেশের লোক। জানেন—তারা, যে ইমারত ধ্বংসে পড়ছে,
 তার ভাঙা ইটপাটকেলগুলো আঁকড়ে প'ড়ে থাকতে চায়। তাই
 তাদের জন্তে চাই একালবর্তীপরিবারের মহৎ উদারতা আর অপূর্ব
 একাত্মতার ছবি, চাই হিন্দুনারীর অদ্ভুত পাতিব্রতের রোমাঞ্চকর
 ছবি।

‘কমলিকা’ সেই ছবি দেখাবে।

অবশ্য মৃতস্বামীকে যমরাজের কাছ থেকে বোঁড়ে আনানোটা
 নেহাত দেখানো চলেনা, তাই মৃতস্বামীর প্রতিকৃতির সামনে বৈধব্যের
 পবিত্র মূর্তি দিয়ে ছবি শেষ।

কাহিনী শুনে মনটা প্রথম একটু খুঁৎখুঁৎ করেছিলো মঞ্জরীর।
 ওই বিধবার দৃশ্যটা যদি না থাকতো। কিন্তু এ খুঁৎখুঁৎতুনি প্রকাশ
 করা চলেনা। সেটা হবে লোকহাসানো। মনকে চোখ রাড়িয়ে
 এ দ্বিধাকে তাড়ালো। তাড়িয়ে ফেললো আধুনিবদ মনকে দিয়ে
 পিতামহীর সংস্কারকে।

মেকআপের সময় যখন রূপসজ্জাকার ফণীন্দ্রনাস আধখাওয়া
 সিগারেটটা ছুঁড়ে ফেলে দিয়েই, তখনি সেই হাত দিয়ে তুলে ধরে
 মঞ্জরীর ছোট্ট একটি টোলখাওয়া নিটোল চিবুকটি, আর তেমনি
 তুলে ধরে রেখেই অপরহাতে রঙিন তুলি বুলিয়ে বুলিয়ে স্বভাব-
 সৌন্দর্যের উপর আনে কৃত্রিমতা, বিধাতার উপর চালায় মানুষের

জন্ম
 জন্মকে
 জাতি

কারসাজি, তখন রূঢ় পুরুষ পুরুষস্পর্শ, আর উগ্রকটু
 কড়া সিগারেটের গন্ধে ঘুণায় সর্বশরীরে শিরশিরিয়ে
 দিব্যি অগ্নানুখে ব'সে থাকতে শিখলো

মঞ্জরী।

শিখলো বারো-ভূতের সঙ্গে ব'সে সস্তা পেয়ালায় চা খেতে,
শিখলো আরো অনেক কিছু আধুনিকতা।

না শিখলে এরা যদি সেকেলে ব'লে হাসে !

স্মার্টনেসে কাকলীদেবীদের ওপর টেকা দিতে না পারলে
কৃতিত্বটা কি ?

‘আপনি এই প্রথম নামছেন তো ?’

প্রশ্ন করলো সহ-অভিনেতা নিশীথ রায়।

নায়ক সাজবে নিশীথ।

আর সে রূপগুণ ওর আছেও। বরং মঞ্জরীর মতো এমন
নাম-খ্যাতি-বিহীনা নায়িকাকে তার সঙ্গে জুড়ে দেওয়াটাই আশ্চর্য্য।
সেও হয়তো মঞ্জরী সম্পর্কে অবজ্ঞার ভাবই মনে পোষণ করতো,
যদি না মঞ্জরী এমন একখানি নিখুঁৎ সুন্দর মুখের অধিকারিণী
হতো। তাছাড়া শুনেছে শিক্ষিতা মহিলা। অতএব সন্ত্রস্ত ভাব
নিয়েই আলাপ করতে আসে।

‘প্রথম ? না তো !’ উত্তর দেয় মঞ্জরী ‘এর আগে ‘মাটির
মেয়ে’তে ছোট্ট একটা রোলে নেমেছিলাম।’

‘ও !’ ‘মাটির মেয়ে’র নামও শোনেনি নিশীথ রায়। নিজের
বই ছাড়া অন্য বই দেখবার ফুরসতই জোটে না। তাই ‘ও’ ব'লে
অন্য কথা পাড়ে, ‘আপনাকে অনেক দূর থেকে
আসতে হয় ?’

‘তা হয়।’

নিশীথ আশা করেছিলেন এই প্রসঙ্গে হয়তো মঞ্জরী

জন্ম
জন্মকে
সার্থী

নিজের বাড়ীর ঠিকানার সন্ধান দিয়ে ফেলবে, কিন্তু মঞ্জরী ছোট
ওই উত্তরটুকুতেই কাজ সারলো।

অতএব আবার প্রশ্ন।

‘খুব অসুবিধে হয় নিশ্চয়ই?’

‘অসুবিধে আর কি! বেশ মজাই তো লাগে।’

নিশীথ রায় সিগারেটের ছাই ঝাড়তে ঝাড়তে মৃদুহেসে বলে,
‘এখন—প্রথম প্রথম মজা লাগবে, এরপর—যখন নাইতে খেতে
অবকাশ পাবেননা, তখন মনে হবে সাজা।’

মঞ্জরী একমুহূর্ত ইতস্ততঃ ক’রে বলে, ‘সে স্টেজ আসবার সম্ভাবনা
নেই। এই ‘বিজয়িনী’ই আমার শেষ অভিনয়।’

নিশীথ রায় বিস্মিত দৃষ্টি উৎক্লিপ্ত ক’রে বলে, ‘তার মানে?’

‘মানে অতি সোজা। নিছক সখের খাতিরে দু’বার নামলাম।’

নিশীথ রায়ের মুখে আসছিলো “বিনা পারিশ্রমিকে?” কিন্তু
সামলে নিলো। বললো, ‘আপনি ছাড়তে চাইলেই কি আর ‘কমলী
ছাড়বে’? বাড়ী থেকে কেড়ে আনবে। বিশেষ ক’রে আপনার
মতো—ইয়ে শিক্ষিতা মহিলাকে।’

এবারেও সামলে নিয়েছে জিভকে। বলতে যাচ্ছিলো, ‘আপনার
মতো সুন্দরী মেয়েকে।’

একবারের জন্তে বুকটা কেঁপে উঠলো মঞ্জরীর।

বাড়ী থেকে কেড়ে আনবে?

কেড়েই তো এনেছে। সে ইতিহাস এই নিশীথ রায় জানে নাকি?

এই নিয়ম নয় তো এখানকার? তোমার ইচ্ছে না
থাকলেও এদের প্রয়োজনের দুর্ব্বার আকর্ষণে আসতেই
হবে আপন কেশ্রচ্যুত হয়ে? মনের মধ্যে কেমন
একটা অসহায় শূন্যতা বোধ করে মঞ্জরী। কে

জনম
জনমকে
জাঠা

তাকে এদের এই তীব্র আকর্ষণ থেকে রক্ষা করবে? অভিমন্যু
যে তাকে ঝড়ের মুখে ফেলে দিয়ে মজা দেখতে চাইছে।

আশ্চর্য্য! অভিমন্যু কি ক'রে এমন বদলে গেলো? বিয়ে হয়ে
পর্য্যন্ত এদের বাড়ীর সনাতনী আক্রমণ থেকে কি ভাবে মঞ্জরীকে
আগলে এসেছে অভিমন্যু সে কথা তো ভুলে যায়নি মঞ্জরী।

ভিতরে একটা অসহায় শূন্যতা বোধ করলেও বাইরে সহজে
দমেনা মঞ্জরী, গম্ভীরমুখে বলে, 'কেড়ে আনতে চাইলেই আনা
যায়?'

নিশীথ রায় দৃঢ়স্বরে বলে, 'যায়! শুধু এ-লাইনেই নয়,
সারা জগতের দিকে ভালো ক'রে তাকিয়ে দেখুন, এই কেড়ে আনার
খেলাই চলছে। প্রয়োজন! প্রয়োজনই হচ্ছে শেষ কথা! কার
প্রয়োজনে কোথায় কি ঘটছে চট ক'রে বোঝা শক্ত, তবু এটা ঠিক,
সবাই আমরা অপরের প্রয়োজনের দাস। এই প্রয়োজনের সর্ব্বগ্রাসী
ক্ষুধা মেটাতে হাজারে হাজারে নিরীহ ছাত্র রাজনীতির হাঁড়িকাঠে
মাথা দেয়, লাখে লাখে অবোধ চাষী যুদ্ধক্ষেত্রে প্রাণ খোয়ায়,
কোটি কোটি সতীমেয়ে সম্ভ্রম আর পবিত্রতা হারায়।'

চম্কে ওঠে মঞ্জরী, শিউরে কাঁটা দিয়ে ওঠে দেহের প্রতিটি
রোমকূপ, প্রতিটি রক্তকোষে রক্তকণার অগ্নিবিষ্ফোরণ!

এ কী কথা?

এ কোন্ ভাষা? কোন্ ভয়ঙ্করের ইঙ্গিত এ? নিশীথ রায় কি
তাকে ভয় দেখাতে চায়? অগ্নানমুখে সিগারেটের ছাই ঝাড়তে
ঝাড়তে একী নির্ভুর ভয় দেখানো! মঞ্জরীকে ভয়
দেখিয়ে ওর লাভ কি? তবে কি এ সাবধানবাণী?
হিতাহিত জ্ঞানহীন মঞ্জরীকে সাবধান ক'রে দিতে
চায় নিশীথ রায় অভিজ্ঞ বন্ধুর মতো?

জন্ম
জন্মকে
জান্না

মনের মধ্যে প্রশ্নের তাগুর্ নর্ভন, দেহের মধ্যে রক্তের ।

তবু কষ্টে আত্মসংবরণ করে বলে মঞ্জরী, 'নিজের খুঁটিতে নিজে ঠিক থাকলে কিছুই হয়না।' বলে বটে, তবে কণ্ঠস্বরটা ভারি ক্ষীণ শোনায় ।

'নিজের খুঁটি ?'

হেসে ওঠে নিশীথ রায় । হেসে আর-একটা সিগারেট ধরাতে ধরাতে বলে, 'মহাভারতের গল্প জানেন ? ভীমের মুঠোর টানে শিকড়সুদ্ধ তালগাছ উঠে আসার গল্প ? পড়েননি ? শোনেননি ?'

মঞ্জরী কি একটা উত্তর দিতে গিয়ে থেমে পড়ে ।

হঠাৎ মেরুদণ্ডের মধ্যে চিড়িক্ মেরে উঠেছে একটা ক্রুর যন্ত্রণা !
অপ্রত্যাশিত অজানা যন্ত্রণা !

নিশীথ রায় বিস্মিতভাবে বলে, 'কি হলো ? শরীর খারাপ বোধ করছেন ?'

চেয়ারের পিঠে মাথাটা হেলিয়ে চোখ দুটো একবার বুজে অসহ্য অবস্থাটা একটু সামলে নিয়ে মঞ্জরী মাথার ইসারায় সম্মতি জানিয়ে বলে, 'হঁ' । হঠাৎ মাথাটা কেমন ঘুরে উঠলো ।'

মাথার কথাই বলা ভালো, যেটা সচরাচর, যেটা স্বাভাবিক ।

নিশীথ রায় চিন্তার ভান দেখিয়ে বলে, 'তাইতো ! মুশ্কিল হলো তো ! আবার এখুনি গিয়ে লাগতে হবে । বেশী অশুবিধে বোধ করছেন নাকি ?'

'নাঃ ! ঠিক আছে ।' বলে উঠে দাঁড়ায় মঞ্জরী । সহ-পরিচালক নলিন মিত্তির অদূরে দাঁড়িয়ে হাতের ইসারায় ডাক দিচ্ছেন ।

জনম
জনমকে
সার্থী

কি বিক্রী এদের এই ভঙ্গিগুলো ।

একজন বাইরের ব্যক্তি কোনো ভদ্রমহিলাকে

হাতের ইসারায় ডাকতে পারে এ-কথা আগে কখনো ভাবতে পারতো মঞ্জরী ? আর সে ভদ্রমহিলা আর কেউ নয়, মঞ্জরী নিজেই। এবং আরো অদ্ভুত কথা, বিনা প্রতিবাদে সে ডাকের নির্দেশে গুটিগুটি এগিয়েও যাচ্ছে মঞ্জরী।

নাঃ ! এসব জায়গায় প্রেস্টিজ থাকেনা। মোটে না। খুব শিক্ষা হচ্ছে।

এই শেষ ! এই শেষ !

নিশীথ রায়ও উঠে দাঁড়িয়ে আড়মোড়া ভেঙে বলে, ‘নাঃ ! আর একপেয়ালা চা না খেলে চলছেন। কই—আমাদের বিষ্টুচরণ গেলেন কোথায় ? মঞ্জরীদেবী, আপনার চলবে না কি ?’

‘না।’

‘খেলে পারতেন। শরীরটা ঠিক হয়ে যেতো।’

‘ঠিকই আছে।’

ব’লে এগিয়ে যায় মঞ্জরী। কিন্তু সত্যিই কি ঠিক আছে ? সেই অদ্ভুত অজানা ক্রুর যন্ত্রণাটা বারেবারেই যে ছোবল্ হান্ছে মেরুদণ্ডে, মেরুদণ্ড বেয়ে বেয়ে কটিতে পাঁজরে।

তবু মুখের হাসি বজায় রেখে কর্তব্য পালন ক’রে যেতেই হবে। বিশেষ ক’রে ভূমিকার এই অংশটুকু। প্রেমগর্ষিতা তরুণীবধু পতির প্রবাসযাত্রা বন্ধ করতে চায় হাসি কথা সোহাগের ব্রহ্মাস্ত্রে। স্বামী অর্থাৎ নিশীথ রায়ের হাত ধ’রে মধুর হাসি আর বিলোল কটাক্ষ-পাতের সঙ্গে বলতে হবে মঞ্জরীকে, ‘যাওতো দেখি এ বাঁধন ছাড়িয়ে ? দেখি কতো জোর ?’

জনম
জনমকে
সার্থী

অনেকবার শোনা পাট, তবু অনেকবার ‘সট’ নিতে

হয়। কিছুতেই প্রকাশভঙ্গি স্বাভাবিক হচ্ছেনা মঞ্জরীর। বিরক্তি-
 তিক্তকণ্ঠে গগন ঘোষ বলেন, ‘আগের’ সট্‌টা তো বেশ ওতরালা,
 হঠাৎ কি হলো আপনার? মুখ দেখে মনে হচ্ছে যেন বিছে কামড়াচ্ছে।
 নতুনদের নিয়ে এইতো হয় মুস্কিল! এই দিব্যি হলো, এই মার্ডার
 কেস্‌।...ওহে দীপক, কি মনে হচ্ছে? আরও একটা ‘সট্‌’ নিতে
 হবে নাকি?’

দীপক নির্লিপ্তভাবে বলে, ‘হয়ে যাক্‌!’

অতএব আবার উৎফুল্লমুখে ছুটে এগিয়ে আসা, আবার নিশীথ
 রায়ের হাত ধরে মধুরহাসি আর বিলোল কটাক্ষপাতের সঙ্গে উচ্চারণ-
 করা—‘যাওতো দেখি এ বাঁধন ছাড়িয়ে? দেখি কতো জোর?’

আজকের মতো এইটুকু হলেই শেষ, অথচ শেষ আর হতে
 চাইছেননা। মঞ্জরীর নিজের দোষেই যে হতে চাইছেননা সে-কথা
 খেয়াল করেনা মঞ্জরী, ক্রমশঃই ক্লিষ্ট আর বিরক্ত হয়ে ওঠে।

যাক্‌, বাঁধন কাটাকাটির পর্ব শেষ হয় আজকের মতো। নিশীথ
 রায়ের অগ্রত্ম সুটিং আছে, সে খালি হাতের ঘড়ির দিকে তাকাচ্ছে।
 কাজেই তোড়জোড় গুটিয়ে নেওয়া হলো। পরিচালক গগন ঘোষ
 বিরক্তিমিশ্রিত বিস্ময়ের সুরে ফের বলেন, ‘আপনার হঠাৎ কি হলো?’

শ্রান্তসুরে মঞ্জরী উত্তর দেয়, ‘অসম্ভব মাথার যন্ত্রণা হচ্ছে।’

‘তাই নাকি? আহা-হা ইস্‌! ওর কে আছিচ্‌, একটা
 ট্যান্সি—’

জনম
 জনমকে
 জাখাঁ

নিশীথ রায় আর-একবার হাতের ঘড়িটায় চোখ
 বুলিয়ে নির্লিপ্ত সুরে বলে, ‘আমিও নামিয়ে দিয়ে
 যেতে পারি, অবশ্য মঞ্জরীদেবীর যদি আপত্তি না
 থাকে।’

ট্যান্সির জন্ম অনেক অপেক্ষা করতে হবে, মঞ্জরী আর ব'সে থাকতে পারছেন। যেন। আপত্তি? আপত্তি আর কিসের? তাছাড়া সেটা যে বড্ড সেকেন্দরপনা। কাজেই মৃদুহাসির সঙ্গে বলতে হয়, 'আপত্তি? বরং বেঁচে যাই। ভীষণ ইচ্ছে করছে শুয়ে পড়তে।'

গাড়ীতে উঠে নিজেকে একটা কোণের দিকে প্রায় ফেলে দিয়ে ব'সে থাকে মঞ্জরী, আর নিশীথ রায়ের হাতের গাড়ী যেন চলন্ত জলশ্রোতের মতো তরতর ক'রে এগিয়ে যায়। কেউ কোনো কথা বলেনা। কিছুক্ষণ পরে নিশীথ রায়ই নীরবতা ভঙ্গ করে, 'পথ চিনিয়ে দেবার ভার কিন্তু আপনার, আমি আপনার বাড়ী চিনি।'

মঞ্জরী ঘাড় তুলে উঠে ব'সে বলে, 'চেনেননা? ওমা! এতোক্ষণ তাহ'লে ঠিক পথে এগোচ্ছেন কি ক'রে?'

নিশীথ রায় ঘাড়টা এদিকে ফিরিয়ে সহাস্র্যে বলে, 'কতকটা আন্দাজে! ভাবছিলাম, চালিয়ে তো যাই, ভুল হ'লে নিশ্চয়ই প্রতিবাদ উঠবে।'

মঞ্জরী একসেকেন্ড চুপ ক'রে থেকে ঈষৎ আগ্রহের সঙ্গে বলে, 'আচ্ছা, আপনার কি মনে হয় জগতের সমস্ত প্রতিবাদই শুধু ভুলের বিরুদ্ধে?'

'এককথায় এর উত্তর দেওয়া শক্ত। আসলে বোধকরি, নিশ্চিত ব্যবস্থার শৃঙ্খলে বাঁধা মানুষের দলের ওপর কোনো নাড়া পড়লেই প্রতিবাদ ওঠে। যুগযুগান্তের কুসংস্কার মনের উপর কেটে ব'সে থাকে গায়ের উপর চামড়ার মতো, সে সংস্কারকে উৎপাটিত করতে চাইলে আর্ন্তনাদ ওঠাই স্বাভাবিক।'

'তাহ'লে সে প্রতিবাদে, সে আর্ন্তনাদে, কান না দেওয়াই উচিত?'

জন্ম
জন্মকে
সার্থী

ভীকুবুদ্ধি নিশীথ রায় মৃদুহেসে বলে, ‘আপনি যে কেন এ-প্রসঙ্গ তুলেছেন বুঝেছি। কিন্তু আসল কথা কি জানেন, কয়েকজনের স্বার্থত্যাগ, কয়েকজনের বিদ্রোহ, কয়েকজনের দুঃসাহসই বাকি চলার পথ সুগম ক’রে দেয়।’

‘কিন্তু উচিত-অনুচিতের প্রশ্নও তো আছে?’

‘অবশ্যই। কিন্তু সে প্রশ্নের উত্তর অপরের কাছে নেই। প্রত্যেকটি মানুষের মধ্যে ‘উচিতবোধ’ নামক জিনিসটা আছেই।’

‘তাহ’লে তো জগতে কোনো অত্যাচারই ঘটতো না।’

‘এ তর্কের শেষ নেই।’

‘আচ্ছা, আপনি বোধহয় খুব পড়াশোনা করেন?’

‘পড়াশোনা? হায় হায়! বাসনা তো খুবই, সময় কোথা?’

‘জানেন—আগে আপনাদের সম্বন্ধে কী সাংঘাতিক কৌতূহলই না ছিলো? এখন নিজেই এসে গেলাম আপনাদের দলে।’

‘এখন বোধকরি কৌতূহল ভঙ্গ হয়েছে?’

‘কি জানি! ...দাঁড়ান, থামুন, আর সোজা এগোবেন না, ডানদিকে বাঁকতে হবে।... উঃ!’

‘কি হলো?’

‘কিছু না। মাথার যন্ত্রণাটা—’

দোতলার বারান্দায় দাঁড়িয়ে দাঁড়িয়ে অভিমুখ্য দেখতে পায় ভালো একখানা গাড়ী দাঁড়ালো বাড়ীর সামনে, নামলেন ভালো স্মুট-পরা এক ভালো চেহারার ভদ্রলোক, নামলো মঞ্জরী। বিনীত

জনম
জনমকে
সার্থী

নমস্কারের ভঙ্গিতে একটু মাথা ঝুঁকিয়ে ধন্যবাদ জানালে ভদ্রলোককে, ঢুকে এলো বাড়ীর মধ্যে। ভদ্রলোকটি নিতান্ত তরুণ বয়স্কের মতো লাফিয়ে ফের গাড়ীতে উঠে চালিয়ে দিলেন

খানিকটা শব্দ, খানিকক্ষণ শূন্যতা।

অভিমন্যু কি তাড়াতাড়ি মঞ্জরীকে সম্ভাষণ করতে যাবে? না কি যেচে প'ড়ে জিগ্যেস করতে যাবে, নিতান্ত অন্তরঙ্গ বন্ধুর মতো যিনি তোমায় পৌঁছে দিয়ে গেলেন, তিনি কে?

কে যাচ্ছে সম্ভাষণে? মনের মধ্যে তো শুধু বিরক্তি আর বিতৃষ্ণা।

না, অভিমন্যু গেলোনা, অভিমন্যু তেমনি স্থানুর মতোই দাঁড়িয়ে থাকলো বারান্দার রেলিঙের সামনে। পিছন থেকে মঞ্জরীই ডাক দিলো। ক্ষীণ করুণ কণ্ঠ—‘শুনছো! একবার ডাক্তারবাবুকে খবর দিতে পারো?’

চমকে মুখ ফিরিয়ে তাকালো অভিমন্যু।

‘ডাক্তারবাবুকে? কেন? কি হলো?’

‘শরীরটা ভয়ানক খারাপ লাগছে। বোধহয়—বোধহয়—তুমি যাও, একখুনি যাও। দেরী করলে মুশ্কিল হবে—’

অভিমন্যু উদ্বিগ্ন অথচ রুক্ষভাবে ব'লে ওঠে, ‘হলো কি হঠাৎ? পড়ে-টড়ে গেছো না কি? তাই বুঝি গাড়ী ক'রে—’

‘আঃ! প্রশ্ন পরে কোরো, দোহাই তোমার। তাড়াতাড়ি যাওগে।’

দরজার পর্দাটা ঠেলে ঘরে ঢুকেই মাটিতে শুয়ে পড়ে মঞ্জরী, আর বোধকরি সঙ্গে-সঙ্গেই জ্ঞান হারায়।

নিঃশব্দ চলা...নিঃশব্দ বলা...আলোয় নেই প্রখরতা। মৃত নীল আলোটা জ্বলছে ঘরে, পাথার রেড্‌ ক'খানা ঘুরে চলেছে আস্তে আস্তে।

ডাক্তার এইমাত্র বিদায় নিয়ে গেছেন, বিদায়

জন্ম
জন্মকে
সার্থী

নিয়ে গেছেন মেজদা আর মেজবৌদি। শুধু দুই দিদির মধ্যে একজন রোগিণীর মাথার শিয়রে বসে আছেন। অপরজনা মায়ের কাছে বসে হা-হতাশ করছেন। পূর্ণিমাদেবী প্রায় ভেঙে পড়েছেন। বিধাতা যদি তাঁকে এমনভাবে আশাবৃক্ষের মগডালে তুলে দিয়ে মই কেড়ে নেন, মানুষকে তিনি কি দোষ দেবেন ?

এই তিন-চার মাস ধরে মনে মনে নিজের জীবনের যে নূতন প্রতিষ্ঠামন্দির রচনা করছিলেন পূর্ণিমা, তার ভিত্তিপ্রস্তরখানা স্থাপিত হবার আগেই গেলো গুঁড়িয়ে, মঞ্জরীর উড়ন্ত ডানাকে কেটে তাকে মাটিতে নামাবার আশা শূন্যে মিলোলো, অপরিশ্রুত অঙ্কুরটি পৃথিবীতে ভূমিষ্ঠ হবার আগেই পৃথিবী থেকে বিদায় নিয়েছে।

অচৈতন্য মঞ্জরী জানতেও পারলোনা কতোটা ক্ষতি হয়ে গেলো তার, কিন্তু পূর্ণিমা তো মনে-প্রাণে অনুভব করছেন কী পরিমাণ ক্ষতি তাঁর হলো !

বিশেষজ্ঞ চিকিৎসকরা বিদায় নিয়েছেন, পারিবারিক চিকিৎসক নীলাম্বর ঘোষকে ডাকা হয়েছে কেবলমাত্র আশ্বাসের আশায়। শুধু তাই নয়, অপরপক্ষে আবার তাঁর সম্মান রক্ষার প্রশ্নও আছে। অভিমন্যুর বাবার আমলের ডাক্তার নীলাম্বর, প্রায় আত্মীয় অভিভাবকের সামিল।

খাটের বাজু ধরে অভিমন্যু দাঁড়িয়ে, রোগিণী নিমীলিত নেত্রে শয্যালগ্না।

জন্ম
জন্মকে
সার্থী

রক্তচাপ নির্ণয়ের যন্ত্রটা গুছিয়ে খাপে ভরতে ভরতে নীলাম্বর ডাক্তার বলেন, 'না, এদিকে অন্য কোনো গোলমাল নেই, গোটাকয়েক দিন সম্পূর্ণ বিজ্ঞান মিলেই

ঠিক হয়ে যাবে আশা করা যায়।’

অভিমন্যু একবার নিখর নিদ্রিতার দিকে দৃষ্টির পলক ফেলে মুহূর্তেরে বলে, ‘কিন্তু হঠাৎ এরকম হওয়ার কারণটা কি মনে হয় আপনার?’

‘কারণ বলা শক্ত। মাত্র একটাই তো কারণ হতে পারেনা, কোনো অসুখেরই তা হয়না। সাধারণতঃ অনেক রকম ছোটখাটো কারণ জমতে জমতে দেহযন্ত্রের মধ্যে হঠাৎ বড়ো একটা বিদ্রোহ দেখা দেয়, অথবা যন্ত্রগুলো হঠাৎ বিকল হয়ে পড়ে।’

‘তবু এরকম ক্ষেত্রে মোটামুটি একটা কারণ থাকেও তো?’

নীলাশ্বর মুহূ গম্ভীর হাস্তে বলেন, ‘তা থাকে বটে! ধরো যেমন প’ড়ে গিয়ে আঘাত লাগা, আকস্মিক কোনো শোকে মনে শক্ লাগা, রাগ দুঃখ ভয়, শারীরিক দুর্বলতা অনেকগুলো কারণই ধরা হয়। সে-সব যখন নয়, তখন মনে হচ্ছে জেনারেল হেলথটাই হয়তো ঠিক ছিলোনা। বাইরে থেকে এসেই এরকম হলো বলছিলেন? কোথায় গিয়েছিলে? নেমস্তন্ন?’

বলার জন্মেই বলা।

প্রবীণ লোক, ধ’রে নিয়েছেন ‘বাইরে যাওয়ার’ ব্যাপারে অভিমন্যু অবশ্যই সঙ্গী ছিলো। কাজেই তার রিপোর্ট প্রত্যক্ষদর্শীর রিপোর্ট। ইতিপূর্বে ‘কারণ’ সম্বন্ধে প্রশ্ন ক’রে ‘কারণ’ তিনিও পাননি। সব কথাতেই ‘না’ বলে গেছে অভিমন্যু।

ডাক্তারের প্রশ্নে আর একবার সচকিত হয়ে অভিমন্যু বলে, ‘না। এমনি একটু বেড়াতে—ইয়ে কতোদিন রেষ্ঠ্ নেওয়া দরকার মনে করেন ডাক্তার কাকা?’

জন্ম
জনমকে
সার্থী

‘কতো আর ?’ প্রশ্নানের জন্ত উঠে দাঁড়িয়ে নীলাম্বর ডাক্তার বলেন, ‘দিন দশেক একেবারে শুয়ে থাকুন, তারপর হুঁপাতিনেক বাড়ীতেই ঘোরাফেরা এই আর কি। ভাবনার কিছু নেই, ভাবনার কিছু নেই !’

চলে যান ডাক্তার, পিছু পিছু অভিমন্যু।

হাতে হাতে টাকা দেওয়া চলেনা, আত্মীয়ের মতো ডাক্তার। গাড়ীতে ওঠার পর নিঃশব্দে টাকাটা পকেটে গুঁজে দিয়ে আর-একবার ম্লানভাবে বলে, ‘তাহ’লে আপনি বলছেন ভয়ের কিছু নেই ?’

‘না হে বাপু না ! বলছিই তো ঘাবড়াবার কিছু নেই, এসব তো হামেসাই হচ্ছে। তবে—কিছুদিন দৌড়ঝাঁপটা একটু বন্ধ রাখতে হবে এই আর কি। ছোটবোঁমা তো আবার একটু চঞ্চল আছেন। তোমাদের কাকীমা বলছিলো, ‘সিনেমা’ না কি করছেন ! ব্যাপারটা সত্যি নাকি ?’

অবাক হবোনা ভেবেও অবাক হলো অভিমন্যু।

আশ্চর্য্য ! কোথাকার খবর কোথায় না যায় !

কুণ্ঠিত হাসি হেসে অভিমন্যু বলে, ‘আর বলেন কেন, যতো-সব পাগলামী খেয়াল। যাক্ এইবারে শিক্ষা হলো ! ইয়ে—ইন্ডেকশন যা দেওয়া হচ্ছে, কালকেও হবে ?’

‘ওবেলার অবস্থা দেখে ! ইয়ে—তোমার মিত্তিরসাহেব কি বলছেন ?’

‘উনি তো ব’লে গেলেন চালিয়ে যেতে আরো দু’তিন দিন !’

জন্ম
জন্মকে
সার্থী

‘আমার তো মনে হচ্ছেনা দরকার হবে। তবে ওঁরা হলেনগে স্পেশালিষ্ট, ওঁনাদের কথাই শিরোধার্য্য।’

হেসে ওঠেন নীলাম্বর, ড্রাইভার গাড়ী ছেড়ে দেয়।

মিনিটখানেক চূপচাপ দাঁড়িয়ে থেকে অভিমন্য উপরে উঠে এলো। দেখলো নাস'টা রোগিণীর মুখের কাছে ঝুকে কি যেন বলছে। ঈষৎ আগ্রহভরে অভিমন্য চাপা-গলায় প্রশ্ন করে, 'উনি কি কথা বলছেন মিসেস দাস?'

'হ্যাঁ, জল চাইলেন একটু আগে, আর আপনি কোথায় তাই জানতে চাইছিলেন।'

পুরো তিনটে দিন কথা বলেনি মঞ্জরী, জ্ঞান ফিরলেও অবসন্নতায় আচ্ছন্ন হয়ে নিদ্রিতার মতোই প'ড়ে আছে।

অভিমন্য এগিয়ে খাটের কাছে যেতেই নাস' মিসেস দাস মুকুবিয়ানা চালে বলে, 'কথা বলাবার চেষ্টা করবেননা, তাতে ক্ষতির আশঙ্কা আছে। শুধু চূপ ক'রে শুয়ে থাকতে দিন।'

'কথা বলাচ্ছি' বলে অভিমন্য কাছে গিয়ে নীরবে মঞ্জরীর একখানা হাতের উপর হাত রাখে—রোদের আওতায় বলসানো রজনীগন্ধার ডাঁটির মতো শিথিল কোমল যে হাতখানি এলিয়ে পড়েছিলো বিছানার পাশে।

চোখ মেলে তাকালো মঞ্জরী, তাকিয়ে থাকলো একটুক্ষণ বোবাদৃষ্টি মেলে, তারপর সেই বোবাচোখে এলো ভাষার ভার। অনেকদিনের অনেক অকথিত বক্তব্যের ভার, পুঞ্জীভূত অভিমানের সঞ্চিত ভার, না-জানা 'না'-বোঝা এক অশরীরী ভয়ের প্রশ্নভার।

তারপর চোখটা আবার বুজলো, আস্তে আস্তে সময় নিয়ে। আর বোজার পর দীর্ঘ পল্লবের প্রাস্ত বেয়ে বড়ো বড়ো ছুঁফোঁটা জল গড়িয়ে পড়লো।

'মিষ্টার লাহিড়ী, আপনি অনুগ্রহ ক'রে পাশের ঘরে যান। দেখছেন না, পেসেন্ট আপসেট্ হচ্ছেন।'

জন্ম
জন্মকে
জাখী

নার্স মিসেস দাসের বিনীত কাতর অনুরোধ বাক্য।

গ্রামের মেয়ে, অভাবে প'ড়ে সহরে এসে কোনোরকমে এই বিছাটি অর্জন ক'রে জীবিকা অর্জন করছে, তাই অধীত বিচার প্রতি তার প্রগাঢ় নিষ্ঠা। সে জানে রোগীকে ডিস্টার্ব করতে নেই, আর এও জানে, সবথেকে ডিস্টার্ব রোগীর নিকট-আত্মীয়-স্বজনরাই করে, এতএব ঘর থেকে তাদের যথাসম্ভব বিতাড়িত করাই কর্তব্য। তাছাড়া—ছোট হয়ে বড়োর উপর, শ্রমিক হয়ে মনিবের উপর, অভিজ্ঞ হয়ে অজ্ঞের উপর মুকব্বিয়ানা করতে পেল সে সুযোগ কে ছাড়ে ?

অভিমন্যু লজ্জিত হয়ে সরে এসে বলে, ‘আচ্ছা পাশের ঘরেই রইলাম আমি, প্রয়োজন বোধ করেন তো ডাকবেন। কিন্তু কেন উনি আমার খোঁজ করছিলেন সেটা তো—’

‘সেটা কিছুই নয় মিষ্টার লাহিড়ী, সেন্স্ ফিরে আসার সঙ্গে সঙ্গে আপনাকে খোঁজাই তো স্বাভাবিক।’

‘তাহ’লে আমার তো এ-ঘরেই থাকা উচিত ছিলো মিসেস দাস, ইয়ে যদি আবার খোঁজ করেন—’

‘না না মাপ করবেন। দরকার বোধ করলে আমি নিজেই ডাকবো! দেখলেন তো আপনাকে দেখে কিরকম ইয়ে হয়ে পড়লেন?’

জনম
জনমকে
সার্থী

নিভুল কর্তব্য পালনের গৌরবে গৌরবান্বিতা মিসেস দাস রোগিণীর মাথার কাছে গুছিয়ে বসেন।

অভিমন্যু ধীরে ধীরে ঘর থেকে বেরিয়ে যায়।

পাশের ঘরে গিয়ে একটা আরামচেয়ারের উপর শুয়ে পড়ে
অভিমন্যু, আর সহসা তার শরীরের মধ্যে যেন একটা তপ্ত
বাস্পোচ্ছ্বাসের আলোড়ন জাগে।

কি নিষ্ঠুরতা করেছে সে।

কি হৃদয়হীনতা।

মঞ্জু! মঞ্জু! তার আদরিণী মঞ্জরী, অভিমানিনী মঞ্জরী, কী
কষ্টই তাকে দিয়েছে এতোদিন ধরে! অভিমানে অভিমানেই
ভিতরে ভিতরে ক্ষয় হয়ে গিয়েছে মঞ্জরী! হ্যাঁ, তাই। ডাক্তার
ঘোষ বলেছেন, ‘দুর্বলতাও একটা কারণ’। ইদানীং কী দুর্বলই না
হয়ে গিয়েছিলো বেচারী, অথচ সেদিকে তাকিয়ে দেখেনি অভিমন্যু।
মনে মনে খালি অপরাধের বিচার করেছে।


যদি মঞ্জরী মারা যায়।

যে-কথা মুখে উচ্চারণ করতে শিউরে ওঠে মানুষ, সে-কথা মনের
মধ্যে নিঃশব্দে উচ্চারিত হতে থাকে, তার উপর হাত নেই কারো।
তাই গলাটেপা প্রাণীর দম আট্‌কানো বুকের মতো পাথর চাপানো
বুকের মধ্যে অবিরত ধ্বনিত হতে থাকে—মঞ্জরী যদি মারা যায়,
মঞ্জরী যদি না বাঁচে! নিজেকে তাহলে কোনোদিন ক্ষমা করতে
পারবে অভিমন্যু?

লজ্জা রাখবার ঠাই কোথা?

পুরুষ অভিমন্যু, শক্ত অভিমন্যু, নিজের সমস্ত মানমর্যাদা
বিস্মরণ হয়ে যায়, তারও নিমীলিত ছুটি চোখের প্রান্ত বেয়ে
বড়োবড়ো ছুঁফোঁটা জল গড়িয়ে পড়ে, যেমন ক’রে
ফোঁটার পর ফোঁটা ঝরে যাচ্ছে পাশের ঘরে আর
ছুটি বোজা-চোখের কোণ থেকে।

ছু’জনের বেদনা বিভিন্ন।



একজনের মনে অভিমান আর আশাভঙ্গের বেদনা, অপরজনের আক্ষেপ আর অপরাধবোধের। কিন্তু অশ্রুজলের রূপ এক।

প্রেম কি মরে ?

না শুধু অভিমান আর ভুলবোঝার কুয়াসায় আচ্ছন্ন হয়ে মাঝে মাঝে মৃতের মতো মলিন দেখায় ?

ছেলের ভাবে-ভঙ্গিতে ক্রমশঃই হতাশ হয়ে পড়েন পূর্ণিমা। এ কী ছেলে তৈরি করেছেন তিনি! পুরুষমানুষ, না একটা মাটির ঢেলা? দুর্দান্ত বো, বেরোয়া বো, কোনো বিধি-বিধান না মেনে, যথেষ্টাচার করে এই অঘটনটা ঘটালো, আর তাঁর ছেলে কিনা সেই বোয়ের জন্তে উদভ্রান্ত উন্মাদ হয়ে বেড়াচ্ছে! নাওয়ার ঠিক নেই, খাওয়ার ঠিক নেই, কলেজের মুখো হচ্ছেনা, শুধু বোয়ের ঘরের ধারে-কাছে ঘুরঘুরনি! সেকাল হ'লে, আর তেমন শক্ত পুরুষ হ'লে ও বৌকে আর ঘরে নিতো কিনা সন্দেহ!...

পূর্ণিমার এই ক্রোধাগ্নিতে ইন্ধন দেয় তাঁর আদরের বড়োমেয়ে। পূর্ণিমা যেটা শুধু মনে ভাবছিলেন, সে সেটা সরবে ঘোষণা করে :

‘সহজ বো, সুস্থ বো, সেজেগুজে বাড়ী থেকে বেরোলো, আর ক’ঘণ্টা পরেই বেড়িয়ে ফিরে আসতে না আসতেই এই ব্যাপার? মানোটা কি? তোমরা যদি চোখ থাকতে অন্ধ সেজে ব’সে থাকো, লোকে তো আর অন্ধ হয়ে ব’সে থাকবেনা মা?’

পূর্ণিমা বোধকরি ঠিক এ ধরনের সুরটা পছন্দ করেননা, অথচ

জন্ম
জন্মকে
জাতি

বড়োমেয়ের কথার প্রতিবাদ করতেও সাহসে কুলোয়না, তাই তাড়াতাড়ি বলেন, ‘কি জানি মা, কি করছিলেন সেখানে। হয়তো নাচতে-টাচতে বলেছিলো।’

‘হুঁ, নাচ নয়, নেতা ! কতো রকমের নেতাই আছে মা, হিসেব রাখো তার ? তবে মোট কথা তোমার সোহাগের ছোটবৌমাটির জন্তেই বাপের বাড়ী আসা ঘুচলো আমাদের । অন্ততঃ আমার । এরপরে আর আসতে চাইবো কোন্ মুখে ? ছোটবৌয়ের এ ব্যাপারে কে না সন্দেহ করবে ?’

স্পষ্ট পরিষ্কার নিভুল রায় ।

এর উপর আর প্রতিবাদ চলেনা ।

ঘুরিয়ে-ফিরিয়ে প্রত্যক্ষে পরোক্ষে সকলেই ওই একই ইসারা দেয় । একটা জীব যে পৃথিবীর আলো না দেখতেই অন্ধকারের রাজ্যে ডুবে গেলো তার জন্ত সম্পূর্ণ দায়ী মঞ্জরী !

কে জানে এ দুর্ঘটনা স্বেচ্ছাকৃত কিনা ।

‘কতো কলকৌশলই তো বেরিয়েছে আজকাল ! নিজের ওই সব নেতা বন্ধ হয়ে যাবার ভয়েই হয়তো—’

অভিমন্ত্যর কান বাঁচিয়ে কোনো কথাই হয়না ! বরং মনে হয় কানে ঢোকাবার জন্তেই চেষ্টা । নাঃ, কেউ আর সমীহ করছেননা অভিমন্ত্যকে ।

মঞ্জরীই তার মর্যাদাহানি করেছে ।

মেজবৌদি এসে ঘণ্টা-দুই বসেন আর সমানে আক্ষেপ ক’রে চলে—‘আহা ! কতো আশা ক’রে রূপোর ঝিনুক-বাটি গড়াতে দিয়েছিলাম ছোট ঠাকুরপোর ছেলের মুখ দেখবো ব’লে, ফুলকেটে কাঁথা সেলাই করছিলাম, সব গুড়েই বালি পড়লো গো !’

জনম
জনমকে
সাধা

‘শুধু শুধু’ অমনি হলেই হলো ? আমি এই স্ট্যাম্প কাগজে
সই ক’রে দিচ্ছি, এর মধ্যে রহস্য আছে ।’

মায়ের ঘরে আসতে-যেতে থমকে দাঁড়িয়ে পড়তে হয় অভিমন্যুকে ।
কতো স্বচ্ছন্দে কী ভয়ঙ্কর কথা উচ্চারণ করেছে এরা ?
তবে কি আর কিছু ?
মেয়েরাই মেয়েদের সহজে চেনে !

রোদে-গলা মোম রোদ-পড়া সন্ধ্যায় শুকিয়ে শক্ত হয়ে ওঠে ।
মমতায় গলা হৃদয় ক্রমশঃ শুকিয়ে খটখটে হয়ে ওঠে ‘সন্দেহের
পঙ্ক স্পর্শে !

ওরা অভিজ্ঞ, ওরা পাকা, ওরা বুনো, ওরাই তো জগৎকে ঠিক
বোঝে, ওদের কথা বিশ্বাস করা ছাড়া উপায় কি অভিমন্যুর ?
ক’দিন আগে নার্সটাকে মনে হচ্ছিলো শত্রু ।

ভেবেছিলো ওটা বিদেয় হবার সঙ্গে-সঙ্গেই ছুটে যাবে মঞ্জুরীর
কাছে । নির্জন সান্নিধ্যের সুযোগ মিললেই ক্ষমা প্রার্থনায় দীর্ঘ-
বিদীর্ণ ক’রে ফেলবে নিজেকে । বলবে, ‘মঞ্জু, আমি পাগল, আমি
পশু, আমি জঘন্য, তুমি আমায় ক্ষমা করো ।’

একা ঘরে বার বার উচ্চারণ করেছে, ‘মঞ্জু তুমি বেঁচে ওঠো ।
ক্ষমা করো ! ক্ষমা করো ।’

জনম
জনমকে
সাথী

কিন্তু নার্সটার যখন বিদায় নেবার সময় এলো,
তখন সে ভাবোচ্ছ্বাস শুকিয়েছে । দাঁড়িপাল্লার অপর
পক্ষের পাল্লায় অশ্রুয়, অপরাধ, অসঙ্গত হঃসাহসের

বাটখারাগুলো চাপাতে চাপাতে নিজের দিকটা হাল্কা হয়ে উঠে পড়েছে।

ফুরিয়েছে সশঙ্ক রাত্রি জাগরণ, ঘুচেছে মৃত্যুভয়। এখন ক্ষমা প্রার্থনার চিন্তাটা হাস্তকর।

অজ্ঞান নয়, চৈতন্যের বিলুপ্তি নয়, শুধু অপরিমিত একটা ক্লান্তিভার। সে ভার চেপে বসে থাকতে চায় দুই চোখের উপর।

মুদিতনেত্রের নীচে আচ্ছন্ন অদ্ভুত একটা অনুভূতি!

ঘরে এতো লোক কারা?...

ফিস্‌ফিস্‌ ক'রে কথা বলছে, মৃদু চরণে ঘুরে বেড়াচ্ছে ঘরময়... কতোজনের পায়ের শব্দ, কতোজনের নিঃশ্বাসের ভার।

মঞ্জরী কোথায় আছে?

ঘরে, না বাইরে? গাড়ীতে? নিশীথ রায়ের গাড়ীতে? না কি 'স্টুডিও'য়? কি হয়েছে তার? অসুখ? কি অসুখ? কিছুক্ষণ আগেও কি অদ্ভুত একটা যন্ত্রণা হচ্ছিলো না? সে যন্ত্রণা সর্বশরীরে মোচড় দিয়ে দিয়ে কি এক ভয়ের রাজ্যে পৌঁছে দিচ্ছিলো না মঞ্জরীকে?

সে যন্ত্রণাটা তো আর টের পাচ্ছেনা!

এখন শুধু ঘুম!

কোমল গভীর নিথর একটা ঘুমের রাজ্যে তলিয়ে যাওয়া।

এটা কি? রাত্রি?

হ্যাঁ, এই হাল্কা নীল আলোটা তো রাত্রেরই জ্বলে।

কিন্তু এতো লোক কেন তবে?

মঞ্জরীর আশেপাশে শিয়রে, ঘরে দালানে দরজায়?

ওরা কেন কথা বলছেন? ওরা কেন বাতাসের

ফিস্‌ফিসানিতে চুপিচুপি ইসারা করছে? টেঁচিয়ে কথা

জনম
জনমকে

বলুক না ওরা, যেমন ক'রে সহজ মানুষে কথা কয়। ওরা চোঁচিয়ে
চোঁচিয়ে বলুক না মঞ্জরীর কি হয়েছে।

দরজার কাছে কে দাঁড়িয়ে? অভিমন্যু না?

ওর মুখ অতো বিষন্ন কেন?

ক্লান্তির ভারে ভেঙেপড়া চোখের দৃষ্টি, তবু ধরতে পারছে মঞ্জরী
অভিমন্যুর মুখে কি বিষণ্ণতা।

প্রাণের মধ্যে হাহাকার ক'রে উঠতে চায়, ছ'হাত বাড়িয়ে
কাছে ডাকতে ইচ্ছে যায়, কিছুই হয়না! শুধু ঠোঁটটা একটু নড়ে
ওঠে, শুধু চোখের কোণ বেয়ে ছ'ফোঁটা জল গড়িয়ে পড়ে।

‘তুমি কে?’

‘আমি নার্স!’

‘নার্স? নার্স কেন?’

‘কেন? কেন আবার? জানেননা কি ব্যাপার ঘটিয়েছিলেন?’

‘ব্যাপার? কিসের ব্যাপার?’

‘না না ইয়ে—আপনার অসুখ করেছে, তাই।’

‘অসুখ!...কি অসুখ?’

‘এমনি! অসুখ করেনা মানুষের?’

‘ও!’

জনম
জনমকে
সার্থী

আবার ক্লান্তিতে বুজে আসে ছ'চোখের পাতা।

আবার স্পষ্ট অনুভূতির জগৎ থেকে হারিয়ে যাওয়া।

আবার সেই রুদ্ধশ্বাস কক্ষে...অকারণ পদশব্দ,
অর্থহীন ফিস্ফিসানি।...

‘ওষুধটা খেয়ে ফেলুন মিসেস লাহিড়ী ।’
 ‘ওষুধ ? ওষুধ কেন ?’
 ‘কি মুশ্কিল ! আপনার যে অসুখ করেছে ।’
 ‘ও, হ্যাঁ ! আচ্ছা দাও !’
 ‘আর জল খাবেন ?’
 ‘না । তোমার নাম কি ?’
 ‘প্রিয়বালা । প্রিয়বালা দাস ।’
 ‘ও ! ঘরে আর কে আছে ?’
 ‘এখন আর কেউ নেই, আমি আছি শুধু ।’
 ‘একটু আগে কি ডাক্তার এসেছিলেন ?’
 ‘হ্যাঁ ! এইমাত্র চলে গেলেন ।’
 ‘ডাক্তার কি বললো ?’
 ‘বললেন তাড়াতাড়ি ভালো হয়ে যাবেন ।’
 ‘আঃ ! তা বলছিনা ।’
 ‘কি বলছেন তাহ’লে মিসেস লাহিড়ী, অ্যা ?’
 ‘বলছি—বলছি—কি অসুখ ?’
 ‘কিছু না । এমনি দুর্বলতা ।’
 ‘শুধু ?’

সন্দেহের কাঁটা তীক্ষ্ণ মুখ দিয়ে বিঁধে চলেছে, তবু স্পষ্ট ক’রে
 জিগ্যেস করতে সাহস হয়না । জিগ্যেস করবার ভাষাই বা কি ?

‘প্রিয়বালা ।’
 ‘এই যে । কি বলছেন ?’
 ‘ইনি কোথায় ?’

জনম্
 জনম্কে
 জাঠী

‘কে ? মিষ্টার লাহিড়ী ? এই যে এইমাত্র নীচে নেমে গেলেন
ডাক্তারবাবুর সঙ্গে ।’

‘একবার ডেকে দিওতো ।’

‘এখন থাক্ মিসেস লাহিড়ী ! এখন বেশী কথা বলতে চেষ্টা
করবেননা । শুধু শাস্ত হয়ে ঘুমোন ।’

‘ঘুম ? আর কতো ঘুমোবো ?’

‘যতো পারেন । ঘুমই এখন আপনার একমাত্র ঔষধ !’

‘আচ্ছা ।’

‘মিসেস দাস ! উনি কি ঘুমোচ্ছেন ?’

‘আজ্ঞে হ্যাঁ ।’

‘কোনো উপসর্গ নেই তো ?’

‘আজ্ঞে না ।’

‘কথা-টখা কি একেবারেই বলছেননা ?’

‘সামান্য ! কিন্তু অনুগ্রহ ক’রে আপনি আর কথা বলবেননা
মিষ্টার লাহিড়ী—পেসেন্টকে উত্তেজিত হতে না দেওয়াই আমাদের

‘ধন্যবাদ !’

উচ্ছন্ন যাও তুমি । বোকা শয়তানী ।’

জনম্
জনম্কে
সার্থী

‘নাস’কে আজ ছেড়ে দিচ্ছি ।’

অভিমন্যু এসে দাঁড়ালো ।

বালিশে ঠেপ দিয়ে বসেছিলো মঞ্জরী, পায়ে

উপর আলোয়ানঢাকা, হাতে হাল্কা একখানা সিনেমা-

পত্রিকা। বইটা মুড়ে রেখে চোখ তুলে তাকিয়ে মৃদুস্বরে বললো,
'হ্যাঁ, প্রিয়বালা বলেছে।'

'দাখো ভালো ক'রে ভেবে। ছেড়ে দিলে তোমার কোনো
অসুবিধে হবে না তো?'

আশ্চর্য্য সুন্দর ক'রে একটু হাসলো মঞ্জরী।

'না না মোটেই না। ভালো হয়ে গেছি তো। আর এরপর
তো তুমিই আছো।'

এ হাসিতে প্রাণ দোলে, এ নির্ভরতায় মন গলে! বিছানার এক
ধারে ব'সে প'ড়ে অভিমন্যু বলে, 'আমার আর কতোটুকু সাধ্য?
সোজাসুজি জ্বর-টর হয়—খুব জোর মাথার আইসব্যাগ চাপাতে
পারি।'

মঞ্জরী আবার হাসে—'সব সময় বুঝি শুধু সোজাসুজি ব্যাপারই
ঘটেবে?'

'ঘটেনা—বলেই তো মুশ্কিল। উঃ, মাথাটি তো একেবারে ঘুরিয়ে
দিয়েছিলে। না সত্যি, এমনি অসুখ-বিসুখ হ'লে অতো ভাবনা
হয়না, এই সব তোমাদের মেয়েলি কাণ্ডে—'

'তা—একটি মেয়ে নিয়ে ঘর করবে, অথচ মেয়েলি কাণ্ড
পোহাতে পারবে না এ তো হয় না।'

সহজ পরিহাসের কথা, মুচ্কি হাসির সঙ্গে উচ্চারিত। কিন্তু
অপরপক্ষের কোমল দৃষ্টি কঠিন হয়ে উঠেছে সঙ্গে সঙ্গে। ভালোবাসার
সম্পর্কে যখন ফাটল ধরে তখন বুঝি এইরকমই হয়। অর্থহীন
তুচ্ছ কথার কদর্থ আবিষ্কার ক'রে অনর্থ ঘটে।

এলিয়ে বসার ভক্তিতে ঝাজুতা এসে পড়ে বোধকরি
অজ্ঞাতসারেই। ঝাজু-কঠিন অভিমন্যু নীরস গলায়
বলে, 'পারবো না' বললেই বা ছাড়ছে কে?

জনম
জনমকে
সার্থী

পারতেই হবে। তবে দৈব চূর্ঘটনাকে মেনে নেওয়া যতো সহজ, ডেকে আনা বিপদকে মেনে নেওয়া ততো সহজ নয়।’

অভিমন্যুও খুব বেশী গভীর অর্থবোধক কিছু বলবার কথা ভাবেনি, কিন্তু মঞ্জরীর কানে ওর মন্তব্যটা রূঢ়ভাবে বাজলো। সেও কঠিন সুরে তীক্ষ্ণ প্রশ্ন করলো, ‘ডেকে আনা বিপদ’ কথাটার মানে?’

‘মানেটা নিজের মধ্যেই খোঁজো।’

‘নিজের মধ্যে খুঁজতে যাওয়া পণ্ডিত্য হবে। আমি তোমার মনের ভাবটা তোমার মুখেই সোজাসুজি স্পষ্ট জানতে চাই।’

‘স্পষ্ট কথা শোনার সাহস হবে?’ বাঁকা হাসি হাসলো
হ্যাঁ।

‘নিশ্চয় হবে। স্পষ্ট কথা শোনার সাহস তার থাকেনা যার নিজের মধ্যে গলদ আছে। আমার সাহস না হবার কোনো কারণ দেখিনা।’

‘বটে না কি?’ ব্যঙ্গহাসির প্রলেপ মাখানো এই তীক্ষ্ণ প্রশ্নের মধ্যে অবিশ্বাসের অপমান।

মঞ্জরী আরক্তমুখে বলে উঠলো, ‘স্পষ্ট ক’রে বলো কী বলতে চাইছো তুমি?’

অভিমন্যু ততোক্ষণে বিছানা ছেড়ে উঠে দাঁড়িয়েছে। বুকের উপর আড় ক’রে দুই হাত রেখে দাঁড়িয়ে নিষ্করণভাবে বলে, ‘আলাদা ক’রে আমি কিছুই বলতে চাইনা, প্রত্যেকে যা বলছে আমি শুধু সেইটাই মনে পড়িয়ে দিচ্ছি।’

জনম
জনমকে
দাখা

‘অশেষ ধন্যবাদ।’ মঞ্জরী ভেঙে পড়বার মেয়ে নয়। তার ভাগ্যেরও ব্যঙ্গহাসির অপ্রতুলতা নেই। ছুরির মতো হাসি হাসতে সেও জানে।

‘অশেষ ধন্যবাদ!’ কিন্তু ছুঃখের বিষয়—তোমার প্রত্যেকে কি বলছেন আমার জানা নেই।’

‘প্রত্যেকে যা ঠিক তাই বলছে! যথেষ্টাচার ক’রে বেড়াবার ফলেই এই বিপদ। তবে তোমার কাছে অবশ্য বিপদ নয়, বিপদ মুক্তি!’

‘বিপদ মুক্তি! আমার কাছে বিপদ মুক্তি?’

‘তা কতকটা তাই বৈ কি! অনিচ্ছুক মনের উপর অব্যাহিত একটা দায় চেপে বসেছিলো, সে দায়টা ঘুচলো। দেখা যাচ্ছে ভগবান সত্যিকার প্রার্থনা কান পেতে শোনেন।’

‘কি বললে?’ বাণ-থাওয়া পাখীর গলায় রুদ্ধ আর্তনাদ ওঠে ‘ভগবানের কাছে এই প্রার্থনা করেছিলাম আমি?’


রুদ্ধ কথার নেশা বড়ো সর্ব্বনেশে নেশা। এই বাণবিদ্ধ পাখীটার যন্ত্রণা দেখেও মমতা আসে না অভিমন্ত্যর, বরং একটা হিংস্র উল্লাস ফুটে ওঠে চোখে মুখে। শিকারীর নিষ্ঠুর উল্লাস।

‘এ ছাড়া আর কি ভাবা যায়?’ বক্বাক্ষে বিপদভর চোখে সন্ধানী-দৃষ্টির আলো ফেলে শিকারী বাণ। এতটুকু না বাণবিদ্ধ। যে জঞ্জাল তোমার কাছে বিরক্তিকর, যাতে তোমার যথেষ্ট ‘মুড়ি’ স্বাধীনতা খর্ব্ব হচ্ছিলো, সে জঞ্জাল দুঃ করবার জন্তে পিষ্ট, তুমি কাছে প্রার্থনা জানাবে এতে আশ্চর্যের কি আছে? স্বেচ্ছাকৃত নয়, তারই বা নিশ্চয়তা কি!’

যজ্ঞরীর

এ কী কদর্যা কুৎসিত সন্দেহ!

তীব্র বিদ্যুতাহতের মতো সহসা একবার প্রচণ্ডবেগে চম্কে উঠেই মজরী পরক্ষণে স্থির হয়ে গেলো। ক্ষণপূর্ব্ব চোখের স্নায়ুতে স্নায়ুতে যে বাষ্প জমে



উঠেছিলো, এই তড়িৎ শক্তিতেই বোধকরি শুকিয়ে খটখটে হয়ে উঠলো সে বাষ্প। খাটের বাজুটা শক্ত ক'রে চেপে ধ'রে বললো মঞ্জরী, 'হ্যাঁ ঠিক। তোমার উপযুক্ত কথাই বলেছো। কিন্তু এতো নীচ হয়ে গেছো তুমি, এতো নোংরা, এতো জঘন্য, তা জানতাম না।'

'তা বটে! বিশেষণগুলো আমার প্রতিই প্রযোজ্য বৈ কি। পাঁচঘণ্টা বাড়ীর বাইরে কাটিয়ে, একটা বদমাইসের গাড়ী চড়ে বাড়ী ফিরেই যদি—'

'যাও! যাও তুমি এ-ঘর থেকে। যাও যাও বলছি। নইলে আমিই যাচ্ছি—'

উদ্ভেজনায শয্যাসীনা রোগিনী খাট থেকে নেমে দরজা পর্যন্ত গিয়েই সমস্ত মান-মর্যাদার প্রশ্ন ভুলে অচৈতন্য হয়ে লুটিয়ে পড়ে মাটিতে।

বাড়ীর বাসনা নয়, হাসপাতালের খাট।

এবারে হাসপাতালে লই স্থানান্তরিত করা হয়েছে। ডাক্তারের মধ্যে ২, ৩ দিন ধরে আবার চলেছিলো বিপদের আশঙ্কার বাড়ী-মঞ্জরী। চলেছিলো যমে-মানুষে টানাটানি, ক্রমশঃ আবার ভালো চাইছে তুঁছে। ডাক্তার অভিমত দিয়েছেন, ক্রাইসিস্ কেটেছে।

উপর রাস্তার ওপারে একটা নাম-না-জানা গাছ, সবুজ পাতার 'আই' যৌবনে উল্লসিত। কেবিনের এই জানলাটা দিয়ে দেখা যায় গাছটাকে। সারাদিন 'রোদে আর বাতাসে ঝিলমিল করে তার সেই সোনালি সবুজ পাতাগুলো।

তাকিয়ে তাকিয়ে দেখে মঞ্জরী আর ভাবে।

কী ভাবে ?


কতো কী ভাবে। হাসপাতাসের খাটে শুয়ে শুয়ে মঞ্জরী বেন দার্শনিক হয়ে উঠেছে। ভালোবাসা। ভালোবাসা। এই ভালো-বাসা শব্দটাকে নিয়ে আদি অন্তকাল ধরে কতো কাণ্ড ! কিন্তু কি তার মূল্য ? ও যেন শব্দের হাটের একটা সৌখিন পণ্য ! ওকে নিয়ে যতো বিজ্ঞাপন ততো প্রচার। সবটাই আরোপিত। ...অশ্বখতলায় পাথরের মুড়ি। দৈবাৎ কবে কে ভুল ক'রে একটা ফুল ছুঁড়েছিলো তার গায়ে, পরবর্তীকাল সেই ভুলের তল্লি বইছে। মুড়ির গায়ে জমাট হয়ে উঠেছে সিঁছরের প্রলেপ, জমেছে ফুল বিশ্বপত্রের পাহাড়। কেউ আর মুড়ি বলেনা, বলে, 'বাবাঠাকুর'।

বাবাঠাকুরের মাথার উপর সোনার ঝালর রূপোর ছাতা, বাবাঠাকুরকে ঘিরে মন্দির উঠেছে সাতচূড়োর। ঝড় লাগতে দেয়না কেউ বাবাঠাকুরের গায়ে, দেয়না বৃষ্টির জল লাগতে। ফুল পাতার পাহাড় নড়েনা, সিঁছরলেপা গায়ের রং মোছেনা।

পাথরের এই মুড়িটাকে নিয়ে কতো গৌরব, কতো মহিমা ! কতো স্তবগান রচিত হচ্ছে তার নামে, কতো বন্দনা, কতো প্রশস্তি ! কতো আরতি আলিম্পন নৈবেদ্য ! বাবাঠাকুর ! বাবাঠাকুর ! 'মুড়ি' বললে আর রক্ষা নেই তোমার। তাহলেই তুমি পাপিষ্ঠ, তুমি শয়তান, তোমার মতবাদ মানবতাবিরোধী !

রোগশয্যায় পড়ে থেকে থেকে দার্শনিক হয়ে যাওয়া মঞ্জরীর চোখে বুদ্ধি ধরা পড়ে গেছে 'বাবাঠাকুর'এর স্বরূপ।

ভালোবাসা ! সাবানের ফামুসের মতো একটা অদ্বুত ফাঁকা অপূর্ব রংচঙে জিনিস ! ওকে কাঁচের



আলমারিতে সাজিয়ে রাখতে পারো, সুন্দর ! চমৎকার ! এতোটুকু
টোকা লাগাও, ব্যস্ ফিনিস্ !

তবে ?

কাঁচের আলমারিতে সাজানো এই জিনিসটা থাকলেই বা কি,
আর না থাকলেই বা কি ! এই শূণ্যগর্ভ রঙিন খেলনাটাকে বজায়
রাখতে যদি জীবনের আর সমস্ত সম্ভাবনাকে বিকিয়ে দিতে হয়,
চলন্ত জীবনের মূল্যে কিনতে হয় অপরূপ কারাগার, কি প্রয়োজন
তাতে ?

যে আশ্রয়ে নিশ্চিন্ততা নেই, সে আশ্রয়ের মূল্য কোথায় ?

এমনি অনেক কথাই ভাবে মঞ্জরী হাসপাতালের খাটে শুয়ে ।
কেবিনের জানলা দিয়ে দেখা যায় একটুকরো আকাশ, দেখা যায়
নাম-না-জানা এক নতুন-বসন্ত-লাগা গাছের সোনালি সবুজ পাতার
ঝিলমিলি ।

বিকলে সুনীতি এলো, এলেন বিজয়ভূষণ ।

আজ অনেকটা সুস্থ দেখাচ্ছে মঞ্জরীকে, অনেকটা স্বাস্থ্যরক্ষিম ।
বাইরে থেকে অনেকখানি রক্ত শরীরে চালান করানোর জন্তে সে
রক্তাভা একটু যা কাল্চে ।

‘বাবাঃ ! তোর হাসি মুখ দেখে তবু বাঁচলাম । ছ’বার ক’রে
কী ভোগানই ভোগালি বেচারা অভিমত্ন্যকে ।’ সুনীতির কথার
ধরন-ধারণই ওই । সব সময় সুনীতি পুরুষজাতির
পক্ষ টেনে কথা বলবে ।

জনম
জনমকে
জাখী

বিজয়ভূষণ ফুলফোসে পাখা খোলা থাকা সত্ত্বেও
হাতের রুমালটা নেড়ে বাতাস, খাওয়ার ভজি করতে

করতে বলেন, ‘তোমার মস্তব্যটি তো চমৎকার ! আর ওর ভোগাটা বুঝি কিছুই নয় ?’

‘আহা, তাই কি আর বলছি ? ও তো ভুগলোই, তার সঙ্গে সে বেচারাও তো কম ভুগলো না ?’

‘দেখছিস্ শালী, দেখছিস্ ?’ বিজয়ভূষণ করুণ বচনে বলেন, ‘সব সময় তোর দিদির পরপুরুষের প্রতি পক্ষপাত ! আর এই যে একটা অভাগা আজ পঁচিশ-তিরিশ বছর ধরে ওঁর জন্তে অহরহ ভুগে চলেছে, তার দুঃখের কথা একবার মনেও পড়েনা ।’

‘ঢং ! ঢং আর গেলোনা কোনোদিন ! ...মঞ্জু তুই কবে ছাড়া পাবি শুনেছিস্ কিছু ?’

‘ছাড়া ?’ মঞ্জরী একটু ছুঁটুমীর হাসি হেসে বলে, ‘ছাড়া পেতে আর দিলে কই তোমরা ? সকলে মিলে তো খাঁচার দরজা চেপে রেখে ছাড়া পাওয়াটা আট্‌কালে ।’

‘বটে রে পাজী মেয়ে ! খুব কথা শিখেছিস্ যে ! ঠাট্টা রাখ, বাড়ী ফেরার দিন-টিন শুনিস্‌নি কিছু ?’


‘কই না ! মঞ্জরী অদ্ভুত একটা উদাস হাসি হেসে বলে, ‘শুনেই বা কি হবে ! ভাবছি বাড়ীতে আর ফিরবো না ।’

‘হুর্গা হুর্গা ! এ কী অলক্ষণে কথা রে ।’

বিজয়ভূষণ গম্ভীরভাবে বলেন, ‘হঠাৎ এতো বৈরাগ্যের উদয় কেন ? সে শালা তো ইদিকে ‘পরিবার পরিবার’ ক’রে জীবন যৌবন সর্বস্ব পণ ক’রে ব’সে আছে দেখতে পাই । তবু মন পাচ্ছেনা বুঝি ?’

‘মন ? ওটা কি আর একটা পাবার জিনিস জামাইবাবু ?’

‘সেই তর্কই তো আবহমানকাল ধরে চলে আসছে ।’



‘কোনেদিনই মীমাংসা হবেনা। আচ্ছা বড়দি, একটা পুরোপুরি প্র্যাকটিক্যাল কথার উত্তর দেবে? এখান থেকে ও-বাড়ীতে না গিয়ে আমি যদি তোমার বাড়ী গিয়ে থাকতে চাই, জায়গা দেবে?’

প্রস্তাব শুনে সুনীতি চম্কে ওঠে, বিজয়ভূষণও।

এ কোন্ ধরনের কথা?


চম্‌কানিটা সামলে নিয়ে সুনীতি সহজ হবার চেষ্টায় তাড়াতাড়ি বলে, ‘শোনো কথা! আমি বলে সেইজন্মেই পাঁচবার তোর ছাড়া পাওয়ার দিন জানতে চাইছি। এখান থেকে ছুটি হলেই কিছুদিন তোকে নিয়ে গিয়ে আমার কাছে রাখবো ব’লে মরছি। মা থাকলে তো এ-সময় মার কাছেই—’

মঞ্জরী বাধা দিয়ে শাস্তুগলায় বলে, ‘আমি তো কিছুদিনের জন্মে বলছি না বড়দি, চিরদিনের জন্মে বলছি।’

বিজয়ভূষণ আরো গম্ভীরভাবে বলেন, ‘অভিমানের নদী যেন সীমালঙ্ঘন ক’রে কুলপ্লাবিত ক’রে ফেলেছে মনে হচ্ছে দেবী মঞ্জরী!’

‘অভিমান-টভিমান কিছু নয় জামাইবাবু, এটা আমার গভীর চিন্তার সিদ্ধান্ত।’

সুনীতি ঝঙ্কার দিয়ে বলে, ‘তা সমস্ত দিন বাজে কথা চিন্তা করলেই তার কল এই হয়। কি একখানা উপন্যাসে সেদিনকে ঠিক এমনি একটা কথা পড়ছিলাম। কিন্তু ঘর-গেরস্তর মেয়ে তো আর উপন্যাসের নায়িকা নয় মঞ্জু? সিনেমা সিনেমা করার পর



থেকেই আমি তোর ভাবান্তর লক্ষ্য করছি। আমি তো ভেবে অবাক হয়ে যাই—অতো ভাব ছিলো অভিমতের সঙ্গে—’

মঞ্জরী সহসা হেসে উঠে বলে, ‘আমিও তো তাই

ভেবে-ভেবেই অবাক বনে যাচ্ছি বড়দি! অতো ভাব ছিলো—হঠাৎ তার এতো অভাব কি ক'রে হলো?’

‘তোমারই বুদ্ধির দোষে। আর কি জন্মে?’

‘তাই হবে! কি জানো বড়দি, আগে ধারণাটা একটু ভুল ছিলো। জানতাম, ব্যবসাবাণিজ্য বজায় রাখতেই বুদ্ধির দরকার, ভালোবাসা জিনিসটা একবার এসে গেলে জমা থেকেই যায়। ওকে বজায় রাখতে হলেও যে বুদ্ধির দরকার হয় ঠিক জানতাম না। যাক্গে, তোমার বাড়ীতে তাহ'লে জায়গা হবেনা? জানতাম অবিশিষ্ট হবেইনা। তবু ব'লে দেখলাম।’

সুনীতি ব্যাকুলভাবে বলে, ‘চল্না বাপু! যতোদিন ইচ্ছে থাকবি। অভিমত্য় যতোদিন না তোর পায়ে ধরে মান ভাঙাবে—’

মঞ্জরী য়হু হাসে, ‘তুমি ঠিক তোমার মতোই রয়ে গেলে বড়দি! মান-অভিমানের কথাই নয় এটা। জীবনের সত্য-মিথ্যা যাচাইয়ের কথা। কিন্তু ও তুমি বুঝবেনা। তা তুমিই সত্যি সুখী।’

বিজয়ভূষণ বলেন, ‘তাহ'লে শ্যালিকা-ঠাক্করণের কি ধারণা কেবলমাত্র অবোধরাই সুখী?’


মঞ্জরী হেসে ফেলে বলে, ‘সব ক্ষেত্রে নয়, ব্যতিক্রমও আছে। যেমন আপনি।’

‘হুঁ।’

‘আচ্ছা জামাইবাবু, একটা প্রশ্ন করবো খুব ভালো ক'রে ভেবে উত্তর দেবেন?’

‘আজ্ঞে হোক।’

‘ধরুন বড়দি যদি খুব একটা অগ্ৰায় কাজ করেন, খু—ব অগ্ৰায়—মানে, ধরুন ভীষণ মিন্দনীয়, বড়দির প্রতি আপনার কী মনোভাব হবে?’



‘হুঁ! কী মনোভাব হবে! রসগোল্লা খাওয়ার মতো অবশ্যই নয়। একটা লাঠালাঠি কাণ্ড ঘটে যাবে অবশ্যই!’

‘লাঠালাঠি কাণ্ড করবার মতো হাল্কা দোষের কথা আমি বলছি না জামাইবাবু—’

‘বুঝেছি, সিনেমা করার মতো ভারীভুরি দোষের কথা বলছি। তাহ’লে—মানে, তোর বড়দি সিনেমায় নামলে—’

‘আর জামাইবাবু, আপনাকে আর সিরিয়াস করা যাবেনা। মনে করুন দিদি কাউকে খুনই ক’রে বসলো—’

বেছে বেছে সবচেয়ে জোরালো কথাটাই বলে মঞ্জরী।

বিজয়ভূষণ সঙ্গে সঙ্গে ব’লে ওঠেন, ‘তাহ’লে? তাহ’লে দেশে যতো উকিল ব্যারিষ্টার আছে লাগিয়ে দিয়ে ক’সে মামলা লড়বো, যাতে ফাঁসি রদ হয়।’

‘নাঃ! আপনার কাছে উত্তর পাওয়ার আশা বৃথা। কিন্তু আপনি কি সত্যিই কোনোদিন ভেবে দেখেছেন জামাইবাবু, আপনাদের ছ’জনের ভালোবাসা অক্ষয় অটুট কি না, ধাক্কা লাগলে ভেঙে পড়ে কি না।’

‘তা যদি বলিস্ ভাই, কোনোদিনই ভেবে দেখিনি সত্যি। তোর বড়দির সঙ্গে যে আমার ভালোবাসার সম্বন্ধ এই কথাটাই কোনোদিন স্মরণে আসেনি। যেমন কোনোদিন ভেবে দেখিনি আমার এই মাথাটা ঘাড়ের ওপর ঠিক ভাবে ফিট্ করা করা আছে কি না, হঠাৎ কোনো ধাক্কা লাগলে জু খুলে প’ড়ে যাবে কি না।’

জন্ম
জন্মকে
সার্থী

সুনীতি এই সব রহস্যবৃত্ত কথা ছ’চক্ষে দেখতে পারেনা, তাড়াতাড়ি ব’লে ওঠে, ‘বাজে কথা রেখে কাজের কথা কও তো। আমি বলি কি, অভিমন্যুকে বলি, মজুকে আমি এখন নিয়ে যাই, শরীরটা বেশ

সারুক, ওর যখন ইচ্ছে হবে যাবে। আর সত্যি, শরীর অশরীরে তো মেয়েরা মা বোনের কাছেই যায়। গোড়া থেকে আমি যদি নিয়ে যেতাম ছাই, তাহ'লে হয়তো এ কাণ্ড হতোই না।’

মঞ্জরী হতাশ দৃষ্টিতে তাকায়, আশ্চর্য্য! সকলেই এক কথা বলবে। তাহ'লে কি মঞ্জরীরই ভুল হচ্ছে কোথাও? কিন্তু শুধুই কি তাই? অভিমত্যুর সেই ভয়ঙ্কর কথাটা? সেই জঘন্য কুৎসিত সন্দেহ!

তবু সেই ঘরেই ফিরতে হবে মঞ্জরীকে!

এতো বড়ো পৃথিবীতে আর কোথাও ঠাই হবেনা তার।

বিমনা মঞ্জরীর দিকে তাকিয়ে সুনীতি ব'লে ওঠে, ‘যাক্ যা হবার তা হয়েছে, দুঃখ করিস্নে। গাছের সব ফল কি আর টেকে? ভগবান আবার দেবেন। তবে এবার সাবধান হতে হবে। যথেষ্ট শিক্ষা তো হলো? নাকে কানে খত দে, আর ধিক্খিপনার দিকে নয়।’

মঞ্জরী গম্ভীরভাবে বলে, ‘আর নয় বলা কি ক'রে সম্ভব? আমাকে তো একটু ভালো হলেই স্টুডিওয় যেতে হবে।’

‘কি বললি? আবার তুই ওমুখো হবি?’

মঞ্জরী বালিশ থেকে মাথা তুলে প্রায় উঠে ব'সে উত্তেজিত ভাবে বলে, ‘কেন বলো তো? তোমাদের সব ধারণাটা কি? ওরা কি আমায় বিষ খাইয়েছিলো?’

বিজয়ভূষণ আস্তে আস্তে ওর মাথায় যত্ন একটু হাতের চাপ দিয়ে ফের শুইয়ে দিয়ে বলেন, ‘চট্‌ছিচ্‌ কেন ভাই, ওখান থেকে এসেই ওরকম হওয়ায় সকলেরই একটা বিরক্তি হয়েছে, এই আর কি।’

জন্ম
জন্মকে
দার্থী

‘কিন্তু আপনিই বলুন জামাইবাবু, আমি কণ্ট্রাক্টে সই করেছি, আধখানা ছবি উঠে গেছে, এখন আমি বলবো ‘আর আমার দ্বারা হবেনা’ ? মরে যেতাম সে আলাদা কথা, বেঁচে থেকে সুস্থ হয়ে কথার খেলাপ করবো ? প্রথমবারের অসুখের সময় আমার নার্সটার মুখে শুনেছি, স্টুডিও থেকে না কি রোজ খোঁজ নিতে আসতো কেমন আছি, কবে যেতে পারবো !’

বিজয়ভূষণ সাপ-মরা এবং লাঠি না-ভাঙার সুরে বলেন, ‘তা এতো ব্যস্ততাও আবার ভালো নয় । মানুষের অসুখ বুঝবেনা ?’

সেবারে এক ছবি প্রযোজনা করে অনেক টাকার ঘাড়ে জল পড়েছে বিজয়ভূষণের, কাজেই ও লাইনের প্রতি তাঁর আর তেমন সহানুভূতি নেই । বোধকরি সুনীতিরও এতো আক্রোশের কারণ তাই ।

‘বুঝবেনা কেন ? বুঝছে তো । এতোদিন ধরে বুঝছে । কিন্তু এতো টাকা খরচের পর আমি যদি আপত্তি করি, তখন আর বুঝতে চাইবেনা নিশ্চয় । চুক্তি-ভঙ্গের অপরাধে মঞ্জরীদেবীর নামে আদালতে ‘কেস’ উঠলেই কি আপনাদের খুব মুখোজ্জল হবে ?’

‘ওই তো হচ্ছে ঝগড়াটের কথা । এইজগেই—’

মুখের কথা কেড়ে নিয়ে সুনীতি বলে, ‘এইজগেই ঘর-গেরস্তর মেয়েদের বাইরে গিয়ে ঘট-ঘট করা দেখতে পারিনা । মান-সম্মত বজায় রাখতে চাস্ তো ঘরের মধ্যে থাক্ বাপু ।’

‘যেমন কচ্ছপ ! কি বলো বড়দি ? হাত পা মাথা বাঁচাতে খোলার মধ্যে ঢুকে ব’সে থাকার নীতি ।’

জন্ম
জন্মকে
জাখী

মুচ্কে হাসে মঞ্জরী ।

সুনীতি গম্ভীর ভাবে বলে, ‘কি জানি বাবা, তাদের এখনকার মেয়েদের মতিবুদ্ধি বুঝিনা । বুকের পাটা

দেখে দেখে অবাক হয়ে যাই। আমার মেয়েগুলোও তো হয়ে উঠছেন এক-একটি অবতার। সকাল সকাল বিয়ে দিয়ে ফেলতে পারলেই তবে টীট্ হয় ছুঁড়িরা। বিষ-দাঁত উঠতে পায়না। তা তো হবেনা, পঁচিশ-তিরিশ বছর ধরে আইবুড়ো থেকে—’

‘মেয়ে হয়ে মেয়েদের প্রতি তোমার এমন পাশবিক হিংসে কেন বড়দি? মেয়ে জাতটা শুধু জন্মই হোক এ ইচ্ছে কেন?’

‘ওলো, হিংসে নয় হিংসে নয়—মমতা! যতোই লেখাপড়া শিখিস, ভালো ক’রে তলিয়ে বোঝবার বুদ্ধি তো এখনো হয়নি। মেয়েমানুষকে যে স্বয়ং বিধাতাপুরুষই জন্ম ক’রে রেখেছেন—’

‘অতএব মানুষেও তার ওপর একহাত নিক্, কেমন?’

‘না হ’লে যে পদে পদে জন্ম হবে!’

‘হোক। জন্ম হতে-হতেই একদিন তার দিন আসবে।’

‘সে দিনটা কি তাই শুনি?’ ঝেঁজে উঠে সুনীতি বলে, ‘বিধাতাপুরুষ হার মেনে গিয়ে নতুন নিয়ম তৈরি ক’রে পুরুষদের দিয়ে ডিম পাড়াবে?’

‘ভব্যতার সীমা লঙ্ঘন হয়ে যাচ্ছে সুনীতি’—বিজয়ভূষণ অসন্তুষ্ট স্বরে বলেন, ‘তোমার এই বড়ো দোষ! কটু কথা যুক্তি নয়।’

‘যুক্তি চুক্তি ও সবের কিছুই ধার ধারিনা আমি’—সতেজে বলে সুনীতি কিছুমাত্র না দমে, ‘আমার যা খুসি বলবোই।’

সব কিছু বিস্মৃত হয়ে এইটাতেই হঠাৎ আশ্চর্য লাগে মঞ্জরীর। ওর মনে আসে, অভিমত যদি অপর কারো সামনে এভাবে তিরস্কার করতো মঞ্জরীকে, নিশ্চয় অপমানে কালো হয়ে যেতো মঞ্জরী—স্তব্ধ হয়ে যেতো একেবারে।

বিজয়ভূষণ ঘরের আবহাওয়া বদলাতেই হয়তো বলে ওঠেন, ‘সেদিন আগত ঐ তা তো দেখতেই

জন্ম
জন্মকে
সার্থী

পাচ্ছি। কিন্তু তার প্রকৃত স্বরূপটা কি সেটা কি নির্ধারিত হয়েছে
দিদি? তোরা নিজেরাই কি পরিষ্কার ক'রে ঠিক করেছিস?

‘করেছি বৈ কি জামাইবাবু। পুরুষজাতি যেদিন স্বীকার করবে
পৃথিবীর লীলাক্ষেত্রে মেয়েরা তাদের মতোই সমান প্রয়োজনীয়,
আর যেদিন বুঝবে তাকে বাঁধতে যে জিনিসটা দরকার সেটা সমাজ
শাসন আর বিধি-বিধানের যাতাকল নয়, অণু একটা জিনিস,
সেই হচ্ছে প্রকৃত দিনের রূপ।’

‘এটা তোর অবিচার শানি! পুরুষজাত কি শুধুই শাসন
করে? ভালোবাসতে জানেনা?’

‘ভালোবাসতে? তা হয়তো পারে। কিন্তু আমি যা বলছি—
সে জিনিসটা তো ভালোবাসা নয় জামাইবাবু!’

‘ভালোবাসা নয়? তার ওপরেও আবার কি আছে রে?’

‘তার ওপরেও কিছু আছে বৈকি জামাইবাবু! সেটা হচ্ছে—
বিশ্বাস। মায়া মমতা স্নেহ, সে তো লোকে পোষা কুকুরটাকেও
করে।’

পরাজয়! পরাজয়! বারেবারেই পরাজয় ঘটছে অভিমুখ্যর।
আত্মীয়পরিজনের কাছে, মঞ্জরীর কাছে, নিজের কাছে।

নিজের কাছে পরাজয় যে সবচেয়ে গ্লানিকর।

অথচ কিছুতেই নিজেকে শত্রু রাখা যায়না। মঞ্জরীর অচৈতন্য

জন্ম
জন্মকে
সার্থী

পাংশু মুখ দেখলেই বৃকের মধ্যে অস্থির একটা যন্ত্রণা
হতে থাকে, নিজেকে নিজে শাস্তি দিতে ইচ্ছে করে, মনে
হয় জীবনে আর কখনো কঠিন কথা বলবোনা তাকে।

কিন্তু কি অদ্রুত পরিস্থিতিই ঘটেছে।

চৈতন্য ফেরার সঙ্গে সঙ্গে কঠিন হয়ে উঠেছে মঞ্জরী নিজেই।
ছ'জনের মাঝখানে কী বিরাট এক ব্যবধান! অপরাধিনীর চোখের
দৃষ্টিতেই যেন বিচারকের ভ্রুকুটি।

ভ্রুকুটি সকলের দৃষ্টিতেই।

পূর্ণিমা ভ্রুকুটি ক'রে বললেন, 'বেরুচ্ছিস্ ?'

'হঁ।'

'কোথায় যাচ্ছিস্ ?'

'কোথায় আবার।' অসহিষ্ণু উত্তর।

এই এক অদ্ভুত প্রকৃতি অভিমত্কার। যে সাপ তাকে অহরহ
কুরে কুরে খাচ্ছে, সেটাকেই বুক দিয়ে ঢেকে অপরের চোখ থেকে
আড়াল করতে চায়।

পূর্ণিমা এই অসহিষ্ণু স্বরে আহত হন। ক্রুদ্ধস্বরে ব'লে ওঠেন,
'তা জানি, হাসপাতাল ছাড়া যাবার আর জায়গা নেই তোর।
কিন্তু এও বলি, তোর মতন নিল'জ্জ বেটাছেলে কি ভুভারতে আর
আছে? বৌয়ের পেছনে টাকা ঢালতে ঢালতে তো সর্বস্বান্ত হলি,
শরীর স্বাস্থ্যটাও কি নিঃশেষ করতে চাস্ ?'

'আমার শরীরে আবার কি হলো?'

'কি হলো, জিজ্ঞেস করগে যা আরশিকে। পোড়াকাঠের মতন
চেহারা হয়েছে—আর বলি কি না, শরীরে কি হলো! কেবিন
ভাড়া দিয়ে রেখে দিয়েছিস্, দিনে রাতে ছটো নাস' পুষছিস্,
ডাক্তারে ওষুধে ভ্রুটি তো রাখিস্নি কোথাও, ছ'বেলা
নিজে হাজরে না দিলে হবেনা?'

'যেতে বারণ করছো?'

'বারণ।' পূর্ণিমা মুখ বাঁকিয়ে বলেন, আমার

জন্ম
জনমকে
দার্থী

বারণ তুমি শুনবে যে! এখন বুঝছোনা, পরে বুঝবে মা কেন রাগ করে। এতো আশ্কারা পেলে আর মেয়েমানুষ মাথায় উঠবেনা? চোদ্দবার ছুটে ছুটে গেলে ওর প্রাণে আর একতিল ভয় থাকবে?’

অভিমন্যু মুখ টিপে হেসে বলে, ‘আচ্ছা মা, তুমি তো নিজেই বলো—বাবা তোমার ভয়ে থর থর ক’রে কাঁপতেন?’

‘বকিস্নে বকিস্নে থাম্! সেই ভয় আর তোদের এই মিন্মিনে কাপুরুষতা? তার মানে বোঝবার ক্ষামতা তোদের নেই। ওই বৌ জীইয়ে উঠে ছ’দিন পরে আবার যদি বলে “আমার যা খুসি তাই করবো”, পারবি আটকাতে?’

পারবে কি না সে সন্দেহ অভিমন্যুর নিজেরও আছে, তাই চুপ ক’রে থাকে। পরিহাসের হাওয়ায় এ প্রশ্নের উত্তর উড়িয়ে দিতেও পারেনা।

‘আমি তোর মা হই অভি, আমি তোকে এই হুকুম করছি, তুই ওখান থেকে বাক্যদত্ত করিয়ে আনবি বৌকে, এসে যেন আর ওই সব উন্চুটে বিত্তির ছায়া না মাড়ায়।’

অভিমন্যু মিনিটখানেক স্তব্ধ হয়ে থেকে ধীরভাবে বলে, ‘আর যদি বাক্যদত্ত হতে না চায়?’

‘তাহ’লে বুঝবো আমার গর্ভে আমি মানুষ ধরিনি, ধরেছি একটা জন্তু।’

অভিমন্যু কি বলতে গিয়ে একবার চুপ ক’রে যায়, তারপর বলে, ‘হয়তো তাই বুঝতে হবে তোমাকে, কিন্তু আরও একটা হুকুম তাহ’লে করো। রাজী যদি না হয় তাহ’লে এ-বাড়ীর দরজা কি তার সামনে বন্ধ হয়ে যাবে?’

জনম
জনমকে
সার্থী

পূর্ণিমা ঈষৎ শঙ্কিত হয়ে ছেলের মুখের দিকে একবার তাকিয়ে মুখ ভার ক’রে বলেন, ‘অতো লম্বা

লম্বা কথা বলে আমাকে জব্দ করবার চেষ্টা করতে এসোনা
বুঝতে পারছি তোমার দরজা আমার সামনেই বন্ধ হয়ে যাচ্ছে।’

তবু যেতে হবে অভিমন্যুকে।

মঞ্জরীকে আজ ইন্চার্জ ডক্টর ঘোষালের বিশেষ ক’রে দেখতে
আসার কথা। অভিমন্যুই কথা কয়ে রেখেছে।

মানুষ কতো নিরুপায়।

মানুষ কতো বেচারা।

প্রতি পদেই তার পরাজয়।

‘সেই যে আমার নানারঙের দিনগুলি’—

কোথায় গেলো সেই দিনগুলি! যার খাঁজে খাঁজে লুকোচুরি
খেলতো ইন্দ্রধনুর বর্ণছটা। কে সেই সুখের ঘরে হানা দিলো?
বিজয়বাবু? গগন ঘোষ? সমাজ প্রগতি?

মানুষ চলছে, মানুষ এগোচ্ছে। চলা মানেই কি এগোনো? সে
চলা—একই বৃত্তপথে ঘুরে ঘুরে চলা কি না কে তার হিসেব দেবে?
হয়তো এমনি এক হাস্যকর চলার গৌরব নিয়েই মানুষ অগ্রগতির দাবী
করছে। অতীত যুগে একদিন মানুষ মানুষের গায়ে পাথর ছুঁড়ে
মারতো, আজ বোমা ছুঁড়ে মারছে, এটাই কি অগ্রগতি? নাঃ।
অগ্রগতি তাকেই বলা হবে যেদিন নারীকে নিয়ে পুরুষের দৃষ্টিচ্যুত
ফুরোবে। ...ভাবতে ভাবতে চলে অভিমন্যু... যেদিন
জীবনসঙ্গিনী নির্বাচন ক’রে তাকে নিয়ে ‘হারাই
হারাই’ ক’রে অস্থির হতে হবেনা পুরুষকে। যেদিন
নারী নিজেকে নিজে রক্ষা করতে শিখবে।...

জন্ম
জন্মকে
সার্থী

প্রত্যেকের দৃষ্টিকোণ বিভিন্ন, প্রত্যেকের চিন্তাধারা বিভিন্ন। যখন যেকোনো সেই চিন্তার আলো পড়ে সেই দিকটাই সত্যের মতো উদ্ভাসিত হয়ে ওঠে। কিন্তু যথার্থ সত্য কি আজও নির্ণয় হয়েছে? আজও কি মানুষ বুঝতে শিখেছে তার সত্যকার কল্যাণের রূপ কি?...

সুনীতি বললো, ‘তাহ’লে ওই কথাই থাকলো কি বলো, হ্যাঁ গো? এখান থেকে প্রথমটা মঞ্জু একবার ওর নিজের বাড়ীতেই যাক, একবস্ত্রে অজ্ঞান অচেতন হয়ে চলে এসেছে, এখান থেকে নিয়ে গেলে অশুবিধেয় পড়বে। বাড়ী গিয়ে কাপড়-চোপড় গুছিয়ে নিয়ে আমার কাছে চলে আসবে, তারপর যতোদিন না বেশ সেরে উঠবে ততোদিন আমার কাছেই থাকবে। এই শেষ কথা, এর আর নড়চড় নেই।’

তরল চিত্ত সুনীতি হাত দিয়ে হাতী ঠেলতে চায়, চায় ফুঁ দিয়ে পর্বত ওড়াতে। সহজ কথা আর সহজ ভঙ্গি দিয়ে সব কিছুই সমাধান করে নিতে চায় সে।

মঞ্জুরী হাসে ওর ছেলেমানুষী দেখে।

বিজয়ভূষণ বলেন, ‘একতরফা তো রায় দেওয়া হচ্ছে। শালির মতটা পাওয়া গেলো কই? ওর ফে বড়ো কড়া কন্ডিশান। তোমার সতীন করে নিয়ে ওকে আমার ঘর করতে দিতে রাজী থাকো তো তোমার বাড়ী পদধূলি দেবে, নচেৎ নয়।’

জন্ম
জন্মকে
সার্থী

‘তা—তাতেই কি আমি অরাজী না কি? তিনদিন যদি তোমার ম্যাও সামলাতে পারে বুঝবো।’

মঞ্জুরী যুহু হেসে বলে, ‘যতো ছুতো করতে

পারো। জামাইবাবুর মতো নির্ঝঞ্ঝাট মানুষ আর আছে না কি জগতে ?

‘ওই ঢাখো ! ওহে সুনীতিবালা, ঢাখো—গুণগ্রাহী কাকে বলে !’

‘আজ তাহ’লে যাই রে মঞ্জু ! কাল আসবো আবার। কই, আজ তো অভিমন্যু এলোনা ! সন্ধ্যা হয়ে গেলো !’

বিজয়ভূষণ গম্ভীরভাবে বলেন, ‘কিছু কলহঘটিত ব্যাপার রয়েছে মনে হচ্ছে।’

‘বাজে ধারণা আপনার। কিছুই হয়নি।’

‘কলহ-কৌদল যদি না হয়, তাহ’লে তো ব্যাপার আরো ঘোরালো ক’রে তুলেছো মঞ্জরী দেবী। তুমি যে ভাবিয়ে তুললে।’

‘আপনাদের ভাবানোই তো আমাদের কাজ। নইলে পাছে ভুলে যান।’

বিজয়ভূষণ একটু কাছে এসে ওর মাথায় একটু আদরের খাবড়া মেরে স্নেহগম্ভীরস্বরে বলেন, ‘দুর্বল মাথায় কতকগুলো বাজে বাজে ধারণা নিয়ে তোলাপাড়া ক’রে শরীর খারাপ করিস্নে দিদি ! মানুষের সঙ্গে মানুষের হৃদয়ের সহজ সম্পর্ক জটিল হয়ে ওঠে কেবল-মাত্র অকারণ সন্দেহে। অপরের দৃষ্টি দিয়ে নিজেকে দেখতে শিখতে হয়, আর অপরের জায়গায় নিজেকে দাঁড় করিয়ে দেখতে হয়। যেই কারো প্রতি অভিমানে অন্ধ হবে, তখনি তার জায়গায় নিজেকে দাঁড় করিয়ে দেখতে চেষ্টা করবে—এক্ষেত্রে তুমি নিজে কি করতে। মান আর অপমান এ দুটো শব্দই তো মানুষের তৈরী করা। দেশ ভেদে, সমাজ ভেদে, ব্যক্তি ভেদে ওর আলাদা আলাদা রূপ। তবে আর ওই দুটো কাঁচা শব্দ নিয়ে জীবনের জটিলতা এতো

জনম
জনমকে
সার্থী

বাড়ানো কেন? কে কার মান কাড়তে পারে? কে কাকে
অপমান করতে পারে? তোমার সম্মান তোমার নিজের কাছে।
তার নাম আত্মসম্মান।’

হঠাৎ মঞ্জরীর দুই চোখ ছলছলিয়ে আসে। বলে, ‘সেইটে
বাঁচাবার জগেই তো পালিয়ে আসতে চাই জামাইবাবু। প্রতিষ্ঠার
সমস্ত ফাঁকি যে ধরা পড়ে গেছে।’

বিজয়ভূষণ কি বলতে যাচ্ছিলেন, সুনীতির সহর্ষ কলোচ্ছ্বাসে থেমে
গেলেন।

সুনীতি কাকে যেন উদ্দেশ্য ক’রে বলছে, ‘এই যে! বাবুর
এতোক্লেশে আসা হলো! আমরা সেই কতোক্লেশ থেকে এসে ব’সে
থেকে থেকে এবার উঠে পড়লাম। এতো দেরী কেন? ভালো
আছে তো?’

তাকিয়ে দেখলেন বিজয়ভূষণ, তাকিয়ে দেখলো মঞ্জরী।

অভিমত্ব ঘরে ঢুকলো।

একহাতে সন্দেশের বাস, একহাতে এক ঠোঙা লেবু আর আপেল।

* * * * *

‘নাঃ! এখনো নাকি হাসপিটাল থেকে রিস্কাভ করেনি! উঃ,
কী কেলেকারী বলুন তো! আমি তখনি বলেছিলাম
ওসব নতুন-ফতুনে কাজ নেই’—সহকারী নলিনীবাবু
মুখখানা বেজার ক’রে বলেন, ‘এখন দেখুন বিপদ!’

জনম
জনমকে
সাথী

প্রযোজক পরিচালক গগন ঘোষ সিগারেটের ছাই

ঝাড়তে ঝাড়তে স্থিতপ্রজ্ঞসুরে বলেন, ‘সবই এ্যাক্সিডেন্টাল ! নতুন বলেই অসুখে পড়েছে, পুরনো হ’লে পড়তোনা, এমন বলতে পারোনা।’

‘তা না হয় না বললাম। কিন্তু এই যে আজ ছ’হণ্ডা কাজ আটকে রইলো—’

‘লোকসান তো হচ্ছেই, কিন্তু উপায় কি? এখন তো আর ওকে বাদ দিয়ে নতুন ক’রে কিছু করা সম্ভব নয়?’

‘এদিকে বনলতা যে জবাব দিতে চাইছে! বলে কি না, সামনের মাসে চেষ্টা যাবে।’

‘তাই নাকি? এটা আবার কখন বললো?’

‘আজই ফোন ক’রে জানতে চাইছিলো শ্বাটিং হচ্ছে কবে! আমার কাছে “এখনো অথই জল” শুনে বললো, ‘তাহ’লে এখন সমুদ্রে ডুবুন, আমি চললাম সামনের মাসে।’

‘কোথায় যাচ্ছে?’

‘কে জানে মুন্সেরে না কি যেন বললো।’

‘কোথাও যাবেনা। ওসব দর বাড়ানো। যাও, এখন কিছু তৈল প্রদান করোগে। নতুন কি আর সাধে নিয়েছি? এইসব ছুঁড়িদের চাল দেখে দেখে ইচ্ছে করে, গাঁ থেকে ‘র’ মেয়ে ধরে এনে কাজ করি। তাছাড়া—এই মঞ্জু না কি, এ মেয়েটার মধ্যে পার্টস্ ছিলো। দেখি আর হণ্ডাখানেক অপেক্ষা করে।’

‘দেবেনা’—নলিনীবাবু মুখ বাঁকিয়ে বলেন, ‘এতো শীগগির বাড়ী থেকে আসতে দেবেনা! পেটের দায়ে পয়সা কামাতে আসা তো নয়, সেরেফ্ সখ্। শুনলাম, স্বামী না কি প্রফেসর, স্বামীর দাদারাও আছে বড়োবড়ো লোক। বাড়ীতে দারুণ আপত্তি, আধুনিক কারো কথা শোনেননি।’

জনম
জনমকে
জাখী

‘এতো খবর তুমি কোথা থেকে জোগাড় করলে হে ?’

‘খবর ? খবর হাওয়ায় হাঁটে।’

‘সে যাক্, তুমি বনলতাকে তোয়াজ ক’রে ঠিক ক’রে রেখো।
ব’লে দিও ছবি শেষ না ক’রে কোথাও যাওয়া-টাওয়া হবেনা।’

‘আসছে ছবিতে দয়া ক’রে আর ওটাকে নেবেন না।’

‘কোনটাকে ? নতুনকে ?’

‘না, বনলতার কথা বলছি। ভারী চাল। মুখ টিপে হেসে
ভিন্ন কথা বলেনা। কথায় যেন অহঙ্কার ছিটকোয়।’

‘এখন ওর দিন রয়েছে করবে বৈ কি।’ গগন ঘোষ আর একটা
সিগারেট ধরাতে ধরাতে ক্ষুব্ধহাস্তে বলেন, ‘কতোই দেখলাম ! ছুঁচ
হয়ে ঢোকে, ফাল হয়ে বেরোয়।’

‘আর আপনি জীবনভোর ব’সে ব’সে গাধা পিটিয়ে ঘোড়া
করুন।’

গগন ঘোষ হেসে ওঠেন।

নলিনীবাবুর রাগে তাঁর ভারী কৌতুক।

মঞ্জরী এদের মুষ্কিলে ফেলেছে, রীতিমত ফেলেছে। কিন্তু রাগ
ক’রে বাতিল করা চলেনা। স্টেজের থিয়েটার নয় যে, একজনের
অনুপস্থিতিতে আর একজন চালিয়ে দেবে। অনেক টাকা ঢেলে
অনেকগুলো সীন্ তোলা হয়েছে।...মুষ্কিল বনলতাকে নিয়েও।
তার ভারী অহঙ্কার। আসলে সে হচ্ছে মঞ্চাভিনেত্রী। গগন ঘোষই
পর পর এই ছ’খানা ছবিতে নামিয়েছেন তাকে। কিন্তু রাশি ক’রে

জন্ম
জন্মকে
সার্থী

টাকা নিয়েও তার ভাবভঙ্গি যেন গগন ঘোষের
পিতৃদায় উদ্ধার করছে।

‘নিশীথ ঠিক আছে তো ? না কি তিনি আবার
বিলেতে যেতে চাইছেন ?’

‘চায়নি এখনো। চাইলেই হলো।’

অতঃপর এটা ওটা নানা কথা হয়, এবং শেষ পর্যন্ত নলিনীবাবু গাড়ী নিয়ে বেরিয়ে পড়েন বনলতার তোয়াজ করতে এবং মঞ্জরীর খোঁজ করতে। কবে নাগাদ সে কাজে যোগ দিতে পারবে এটা জানতে পারলে কতকগুলো ব্যাপার ঠিক ক’রে নেওয়া যায়।

গাড়ীতে উঠে নলিনীবাবু বেজার মুখে বিড়বিড় ক’রে বলেন, ‘ঝকমারি! শালার ‘সহকারী’ হয়েই জীবন কাটলো, স্বাধীনভাবে একটা ছবি করবার চান্স আর পেলামনা আজ পর্যন্ত। শুধু লক্ষ্মীছাড়া ছুঁড়িগুলোর তোয়াজ করতে করতেই প্রাণ গেলো।’

‘ক্ষতিপূরণ?’ নলিনীবাবু অবজ্ঞার হাসি হেসে বলেন, ‘ক্ষতিপূরণ হিসেবে কতো টাকা আপনি দিতে পারেন মিষ্টার—মিষ্টার—’

‘লাহিড়ী!’ অভিমন্যু বলে।

‘ও, ইয়ে-স্। মিষ্টার লাহিড়ী। তাহ’লে প্রশ্ন করি, ছবিটার পিছনে এ পর্যন্ত কতো টাকা খরচা হয়েছে, সে আইডিয়া আছে আপনার?’

‘ঠিক ধারণা না থাকলেও মোটামুটি একটা আন্দাজ অবশ্যই আছে।’ আরক্তমুখে বলে অভিমন্যু।

নলিনীবাবু একচোখ কুঁচকে দরাজ সুরে বলেন, ‘বলুন। ব’লে ফেলুন আপনার আন্দাজটা।’

অপমানের কালি মুখে মেখে অভিমন্যু বলে, ‘আমার উকিলের কাছেই বলবো।’

‘বে—শ তাই বলবেন। কিন্তু আমার পরামর্শ

জন্ম
জন্মকে
সার্থী

যদি শোনে মিস্টার লাহিড়ী, তাহ'লে বলছি, ইচ্ছে ক'রে ঝগাট ডেকে না আনাই ভালো। অবশ্য আমার কিছু বলা উচিত নয়, আপনার আর্থিক অবস্থা আপনিই বোঝেন, তবে অকারণ চল্লিশ-পঞ্চাশ হাজার টাকা—তাছাড়া ফইজতও অনেক আছে।'

অভিমন্যু ভুরু কুঁচকে বলে, 'চল্লিশ-পঞ্চাশ! ছবি তো অর্দেক মাত্র তোলা হয়েছে শুনলাম।'

“অর্দেক নয়, ওয়ান থার্ড। খরচ-খরচার সম্পূর্ণ হিসেব অবশ্যই কোর্টে দাখিল করা হবে। কিন্তু ভেবে দেখুন মিস্টার লাহিড়ী, মিসেস লাহিড়ীর অসুস্থতার জন্তে আপনি এতো করবেন, অথচ ওঁকে ঠিক বিশ্রাম দিতে পারবেন কি? কোর্টে হাজির হতে হলেও তো কষ্ট আছে—’

অভিমন্যু বিরক্তভাবে বলে, 'সে আমি বুঝবো।'

‘ঠিক আছে, ঠিক আছে! তাই বুঝবেন। তবে কাজটা ভালো করলেন না! অন্ততঃ একবার যদি আমাকে মঞ্জরীদেবীর সঙ্গে পাঁচ মিনিটের জন্তে দেখা করতে দিতেন। তিনি যখন নাবালিকা নন তখন—’

‘দেখুন, আমার এখন কাজের সময়। আপনি আসতে পারেন। আপনাদের যা কিছু বক্তব্য কোর্টেই বলবেন।’

‘আচ্ছা নমস্কার।’

উঠে গিয়ে গাড়ীতে ওঠেন নলিনীবাবু, মনে মনে গালিগালাজ করতে করতে। কাকে? কাকে নয়? অভিমন্যুকে, মঞ্জরীকে, গগন ঘোষকে, সিনেমা লাইনকে, নিজের ভাগ্যকে।

জন্ম
জন্মকে
সার্থী

নলিনীবাবু চলে যাবার পর খানিকক্ষণ গুম হয়ে ব'সে থাকে অভিমন্যু।

ভাবতে চেষ্টা করছে ব্যাপারটা কি হয়ে গেলে। যে
বচসা হলো লোকটার সঙ্গে, অনেক কথা কাটাকাটি। রা.
শেষ পর্যন্ত কিনা কোর্টের ভয় দেখায়! প্রথমটা অভিমন্যু যথেষ্ট
ভদ্রতার সুর বজায় রেখেছিলো, হাত জোড় ক'রে বলেছিলো
মঞ্জরী অশুশ্রু, ডাক্তারের নির্দেশে ওকে এখন দীর্ঘকাল সম্পূর্ণ
বিশ্রাম নিতে হবে, কিন্তু লোকটা যেন নাছোড়বান্দার শিরোমণি।
হাত কচলায় আর বলে, 'কথা দিচ্ছি, ওঁকে কোনোরকম কষ্ট
পেতে দেবোনা। আউটডোরের কাজ নয়, স্টুডিওর মধ্যে
গাড়ী ক'রে যাবেন, গাড়ী ক'রে আসবেন। বলেন তো আমি নিজে
পৌছে দেবো। নইলে মারা যাবো সুর, সেরেফ মারা যাবো।
ইত্যাদি ইত্যাদি। ওই ধূর্তশিয়ালের মতো মুখের বিনয় বচন
আর কতোক্ষণ সহ করা যায়।

তবু হাত জোড় ক'রে বলেছে অভিমন্যু 'মাপ করবেন মশাই,
ডাক্তারের নিষেধ।' সেই কথায় হতভাগা বলে কি না, 'আমাদের
একদিন ডাক্তার আনতে দেবেন সুর? সহরের সেরা ডাক্তারকে
নিয়ে আসবো কোম্পানীর খরচায়—'

এরপর আর ভদ্রতা রক্ষা সম্ভব হয়নি। ঝগড়াই হয়ে গেছে।
এবং অভিমন্যু প্রস্তাব করেছে, চুক্তিভঙ্গের অপরাধে যা ক্ষতি-
পূরণ দিতে হয় সে দিতে প্রস্তুত।

ঝাঁকের মাথায় রোখ চেপেছিলো। নলিনীবাবু চলে যাবার
পর অভিমন্যু চোখের সামনে একটা ধোঁয়ার পর্দা
ছাড়া আর কিছু দেখতে পায়না। ঝাঁকের মাথায়
তো চোটপাট ক'রে বসলো, কিন্তু কোথায় সেই প্রভূত
পরিমাণ টাকা? ধার করবে? আত্মীয়জনের কাছে?

জনম
জনমকে
জাখা

যদি শোনেছে ? কারণটা কি বলবে ?

ডেকেহলেই মান বজায় থাকবে ?

উঃ, মঞ্জরী কি তার এতো শত্রুও ছিলো !

অনেক কথা বয়ে যায় মনের মধ্যে, নদীর স্রোতের মতো চিন্তার স্রোত।...সহসা এক সময় চম্কে স্তব্ধ হয়ে যায় অভিমন্যু, নিজের এতোক্ষণকার অসতর্ক চিন্তার দিকে তাকিয়ে। নির্জন ঘরে নিজে-নিজেই মরমে মরে যায়।

হ্যাঁ, এতোক্ষণ মরার কথাই ভাবছিলো অভিমন্যু।

নিজের নয়, মঞ্জরীর।

ভাবছিলো এর চাইতে মঞ্জরী যদি সেরে না উঠতো, যদি মারা যেতো, অনেক ভালো হতো। সমস্ত কুশ্রীতার হাত এড়িয়ে নিষ্কলঙ্ক পবিত্র একখানি শোক নিয়ে দিন কাটাতে পারতো অভিমন্যু। ভাবতে ভাবতে হঠাৎ এই অসতর্কতার দিকে তাকিয়ে স্তব্ধ হয়ে গেলো।

কাল মঞ্জরীকে হাসপাতাল থেকে আনার কথা। এখনো বাড়ী এসে পৌঁছয়নি, আর আজ যদি স্বার্থপর হতভাগা ব্যবসাদারেরা তার কাজে যোগ দেবার দিন ঠিক করতে ধন্য দিতে আসে, রাগ হয়না ? বারবার ভাবতে চেষ্টা করে অভিমন্যু, সে রাগ ক'রে অমন নিষ্করণ চিন্তাটাকে প্রশ্রয় দিচ্ছিলো, কিন্তু বারবার সমস্ত যুক্তি আড়াল ক'রে একখানি মুখ চোখের সামনে ভেসে ওঠে।

বেদনাবিধুর বিষন্ন শ্যামল একখানি মুখ।

দীর্ঘপল্লবাচ্ছন্ন কালো ছুটি চোখে অভিমানের

জনম্

ভৎসনা হেনে বলছে, 'তুমি এই ?'

জনমকে

কিন্তু অভিমন্যু কি করবে ? সেও তো রক্তমাংসের

সার্থী

মানুষ ?

কাল মঞ্জরীকে আনবার কথা।

যদিও পূর্ণিমা দেবীর অভিমত স্পষ্ট ভাবে ঘোষণা করতে
অভিমত মঞ্জরীর কাছে, শুধু জানিয়েছে, এবার থেকে ম
ইচ্ছানুরূপ চলতে হবে। নুচেং নিশ্চয়ই পূর্ণিমা দেবী সংসার ত্যাগ
ক'রে তীর্থ বাস করবেন। কিন্তু ইত্যবসরে সুনীতি দেবী বায়না নিয়ে
ব'সে আছেন বোনকে নিয়ে গিয়ে কিছুদিন কাছে রাখবেন। মঞ্জরীরও
যেন সেইদিকে 'চল' নেমে আছে।

উঃ! কী ক'রে যে এই দুর্দিন কেটে আবার সূদিনের মুখ
দেখতে পাবে অভিমত।

সূদিনের মুখ।

সত্যিই কি আর কোনোদিন দেখতে পাবে?

'সেই যে আমার নানারঙের দিনগুলি।'

সমস্ত রং যে কী এক ক্লৈদান্ত কাদা জলের স্পর্শে ধুয়ে মুছে
বিবর্ণ হয়ে গেল। হয়তো শীঘ্রই মঞ্জরীর রোগ সেরে যাবে, ঘরে-
বাইরে যতো কিছু ঝঞ্ঝাট তাও হয়তো একদিন যাবে। আত্মীয়দের
কৌতূহল যাবে, পরিজনদের বিরাগও যাবে, কিন্তু মঞ্জরীর আর
তার অবাধ উন্মুক্ত হৃদয়ের মাঝখানে যে অভেদ প্রাচীরটা ধীরে
ধীরে গড়ে উঠেছে সেটা কি কোনোদিন যাবে?

বোবা সেই দেওয়ালটার ছ'দিকে পরস্পর দু'জনে মাথা কুটবে
আর দিন কাটাবে। ধূসর বিবর্ণ আলোহীন উত্তাপহীন দিন।

এখন আর ওসব দিদির বাড়ী-ফাড়ি গিয়ে কাজ
নেই। অভিমত মনে মনে ভাবে। ওইসব সংস্পর্শে
হুঃসাহস আরো বেড়ে যাবে মঞ্জরীর। মেয়েদের
বাপের বাড়ীর দিকে বেশী পৃষ্ঠবল থাকা ভালো নয়।

জনম
জনমকে
সার্থী

যদি শোনে। বজ্রবাবুকে জানিয়ে দেবে শীগগির, এখন আর মঞ্জরী
ডেকে শ্বাচ্ছেনা, এখানে মা তাহ'লে মনঃক্ষুণ্ণ হবেন।

হবেন বৈ কি, সত্যিই হবেন।

রোগাতুরা পুত্রবধূকে কাছে না পেয়ে নয়, উত্ততবজ্র শাসন হাতে
নিয়ে অপরাধিনীকে হাতে না পেয়ে। দু'বার ক'রে রোগে পড়ার
সুযোগে অপরাধের শাস্তিই তো পেলোনা মঞ্জরী।

ফোন করবে ব'লে উঠি উঠি করছে এমন সময় শ্রীপদ এলো
হাঁপাতে হাঁপাতে, 'ছোড়দাদাবাবু, ছোটবৌদির বড়দির বাড়ী থেকে
ডাকতে এসেছে।'

'ডাকতে এসেছে? কাকে ডাকতে এসেছে?'

'আপনাকে আবার কাকে! যান একখুনি যান, জরুরী ডাক।'

'কেন, তা কিছু বলেনি?'

'কিছু বলছেন। আপনি চলেই যাননা তাড়াতাড়ি।'

'কি মুস্কিল! কে এসেছে কে?'

'ওনাদের বামুনঠাকুর।'

'কোথায় সে? ডাক না।'

'পথে দাঁড়িয়ে আছে। আমি বলছি দাদাবাবু আপনি যান।'

শ্রীপদের আদিখ্যেতায় বিরক্ত অভিমন্যু গেম্বির উপরে একটা
জামা গায়ে দিতে দিতে নেমে যায়, আর একটা আশঙ্কায় মনটা
উদ্ভ্রান্ত হয়ে ওঠে।

মঞ্জরী নিজেই জোর ক'রে হাসপাতাল থেকে ছুটি ক'রে

দিদির বাড়ী গিয়ে ওঠেনি তো? ধেং, তাই

কখনো সম্ভব? হাসপাতালের একটা আইন নেই?

ছাড়বে কেন তারা? অভিমন্যুর প্রশ্নের কি জবাব

দেবে?

জন্ম
জন্মকে
সার্থী

কিন্তু শুধু শুধু সুনীতির হঠাৎ কি এমন দরকার পড়লো যে
এমন জরুরী তলব ?


সোনালি সবুজ পাতাগুলো পড়ন্ত বেলার সোনা-রোদে সবটা
সোনালি হয়ে গেছে। ঝিলমিল ঝিলমিল ঝিরঝির ঝিলমিল, মুহূর্তের
জন্ম বিশ্রাম নেই। ঘরের মধ্যে খাটে শুয়ে বোঝা যেতোনা কি
গাছ, আজকাল বারান্দায় বেরিয়ে এসে বেড়াবার ছকুম পেয়ে বুঝতে
পেরেছে মঞ্জরী কি গাছ ওটা।

তৈঁতুল গাছ !

বাতাসের ঢেউ লাগে কি না লাগে, পাতায় পাতায় জাগে
শিহরণ। তাকিয়ে থাকতে ভারী ভালো লাগে মঞ্জরীর। তাকিয়ে
থাকতে থাকতে সোনা-রোদ স্নান হয়ে আসে, পাতাগুলো সহসা
যেন ঘন সবুজ হয়ে ওঠে, আর এই সময় আসে অভিমুখ্য, আসে
সুনীতি, আসেন বিজয়বাবু। বেশী অশুখের সময় জায়েরা দেখে
গেছেন একদিন প্রচুর আঙুর বেদানা আপেল নাসপাতির ভেট
নিয়ে, ননদরাও দেখে গেছেন ছ'জনে খালি হাতেই। নিকট
সম্পর্ক দূর সম্পর্ক অনেকেই এলো এক-একদিন। তখন শুধু
শুয়ে থাকতো মঞ্জরী। এখন আর অণু কেউ আসেনা। এখন
বারান্দায় বেরিয়ে আকাশের দিকে চেয়ে বসে থাকতে থাকতে
ওরা আসে। আর আসার আগে পর্য্যন্ত কেমন যেন শূন্য শূন্য
লাগে।

মঞ্জরীর কি আর কেউ ছিলো ? কোনোদিন
আর কোনো আশ্রয় ছিলো তার ?

পাতাগুলো ঘন সবুজ হতে হতে গাঢ় কালো



হয়ে গেলো, মুছে গেলো তাদের নৃত্যছন্দের ঝিলমিল। অন্ধকার হয়ে এলো আকাশ। সমস্ত পৃথিবী যেন ক্লান্ত হতাশায় মুখ গুঁজে বসলো।

নার্স ডাকলো, ‘ঘরে চলে আসুন দিদি, ঠাণ্ডা লাগবে।’

‘যাই।’ বলেও চুপচাপ ব’সে থাকে মঞ্জরী ইজিচেয়ারটায়।

নার্স কাছে এসে বলে, ‘দুধ খাবার সময় হয়ে গেছে, আসুন। আপনার বাড়ী থেকে আজ আর কেউ এলেননা বোধহয়।’

‘তাই দেখছি।’ যতোটা সম্ভব সহজ হবার চেষ্টা করে মঞ্জরী।

‘আর তো শুধু আজকের রাতটা! কালকেই তো চলে যাচ্ছেন নিজের লোকেদের কাছে, কি বলেন দিদি? খুব মজা লাগছে তো?’

মঞ্জরী শুধু একটু হাসি দিয়ে উত্তর দেয়।

‘সেইজন্মেই আজ আর কেউ এলেননা মনে হচ্ছে।’

‘তাই হবে।’

‘আসুন দিদি, চলে আসুন।’

‘যাই।’

দুধের পর গল্পের বই। গল্পের বইয়ের পর রাতের আহার। তখনো মনের মধ্যে প্রতীক্ষার রেশ গুঞ্জরন ক’রে ফেরে। কেবিনের নিয়ম শিথিল। অসময়ে আসা চলে। সন্ধ্যাবেলা কাজে আটকে গেলে, বেশী রাতেও তো আসা যায়।

কিন্তু কতো বেশী রাতে?

জন্ম
জন্মকে
সার্থী

এগারোটা? বারোটা? তারপরও কি গেট খোলা থাকে? খোলা থাকে আসার পথ? নার্সটা এক সময় ব’লে ওঠে, ‘দিদির আজ ঘুম আসছেন, না?’

‘না। কি রকম যেন গরম হচ্ছে।’

‘গরম নয়, আহ্লাদ!’ নাস’টা হাসে, ‘দেখি তো সব পেসেন্টকেই, ছাড়া পাবার আগের রাত্তিরে আর ঘুমোয় না।’

আহ্লাদ।

মঞ্জরী ভাবতে চেষ্টা করে, হাসপাতালের ঘর থেকে ছাড়া পাবে ভেবে তার কি খুব আহ্লাদ হচ্ছে? কই? বরং যেন আতঙ্ক! হ্যাঁ আতঙ্ক! এ যেন বেশ ছিলো। দায়হীন চিন্তাহীন শিকড়ের মাটির স্পর্শহীন অদ্ভুত একটা হাল্কা জীবন! কাল থেকে কতো যুদ্ধ!

কাল বেলা দশটায় ছুটি।

সুন্নীতির সঙ্গে কথা হয়ে আছে, বিজয়বাবুও আসবেন বেলা দশটার সময়। হাসপাতালের লেখাপড়ার কাজ মেটানো হ’লেই অভিমন্ত্যুর দায়িত্বের ছুটি।

বিজয়ভূষণের সঙ্গেই চলে যাবে মঞ্জরী।

নিজের ঘর?

নিজের ঘর কোথায় মঞ্জরীর? যে অভিমন্ত্যুর স্পষ্ট সন্দেহ করতে বাধেনা—মঞ্জরী তার অজাত সন্তানকে হত্যা করেছে, সেই অভিমন্ত্যুর ঘর তো?

নির্লজ্জ সেই সন্দেহ, নগ্ন নিরাবরণ তার উদ্ঘাটন! সেই মুহূর্তেই তো সব শেষ হয়ে গেছে। যাচাই হয়ে গেছে প্রেমের আর বিশ্বাসের। নির্ণয় হয়ে গেছে সম্পর্কের নিগূঢ় সত্য রূপ। আবার সেই ঘরে আশ্রয় নিতে যাবে মঞ্জরী? আবার গর্ভে ধারণ করবে অভিমন্ত্যুর সন্তান?

ছি ছি ছি।

জনম
জনমকে
জাখী

সমস্ত অন্তরাগ্না ‘ছি-ছি’ ক’রে ওঠে। তবু জ্বালা নয় যন্ত্রণা
নয়, সমস্ত মন আচ্ছন্ন হয়ে থাকে গভীর এক শূন্যতায়। সেই পাতা
ঝিলমিল সন্ধ্যার হতাশ প্রতীক্ষার শূন্যতায়! অভিমন্যু এলোনা।

আশ্চর্য্য মানুষের মন!

আশ্চর্য্য রহস্যময়ী রাত্রির লীলা।

সকালের রূপ আলাদা।

সূর্য্য স্পষ্ট, সূর্য্য রুঢ়, সূর্য্য বাস্তব। সূর্য্যের আলোয় মোহময়ী
ছর্বলতার ঠাই নেই। সকালের আলোয় মনকে দৃঢ় ক’রে নিয়েছে
মঞ্জরী।

সকালবেলা অভিমন্যু এলো।

দশটা বাজে বাজে তখন।

ক্লিষ্ট অন্ধকার মুখে রাত্রি জাগরণের স্পষ্ট ছাপ।

না, না, ও মুখের দিকে তাকাবে না মঞ্জরী। ও ওর ওই
ক্লিষ্ট মুখের অভিনয়ে পরাজিত করতে চায় মঞ্জরীকে। এইতেই
জিতে যায় পুরুষ। এই ওদের কৌশল, এ ওদের হাতিয়ার।
কঠিন হবে মঞ্জরী, খুব কঠিন।

‘চলো।’

‘জামাইবাবু এলেন না?’

‘না।’

‘আমার সঙ্গে কথা ছিলো, তিনিই আসবেন।’

‘দেখতেই পাচ্ছে। কথা রাখতে পারলেন না।’

‘বীডন্ স্ট্রীটের বাড়ীতে আমি যাবো না।’

জন্ম
জন্মকে
সার্থী

‘পাগলামী কোরোনা। চারদিকে এরা কৌতূহলী হয়ে শুনছে।’
‘বেশ, তুমিই তাহ’লে আমাকে দিদির ওখানে পৌঁছে দিয়ে যাও।’
‘সে হয়না।’

‘কেন হয়না? বলেছি তো তোমাদের বীডন্ স্ট্রীটের বাড়ীতে
আমি আর যাবোনা।’

‘আমি তোমায় মিনতি করছি মঞ্জরী, এখানে আর ছেলেমানুষী
কোরোনা।’

আবার সেই কৌশল। সেই ক্লিষ্ট বিষন্ন গভীর বেদনাময়
মুখের ফাঁদ।

উপায় নেই, কোনো উপায় নেই। এখানে কেলেকারী করা
চলেনা।

জামাইবাবুর উপর ক্রোধে অভিমানে চোখ ফেটে জল আসতে
চায়, দাঁতে দাঁত চেপে গাড়ীতে গিয়ে ওঠে মঞ্জরী।

বাড়ী পৌঁছে আর কোনো কথা নয়, টেলিফোনের দিকেই আগে
এগিয়ে যায় মঞ্জরী। কিন্তু অভিমত্যা ভেবেছে কি? ও কি মঞ্জরীকে
নজরবন্দী ক’রে রাখতে চায়? মঞ্জরীর রিসিভার-ধরা হাতটা চেপে
ধ’রে বলে কিনা—‘ফোন্ কোরোনা।’

‘কেন?’ ব্যঙ্গের হাসি হেসে তীক্ষ্ণ প্রশ্ন করে মঞ্জরী, ‘এ
স্বাধীনতাটুকুও নেই?’

‘তোমার ভালোর জন্তেই বারণ করছি মঞ্জরী।’

‘আমার ভালো? সে করবার সাধ্য আর
ভগবানেরও নেই। ছাড়ো, আমি জামাইবাবুকে ডাকছি
একখুনি আমায় নিয়ে যেতে।’

‘উনি আসবেন না।’

জেন্ন
জনমকে
সার্থী

‘আসবেন না ? আমি ডাকলেও আসবেন না ? নিশ্চয় তুমি তাহ’লে ওঁদের সঙ্গে ভয়ানক কিছু একটা করেছে। নইলে আমি ডাকলে—’

‘তুমি কেন, কেউ ডাকলেই উনি আর আসবেন না মঞ্জরী ! সহস্রবার ডাকলেও শুনতে পাবেন না যে ! কাল বিকেলে হঠাৎ ঘাড়ের শির ছিঁড়ে মারা গেছেন বিজয়বাবু !’

ভগবান ব’লে কি সত্যই কেউ আছেন ?

ভুল ভুল, কেউ নেই ! মানব-জীবনের নিয়ন্ত্রণ-কর্তা যদি কেউ থাকে তো সে হিংস্র শক্তিধর ক্রুর একটা আত্মা। কোটি কল্পকাল ধ’রে অত্যাচারিত মানবের অভিশাপে অভিশাপে আরো হিংস্র হয়ে উঠছে সে, উঠছে আরো উন্মাদ হয়ে।

আলুথালু সুনীতি মুখ তুলে মঞ্জুকে দেখে হাহাকার ক’রে ওঠে, ‘আর কি দেখতে এলি ভাই ? তোর জামাইবাবু আর নেই রে ! তোকে আনতে যাবার বদলে নিজেই চলে গেলেন !’

পাথরের পুতুলের মতো ব’সে রইলো মঞ্জু। না দিলো দিদিকে সাস্তুনা, না কাঁদলো নিজে। তিন মেয়ে সুনীতির, ছোট মাসীর এই নির্মায়িক ভাব দেখে বিরক্ত হয়ে পাশ ফিরে ফিরে গুলো। এই তিন দিন তারা ওঠেনি, মুখে জল দেয়নি।

জন্ম
জন্মকে
সার্থী

সুনীতিই কথা বলতে থাকে, ‘তুই এসে থাকবি ব’লে তোর জামাইবাবুর কতো জল্পনা-কল্পনা, রোগা-মানুষ তুই, পাছে কোনো অসুবিধে হয়। আর কোনো দিকে তাকালেন না রে, সবাইকে ছেড়ে চলে গেলেন !’

মঞ্জরী তখন নিশ্চল হয়ে ভাবছে মানুষের ভাগ্যান্বিতার মূর্তিটা কি রকম। দিদির আক্ষেপ একটু থামলে একসময় বলবে ভেবেছিলো, ‘দিদি আমি তোমাকে ছেড়ে যাবোনা, এখানে থাকবো বলেই এসেছি।’

বলা হলোনা। সুনীতির আক্ষেপোক্তির মধ্যেই বোঝা গেল এ-বাড়ীতে আর মুহূর্তকাল টিকতে পারছেন না সে, শ্রাদ্ধ-শাস্তি সমাধা হলেই চলে যাবে বড়ো ননদের কাছে হাজারীবাগে। সুনীতিকে তিনি পেটের মেয়ের মতো দেখেন।

অতএব সমস্ত সংকল্প ধূলিসাৎ।

সংকল্প ছিলো নিজের উপার্জনে নিজের ব্যয়ভার বহন করবে দিদির বাড়ীতেই থেকে। সংকল্প ছিলো উপার্জন ক’রে ক’রে শোধ ক’রে দেবে অভিমন্যুর ঋণ। না, এই কয়েক বৎসরব্যাপী দাম্পত্য-জীবনের অন্নবস্ত্রের ঋণ নয়, যে মুহূর্তে অভিমন্যু উচ্চারণ করেছে সেই ভয়ঙ্কর কথা, যে মুহূর্তে তাদের বিবাহ বিচ্ছেদ ঘটে গেছে, তারপর থেকে অনাত্মীয় অভিমন্যু যা খরচা করেছে মঞ্জরীর জন্তে সে ঋণ শোধ ক’রে দেবে মঞ্জরী। আইনের সাহায্যে বিবাহ বিচ্ছেদ? সেটা তো পরের ব্যাপার। সত্যকার বিচ্ছেদ তো আগেই ঘটে।

মঞ্জরীর রোগের জন্ত অনেক খরচই করেছে অভিমন্যু, যে রোগটা নাকি মঞ্জরীর স্বকৃত। এ, ঋণ শোধ না করতে পারলে মঞ্জরীর শাস্তি নেই।

কিন্তু এসব সংকল্প আপাততঃ টিকলো না।

এতো বড়ো পৃথিবীতে মঞ্জরীর কোনো আশ্রয় নেই। ভাইদের ঘর? সে তো আরো তিস্ত।

জন্ম
জন্মকে
জাতি

যেখানে যতো আত্মীয়স্বজন আছে মঞ্জরীর, আজ পর্য্যন্ত যে ঘরগুলো দেখেছে, সবগুলো পর পর মনে করতে চেষ্টা করলো, কিন্তু কোথাও নেই আলোর কণিকা। সবাই যেন একজোটে মঞ্জরীর মুখের উপর দরজা বন্ধ ক'রে রেখে উপরে দাঁড়িয়ে ব্যঙ্গের হাসি হাসছে।

এতএব সেই বীডন্ স্ট্রীটের পুরনো তিনতলাখানা।

যেখানে শুধু পূর্ণিমার ক্রুর সর্পিল, আর অভিমন্যুর আরক্ত থমথমে মুখ।

সেই মুখ নিয়ে অভিমন্যু মঞ্জরীর মুখের সামনে নামিয়ে দেয় ওষুধের গ্লাস, নামিয়ে দেয় আঙুর বেদানা ছানা সন্দেশ সাজানো প্লেট!

দেখে রক্তের কণায় কণায় জমে ওঠে ধিকারের গ্লানি।

স্নায়ুতে স্নায়ুতে আর্তনাদ ওঠে বিদ্রোহের।

মঞ্জরীর শেষ পরিণাম কি তাহ'লে আত্মহত্যা?

বান্ধবী রমলা অবাক হয়ে বলে, 'তুই কি কৈপে গেছিস? অভিমন্যুবাবুর মতো ভালো লোক জগতে আছে নাকি? তাঁর সঙ্গে বনছেন তোরা?'

মঞ্জরী কাষ্ঠহাসি হেসে বলে, 'ধরে নে, আমিই বদলোক। কাজেই ঠোকাঠুকি। মানভরে চলে এসেছি, এখন ফিরে যেতে তো পারিনা? 'পেয়িং গেষ্ট' হিসেবে রাখিস তো বল বাবা।'

জন্ম
জন্মকে
সার্থী

প্রাণ ছিঁড়ে পড়ে, কণ্ট রুদ্ধ হয়ে আসে, অপমানে চোখ ফেটে জল ঝরতে চায়, তবু বজায় রাখতে হয়

কাষ্ঠহাসির লজ্জাবরণ। স্বামীর সঙ্গে ঝগড়া ক'রে বন্ধুর কাছে চলে এসেছে সে, স্বামীকে জব্দ করতে। এর বেশী কিছু নয়।

স্বামী স্ত্রীর কলহ। জগতের সমস্ত বিরোধের মধ্যে সবচেয়ে যা হাল্কা।

কিন্তু রমলাও তো বি. এ. পাশ করেছে, করেছে এতোদিন ধ'রে সংসার। ছু'তিন ছেলের মা সে। সর্বোপরি মঞ্জরীর বন্ধু সে। অতএব সে নির্বোধ নয়। নির্বোধ হ'লে কোনোদিনই মঞ্জরীর নাগাল পেতেনা।


কাজেই তার চোখে মঞ্জরীর চেষ্টাকৃত এই আবরণ ভেদ ক'রে সত্য তথ্য ধরা পড়তে দেবী হলেনা। মনে মনে বললো, হুঁ বাবা, যখনি তুমি সিনেমায় নামতে গেছো, তখনি সন্দেহ করেছি, সুখের সংসারে তোমার আঙুন লাগলো বুঝি। হয়েছে, বেশ ঘোরালো ব্যাপারই হয়েছে বোঝা যাচ্ছে। কিন্তু তোমার ল্যাজের আঙুন নিয়ে আমার সুখের সংসারে কেন বাবা? আমি ঘাড় পাতছি না।

কিন্তু মুখে ভদ্রতার আর বন্ধুত্বের ঠাট বজায় রাখতেই হয়। তাই মঞ্জরার সঙ্গে সঙ্গে ব'লে ওঠে, 'কী বললি? "পেয়িং গেণ্ট?'" আমার বাড়ীতে ছ'দিন থাকবি তুই পেয়িং গেণ্ট হয়ে? যা, যা, বেরো বেরো। যে মুখে এই পাপকথা উচ্চারণ করলি, সে মুখ আর দর্শন করতে চাইনে। কেন, আমার কি এমনি হাড়ির হাল যে তুই ছ'দিন থাকলে—'

মঞ্জরী হাসিচাপা মুখের অভিনয় ক'রে বলে, 'ছ'দিন কোথা? বললাম যে বরাবর, জন্মের শোধ।'

'ঈ-সু। তারপর অভিমত্যাবাবু এসে আমার গলায় গামছা দিয়ে শ্রীঘরে নিয়ে যাক আর কি!'

'গেলেই হলো। আমি কি নাবালিকা?'



‘আরে বাবা, মেয়েমানুষ জাতই নাবালিকা। নাবালিকা কেন, চিরবালিকা। নইলে বুড়োবয়সে এই কেলেকারী করিস্? নে, আয়, বোস্। ...কি? পাড়ীতে বেডিং স্যুটকেস আছে? তাহ’লে তো রীতিমত একটি উপন্যাস! ভাবনা ধরিয়ে দিলি যে। এ বাড়ীতে যে আবার আমার একটি অবোধ নাবালক পোষ্য আছে, তাকে নিয়ে একতিল স্বস্তি নেই আমার। সে আবার না ফাঁক পেয়ে পরকীয়া রস আশ্বাদন করতে বসে। সামলাইগে বাবা!’

হাসির ঝঙ্কার তুলে চলে যায় রমলা, আর কালপেঁচার মতো মুখ ক’রে স্বামীকে গিয়ে বলে, ‘ছাখো কী সর্ব্বনেশে উড়ে বিপদ!’

স্বামী-স্ত্রী অনেকক্ষণ পরামর্শ ক’রে কী-ভাবে কথা বলা যুক্তি-সঙ্গত তার একটা প্ল্যান ভেঁজে রমলা যখন ফের এ-ঘরে আসে— দেখে, না আছে মঞ্জরী, না আছে মঞ্জরীর ট্যান্ড্রি।

শুধু টেবিলের উপর একটুকরো কাগজে ছ’লাইন লেখা।

‘রমলা, একটু ঠাট্টা ক’রে গেলাম কিছু মনে করিস্ না ভাই। সত্যি তো আর পাগল হইনি আমি যে তোর ছন্দে-গাঁথা সংসারের ছন্দভঙ্গ করতে এখানে থেকে যাবো।

মঞ্জরী’

পরস্পর মুখের দিকে তাকালো। তারপর আন্তে আন্তে একটা নিশ্বাস ফেললো। ঠিক আশ্বস্তির নিশ্বাস নয়, বরং লজ্জার। এতোক্ষণ ধরে ছ’জনে মঞ্জরীর বিবেচনাকে যে কটু নিন্দাবাদ করেছে, ভারী হাশ্বকর হয়ে গেলো সেটা। মঞ্জরীর কবলমুক্ত হবার জন্তু যা কিছু দামী দামী প্ল্যান করলো, সেটা যেন মশা মারতে কামান দাগা হয়ে গেলো।

জন্ম
জন্মকে
সার্থী

একটু পরে রমলা বললো, ‘জানি এইরকমই কিছু একটা করবে। চিরদিনের খামখেয়ালি!’

রমলাপতি যুঁহুহেসে বললো, 'নইলে আর তোমার সখী হয় ?'

নাঃ, কোথাও জায়গা হবেনা ।

এখন খোলা রইলো দূর বিস্তীর্ণ পথ ।

খোলা রইলো সমস্ত বহির্জগৎ ।

খোলা রইলো আত্ম-ধ্বংসের দরজা ।

এই ধ্বংসের মূর্তিটাই চোখে পড়বে লোকের । চোখে পড়বে সমাজের আর সংসারের । আর কিছু দেখতে পাবেনা কেউ । অবজ্ঞা আর ঔদাসীন্য, ঘৃণা আর অবহেলা, সন্দেহ আর সহানুভূতিহীনতার পাষণ্ড ভার দিয়ে ঠেলতে ঠেলতে যারা একটা জীবনকে আত্ম-ধ্বংসের এই ভয়ঙ্কর খাদের ধারে নিয়ে এলো, যারা তাকে সেই খাদে ঝাঁপ দিতে দেখেও হাত গুটিয়ে বঁসে থাকলো, তাদের নাম রইলো মহিমার খাতায় । তারা সতর্ক, তারা সাবধানী, তাদের পা পিছলোয় না ।

যে মেয়েরা পথে নামলো, তাদের নেমে আসার ইতিহাসকে কে কবে উদঘাটন ক'রে দেখতে গেছে ?

তারা নেমে গেছে, তলিয়ে গেছে, ধ্বংস হয়ে গেছে, এই তাদের পরিচয় ।


* *

*

* *

‘আমি বঁধুর লাগিয়া শেজ বিছাইনু

গাঁথিনু ফুলের মালা



তাখুল সাজিহু দীপ জালাইনু

মন্দির হইল আলা !

আমি বঁধুর লাগিয়া—’

‘চৌধুরী-ম্যান্সন’এর সুউচ্চ ত্রিতলের একটি ফ্ল্যাটের একখানি সুসজ্জিত ঘরের মধ্যে সুকোমল সাটিনের গদিপাতা শয্যায় গা ডুবিয়ে আধশোয়া ভঙ্গিতে রেশমী কুশনে ঠেঁশ দিয়ে বঁসে গুনগুন ক’রে পদাবলীর এই পদটি ঘুরিয়ে-ফিরিয়ে গাইছিলো বনলতা ।

বনলতার পরিধানে ছুধের ফেনার মতো মশুন মোলায়েম রেশমের পাড়হীন শাড়ী, গায়ে একটা জমাট রক্ত-রঙের ভেলভেটের ব্লাউজ । হাতে বিদ্যুৎ-ঝিলিক্-হানা মোটা একজোড়া বালা, সিঁথিতে সরু চেনে আটকানো ছোট্ট একটি টিকলি । আর কোথাও কোনো আভরণের বালাই নেই—না কানে, না গলায় ।

সাজপোষাকে একটা অদ্ভুতত্ব আনাই বনলতার সখ । নিত্য-নতুন ফ্যাসান আবিষ্কার করছে সে, আর অগ্নানবদনে যা খুসি তাই সাজে সেজে বেরোচ্ছে ।

দেহসজ্জাতে যা খুসি করুক, বনলতার গৃহসজ্জাটি কিন্তু নিখুঁত ভরাট । তিনখানা ঘর আর ব্যালকনি-সম্বলিত এই ফ্ল্যাটটিতে সীলিং থেকে মেঝে পর্য্যন্ত সর্বত্র ঐশ্বর্য্য আর বিলাসিতার চিহ্ন পরিস্ফুট ।

পুরুষ বন্ধুর অভাব না থাকলেও বাস করে সে একাই ।

জনম
নৈমকে
সার্থী

পোষ্যের মধ্যে একটা নেপালী দরোয়ান সর্বদা সিঁড়ির মুখে বঁসে থাকে, আর বাড়ীর ভিতরে চাকর দেবনারাণ সর্বদা চরকি ঘোরে । পান থেকে চুন খসলে, কি জানলার গায়ে একটু ধুলো জমলে,

দেবনারাণের চাকরি টলমল করে। আরো একটি পোশাক আছে বনলতার, সে তার সৌখিন আর সোহাগী ঝি মালতি।

বনলতা বলে মালতি শুধুই ঝি, মালতি আড়ালে বলে বনলতা তার দূর সম্পর্কের বোন। কিন্তু সে যাক, আড়ালের কথা কথাই নয়। মালতির কাজ শুধু গৃহকর্ত্রীর ফাই-ফরমাস খাটা, আর তাঁর পরিত্যক্ত হরেকরকম শাড়ী ব্লাউজে বাহার দিয়ে ঘুরে বেড়ানো! দেবনারাণ ছ'চক্ষে দেখতে পারেনা তাকে, নেপালী আর মালতি যুগপৎ ছ'জনকেই সে নিদারুণ হিংসে করে।

সূর ভাঁজতে ভাঁজতে ঘরের চারদিকে একবার অলস দৃষ্টিপাত ক'রে দেখলো বনলতা। কি ভালোই লাগতো যদি এমনি ভাবে ঘণ্টার পর ঘণ্টা প'ড়ে থাকা যেতো! কিন্তু ঘণ্টা ছেড়ে কিছু মিনিটও সহিবেনা। এখনি উঠে পড়তে হবে। আজ থিয়েটারের দিন। আগে শুধু মঞ্চে ছিলো, তবু কিছু অবসর ছিলো, গগন ঘোষ তাকে প্ররোচনা দিয়ে দিয়ে পর্দায় নামালো। আশ্চর্য্য! সঙ্গে সঙ্গে যেন পর্দার জগৎ লুফে নিতে চাইছে তাকে। ইতস্ততসরেই খান তিন-চার বইয়ের জন্তে কণ্ট্রাক্ট ক'রে ফেলতে হয়েছে।

যশ অর্থ অনুরোধ উপরোধ।

ঝি মালতি ছুটিয়ে নিয়ে যেতে চায়। কোনোখানে দাঁড়াতে দি'খানায় নই নয় ওরা। ছেড়ে দেবে একেবারে সেইদিন, যেদিন গেলছিলে হয়ে যাবে বনলতা, পুরনো হয়ে যাবে, যাবে বুড়ো হয়ে। যখন জাম দখল করতে আসবে নতুনের দল। বনলতা জানে সেদিন পরিত্যক্ত বনলতাকে পথের মাঝখানে ফেলে দিয়ে যাবে ওই—যশ অর্থ আর অনুরোধ উপরোধ। ফিরে তাকিয়ে দেখবেনা আর।

জন্ম
জন্মকে
সার্থী

অতএব যতো পারো লুটে নাও এইবেলা, যতো পারো
অহঙ্কার ক'রে নাও এইবেলা ।

তবু আজ মোটেই উঠতে ইচ্ছে করছিলোনা বনলতার । তবু
উঠতেই হবে । স্টুডিওর কাজে যদিও বা শরীর ভালো নেই
ব'লে কামাই চলে, থিয়েটারে মরে না যাওয়া পর্য্যন্ত নিস্তার নেই ।
এখুনি উঠতে হবে, গিয়ে হাজির হতে হবে “রঙ্গনাটো”র সেই পচা
পরিচিত গ্রীণরুমে । এই সৌখিন সাজ-সজ্জা ত্যাগ ক'রে মাথায়
ঝুঁটি বেঁধে আর নাকে তিলক কেটে বৈষ্ণবী সন্ন্যাসিনী সেজে
দাঁড়াতে হবে হাজার দু'হাজার দর্শকের সামনে । গাইতে হবে
'আমি বঁধুর লাগিয়া শেজ বিছাইনু—'

এর থেকে আর উদ্ধার নেই বনলতার ।

ক্রীং ক্রীং ক্রীং ।

উঠি উঠি করতে করতেই ফোন্ এলো ।

‘আঃ !’

গান থামিয়ে মুখে বিস্মী একটা ভঙ্গি ক'রে বনলতা আপন
মনে উচ্চারণ করলো, ‘এই যে আবার আমার কোন্ বঁধুর টনক
নড়লো !’

উঠলোও না, নড়লোও না । শুধু ক্রুদ্ধদৃষ্টিতে তাকিয়ে
বাক্যবাহী যন্ত্রটার দিকে ।

ক্রীং ক্রীং ক্রীং ক্রীং ! টেলিফোন ।

ছুটে এলো মালতি, রিসিভারটা তুলে নিয়ে অতি একাই ।

ভঙ্গিতে ‘হেলো’ ‘হেলো’ ক'রে কে ডাকছেন জেনে
নিয়ে মুখ ফিরিয়ে কর্তীকে বললো, ‘গগন ঘোষ !’

‘উঃ ! মরেও না তো শয়তানটা !’

ব'লে উঠে এসে রিসিভারটা নিজের হাতে নিয়ে

জন্ম
জন্মকে
সার্থী

বনলতা মিহি আত্মরে-গলায় শুরু করে—‘হ্যাঁ, আমি বনলতা বলছি—
 কি বলুন? এঁয়া! কি বললেন? মঞ্জরী? সেই নতুন মেয়েটা?
 বলেন কি?...সর্বনাশ করেছে। ...আমার এখানে? ...আমার
 এখানে কোথায় থাকবে? ...অসম্ভব!...কি বলছেন? মাত্র দু-
 একবেলার জন্তে? তারপর? ...কি বলছেন? আপনি ব্যবস্থা ক’রে
 দেবেন?...সেটা এখনি ক’রে ফেলুননা? আবার আমাকে মুষ্কিলে
 ফেলা কেন? মুষ্কিল ছাড়া আর কি? আমি তো এখনি বেরিয়ে
 যাচ্ছি। হ্যাঁ! হ্যাঁ আজ থিয়েটার আছে। বাড়ীতে? ...বাড়ীতে
 আমার ঝি থাকে। ও হ্যাঁ, চাকর দরোয়ান...। ...বেশ, ব’লে
 যাচ্ছি! কিন্তু শুনুন, কিছু মনে করবেননা, ওই যা বললেন—
 দু’একবেলা। বুঝতেই পারছেন কিরকম অস্বস্তি বোধ করছি।...
 ও, হাঃ হাঃ হাঃ। আপনারও আচ্ছা ঝামেলা! কে কোথায়
 কর্তা-গিন্নিতে ঝগড়া ক’রে গৃহত্যাগ করবে, আর তার ম্যাও
 সামলাবেন আপনি।...হি হি হি, ও...হ্যাঁ...তা যা বললেন।
 আচ্ছা ঠিক আছে, আনুন তাকে। কুড়ি মিনিটের মধ্যে কিন্তু।
 নইলে আমার সঙ্গে আর দেখা হবেনা। হ্যাঁ ...আচ্ছা ছেড়ে
 দিলাম।’

রিসিভারটা ঠুকে বসিয়ে রেখে বনলতা ধপ্ ক’রে আবার
 বিছানায় ব’সে প’ড়ে ব’লে ওঠে, ‘উঃ, কী ফ্যাসাদ।’

মালতি এতোক্ষণ চোখ ঠিকরে হাঁ ক’রে বনলতার কথাগুলো
 গিলছিলো, এখন হাঁ করেই প্রশ্ন করে, ‘কী ব্যাপার গো দিদি?’

‘আর বলিস্ কেন? হতভাগা গগন ঘোষ
 অনাস্থি এক আবদার ক’রে বসেছে।’

‘কী আবদার গো?’

‘বলে কিনা এক নতুন ছুঁড়ি নাকি বাড়ীতে বরের

জনম
 জনমকে
 জাঠা

সঙ্গে ঝগড়া ক'রে তেজ ক'রে চলে এসেছে, তাকে আমার ফ্ল্যাটে উঠতে দিতে হবে।’

‘ওমা, সি কি কথা গো দিদি?’

‘ওই কথা! নে এখন কুলো বরণডালা নিয়ে দোরে দাঁড়াগে যা, এলো ব'লে।’

মালতি অনেক রঙ্গ অনেক ঢং ক'রে ক'রে নানা প্রশ্নে মঞ্জরীর খবর জেনে নিতে চেষ্টা করে, বনলতা যথাসম্ভব বিরক্ত চিত্তে উত্তর দেয় এবং যখন শেষ মন্তব্য করে ‘থাম্ মালতি, আর জ্বালাস্নে—’ ঠিক সেই সময় দেবনারায়ণ এসে দরজায় দাঁড়ায়।

‘গগন ঘোষ বাবু এসেছেন একজনকে নিয়ে। বসার ঘরে বসানো হয়েছে তাঁদের।’

কেশবেশে আর একটু পারিপাট্য সাধন ক'রে বনলতা ধীর মন্থরগতিতে বসবার ঘরে গিয়ে দর্শন দেয়।

‘এই যে নিয়ে এলাম এঁকে! ছ'একদিনের মধ্যেই যাহোক একটা ব্যবস্থা ক'রে দিতে পারবে! আমি। সেই ছুটো দিন তোমার এখানে—’

এখন বনলতার সম্পূর্ণ অন্ত মূর্তি।

পরম অমায়িকভাবে স্তব্ধ মঞ্জরীর পিঠে একখানা হাত রেখে বনলতা উদার স্বরে বলে, ‘ঠিক আছে। ছোট বোন দিদির বাড়ী এসে ছ'চারদিন থাকবে তার আবার কথা কি! তবে ভাই, দিদিটি তো তোমার চললো এখন দাসত্ব করতে। আমার লোকজন রইলো, ঝি মালতি আছে খুব চটপটে, যা দরকার হবে ব'লে করিয়ে নিতে হবে, বুঝলে তো?’

জন্ম
জন্মকে
সার্থী

গগন ঘোষ ঝিনয়ে গ'লে গিয়ে বলেন, ‘সে

আমি জানতাম! জানতাম বলেই একে ভরসা দিতে পেরেছি।
...আচ্ছা মিসেস লাহিড়ী, আমি তাহ'লে আসি।'

ঘোষ চলে যাওয়ার সঙ্গে-সঙ্গেই বনলতা চঞ্চল স্বরে বলে,
'আমিও চলি ভাই। কিছু মনে কোরোনা। ...মালতি!'

বলাবাহুল্য মালতি দরজার ও-পিঠেই ছিলো। বনলতা ব্যস্তভাবে বলে, 'এই যে! শোনো, নতুন দিদিমণিকে দেখা-শুনা করো। কি দরকার-টরকার জেনে নাও, বুঝলে? আমার মতো ক'রে যত্ন করবে মনে রেখো। ...চলি ভাই! উঠে পড়ো, তুমিও নিজের বাড়ীর মতো—'

মুহূর্ত্তঃ হর্নের শব্দে ব্যস্ত বনলতা পায়ে-পরা শ্লিপারটা খুলে রেখে, প্রায় জুতো পরতে-পরতে নেমে যায়। আর আগের মতো স্তব্ধ হয়ে ব'সে থাকে মঞ্জরী। ভদ্রতার যে প্রতিদান দেওয়া আবশ্যিক, তাও তার মনে থাকেনা।


মালতির বার-বার প্রশ্নে মঞ্জরী একসময় ক্লান্ত স্বরে বলে, 'আমার কিছু লাগবেনা। উনি ফিরুন আগে।'

উনি অর্থে বনলতা।

মালতি ভেবেছিলো খুব গায়ে প'ড়ে আলাপ ক'রে নিয়ে স্বামী-স্ত্রীর ঝগড়ার রহস্যটা জেনে নেবে, সুবিধে হলোনা। ঠোঁট উল্টে ব'লে চলে গেলো, 'তাহ'লে আর কি বলবো বলুন। দিদি এসে যদি আমায় গাল দেয় তখন দেখবেন।'

এদে চলে যেতে তবে যেন মঞ্জরী অবাক অভিভূত দৃষ্টি মিলে চারিদিক তাকিয়ে দেখলো। দেখে আরও অবাক হয়ে গেলো।

মঞ্জরী থাকতে এলো এখানে।



মঞ্জরী ।

প্রফেসার লাহিড়ীর স্ত্রী মঞ্জরী লাহিড়ী ! সারা কলকাতা জুড়ে যার আত্মীয়গোষ্ঠি—শিক্ষিত সভ্য, মার্জিত রুচি, ধনী অভিজাত ! সেই মঞ্জরী রাত্রিবাস করতে এলো এক থিয়েটারের অভিনেত্রীর বাড়ীতে ? শুধু থাকা নয়, তার কপার দানে থাকা ?

আগুন লেগে ঝলসে যাওয়ার মতো জ্বালা করছে পিঠের সেই জায়গাটা যেখানে অভিনেত্রী বনলতার রং-মাখানো ছুঁচলো নোখওয়ালা হাতখানা ঠেকেছিলো । অনুকম্পার সেই দাহ জ্বালা ধরিয়ে দিচ্ছে সর্ব্বাঙ্গে ।

দাহ সবখানে !

দেহে, মনে, প্রত্যেকটি অণু-পরমাণুতে ।

সহকারী নলিনীবাবু মুখ বাঁকিয়ে বলেন, ‘বেরিয়ে আসবে, তা জানতাম ! শ্যাম কুল—তুই কি আর একসঙ্গে রাখা যায় ? এ লাইনে যে এসেছে তাকে আর ‘সোয়ামী’র ঘর করতে হয়না । অনেক বেটিকেই তো দেখলাম । প্রথমে ভাব দেখায় যেন কুইন ভিক্টোরিয়া, তারপর মদ খেয়ে নাচে ।

প্রযোজক পরিচালক মুচ্কে হেসে বলেন, ‘যাকগে ও ভালোই । টানাপোড়েনে কাজ ভালো হয়না ।’

‘ওর মধ্যে যে আপনি এমন কি দেখলেন—

জনম
জনমকে
সার্থী

‘দেখেছি হে দেখেছি । রীতিমত পাটআমার মেয়েটার মধ্যে ।’

অতঃপর পরবর্তী বই সম্বন্ধে আলোচন থাকে, এবং মঞ্জরীকে যাতে আর কেউ ভাঙি ‘সে

যেতে না পারে তার জগে চুক্তিপত্রের খসড়া তৈরির জল্পনা
চলে।

মানুষের মন, আশ্চর্য্য এক বস্তু। ও যে কখন কোন্ পথে
প্রবাহিত হয়! যে মানুষটা দু'দিন এসে থাকার প্রস্তাবে বনলতা
বিরক্তিতে কপাল কুঁচকেছিলো, তাকেই যে বরাবরের মতো রেখে
দিতে চাইবে, কিছুতেই ছাড়বেনা, একথা কি বনলতা নিজেই তখন
কল্পনা করতে পেরেছিলো?

আর মঞ্জরী?

সেও অবাক আশ্চর্য্য হয়ে দেখছে কী অদ্ভুত বন্ধনের মধ্যে
জড়িয়ে পড়ছে সে! যাকে ঘৃণা করি, অশ্রদ্ধা করি, তার ভালো-
বাসার বন্ধনও কি এমন অচ্ছেদ্য?

প্রথম প্রথম গগন ঘোষ দু-চারটে সস্তা ফ্ল্যাটের সন্ধান দিয়েছিলেন,
কিন্তু প্রত্যেকবারই বনলতা নাক কুঁচকে বলেছে, 'পাগল হয়েছেন?
ওখানে মানুষে থাকতে পারে? ওকে আস্তানা না ব'লে আস্তাবল
বললেই ঠিক বলা হয়।'

সে ভদ্রলোক যদি ইসারায় মঞ্জরীর আর্থিক অসঙ্গতির দিকে
দৃষ্টিপাত করতে বলেছেন, তো বনলতা কটাকট শুনিয়ে দিয়েছে,
'পয়সা কম, দিন আপনার। পয়সা? যার ক্যাপাসিটি বেচে লাখ-
লাখ টাকা তুলবেন, তাকে তদুপযুক্ত দেবেন নাই বা কেন?
হেঁতন বাদে দেখবেন ওর বাজার দর।'

ফোনের ওদিক থেকে ঘোষমশাই যদি বিনীত স্বীকৃতি
হতে নিয়েছেন, 'আহা, সে কথা কি আমি মানছিনা?
নিয়ম আমার সামর্থ্য অনুযায়ী দেবো বৈকি। নিশ্চয় দেবো—'

জনম
জনমকে
জাখা

সঙ্গে সঙ্গে মুখরা বনলতা বলেছে, ‘আপনাদের তো সব সময়ই বৈষ্ণব-বিনয়! সমুদ্রকে বলেন গোপ্পদ। কিন্তু যাক্, আপনার সামর্থ্য হিসেব না ক’রে, ওর সামর্থ্যই হিসেব করুননা? এরপর যখন মোটা টাকা দিয়ে বসে থেকে কেড়ে নিয়ে যাবে, তখন যে হাত কামড়াবেন!’

গগন ঘোষ অগাধ জলের মাছ ব’লে যে একেবারেই তাতবেন না তা হ’তে পারেনা, তিনি ক্রুদ্ধকণ্ঠে বলেন, ‘বসে থেকে আটকাতে পারে এতো পয়সা এখানে কার আছে? কে দিচ্ছে? আমাদের ললাট-লিপিই তো ওই। গাধা পিটিয়ে ঘোড়া ক’রে তুলি, আর চিলে ছোঁ মেরে তুলে নিয়ে যায়। গাধার দিকে কৃতজ্ঞতার বালাই ব’লে তো কোথাও কিছু থাকেনা?’

রিসিভারের ওপর খিলখিল ক’রে হেসে গড়িয়ে পড়েছে বনলতা, বলেছে, ‘থাকবে কোথা থেকে? গাধা যে? ধোপার প্রতি গাধার কৃতজ্ঞতা দেখেছেন কোথাও?’

এইভাবেই মাসের পর মাস গড়িয়ে গেছে, মঞ্জরী রয়ে গেছে এখানে, আর অদ্বুত সুন্দর এক সখীত গড়ে উঠেছে ছুঁজনের মধ্যে, মঞ্জরী আর বনলতা।

কিন্তু কি ক’রে গড়লো?

মঞ্জরী তো প্রতিনিয়ত বনলতার নীতিকে অসমর্থন করে। ঘৃণা করে তার উচ্ছৃঙ্খলতাকে। বনলতা মদ খেয়ে চুর হয়, বনলতা

জন্ম
জন্মকে
সার্থী

পুরুষ বন্ধুকে এনে রাত্রে আশ্রয় দেয়, বনলতা

হত্যাকারীসাকার সাজ করে—যা যে-কোনো ভদ্র-মনের

পক্ষে বরদাস্ত করা শক্ত—বিশেষ ক’রে মেয়ে মন।

তবু যখন পরদিন সকালে বনলতা হতভ্রী পোষাকে

আর বর্ণিলেপহীন মলিন মুখে কোঁচে কাত হয়ে প'ড়ে করুণ দৃষ্টি
তুলে বলে, 'তুই আমায় খুব ঘৃণা করিস্, না মঞ্জু ?'

তখন কেমন এক মমতায় বুকটা ভ'রে ওঠে মঞ্জুরীর। রাত্রে
নিশ্চিত ক'রে ভেবে রাখে রাত পোহালেই চলে যাবে এই কুংসিত
কদর্য্য পরিবেশ ছেড়ে, ঘৃণায় মুখ ফিরিয়ে থাকবে কথা বলবেনা,
কিন্তু সকালবেলা বনলতার ওই মুখ দেখলেই সব যেন গোলমাল
হয়ে যায়। মানব মনের চিরস্তন রহস্য।

কথা বন্ধ করা হয়না, চলে যাওয়া হয়না, হয় তর্ক।

আজও চলছিলো সেই তর্ক-পর্ব্ব।

চলে যাবে স্থিরসংকল্প নিয়ে সকাল থেকে কাঠ হয়ে ব'সে
ছিলো মঞ্জুরী, চা পর্য্যন্ত খায়নি। মালতি গিয়ে বনলতাকে সে
খবর জানাতেই, ওঘর থেকে এঘরে এসে হাজির হলো বনলতা।

গায়ে একটা সরু ফিতে লাগানো সেমিজ মাত্র সার, যাতে
বুক পিঠ সবটাই প্রায় অনাবৃত, তার উপর অতি সূক্ষ্ম একখানা
দামী জর্জেট নিতান্ত অগোছালো ক'রে জড়ানো। পায়ে মখমলের
চটি, সেটা ঘষতে ঘষতে লটপট ক'রে এলো।

সামনের কোঁচে ব'সে প'ড়ে জড়িতস্বরে বললো, 'কি, আমার
ওপর ঘেম্মায় জলগ্রহণ করবিনা ?'

কাঠ দেহ আরো কঠিন হয়ে উঠলো মঞ্জুরীর, ব'সে থাকলো মুখ
ফিরিয়ে।

বনলতা এলিয়ে আধশোয়া হয়ে তেমনি জড়ানো
স্বরে বলে, 'আমার ওপর রাগ ক'রে কি করবি মঞ্জু ?
আমি তো খারাপই। আমি মদ খাই, আমি পুরুষ নিয়ে
রাত কাটাই, এ কি তুই জানিস্না ? তবে ?'

জনম্
জনম্কে
সার্থী

আরো শক্ত হয়ে ওঠে সম্মুখবর্তিনীর চোয়াল দুটো, ভঙ্গি আরো অনমনীয়। তীব্রস্বরে ব'লে ওঠে, 'জানি! আর জেনে বুঝেও নিশ্চিন্ত আশ্রয়ের আশায় এখানে প'ড়ে আছি ব'লে নিজের ওপর ঘেম্মায় গা ঘিনঘিন করছে। আমি চলে যাচ্ছি।'

সেকেণ্ড কয়েক মঞ্জরীর সেই ক্রোধারক্ত আর বিতৃষ্ণা-কুণ্ঠিত মুখের দিকে তাকিয়ে থেকে বনলতা একটা নিঃশ্বাস ফেলে বলে, 'যা তবে। আর তোকে আটকাবো না। হ্যাঁ, চলেই যা! আমার সংসর্গে থাকিস্নে। আমি খারাপ, খুব খারাপ! নর্দমার পোকার মতো খারাপ আমি।'

মঞ্জরী এই স্বীকারোক্তির সামনে বিচলিত হলো।

বিচলিত হলেও ক্রুদ্ধস্বরেই বললো, 'নিজেকে এভাবে ভাবতে তোমার লজ্জা করেনা?'

'লজ্জা! হায় হায়! তুই যে হাসালি মঞ্জু! আমাদের আবার

রাগ চলে যায়, মঞ্জরী হতাশ হয়ে বলে, 'কিন্তু লতাদি, নিজেকে তুমি যতো খারাপ বলো, ততো খারাপ তো তুমি সত্যিই নও।'

'কি বললি? ঔ্যা? ততো খারাপ নই? হা-হা-হা! হাসিয়ে হাসিয়ে কি মারতে চাস্ আমায়? আমি যে কতো খারাপ, আমরা যে কতো খারাপ, তোরা ভদ্রলোকের বোঁরা তা ধারণা করতেই পারবিনা মঞ্জু! শুনলে শিউরে উঠবি।'

জনম
জনমকে
সার্থী

মঞ্জরী দৃঢ়স্বরে বলে, 'অন্য কারো কথা জ্ঞানিনা, তবে তোমার কথা বলতে পারি, 'সত্যি অতো খারাপ তুমি নও। ইচ্ছে ক'রে খারাপ সাজো। বেপরোয়া কুশ্রীতা করাই যেন তোমার সখ। এমনি তোমাকে

দেখলে ভাবা যায়না, বিশ্বাস হয়না যে তুমি—অথচ তোমার অভদ্রতা
দেখে লজ্জায় ঘেন্নায় আমারই মরতে ইচ্ছে করে ।’

‘আঁা, কি বললি ? আমার লজ্জায় তোর মরতে ইচ্ছে করে ?
বলেই সহসা নেশাক্রান্ত বনলতা অদ্ভুত একটা কাণ্ড ক’রে বসে ।

হ’হাতে বুকটা চেপে ধ’রে কোঁচে গড়িয়ে শুয়ে প’ড়ে হু হু ক’রে
কেঁদে ওঠে ।

ছুটে আসে মালতি ।

ছুটে আসে দেবনারাণও । মালতি হাতের ইসারায় তাকে
ভাগিয়ে দিয়ে ব’লে ওঠে, ‘কি হলো গা নতুন দিদিমণি ? দিদি
হঠাৎ এমন করছে কেন ?’

মঞ্জরী মাথা নেড়ে বলে, ‘জানিনা !’

‘ওমা ! জানানো কি গো ! সামনে ব’সে রয়েছে—’

এবার বনলতা কাঁদতে-কাঁদতেই ব’লে ওঠে, ‘ওরে, এতো আহ্লাদ
আমি যে সহিতে পারছিনে, বুক ভেঙে যাচ্ছে ।’

‘আহ্লাদ আবার কিসের ? রাতে বুঝি মাত্রাটার জ্ঞান ছিলোনা ।’

বলতে বলতে মালতি উচ্চস্বরে হাঁক পাড়ে, ‘দেবা, এক গেলাশ
জল আন্ শীগগির ।’

জল আসতেই খানিকটা জলের ঝাপটা বনলতার চোখে মুখে
দিয়ে তাকে টেনে তুলে বসিয়ে গেলাশটা মুখে ধ’রে বলে, ‘নাও,
খাও দিকি ।’

বনলতা এক নিঃশ্বাসে জলটা খেয়ে ব’লে ওঠে, ‘মঞ্জু রে, আবার
যে আমার বাঁচতে ইচ্ছে করছে ।’

‘বাঁচতেই হবে তোমায় ।’

দৃঢ়স্বরে বলে মঞ্জরী ।

‘মালতি, তুই যা ।’

জন্ম
জন্মকে
সার্থী

বনলতা জর্জের আঁচল দিয়ে চোখমুখ মুছতে মুছতে বলে,
'ও ভেবেছে মদের ঝাঁক! না রে মঞ্জু, হঠাৎ আহ্লাদের ঝাঁক
সামলাতে পারলাম না তাই!'

'তুমি ইচ্ছে করলে এখনো ভালো হতে পারো লতাদি।'

বনলতা গভীর ভাবে মাথা নাড়ে।

'আজ উত্তর দেবোনা, ছ'বছর পরে—ছ'বছর পরে এর উত্তর
তুই নিজের কাছেই পাবি।'

মঞ্জরী শিউরে ওঠে।

স্পষ্ট প্রত্যক্ষ সেই শিহরণ।

'কি, ভয় পেলি?' বনলতা একটু অনুকম্পার হাসি হাসে,
বলে, 'আগে আমিও ওইরকম শিউরে উঠতাম।'

মঞ্জরী আরো দৃঢ়স্বরে বলে, 'ও আমি বিশ্বাস করিনা। নিজের
শক্তি থাকলে নিশ্চয়ই ভালো থাকা যায়। নিজে দুর্বল না
হ'লে কার সাধ্য তাকে নষ্ট করে? অভিনয় একটা শিল্প,
প্রোফেশন হিসেবে সেটা গ্রহণ করলেই উচ্ছন্ন যেতে হবে এর
কোনো মানে আছে? আমি তো ভাবতেই পারিনা, কেন—'

কথার মাঝখানে খিলখিল ক'রে উচ্ছ্বল হাসি হেসে ওঠে
বনলতা।... 'আমিও আগে ওইরকম অনেক কিছু ভাবতেই
পারতামনা। ধর এক বছর আগে তুইই কি ভাবতে পারতিস,
স্বামী সংসার ছেড়ে, মান সন্ত্রম জলাঞ্জলি দিয়ে একটা থিয়েটারের
মাগীর বাড়ী প'ড়ে থাকবি তুই? ঘটনাচক্র, বুঝলি, সবই ঘটনাচক্র।'
ঘটনাচক্র।'

জন্ম
জন্মকে
সার্থী

না, নিজের দৃষ্টিতে নিজের স্বরূপ ধরা পড়েনা,
তাই মানুষ অসতর্ক উক্তি ক'রে বসে, অবোধের
মতো কথা বলে। শুধু যদি সহসা অপরের

দর্পণে আপনাকে দেখে ফেলে, তখন স্তব্ধ হয়ে যায়, স্তম্ভিত হয়ে যায়।

যেমন আজ স্তব্ধ হয়ে গেলো মঞ্জরী।

প্রথমদিনের সেই প্রচণ্ড অন্তর্দাহ, দৈনন্দিন কর্মপ্রবাহের প্রলেপে কবে স্তিমিত হয়ে গিয়েছিলো, কবে অভ্যস্ত হয়ে গিয়েছিলো এই অদ্ভুত জীবন, এটা এতোদিন এমন স্পষ্ট ক'রে চোখে পড়েনি।

ঠিক সেই সময় ঠিক এমনি স্তব্ধ হয়ে বসেছিলো অভিমন্যু।

ঘরে নয় বারান্দায় নয়, পার্কের বেঞ্চে নয়, কলকাতার কোথাও নয়। বসেছিলো হরিদ্বারের এক নির্জন সীমায়।

এখানে ব'সে গঙ্গা দর্শন হয়না। এবড়ো-খেবড়ো পাহাড়ের সান্নিধ্য, খানিকটা উপরে গেলে বুঝি অবহেলিত একটা মন্দির আছে, সেখানে উঠবার একটা লুপ্তপ্রায় সিঁড়িও আছে, এটা তারই চহর।

যাত্রীরা এখানে কদাচিৎ আসে। দৈবাৎ কোনো উদারহৃদয় যাত্রী, যারা সর্ব্বজীবে সমভাবের নীতি অনুসরণে স্নানান্তে পথ-মধ্যবর্তী বিগ্রহ নির্বিশেষে হাতের কমণ্ডলুর জলটুকু ছিটোতে ছিটোতে পথ চলে, তারাই একবার উর্দ্ধপানে দৃষ্টি হেনে এই ভাঙাচোরা সিঁড়ি ক'টা অতিক্রম ক'রে এক গণ্ডুষ জল দিয়ে যায় এই মন্দির-বিগ্রহের তৃষ্ণার্ত গাত্রে। বাকী সময় নিস্তব্ধ নির্জন।

নীচে খানিকটা দূরেই হর-কী-প্যারী ঘাটে, কী কলকোলাহল। কী জনসমাবেশ। কে বলবে তারই এতো কাছাকাছি এরকম অদ্ভুত জনহীন একটা জায়গা

জনম
জনমকে
সার্থী

আছে। ব'সে থাকতে থাকতে বুঝি বিস্মৃত হয়ে যেতে হয় কোথায়
আছি। যেন পৃথিবী-ছাড়ানো কোন একটা অনৈসর্গিক স্তব্ধতা।

অথচ মাত্র কয়েক মিনিটের পথ নেমে গেলেই সহর-জীবনের
প্রচণ্ড প্রাচুর্য। টাঙাওয়ালাদের চীৎকার, অজস্র রিকশাগাড়ীর
অবিরাম ঠুন্ঠুননি, অসংখ্য দোকানপাট—তার সামনে অগাধ
ক্রেতা আর অকথ্য ভিখারীর ভীড়, এবং অগণিত পুণ্যার্থীর
অবিরাম স্তোত্রপাঠ ধ্বনি।

সব মিলিয়ে একটা দিশেহারা উদভ্রান্তি।

তারই মাঝখানে রয়েছেন পূর্ণিমা। অভিমন্যু এসেছে এই
নির্জ্জন পর্বতগাত্রে।

এই তীর্থ।

এইজন্যই তীর্থমাহাত্ম্য।

এই অপূর্ব আশ্রয়ের আশাতেই কস্মপিষ্ট ক্লান্ত মানুষরা
মাঝে মাঝে কস্মপাশ কাঁধ থেকে নামিয়ে মুক্তির আশায় ছুটে
আসে তীর্থের পথে। ছুটে আসে উৎসাহী আনন্দকামীরা, আসে
হ্রতোদম সংসার-পরাজিতেরা, আসে পরলোকলোভী পুণ্যার্থীরা,
আসে উদাসীন বৈরাগীরা।

নিজেকে হারিয়ে ফেলতে চাও তো তীর্থে এসো।

নিজেকে খুঁজে পেতে চাও তো তীর্থে এসো।

কে জানে অভিমন্যু কেন এসেছে।

জনম
জনমকে
নিজেকে হারাতে, না নিজেকে খুঁজে পেতে ?
আপাতদৃষ্টিতে অবশ্য এসেছে পূর্ণিমার তীর্থ
প্ররোচনায়। লোকলজ্জার হাত থেকে অব্যাহতি
পেতে পালিয়ে এসেছেন পূর্ণিমা।

ঘরের বৌ যার দিবা দ্বিপ্রহরে সর্বসমক্ষে কুলত্যাগ ক'রে
চলে যায়, তার মুখ লুকোবার জায়গা আর কোথায় আছে—
কাশী, বৃন্দাবন, হরিদ্বার হ্রষিকেশ ছাড়া? বলেছেন এখান থেকে
যাবেন কদার-বদরীর পথে।

পূর্ণিমা ঘোরেন মন্দিরে মন্দিরে, ঘাটে ঘাটে, সাধুসন্তদের
আশ্রমে আশ্রমে। ...অভিমন্যু পালিয়ে বেড়ায় পরিত্যক্ত বিগ্রহের
নির্জ্জন মন্দিরপ্রাঙ্গণে।

এই হতভাগ্য বিগ্রহমূর্তিদের মধ্যেই কি লুকানো আছে তার
সাস্থনা?

‘মার্ভেলাস্!’

ছ’তিনদিন কারো দেখা মেলেনি।

আজ হঠাৎ একটি বাঙালী যুবকের আবির্ভাব ঘটলো, এক অভিনব
পরিবেশে। কমণ্ডলু হাতে নয়, সিগারেটের টিন হাতে।

পরনে ভিজে ধুতি নয়, পাটভাঙা শ্রুট।

‘মার্ভেলাস্!’

অজ্ঞাতসারে উচ্ছ্বসিত এই মস্তব্যটুকু ক’রে ফেলেই অভিমন্যুর
প্রতি চোখ পড়ে যায় ছোকরার, এবং স্নেহস্নেহেই ঈষৎ অপ্রতিভ
ভাবে একটু নমস্কার-গোছ ক’রে বলে, ‘মাপ করবেন, দেখতে পাইনি।
আপনার শাস্তির বিঘ্ন ঘটলাম, দুঃখিত।’

অভিমন্যুও অবশ্য স্নেহস্নেহেই সচকিত হয়েছে।

উঠে দাঁড়িয়ে সেও হাত জোড় ক’রে বলে, ‘কী-আশ্চর্য্য! এরকম
বলছেন কেন? আমি এই বেড়াতে বেড়াতে একটু এসে
পড়েছিলাম।’

‘আমিও তাই। অবশ্য তার উপর আরও একটু
বাড়তি স্বার্থ আছে, জায়গাটা দেখে ভারী ভালো লাগছে।’

জন্ম
জন্মকে
সার্থী

ছোকরার মুখে চোখে আনন্দ আর কৌতুকের উচ্ছলতা ।

তার কাঁধে ঝোলানো ক্যামেরাটার প্রতি এবার দৃষ্টি আকর্ষিত হয় অভিমন্যুর । ওঃ, তাই এই পরিত্যক্ত ভূমিতে এঁর আবির্ভাব ।

ক্যামেরাটা কাঁধ থেকে নামাতে নামাতে ছোকরা বলে, ‘বেশ বসেছিলেন আপনি, আপনার ফিগারটিও চমৎকার ! কথা ক’রে মাটি ক’রে ফেললাম । দিব্যি একখানা ছবি বাগিয়ে নিতাম, আর অ্যালবামে সেঁটে ক্যাপশন লাগাতাম, ‘ভুলি নাই ভুলি নাই ভুলি নাই প্রিয়া ।’

‘তার মানে ?’


প্রায় বিহ্ব্যতাহতের মতো চম্কে তীব্র প্রশ্ন করে অভিমন্যু, ‘আপনার একথার মানে ?’

ছোকরা বোধকরি ঠিক এভাবে প্রশ্নের জন্ম প্রস্তুত ছিলোনা । ঈষৎ অপ্রতিভভাবে বলে, ‘গভীর কোনো মানেপূর্ণ কথা আমি বলিনি, এমনি আপনার বসবার ভাবটা বেশ বিরহী বিরহী দেখাচ্ছিলো, তাই ব’লে ফেললাম । কোনো অপরাধ ক’রে ফেলে থাকি তো ক্ষমা করবেন ।’

ছোকরার সন্দেহ হয়, এ লোকটা বোধকরি সত্য বিপত্নীক । এবার লজ্জার পালা অভিমন্যুর ।

ফিরতি ক্ষমাপ্রার্থনা সেও করে ।

এবং ছুঁচরটি বাক্যবিনিময়ের মাধ্যমেই যেন বন্ধুত্ব বন্ধন ঘটে যায় ছোকরার সঙ্গে ।



অবিবাহিত তরুণ যুবক ।

অভিমন্যুর চাইতে বোধকরি বেশ খানিকটা ছোট ।

নাম সুরেশ্বর ।

পেশা ব্যবসা-বাণিজ্য, তবে তার নিজস্ব ভাষায়, 'সেটা হচ্ছে গৌণ
বাপ ঠাকুরদার চালিয়ে দেওয়া গাড়ী, তার উপর চেপে বসে গড়িয়ে
নিয়ে যাচ্ছি। প্রধান পেশা ফটো তোলা। বাপের পয়সা থাকলে
কতো রকম বদলেয়ালীই তো এসে আশ্রয় করে, এ তো তবু মন্দের
ভালো। কি বলেন ?'

* *

*

* *

দিনের পর মাস কাটে, মাসের পর বছর।

মহাকালের অক্ষমালা হতে আর-একটি অক্ষ খসে পড়ে,
বৃদ্ধা পৃথিবী আর একটু বৃদ্ধা হয়। মানুষের জীবনের জটিলতা
আর-একটু বাড়ে। সমাজজীবনে, রাষ্ট্রজীবনে, ব্যক্তিগতজীবনে,
নৈতিক আর অর্থনৈতিকজীবনে জটিলতা শুধু বেড়েই চলেছে।
বাড়ছে সভ্যতার মান, বাড়ছে শিক্ষার উৎকর্ষ, বাড়ছে জীবন-
যাত্রার উপকরণ, তার সঙ্গে বাড়ছে অসহায়তা।

কবে কোন্ যুগে মানুষ আজকের মতো অসহায় ছিলো ?

আজকের মানুষের ধরবার কোনো খুঁটি নেই। বিজ্ঞান আর
সভ্যতা তাকে ভীমবেগে আকর্ষণ ক'রে নিয়ে চলেছে। কে জানে
স্বর্গে কি রসাতলে।

এই তর্ক চলে কেদার-বদরীর পথে অভিমন্যু
আর সুরেশ্বরের মধ্যে।

শুধু মাকে নিয়ে তীর্থের পথে পথে ঘুরতে
অভিমন্যুর মধ্যে যে ভারাক্রান্ত জড়তা এসে গিয়ে-

জন্ম
জনমকে
সার্থী

ছিলো, তিলে তিলে মনের যে মৃত্যু ঘটিছিলো, সুরেশ্বর তার হাত থেকে যেন অভিমন্যুকে বাঁচাতে এসেছে। জীবনকে আবার বুঝি দেখতে পায় অভিমন্যু। এই নীরস দীর্ঘ পথ সরস হয়ে ওঠে ছুই অসমবয়সী বন্ধুর তর্কে, গল্পে, কৌতুক হাস্তে।

অভিমন্যু বুঝি ভুলেই গেছে, সে কতো হতভাগ্য, সমাজে তার ঠাই কোথায়। ভুলে গেছে আবার তাকে কলকাতায় ফিরে যেতে হবে, মুখ দেখাতে হবে পরিচিত সমাজে।

কর্মস্থলে ?

সেখান থেকে তো অব্যাহতি নিয়েই এসেছে সে। সুরেশ্বর বলে—সে মানস কৈলাস পর্য্যন্ত ধাওয়া করবে ক্যামেরা কাঁধে নিয়ে। অদ্ভুত সখ! সখের জন্তু কী কৃচ্ছ সাধনা, কী বিপদের ঝুঁকি ঘাড়ে নেওয়া!

সুরেশ্বর হাসে আর বলে, বাড়ীতে কি কম গালাগাল খেয়েছি? আসবার আগে মা তো সাতদিন কথা বলেনি, মুখ দেখেনি।’

‘তবু তুমি—?’

‘তা আর কি করা যাবে বলুন? কথাতেই আছে ‘এ রোষ রবেনা চিরদিন।’ সখ বড়ো হৃদ্যন্ত নেশা অভিমন্যুদা! ভূতের মতো ঘাড়ে চেপে বসে চালিয়ে নিয়ে বেড়ায়। কিন্তু করা যাবে কি? আপনার মতো দেবতা-মানব আর ক’জন থাকে বলুন?’

‘হঠাৎ আমাকে আবার এ অপবাদ কেন?’

জন্ম
জন্মকে
সার্থী

‘নয় কেন? দেখছি তো আপনাকে এতোদিন ধরে, এপর্য্যন্ত আপনার মধ্যে মনুষ্যোচিত কোনো গুণ দেখতে পেলামনা। না সখ, না নেশা। পত্নী-বিয়োগ হয়েছে, মলিন বদনে জননীর পদাঙ্কানুসরণ

ক'রে তীর্থ ভ্রমণ ক'রে বেড়াচ্ছেন! হুঁঃ, আমি হ'লে—সঙ্গে
সঙ্গে আর একটি পত্নী সংগ্রহ ক'রে হনিমুনে বেরিয়ে পড়তাম।
ভোজ্য খেতাম, সিগারেট খেতাম, শিকার করতাম, ফটো তুলতাম।
তা নয়—ধ্যোৎ !'

পত্নীবিয়োগের সংবাদটা পূর্ণিমাদেবীর পরিকল্পিত। শুনে প্রথমটা
অভিমন্যু শিউরে উঠেছিলো, তারপর নিঃশব্দে মেনে নিয়েছে।

অভিমন্যু মৃদু হেসে বলে, 'একটিই সংগ্রহ ক'রে উঠতে পারলেনা
এখনো, আবার দ্বিতীয়।'

'মনের মতো পাচ্ছি না অভিমন্যুদা! এই আটশ বছর ধ'রে
পৃথিবীতে চরছি, আজ পর্যন্ত এমন মেয়ে চোখে পড়লোনা
যাকে দেখে মন ব'লে ওঠে, বাঃ, এই তো আমার বনলতা সেন।
যাকে জন্ম-জন্মান্তর ধ'রে হারাতে হারাতে আর পেতে পেতে
আসছি।'

'তুমি ভারী ফাজিল।'

'ধ'রে ফেলেছেন দেখছি।' সুরেশ্বরের নির্মল উদাত্ত হাসির স্বরে
নির্জর্জন পার্বত্য-পথ সচকিত হয়ে ওঠে।

অনেকটা পিছন থেকে পূর্ণিমা মালা জপতে জপতে আর
হাঁপাতে হাঁপাতে উঠে আসতে আসতে চেষ্টান্ 'তোরা কি আমায়
ফেলে এগিয়ে যাবি নাকি? অতো লাফিয়ে লাফিয়ে যাচ্ছি
কেন?'

মনে মনে দাঁতে দাঁত পিষে বলেন, 'বেশ ছিলাম দুটি মায়ে-
পোয়ে, এই শনি যে কোথা থেকে এসে জুটলো।
কপাল আমার!'

জন্ম
জন্মকে
সার্থী

ওদিকে অভিমন্যু মনে মনে ভাবে, 'আঃ, মা যদি

সঙ্গে না থাকতেন! অনায়াসে আমিও পাড়ি দিতাম মানস
কৈলাসের পথে। মা এক বাধা।’

সুরেশ্বরের অগ্র চিন্তা। প্রচুর ফিল্ম এনেছে বটে, কিন্তু
তবু—কুলোবে তো? আর কোথায় সংগ্রহ করতে পারা সম্ভব?
শুনেছে, বদরী-নারায়ণের মন্দিরের কাছে নাকি দিব্যি দোকানপাট
সহর বাজার গজিয়ে উঠেছে আজকাল। জিনিসটা মিলবেনা
সেখানে?

‘আচ্ছা অভিমন্যুদা, আপনি লেখক-টেখক নয় তো?’

‘সে কি? কেন?’

‘এমনি জেনে নিলাম, নির্ভয়ে মন্তব্য প্রকাশ করা যাবে।
লেখকগুলো কী মিথ্যুক দেখেছেন?’

‘অর্থাৎ?’

‘এই দেখুন, এই যে চলেছি মহাপ্রস্থানের পথে—তা একটাও
এমন সাহসী বিদুষী সুন্দরী তরুণী আপনার চোখে পড়লো, যে
নভেলের নায়িকা হবার উপযুক্ত? এক টুকরোও না! এমন কি
অলৌকিক শক্তিদারী কোনো সাধু এসেও অকস্মাৎ দর্শন দিলোনা!
ওসব হয়না। সব বাজে বানানো কথা।’

অভিমন্যু হেসে ফেলে বলে, ‘তা সাহিত্য তো বানানো কথারই
বেসাতি।’

‘ওটা ভুল। কাহিনীটা বানানো হোক, ঠিক আছে। কিন্তু
ঘটনাচক্রগুলো স্বাভাবিক হবার দরকার আছে তো?’

‘ঘটনাচক্র! মানুষের জীবনে কতো অস্বাভাবিক
ঘটনাচক্র ঘটে তোমার জানা নেই।’

জনম্

জনম্কে

‘তার মানে, আপনার জানা আছে।’

‘কেন, আবিষ্কার করবার চেষ্টা করবে নাকি?’

‘হ্যাঁ। আপনাকে আবিষ্কার না ক’রে ছাড়বোনা ভাবছি। নিশ্চয়ই
আপনি কোনো ঘটনাচক্রে প’ড়ে—’

পূর্ণিমাদেবী কাছে এসে পড়েছেন।

শ্রমপাংশু মুখ! কাঁপা কাঁপা বুক। রোষকষায়িত দৃষ্টি।

‘তুই আমার সঙ্গে এমন করবি জানলে আমি এখানে
আসতামনা অভি! হাওয়ার মতন ছুটে এগোচ্ছি, জ্ঞান নেই যে
মা বুড়ি পেছনে প’ড়ে? উঃ, কী কষ্টই দিচ্ছে ভগবান!’

অভিমন্যু লান অপ্রতিভ মুখে মাকে ধরে।

কিন্তু বেপরোয়া সুরেশ্বর দিব্য হাশ্ববদনে ব’লে ওঠে, ‘তা মাসীমা
আপনি ডাণ্ডি চড়বেননা, কাণ্ডি চড়বেননা, এখন কষ্ট হচ্ছে বললে
চলবে কেন? আপনারাই তো বলেন, কষ্ট না করলে কেষ্টপ্রাপ্তি
ঘটেনা।’

‘তুমি থামো তো বাছা।’

বিরক্ত বিরস মুখে আবার হাঁটা শুরু করেন পূর্ণিমা বিড়বিড়
করতে করতে। বৌ যদি বা ঘাড় থেকে নামলো তো কোথা
থেকে এক বন্ধু এসে ঘাড়ে চাপলো। শনি, শনি! নেমে ফিরে
যেতে পারলে বাঁচি বাবা। কেদারে আবার মানুষে আসে।’

আসে বৈকি!

হাজার হাজার বছর ধ’রে তো এসেই চলেছে মানুষ। হুর্গম
পথের প্রতি ছুরন্ত আকর্ষণই যে মানুষের মূল প্রকৃতি। হাজার
হাজার বছর ধ’রে কোটি কোটি লোক আসছে যাচ্ছে।
যখন পথ ছিলো মারাত্মক ভয়ঙ্কর, সভ্যতার অবদান
পৌছয়নি এতো দূর অবধি, তখন ফেরার আশা না
রেখেই আসতো, এখন সুগম পথ ধ’রে সহজে

জন্ম
জন্মকে
জাঠা

স্বচ্ছন্দে আসছে, ফিরে যাচ্ছে।

অভিমন্যুও ফিরলো একদিন।

আর ফিরে স্টেশনে নেমেই দেখলো সারা কলকাতা যেন তার দিকে তীব্র ব্যঙ্গ দৃষ্টি হেনে নির্লজ্জ হাসি হাসছে।

এ কী কুৎসিত!

এ কী জঘন্য!

এ কি শক্তিশেল! অভিমন্যু কেন ফিরে এলো!

মঞ্জরী লাহিড়ী! মঞ্জরী লাহিড়ী!

সমস্ত কলকাতা সহর মঞ্জরী লাহিড়ী নামের নামাবলী গায়ে জড়িয়ে বসে আছে। সহরের সমস্ত পথে পথে স্মিতাননা মঞ্জরী লাহিড়ী সহস্র পথিকের দিকে কটাক্ষ হেনে মোহন হাসি হাসছে।

এই কিছুদিন আগেও যে মঞ্জরী ছিলো প্রফেসর অভিমন্যু লাহিড়ীর স্ত্রী!

বিরিট 'হোর্ডিং' লাগিয়েছে হাওড়া স্টেশনে ট্যাক্সি স্ট্যান্ডের কাছে। মুটেকে পয়সা চুকিয়ে দিতে দিতে কথাটা কানে এলো।...

‘কী মনকাড়া হাসিটা হাসছে মাইরি, দেখেছিস? শালার মুণ্ডটা ঘুরিয়ে দিচ্ছে একেবারে! তুই দেখে নিস মাইরি, এ ছুঁড়িই এবার ‘শোভারাগী’ ‘শ্যামলী সেনের’ অন্ন মারবে নির্ঘাত!’

একঝলক কটুগন্ধ বিড়ির ধোঁয়া উড়িয়ে চলে

গেলো ছোকরা ছটো।

জন্ম
জন্মকে
সাথী

কিন্তু হাতে রিভলভার থাকলেই কি ওদের পাজরায় গুলি করতে পারতো অভিমন্যু? লাঠি থাকলে বসিয়ে দিতে পারতো মাথায়?

পারতো না।

অভিমুখ্য যে ভদ্রলোক ! যাদের সবথেকে ভয় কেলেকারীকে

সমাজের পিছনদিকের অন্ধকার গলিতে যাদের ঘোরাফেরা, তারাও ওই কথাই বলে। স্টুডিওর সাজঘরে উপবিষ্ট উন্নতদৃষ্টি আরক্তমুখ মঞ্জরীকে এক হিতৈষী ফিস্‌ফিস্‌ ক'রে বলে, 'চেপে যান মিসেস লাহিড়ী, চেপে যান ! ও নিয়ে আর হৈ চৈ করবেন না ! করতে গেলে লাভ কিছুই হবেনা, শুধু লোক জানা-জানি আর আড়ালে হাসাহাসি। আপনি চেষ্টামেচি করলে বড়োজোর ডিরেক্টর মজুমদার লোক-দেখানো একটু ধমক দেবে আনন্দকুমারকে। তাতে আপনার ইজ্জত কিছু বাড়বে না। এসব জায়গায় ওটুকু কেউ ধর্তব্যই করেনা। এ লাইনে এসেছেন যখন, ক্রমশঃ দেখতে পাবেন অনেক কিছু।'

অতএব হৈ চৈ করা চলবে না।

তাতে শুধু কেলেকারী !

এ লাইনে যখন এসেছো, তখন এখানের দস্তরও শেখো। শেখো কিল খেয়ে কিল চুরি করতে। নইলে শুধু লোক হাসাহাসি। হাতের কাছে ছুরি থাকলে কি নিজের এই নিটোল মশূণ গালের খানিকটা মাংস খুব্লে কেটে উড়িয়ে দিতো মঞ্জরী ? একডেলা আঙুরা থাকলে চেপে ধরতো প্রচণ্ড জ্বালা-করা ওই জায়গাটায় ? যাতে বিষে বিষক্ষয় হতে পারতো।

নাঃ ! থাকলেও কিছুই করতে পারতেনা মঞ্জরী। কারণ আর দশ মিনিট পরেই তাকে অণু এক স্টুডিওতে যেতে হবে, আর এক ডিরেক্টরের কাছে।

জন্ম
জন্মকে
সাথী

একসঙ্গে চারখানা বইয়ের কন্ট্রাক্ট নিয়েছে মঞ্জরী।

কেলেক্টরী ক'রে সব কিছু পণ্ড করবার সাহস তার নেই।

সাহস তো সব দিকেই গেছে।

ঘর ছেড়ে বেরিয়ে আসা মেয়ের এই মহিমা দেখানো হাস্যকর ছাড়া আর কি? দেখাবেই বা কার কাছে? যারা ওটুকুকে ধর্ষব্যই করেনা তাদের কাছে?

অতএব ছেড়ে দাও ওটুকু শুচিবাই।

ছেড়ে দাও নিজেকে ছোটবেলার 'শ্লিপে' চড়ার খেলার মতো। ভাগ্যের এই মন্ত্ৰণ আর ঢালু ফলকটার ডগায় ব'সে শুধু হাত পা ছেড়ে দিয়ে নামিয়ে দাও নিজেকে।

অবিশিষ্ট নামার হিসেবের সঙ্গে সঙ্গে ওঠারও একটা হিসেব থাকে বৈ কি! জগতের সকল ক্ষেত্রেই যে দাঁড়িপাল্লার ব্যাপার! একদিক নামলেই অপর দিক উঠবে!

পাল্লার অপর দিক উঠছে।

সর্বত্র উঠছে ছবি আর নাম, পত্রিকায় পত্রিকায় উঠছে পরিচিতি আর জীবনী! তরুণ তরুণীর অটোগ্রাফ খাতার পাতায় উঠছে স্বাক্ষর। জ্বরবিকার রোগীকে দেওয়া থার্মোমিটারের তপ্ত পারার মতো ব্যাঙ্ক ব্যালান্সের অঙ্ক উঠছে লাফিয়ে লাফিয়ে।

এতো ওঠার চাপেও একটু-আধটু নামার গ্লানিটা ফিকে মেরে যায় বৈ কি!

জনম
জনমকে
দার্থী

এখন আর বনলতার ক্ল্যাটে থাকা মানায় না,
নিজেকে আর তার মধ্যে ধরানোও যায়না, আলাদা

একটা ক্ল্যাট নিতে হয়েছে মঞ্জরীকে। বনলতার ক্ল্যাটের চাইতে দামী আর বড়ো।

মঞ্জরীর সুরুচি আর সৌন্দর্য্যবোধের পরিচয় বহন করছে তার ক্ল্যাটের সাজসজ্জা। টাকাই শক্তি, টাকাই সাহস, টাকাই উপায়, টাকাই অভিভাবক। বনলতার ঝি মালতি মাঝে মাঝে বেড়াতে আসে আর ফিরে গিয়ে মুখ বাঁকিয়ে বলে, ‘আঙুল ফুলে কলাগাছ!’

বনলতাও আসে কখনো কখনো, মাঝে মাঝে নিমন্ত্রণে ডাকে মঞ্জরী। ও মুখ বাঁকায় না, শুধু একটু একটু হাসে।

হাসে মঞ্জরীর তীব্র লালরঙে-ছোপানো ওষ্ঠাধর দেখে, হাসে মঞ্জরীর রঙিন এনামেল-করা ছুঁচলো-আগা লম্বা লম্বা নখ দেখে, হাসে মঞ্জরীর সোনার চিরুনি বসিয়ে জোড়াবেগীর কবরী রচনা দেখে, হাসে মঞ্জরীর শালীনতাহীন উগ্র আধুনিক পরন পরিচ্ছদ দেখে। এসবে ভারী ঘৃণা ছিলো মঞ্জরীর।

তবু বনলতা ওকে ভালোবাসে।

মাঝে মাঝে উপদেশ দেয়, ‘একসঙ্গে অতোগুলো ছবির কণ্ট্রাস্ট করিস্ কেন? তাড়াতাড়ি সস্তা হয়ে যাবি।’

মঞ্জরী মনে মনে মুচকি হেসে ভাবে, ‘আহা, ড্রাক্সফল অতিশয় অল্প।’ মুখে অমায়িক হাসি হেসে বলে, ‘কি করবো লতাদি, দেশ-সুদ্ধ ডিরেক্টর যে প্রতিজ্ঞা করে বসে আছে, আমায় না নামাতে পারলে ছবিই করবেনা। কী কাড়াকাড়ি যদি থাকে।’

বনলতা মূহু হেসে বলে, ‘দেখতে হবেনা, কিছু কিছু অভিজ্ঞতা আছে, তবু এইজন্মেই বলি, তোর স্বাস্থ্যটা তো খুব মজবুত না, এতো খাটলে পাছে ভেঙে পড়ে।’

জন্ম
জন্মকে
সার্থী

‘ভেঙে পড়লে মরে যাবো—’ মঞ্জরী উদাসস্বরে বলে, ‘এ পৃথিবীতে তাতে কার কি এসে যাবে লতাদি ?’

‘ওরে সর্বনাশ’—বনলতা চক্ষু বিস্ফারিত ক’রে বলে, ‘বাঙলা দেশের ছেলেবুড়ো মেয়েপুরুষ সবাইয়ের সর্বস্ব লোকসান ! মাথায় হাত দিয়ে ব’সে পড়বে সবাই। তুই যে কী বস্তু, তুই নিজেই কি এখনো টের পেয়েছিস ?’

মঞ্জরী এ পরিহাসে হাসে। বলে, ‘টের পাইয়ে ছাড়ছে ! ছাখোনা, বস্বের এক অফার নিয়ে দেবেশ মল্লিক কী লাগাই লেগেছে আমার পিছনে ! আমি এখনো মনস্থির করতে পারছি না।’

‘বস্বে ?’

বনলতা বিরূপভাবে বলে, ‘বস্বেয় গিয়ে এমন কিছুই সুনাম হয়না।’

‘সুনাম হয়না, সুদর্শনচক্র তো হয় ?’ মঞ্জরী সাটিনের কুশনে কনুই ঠেঁশিয়ে দেহ ভেঙে ভেঙে হাসতে থাকে।

হ্যাঁ, এরকম হাসি আজকাল হাসতে শিখেছে মঞ্জরী !

‘আর বেশী টাকার কী দরকার তোমার ?’

‘টাকার কী দরকার ? তুমি যে হাসালে লতাদি ! এ প্রশ্ন তো তুমি নিজেকেও করতো পারো ?’

বনলতা গম্ভীর ভাবে বলে, ‘আমার সঙ্গে তোমার তফাত আছে মঞ্জু ! আমাকে মদ খেতে হয়, আমাকে প্রায়ই ছ’চারটে জন্তু পুষতে হয়, আমাকে দেশের বাড়ীতে টাকা পাঠাতে হয়।’

জনম
জনমকে
সার্থী

দেশের বাড়ীতে টাকা।

প্রথম কৈফিয়ত ছোটো ঘণাভরে শুনছিলো,
শেষের কথাটায় চমকে সোজা হয়ে বসে মঞ্জরী।

‘তোমার দেশ আছে ?’

‘তা এ প্রশ্ন করতে পারিস্ বটে। আমাদের দেখলে ইকৌড় বলেই মনে হয়। তাই না?’

‘না না, তা বলছি না। মানে, দেশের বাড়ীতে তোমার কেউ আছে এখনো?’

‘আছে বৈ কি।’

‘কে আছে?’

‘সবাই। মা বাপ ভাই ভাজ।’

মঞ্জরী স্তম্ভিত দৃষ্টি মেলে বলে, ‘তারা তোমার টাকা নেয়?’

‘আগে নিতেন। নেবার কথা ভাবতেই পারতেন। আমিই লুকিয়ে দেশে গিয়ে ভাজের সঙ্গে লুকিয়ে দেখা করে। হাতে-পায়ে ধরে রাজী করিয়ে—’

‘কেন?’ মঞ্জরী সহসা উদ্ধতভাবে সোজা হয়ে ব’ বলে, ‘কেন, এতো হাতে-পায়ে পড়া কেন?’

বনলতা বিষণ্ণ হাসি হেসে বলে, ‘বাবা পক্ষাঘাতগ্রস্ত, ভাই পাগল।’

‘ওঃ! তবু মানে, নিতান্ত নিরুপায় বলেই তাঁরা দয়া করে তোমার টাকাটি নিয়ে কৃতার্থ করছেন তোমাকে, এই তো? নইলে বাঁ পায়ের কড়ে আঙুলেও ছুঁতেন না অবশ্যই।’

‘সে তো নিশ্চয়ই।’

আরো বিষণ্ণ হাসি হাসে বনলতা।

‘তবু তোমার তাদের দুঃখে মায়া আসে?’

‘আসে তো।’

‘ওরা নিশ্চয়ই তোমাকে মিথ্যে বদনাম দিয়ে তাড়িয়ে দিয়েছিলো?’

বনলতা হেসে ফেলে ওর উদ্ভা দেখে। হেসে

জন্ম
জন্মকে
সার্থী

বলে, ‘মিথ্যে নয়, বদনামটা সত্যি।’

‘হুঁ! কিন্তু সব কলঙ্ক তাহ’লে টাকায় চাপা পড়ে?’

‘তা কি আর পড়ে মঞ্জু? তা পড়েনা। কিন্তু অভাব জিনিসটা যে বড়ো সর্বনাশী! সকলের আগে তো পেট! তার পরে মর্যাদার প্রশ্ন।’

‘হুঁ! কিন্তু হাত পেতে যারা তোমার টাকা নিয়ে পেট ভরাচ্ছে, এখনো তো তারা তোমাকে বাড়ীর উঠোনে ঢুকতে দেবেনা?’

‘ঢুকতে দেবেনা।’

স্বপ্ন একটা হাসির রেখা দেখা দিলো বনলতার রঙমাখা ঠোঁটের কোণে। বললো, ‘তা দেবে। দেয়ও।’

‘কি? তুমি যাও নাকি সেখানে?’

মঞ্জুরীর চোখে অবিশ্বাসের বিস্ময়।

‘মাঝে মাঝে! প্রায় দৈবাৎই! যদি কোনোদিন একটু বেশী অবসর থাকে—খুব দূরে তো নয়! বড়ো জোর মাইল তিরিশ।’

‘তারা তোমার মুখ ছাখে? তোমার সঙ্গে কথা বলে?’

বনলতা তেমনি মৃদু বিষণ্ণ হাসি হেসে বলে, ‘শুধু কথা বলে? কোথায় বসাবে, কি ক’রে মান রাখবে, ভেবে দিশেহারা হয়ে যায়।’

‘আশ্চর্য্য! টাকা এমনই জিনিস তাহ’লে?’

‘না, ঠিক টাকাই নয় মঞ্জু! প্রতিষ্ঠাই হচ্ছে আসল জিনিস। ওরা গরীব ব’লে ভাবছো শুধু টাকার জগ্গেই—তা নয়! বড়োলোক হ’লেও করতো। যে কোনো বিষয়েই হোক, খানিকটা প্রতিষ্ঠা যদি অর্জন করতে পারো, যারা একদিন ঘৃণায় মুখ ফিরিয়েছে তারাই কথা বলতে পেলো কুতর্থা হয়ে যাবে। আমার ছেলেবেলার সই, যে আমার

জন্ম
জন্মকে
সার্থী

প্রথম বয়সে আমার ছুর্মতির সংকল্প শুনে বলেছিলো—আমি মরে গেলে হরিরলুঠ দেবে, সে আমার কাছে পাস নিয়ে বক্সে বসে থিয়েটারে আছে, তিনকুলের গুষ্ঠিকে ডেকে এনে দেখায়।’

‘আর তুমি ধন্য হয়ে তার জোপান দাও?’

বনলতা ওর রাগ দেখে হেসে উঠে বলে, ‘তা মানুষের কোনোখানে তো একটু দুর্বলতা থাকবেই।’

মিনিটখানেক গুম্ হয়ে থেকে মঞ্জরী বলে ওঠে, ‘বন্ধে আমাকে যেতেই হবে।’

‘হঠাৎ সিদ্ধান্ত স্থির হয়ে গেলো না কি?’

‘হ্যাঁ তাই। আমার যশ চাই, প্রতিষ্ঠা চাই, আর টাকাও চাই। অনেক টাকা...অজস্র টাকা...’

বনলতা মুচ্কে হেসে বলে, ‘কেন? ত্যাগ-ক’রে-আসা স্বামীকে ফের টাকা দিয়ে কিনবি?’

‘সেই চেষ্টাই দেখবো।’

‘কী লজ্জা! কী লজ্জা!’ বড়ো জা আর মেজ জা একসঙ্গে মিলিত হয়ে লজ্জায় মরে গিয়ে বলে, ‘শেষপর্যন্ত বন্ধেতেও? এর-পরে আর বাকী কি থাকবে? তবু এতোদিন মনে করতাম, জেদ ক’রে একটা ছেলেমানুষী ক’রে ফেলেছে, হয়তো পরে ভুল বুঝতে পারবে, আর যে আমাদের গ’লে-যাওয়া ছাওর, হয়তো বা ফের ঘরেই নেবে, সে আশা নিমূল হলো।’

কথার সুর শুনে কিন্তু বোঝা যায়না কোনটা কাম্য ছিলো এঁদের।

উঃ, সাহস বটে!’ ওরা যেন অবাক হয়ে হয়েও

জন্ম
জন্মকে
সার্থী

কুলকিনারা পাচ্ছেনা...‘থাকতো কেমন শাস্ত সভ্য মতন, কে জানতো ভেতরে ভেতরে এতো বড়ো বুকের পাটা!’

‘তবু যাহোক দেশের মধ্যে ছিলো, এরপর আর ! ছি ছি ! বিনা অভিভাবকে বসে চলে গেলে আর রইলো কি ?’

‘আছেই বা কি ? মেজ জা মুখ বাঁকিয়ে বলেন, ‘আমাদের হিঁচুর ঘরের মেয়ে, ঘরের বাইরে এক রাত কাটালেই জাত যায়, আর সে কি না এই দু’দুটো বছর কাটিয়ে দিলো ! তাও কোন্ লাইনে ? শুনতে পাই নাকি আলাদা ফ্ল্যাট ভাড়া ক’রে লোকজন রেখে রামরাজত্ব করছে, গাড়ীও কিনেছে নাকি ! না কিনবেই বা কেন, দু’হাতে রোজগার তো করছে !’

‘আশ্চর্য্য ! বিশ্বাস হতে চায়না যেন ! সেই আমাদের ছোটবো !’

‘অবিশ্বাসের আবার কি আছে ?’ মেজ জা আর একবার মাথা ঝাঁকানি দেন, ‘এই যে লাখে লাখে কোটিতে কোটিতে খারাপ মেয়েমানুষ, সকলেই কিছু আর খারাপ হয়ে আকাশ থেকে পড়েনি ! তারাও একদিন মা বাপের সন্তান ছিলো, ছিলো স্বামীর স্ত্রী, হয়তো বা ছেলেমেয়ের মা !’

‘উঃ, আমাদের ঘরে এমন হবে কে কবে ভেবেছিলো ! এই যে আমরা অশুবিধে প’ড়ে আলাদা হয়ে এসেছি, এতেই কতো নিন্দে হয়েছে আমাদের, ওই ছোট ঠাকুরপোই, তাই নিয়ে কতো ঠাট্টা-তামাসা করেছে, আর এখন ?’

জন্ম
জন্মকে
সার্থী

‘বেশী শাস্তি হয়েছে ভাসুরদের ! ইনি তো বলেন, ‘চেনা পরিচিত লোকের সঙ্গে পথে বেরোতে হ’লে চোখ তুলে চাইতে পারিনে, মাথা হেঁট ক’রে পথ চলি !’

‘দেখতে দেখতে নামটাও ক’রে ফেললো বাবা! নামতে না নামতেই ষ্টার! হেন ছবি নেই যাতে না ওর নাম।’

‘কী ছলাকলা! কী বেহায়াপনা! দেখতে ব’সে মাথা হেঁট হয়ে যায়। ন’টার শো ভিন্ন যাইনা, পাছে কেউ দেখে ফেলে।’

‘তুই তো তবু গিয়ে মরিস, আমার ওপর তোর বটঠাকুরের কড়া নিষেধ।’

‘আহা, সে নিষেধ কি আর আমার ওপরই নেই? শুনি। কৌতূহলের জ্বালায় মরি যে।’

‘আচ্ছা, ছোট ঠাকুরপো ত্যাগে ব’লে মনে হয় তোর?’

‘ঈশ্বর জানেন। ত্যাগে কি আর? দেখতে পারে? যতোই হোক ওর বুকের জ্বালা আলাদা। নিজের বিয়ে-করা স্ত্রী অপর পাঁচটা পুরুষের সঙ্গে প্রেমের পার্ট করেছে, সহ্য করা কি সোজা?’

ছোট-নন্দাই স্ত্রীকে উদ্দেশ্য ক’রে হাসে আর ক্ষাপায়, ‘যাই বলো, তোমার ব্রাদারটি একটু ভুল ক’রে ফেললো। ওই গিন্নীটিকে অতো উড়তে না দিয়ে বাড়ীতে আটকে রাখতে পারতো তো ইহ-জীবনে তাকে আর খেটে খেতে হতোনা! দিব্যি পায়ের ওপর পা দিয়ে ব’সে—তিনতলা বাড়ী, শেত্রে গাড়ী, লোকলস্কর, মান মর্যাদা—’

‘মান মর্যাদা?’

ভীক্ষু প্রতিবাদ ওঠে শ্রোত্রীর কণ্ঠ থেকে।

‘আহা, তা নয়ই বা কেন? মঞ্জরী লাহিড়ীকে নিয়ে আজ চারিদিক থেকে কাড়াকাড়ি কতো! বসে থেকে সাধছে—’

জনম
জনমকে
সার্থী

ছোট ননদ উদাসগন্তীর মন্তব্য করে, ‘বলো, যা প্রাণ চায় ব’লে নাও ! বলবার দিন পেয়েছে যখন।’

বড়ো ননদের বাড়ীতে আবার অণু ব্যবস্থা।

সেখানে অলিখিত শাসনে বড়ো থেকে ছোটটি পর্য্যন্ত মঞ্জরী সম্বন্ধে একেবারে নীরব ! মঞ্জরীর নাম উচ্চারিত হয়না সে বাড়ীতে। সিনেমা দেখার মতো জীবনের একটা শ্রেষ্ঠ আনন্দ বন্ধ হয়ে গেছে ওদের।

সুনীতি হাজারিবাগ থেকে ফিরে এসেছে অনেকদিন ! ননদের মাথার দিব্যি দেওয়া যত্নে অতিরিক্ত ঘী দুধ আর আতপচাল খেয়ে খেয়ে কেমন একটা অস্বাভাবিক থপথপে মোটা হয়ে গেছে সে। স্থবির হয়ে গেছে অদ্ভুত ভাবে। শুধু মঞ্জরী সম্বন্ধে কেন, পৃথিবীর কোনো কিছু সম্বন্ধেই যেন তার আর কোনো চেতনা নেই। কিছুই যেন এসে যায়না তার—মঞ্জরী থাকুক আর উচ্ছন্ন যাক। বড়ো মেয়ে কমল একদিন সসঙ্কোচে দুঃখ প্রকাশ করেছিলো—‘তখন যদি আমরা ছোটমাসীকে এখানে রাখতাম মা, তাহ’লে হয়তো ছোটমাসী এভাবে—’

সুনীতি ক্লান্তস্বরে বলেছিলো, ‘নিয়তিতে যাকে টানে, তাকে ধ’রে রাখবে কে কমলা ?’

জন্ম
জন্মকে
সার্থী

ছোট মেয়ে চঞ্চলা প্রথম ছ’একদিন খবরের কাগজের খোলা পাতাখানা ধ’রে সাগ্রহে মাকে দেখাতে এসেছিলো ছোটমাসীর নাম আর ছবি।

সুনীতি শ্রাস্তবরে বলেছিলো, ‘ওঘরে নিয়ে গিয়ে তোমরা
ঢাখোগে।’

বোঝা যায়না মঞ্জরীর জন্মে তার মধ্যে আর একতিলও
সহানুভূতি অবশিষ্ট আছে কি না। কে জানে, হয়তো নেই। যদি
কষ্টে পড়তো মঞ্জরী, খেতে পেতোনা পরতে পেতোনা, তাহ’লে
হয়তো সুনীতি তার কলঙ্ক ক্ষমা করতো, স্নেহে কাছে টেনে
নিতো। কিন্তু মঞ্জরী যে কলঙ্কের মূল্যে আহরণ ক’রে নিচ্ছে
যশ, অর্থ, প্রতিষ্ঠা, স্বাচ্ছন্দ্য! আর কি প্রয়োজন আছে ওর দিকে
চাইবার? ওর ভিতরের স্নেহকাঙালিনীকে ফিরে দেখবার গরজ
কার হবে? সে কাঙালিনীকে বিশ্বাস করবে কে?

যার টাকা আছে তার আবার প্রয়োজনের কি আছে? না,
তার জন্মে কারো হৃদয়ে মমতার দরজা খোলা থাকেনা। এখন
তার জন্মে যদি কিছু মজুত থাকে, সে হচ্ছে ঘৃণা।

মঞ্জরী মুছে গেছে সুনীতির মন থেকে।

খানিকটা মুছে নিয়েছিলো ওর দুঃসাহস, বাকীটা মুছে নিয়েছে
ওর সাফল্য।


শুধু কিশোরী চঞ্চলা মাঝে মাঝে অবাক হয়ে ব’সে ব’সে
ভাবে।

লুকিয়ে চঞ্চলা একটা সংগ্রহশালা খুলেছে।

কাগজে পোষ্টারে, প্রোগ্রাম বইতে, সিনেমা-পত্রিকায় যেখানে
যতো ছবি দেখতে পায় মঞ্জরীর, সব কেটে কেটে জমা করে সেই
গোপন ভাণ্ডারে।

নানা মূর্তি, নানা ভঙ্গি, নানা রূপ।

নিঃসঙ্গ কোনো ছপুর্নে সেইগুলো বার ক’রে
বিছিয়ে বসে আর দেখে চঞ্চলা। দেখে আর ভাবে।



পত্রিকার মলাটে এই যে মুখ, যার মুখে ছরস্তু এক চপল হাসি, চোখে চটুল কটাক্ষ, গ্রীবায়ে অপূর্ব ভঙ্গি, যে মুখ দেখলে বুকের মধ্যে যেন কাঁটা দিয়ে ওঠে, সারা শরীরে ভয় ভয় করে, এ কি সত্যিই তাদের সেই ছোটমাসী? ছেলেবেলায় যে তাদের খেলার মধ্যে দলপতির অংশ গ্রহণ ক'রে হৈ হৈ করেছে, যে পরম উদারতায় অক্লেশে নিজের ভাগের চকোলেট লজ্জেন্স আর নিজের গলার পাথরের মালা, কাঁচপুঁতির মালা বোনঝিদের দান করেছে, এই সেদিনও যে তাদের সঙ্গে একত্রে খেয়েছে শুয়েছে গল্প করেছে!

সত্যি সেই? সত্যি সেই?

আবার এই যে কাগজের পৃষ্ঠায়?

বিষাদপ্রতিমা বিধবা নারী!

যার চোখের তারায় আকাশের অসীম শূন্যতা, যার ঠোঁটের রেখায় অসহায় বেদনার গভীর ব্যঞ্জনা!

এও কি তাদের সেই ছোটমাসী?

কোনটা সত্যি তবে?

কোন্ রূপটা ওর যথার্থ রূপ?

ভাবতে ভাবতে মনটা যেন ভারী হয়ে ওঠে চঞ্চলার—হঠাৎ চোখের কোণে কোণে জমে ওঠে জলের রেখা।

এক একসময় ভারী ইচ্ছে হয় ছোটমাসীকে একবার দেখতে!

জন্ম
জন্মকে
সাথী

দেখতে—ছোটমাসী তাকে চিনতে পারে কি না, তার সঙ্গে কথা বলে কি না।

কিন্তু কোথায় সে উপায়?

আবার নাকি শোনা যাচ্ছে—কলকাতা থেকে

চলে যাবে বোম্বাই। কে জানে সেই অজানা জনারণ্যে চিরদিনের
মতো হারিয়ে যাবে কিনা ছোটমাসী...

কোনো কোনো রাত্রে, যে রাত্রে কিছুতেই ঘুম আসেনা
মঞ্জরীর, বিছানায় শুয়ে থাকা অসম্ভব হয়ে ওঠে, সেরাত্রে চোখের
তারায় আকাশের অসীম শূন্যতা, আর ঠোঁটের কোণায় অসহায়
বেদনার গভীর ব্যঞ্জনা নিয়ে মঞ্জরী যে জানলার ধারে ব'সে ব'সে
ভাবে—সমস্ত পৃথিবী থেকে সে বৃষ্টি বিচ্ছিন্ন হয়ে গেছে, তার
চিরকালের পরিচিত জগৎ থেকে চিরদিনের মতো নিশ্চিহ্ন হয়ে
গেছে—সেটা ভুল ক'রে ভাবে। তার পরিচিত জগতের প্রত্যেকের
মনেই সে বেঁচে আছে।


বেঁচে আছে 'জ্বালা' হয়ে।

অপমানের জ্বালা হয়ে, অভিমানের জ্বালা হয়ে, বিশ্বাসের জ্বালা
হয়ে, ঈর্ষার জ্বালা হয়ে।

দিনেরবেলায় মনের চেহারা আলাদা।

দিনেরবেলায় কিছুই এসে যায়না মঞ্জরীর—কে তাকে মনে
রাখলো আর কে না রাখলো। তখন শুধু এগিয়ে চলা, আরো
এগিয়ে চলা। জয়ের পথে, যশের পথে। প্রতি মুহূর্তে পান করা
চাই নতুন নতুন উদ্ভেজনার কড়া মদ। নিজেকে
শ্বংস ক'রে, নিজেকে ছিন্নবিচ্ছিন্ন ক'রে আর খণ্ড খণ্ড
ক'রে বিকশিত করতে হবে।

এই তো চেয়েছিলো সে।



ললিত লাবণ্য নিজেকে বিকশিত করতে ।

এই চেয়েছিলো মঞ্জরী ?

চেয়েছিলো বই কি ! বুকে না বুকে হাত দিলেও আগুন কি তার
স্বপ্ন ছাড়ে ? অবোধ ব'লে ক্ষমা করে ?

রঙিন কাঁচের গ্লাশের জৌলুসে মুগ্ধ হয়ে মঞ্জরী হাত বাড়িয়ে বিষের
পাত্র নিয়ে চুমুক দিয়েছে, বিষের দাহ শুরু হবে না ?

তারপর ?

তার পর তো মৃত্যু আছেই ।

আজ ছুটি ।

আজ সন্টিং নেই ।

অনেক কষ্টে আর অনেক অঙ্ক ক'ষে এই ছুটিটুকু বার করা ।

বাড়ীতে আজ কিছু অতিথি সমাগমের আয়োজন করেছে
মঞ্জরী ।

হ্যাঁ । নিজের বাড়ীতে এরকম একটা পার্টি দেবার সাহস মঞ্জরীর
হয়েছে । টাকা মানেই তো সাহস ।

নিমন্ত্রিতেরা এখনো কেউ এসে পৌঁছয়নি ।

ড্রেসিং আয়নার সামনে দাঁড়িয়ে ঘুরে ফিরে প্রসাধনপর্ব
সারছিলো মঞ্জরী । নিজেকে কতো মনোহারিণী ক'রে তোলা যায়
এ বোধকরি তারই সাধনা ।

পরেছে সমুদ্রের ঢেউ-রঙা মিহি সিল্কের শাড়ী, মিহি অদ্ভুত
রকমের মিহি, প্রায় জলের মতোই স্বচ্ছ, শুধু চোখ-জ্বলা ঝক-
ঝকে চওড়া রূপোলী জরীর ভারী পাড়টা ভারসাম্য
বজায় রেখে শাড়ীটাকে দেহের সঙ্গে লেপ্টে রাখতে
সাহায্য করছে ।

জনম
জনমকে
সার্থী

মঞ্জরী কি আগে কখনো কল্পনা করতে পারতো,

সাতপাটেও স্বচ্ছতা হারায় না এমন শাড়ী প'রে অক্লেশে ঘুরে বেড়াতে পারবে সে ?

অথচ সহজেই পারছে এখন ।

এই সাগরনীল শাড়ীটার সঙ্গে খাপ খাইয়ে পরেছে একটা সিঁদুরলাল ব্লাউজ, হাতে ছোটো মোটা মোটা ঢল্‌ঢলে বালা, গলায় শুধু একটা চওড়া চিক্‌। আজ আর সোনার চিরুনি গাঁথা খোঁপা নয় । আজ সাদা সিল্কের চওড়া ফিতে দিয়ে শুধু একটু আল্‌গা ক'রে গোড়া বেঁধে-রাখা এলো চুল, পায়ে জরির চটি ।

মাজাঘষা গালে আর একবার আলতো ক'রে একটু পাউডার বুলিয়ে নিলো, গাঢ় লালরঙে ছোপানো ঠোঁটে আর একটু টাটকা লালের আভাস, চোখের কোলে কোলে সূর্য্যার টানটা নিখুঁত আছে কিনা দেখে নিলো আর একবার ।

মনোহারিণী নয়, মনোমোহিনী ।

মঞ্জরীর গায়ের রং যে কোনোদিনই ফস'া ছিলোনা, ছিলো শ্যামলা শ্যামলা, সে আর এখন ধরবার উপায় নেই ।

প্রসাধন শেষ ক'রে বসবার ঘরে যাবার আগে মুখে একটা মৃহ হাসি ফুটে উঠলো মঞ্জরীর ।

বোম্বাই তারকাদের কাছে কি রূপে হার মানবে ?

ইস্‌ !

কিন্তু আশ্চর্য্য !

মুখের মৃহ দান্তিক হাসিটুকু মিলিয়ে গিয়ে সহসা একটা ক্লান্তির ছায়া নামলো । স্থলিত পায়ে এঘরে এসে একটা সোফায় ব'সে পড়লো মঞ্জরী ।

আশ্চর্য্য !

তার পুরনো জগতটা কি সত্যিই এ সহর থেকে

জন্ম
জন্মকে
সার্থী

বিলুপ্ত হয়ে গেছে ? নইলে কোনো সূত্রে এক মুহূর্তের জন্তও কাউকে দেখতে পাওয়া যায়না কেন ? সম্ভব অসম্ভব কতো জায়গাতেই তো কতো চেনা লোকের সঙ্গে দেখা হয়ে যায় মানুষের । শুধু মঞ্জরীর ভাগ্যটাই আলাদা বিধাতার তৈরি ?

এতো তাড়াতাড়ি, পয়সা হতে না হতে গাড়ী কেনবার দরকার কি ছিলো মঞ্জরীর ? কেনা তো শুধু এতোটুকু অবসর মিললেই ড্রাইভারটাকে পথে পথে ঘুরিয়ে মারার জন্তে !

অথচ যে পাড়ায় গেলে নিশ্চিত কারো দেখা মিলবে, সেখানে যেতে সাহস হয়না । শুধু আশে-পাশে, শুধু এখানে-সেখানে । কিন্তু আশ্চর্য্য !

মঞ্জরীর পুরনো পরিচিতের জগতটা যেন এ সহর থেকে লুপ্ত হয়ে গেছে । কিন্তু মঞ্জরীই বা এতো বোকামী করে কেন ?

কতোদিন অনেক রাত্রে গাড়ী বার করতে ব'লে অভিসারিকার রোমাঞ্চ নিয়ে প্রস্তুত হয়, নিশ্চিত প্রতিজ্ঞা করে—দ্বিধা সঙ্কোচ না রেখে বিশেষ একটা রাস্তায় যাবার নির্দেশ করবে ! দেখবে আজও দোতলার সেই ঘরটায় অনেক রাত অবধি আলো জ্বলে কি না, দেখবে জানলায় সেই অনেক যত্নে তৈরি ছুঁচের-কাজ-করা পর্দাগুলো এখনো আছে কি না, দেখবে ঘুমের আগে একবার মিনিট ছুয়েকের জন্তে ঘর থেকে বেরিয়ে বারান্দায় এসে দাঁড়ালো কিনা একজন ।

অনেক রাত্রে গাড়ী একখানা যদি কোনো একটা বাড়ীর আশে-পাশে ছুঁচারবার ঘুরেই মরে, কে লক্ষ্য করতে যাচ্ছে ?

জনম
জনমকে
সার্থী

সবকিছু ভেবে সাহস ক'রে গাড়ী বার করতে বলে, কিন্তু পথে বেরিয়েই কী এক সর্বনাশা ভয়ে সমস্ত মন শিথিল হয়ে আসে, বুক টিপ টিপ করে, ঠিক ঠিকানা আর বলা হয়না । শুধু এলোমেলো ভাবে

একটু ঘুরে আসার নির্দেশ দিতে বুকের পাথর নামে। নিশ্চিত
হয়ে ব'সে বুক ভ'রে বাতাস নেয়—অনেক রাত্রে নিৰ্জন-হয়ে-আসা
সহরের খোলা হাওয়া।

না, কিছুতেই কোনোদিন কোনো জানা রাস্তার নাম উচ্চারণ
করতে পারেনা মঞ্জরী ড্রাইভারের সামনে।

তবু প্রতিদিনই সকাল থেকে মনের এক নিভৃততম কোণে ক্ষীণ
একটু আশার সুর বাজে। প্রতিদিনই মনে হয় 'আজ নিশ্চয়ই।'

বনলতার দাসী মালতি মনিবানীর পিছন পিছন এসেও আগে
প্রশ্ন করে, 'কি গো নতুন দিদিমণি, আপনার বাড়ীতে আজ কিসের
ঘটা?'

মঞ্জরী ললিতহাসি হেসে বলে, 'নিজেই নিজের ফেয়ারওয়েল
দিচ্ছি!'

বসলো ওরা।

বনলতা বললো, 'ওখানের সঙ্গে কট্টাক্তি হয়ে গেছে?'

'হুঁ।'


'কে নিচ্ছে?'

মঞ্জরী বস্ত্রের একটা বিখ্যাত চিত্রনিৰ্মাতা কোম্পানীর নাম
করলো।

'কতোদিনের জন্তো?'

'আপাততঃ একবছর। তারপর—তারপর হয়তো
আর কখনো এখানে ফিরবোই না।'

'বাঙলাকে কানা ক'রে জন্মের শোধ চলে যাবার
খেয়াল কেন?'



মঞ্জরীর সূর্যমালা আখিপল্লব ঈষৎ কেঁপে ওঠে, উদাসভাবে বলে, ‘এখানে আমাকে কে চায় লতাদি?’

বনলতা কিছু বলার আগেই অদূরে দণ্ডায়মানা মালতি কণ্ঠে মধু ঢেলে বলে, ‘ওমা! কি কথা বলে গো নতুন দিদিমণি! আপনাকে তো এখন সবাই চাইছে।’

বনলতা ওর দিকে তাকিয়ে গম্ভীরভাবে বলে, ‘আচ্ছা, আপাততঃ তোমাকে কেউ চাইছে না। বাইরে গিয়ে বসতে পারো।’

অপমানের রাঙামুখ নিয়ে বনাৎ ক’রে বেরিয়ে যায় মালতি।

‘আর কে কে আসবে?’ বললো বনলতা।

‘বেশী কেউ না। শ্যামল সেন, লোকেশ মল্লিক, রেবা দাস, নিশীথ রায়, আনন্দকুমার—’

বনলতা বাধা দিয়ে বাঁকা কটাক্ষ হানলো ‘তাকেও?’

‘বললাম।’ মঞ্জরী উদাসভাবে বলে, ‘যাবার বেলা বিদায় দেহ ভাই, সবারে আমি প্রণাম ক’রে যাই।’

বনলতা হীরের আংটি-ঝলমানো চাঁপারকলি আঙুলে কপালে-উড়ে-পড়া চুলগুলো আলতো ছোঁয়ায় সরিয়ে দিয়ে বলে, ‘এ তো সে যাত্রা নয়, এ যে একেবারে সর্বনাশের আকর্ষণে যাত্রা।’

‘সর্বনাশের মাঝখানেই তো বাসা বেঁধেছি।’

‘তবু এখানে তোমাকে রক্ষা করছে তোমার জন্মকালের বন্ধন, আজন্মের সংস্কার, সেখানে তুমি শ্রোতের শ্যাওলা।’

আন্তে ক’রে একটু হাসলো মঞ্জরী—‘পদ্ম হয়ে ফুটে যে না পারলো, শ্যাওলা হয়ে ভাসাই তো তার পরিণতি।’

জন্ম
জন্মকে
সাথী

বনলতা মিনিটখানেক স্তব্ধ থেকে বললো, ‘তোর মনে আছে, আমায় একদিন বলেছিলি, “ইচ্ছে করলেই তুমি ভালো হতে পারো লতাদি।” আছে মনে?’

হঠাৎ পেণ্ট্ পাউডার রুজ সব-কিছু ছাপিয়ে জেগে ওঠে একটা পাংশু মলিনতা, ভারী করুণ দেখায় সে মুখ, কিন্তু সে সামান্যকণের জগুই। সেই পাংশু হয়ে যাওয়া মুখে উচ্ছ্বসিত হাসি হেসে ওঠে মঞ্জরী, বেথাপ্পা বেয়াড়া হাসি।

হাসতে হাসতে লাল হয়ে গিয়ে বলে, ‘মনে আছে বৈকি, খুব আছে। সেই প্রশ্ন আবার তুমিই বুঝি আমাকে করবে?’

‘তাই ভাবছি।’

‘কিন্তু তার উত্তর তো তুমি নিজেই সেদিন দিয়েছিলে লতাদি।’

দিয়েছিলাম। তবু ভেবেছিলাম, তুই বুঝি ব্যতিক্রম হবি। তুই বুঝি আলাদা ধাতু দিয়ে তৈরী।’

হাসি থামিয়ে দার্শনিকের ভঙ্গিতে গম্ভীর হয়ে বললো মঞ্জরী, ‘সৃষ্টিকর্তার ভাঁড়ারে মাত্র দুটোই ধাতু আছে লতাদি। তারতম্য যা কিছু নক্সায় আর পালিশে। সব মেয়েমানুষ এক ধাতুতে তৈরী, সব পুরুষই এক ধাতুতে।’

বনলতা কি বলতে যাচ্ছিলো, সিঁড়িতে পদধ্বনি উঠলো।

উদ্দাম অসম পদক্ষেপ, তার সঙ্গে নারী ও পুরুষ-কণের সম্মিলিত কলধ্বনি।

বাকীরা এসে গেছে।

জীবনে যতো বিরাট পরিবর্তনই আসুক, তবু আস্তে আস্তে নিজেকে তার সঙ্গে খাপ খাইয়ে নিতে শেখে মানুষ। দৈনন্দিন কর্মচক্রের ঘূর্ণিপাকে সে পরিবর্তন সম্পূর্ণ রূপ নিয়ে স্থির থাকতে পারেনা, খণ্ড খণ্ড হয়ে ছড়িয়ে গিয়ে আশ্রয় নেয় অচেতন মনের খাঁজে খাঁজে।

জনম
জনমকে
সাথী

তীব্র জ্বালা, অসহনীয় যন্ত্রণা, সবই ক্রমশঃ অনুভূতির জগৎ থেকে ধূসর হয়ে আসে। পোড়খাওয়া মোচড়খাওয়া মানুষও আবার হাসে, গল্প করে, খায়, বেড়ায়।

অভিমন্যুও ক্রমশঃই স্থির হ'তে থাকে।

অবশ্য অস্থিরতার বাহ্যিক প্রকাশ কোনোদিনই ছিলোনা তার। কলকাতা ছেড়ে যে পালিয়েছিলো, সেও পূর্ণিমার জ্বালাতনে।

অধ্যাপনার কাজটা ছেড়ে দিয়েছিলো ছাত্রীমহলে অপদস্থ হবার ভয়ে। কেদার-বদরী থেকে ঘুরে এসে একটা সংবাদপত্রের অফিসে কাজ জোগাড় ক'রে ফেলে চালিয়ে নিয়ে যাচ্ছে জীবনটাকে।

নিঃসঙ্গ জননীকে সঙ্গ দিতে বোনেরা আজকাল ঘনঘন আসেন, তাদের সঙ্গে বাইরে থেকে অন্ততঃ স্বাভাবিক ভাবেই গল্প করে অভিমন্যু, ভাগ্নে-ভাগ্নীদের নিয়ে খুনসুটি আর খেলা—তাও করে বৈকি। শুধু একটু যেন স্তিমিত, একটু যেন নিপ্রাণ।

রাস্তার দেয়ালের পোষ্টার, কাগজের অরুচিকর বিজ্ঞাপন, এসব আর যেন তেমন ক'রে চাবুক মারেনা, চোখের উপর দিয়ে ভেসে চলে যায়।

এমনি সময় একদিন সুরেশ্বরের সঙ্গে দেখা হলো, সেকথা পরে বলছি।

জন্ম
জন্মকে
সার্থী

ফেরার সময় গাড়ীতে উঠে মালতি ভুরু কঁোচকালো। বললো, 'সবাই তো যে ঘর জায়গায় চলে গেলো দিদি,

ওই আপনাদের নিশীথ রায়টা এখনো ব'সে রইলো কেন বলো তো ?'

এ প্রশ্ন বনলতার মনেও তোলাপাড়া করছিলো, নিশীথ রায়ের মতলবটা যেন আজ ভালো নয়। আর মঞ্জরীও যেন দেখাতে চাইছে 'দাখো আমার কতো সাহস !' কী ভাবছে ও ? আগুন নিয়ে খেলা করবে ? না কি চরম সর্বনাশের আগুনে আহুতি দিতে চায় নিজেকে ?

নিশীথ রায়ের চোখে আজ সেই সর্বনাশের আগুন দেখতে পেয়েছে ভুক্তভোগী বনলতা। কিন্তু বনলতার করবার কি আছে ? ও তো মঞ্জরীর গার্জেন নয় যে জোর ক'রে তার সর্বনাশের দরজা আটকে ধরবে ?

যে আর আগের মতো নেই সে অবশ্য স্পষ্টই দেখা যাচ্ছে। কেউই থাকেনা। জড়োসড়ো মুখচোরা মেয়েরাও ছ'দিনে বেহায়া হয়ে ওঠে, বাচাল হয়ে ওঠে। কিন্তু মঞ্জরী কি একেবারে তেমন সাধারণ ? নিজেকে একেবারে ধ্বংস ক'রে ফেলতে বাধবে না ওর ? বনলতার এতোদিনের ধারণা কি তবে ভুল ?

গাড়ী চলতে থাকে।

মালতি আর একবার নড়ে-চড়ে ব'সে বলে, 'আমার কিন্তু আজ নতুনদিদিমণির জন্মে ভাবনা হচ্ছে। যতোই হোক, ভদ্রবৎসরের বো, এ পর্য্যন্ত আর যাই করুক—'

'উচ্ছন্ন যাক !' বনলতা চরম বিরক্তির স্বরে ব'লে ওঠে, 'জাহান্নমে যাক ! তুই চুপ করবি ?'

জন্ম
জন্মকে
সার্থী

যাকে নিয়ে এতো ভাবনা মালতির, [সত্যিই সে

তখনো মঞ্জরীর বসবার ঘরে রেশমী কুশনে ঠেঁশ দিয়ে ব'সে পরম আলস্যভরে ধূমকুণ্ডলীর সৃষ্টি করছিলো। উঠবে এমন লক্ষণ দেখা যাচ্ছেনা।

বনলতা যতক্ষণ ছিলো, দর্পিতা বিজয়িনীর রূপে হাসিতে আর কথায় সকলের মন হরণ করছিলো মঞ্জরী। বনলতা চলে যেতেই হঠাৎ কেমন 'ফ্যাকাসে' মেরে গেলো, চঞ্চল হয়ে উঠলো।

‘সবাই চলে গেলো, আপনি এখনো ব'সে কেন?’

এ প্রশ্ন কোনো ভদ্রলোককে সহসা করা যায়না। আবার করলে হয়তো উত্তরটাই আতঙ্ক আর আশঙ্কাকে মুহূর্তে স্পষ্ট ক'রে তুলবে। ভয়কে উদ্ঘাটন ক'রে দেখতে যাবার সাহস কার আছে? ভয়ের কাছ থেকে দূরে থাকতে চেষ্টা করাই মানুষের স্বধর্ম।

‘প্লীজ্ এক মিনিট—’ লীলায়িত ভঙ্গিটা বজায় রেখেই মঞ্জরী উঠে দাঁড়িয়ে প্রায় হাতজোড় ক'রে বলে, ‘আমার লোকজনদের খাওয়া হ'লো কি না দেখে আসি—’

নিশীথ রায় ভঙ্গির অলসতা ত্যাগ ক'রে উঠে ব'সে বলে, ‘লোক-জনদের? মানে, চাকর-বাকরদের?’

‘হুঁ।’

‘এই তুচ্ছ কাজটার জন্তে আপনি?’

মঞ্জরী গম্ভীর ভাবে বলে, ‘আমি একে তুচ্ছ কাজ ভাবিনা মিষ্টার রায়!’

জন্ম
জন্মকে
সার্থী

‘ভালো ভালো! সর্বজীবে সমভাব। আচ্ছা
আমুন আপনার মহৎ কর্তব্য সেরে, আমি অপেক্ষা
করবো।’

অপেক্ষা! কিসের অপেক্ষা!

ঘড়ির দিকে চোখটা গেল অজ্ঞাতসারে।

বুকটা কেঁপে ওঠে মঞ্জরীর। উজ্জ্বল আলোর নীচে মুখটা
অসম্ভব পাণ্ডুর দেখায়। কপালে ঘাম ফুটে ওঠে।

কিন্তু বুক-কাঁপানো মারাত্মক ভয়ই বোধকরি সাহসের জন্মদাতা।
ভয়ের মধ্যে থেকে সাহস সঞ্চয় ক'রে নেয় মঞ্জরী। কিসের ভয়?
মঞ্জরী তো রাস্তায় প'ড়ে নেই? এটা তার নিজের বাড়ী, তার
ভ্রুকুমের অপেক্ষায় অবহিত হয়ে আছে তিন-তিনটে চাকর-দাসী।
কোমলগঠন মুখের নমনীয় রেখার তলায় তলায় কাঠিগু ফুটে ওঠে।

‘অপেক্ষা করবার বিশেষ প্রয়োজন আছে কি?’

‘প্রয়োজন?’ নিশীথ রায় মুচকি হাসে। ‘ভয়ানক প্রয়োজন।’

‘ধূর্ত শিয়াল’ কথাটা বরাবর শুনে এসেছে মঞ্জরী, কখনো চোখে
দেখেনি। আজ এই মুহূর্তে যেন কথাটার অর্থ স্পষ্ট হয়ে উঠলো
ওর কাছে। নিশীথ রায়ের ক্ষৌরমস্মৃণ সুগঠন মুখের মোলায়েম
খাঁজে খাঁজে সেই অর্থের ব্যাখ্যা।

‘আমি তো কোনো প্রয়োজন দেখছি না।’

গম্ভীর গলায় বললো মঞ্জরী।

‘প্রয়োজনটা আমার দিকে।’

আর একবার শৃগাল-হাসি হাসে নিশীথ রায়।

‘আমি কোনো প্রয়োজন দেখিনা। আপনার যদি বিশেষ কিছু
বক্তব্য থাকে ব'লে নিন, এক মিনিট সময় দিচ্ছি।’

‘বক্তব্য? আমার বক্তব্য তো এক মিনিটে শেষ হবার নয়
মঞ্জরীদেবী?’ নিশীথ রায় আরামের আলস্য ভঙ্গি
ক'রে ফের কুশানে গা ডুবিয়ে বলে, ‘সারারাত সময়
পেলে হয়তো কতকটা—’

‘সুধীর!’

জন্ম
জন্মকে
জাঠা

তীব্র তীক্ষ্ণ আৰ্ত্তনাদের মতো চীৎকার ক'রে ওঠে মঞ্জরী।

‘আহা-হা, অতো উত্তেজিত হচ্ছেন কেন?’

নিশীথ রায় আবার সোজা হয়ে বসে।

সুধীর এসে দরজায় দাঁড়ালো।

আধবুড়ো-গোছের একটু গ্রাম্য প্যাটার্ণের লোকটা। ‘মা, ডাকছেন?’

পরক্ষণেই ধূর্তশিয়ালের মুখ থেকে আদেশবাণী উচ্চারিত হয়, ‘হ্যাঁ, এক গ্লাস জল আনো তো।’

একজোড়া ঘোলাটে আর বোকাটে গ্রাম্য-চোখে দুটো আঙনের ফিন্‌কি জ্বলে উঠে ফের নিভলো। নিঃশব্দে আদেশ পালন করতে ফিরে দাঁড়ালো সে।

‘জল নয়, শোনো, দাঁড়াও!’

মঞ্জরীর স্বর হিংস্র দৃঢ়। ‘শোনো, বাবু যাচ্ছেন, এঁকে গাড়ীতে তুলে দিয়ে এসো।’

সুধীরের মুখ দেখে মনে হলো সে যেন এইমাত্র ঈশ্বরের দৈববাণীতে বরাভয় পেয়েছে।

‘চলুন বাবু।’

সিগারেটের টিনটা টেবিল থেকে তুলে নিয়ে উঠে দাঁড়ালো নিশীথ। তার চোখেও হিংস্র জানানোয়ারের উত্তত আক্রমণের দৃষ্টি। কিন্তু কথার স্বর তার আশ্চর্য্যকর্মের শাস্তু আর আরো আশ্চর্য্য ঠোঁটের ভঙ্গিতে সক্রিয় একটা বিবাদ।

জন্ম
জন্মকে
সার্থী

‘হু’মিনিটের জন্তে তুমি একটু বাইরে যাও সুধীর, তোমার মায়ের সঙ্গে আমার হু’একটা কথা আছে।’

বলা বাহুল্য, সুধীর গেলোনা। মঞ্জরী গম্ভীরভাবে বললো, ‘না, আমার সঙ্গে আপনার কোনো কথা নেই।’

‘কী মুন্সিল ! সামান্য কারণে আপনি এতো উত্তেজিত হচ্ছেন কেন মঞ্জরীদেবী ? আপনি তো বড়ো নার্ভাস ? ছ’একটা কথা অন্ততঃ বলতে দিন আমায় ?’

লোকটার স্পর্শ দেখে অবাক হয়ে যায় মঞ্জরী । আর খতমত খেয়ে যায় ওর ঠোঁটের গম্ভীর বিষম ভঙ্গিটি দেখে । ভুলে যায় লোকটা একজন প্রথম শ্রেণীর অভিনেতা । মনে হয়—ছ’একটা কথা শুনলে আর এমন কি ক্ষতি । সত্যি, এমন আর কি অপরাধ করেছে একটা অসতর্ক উক্তি উচ্চারণ করে ফেলা ছাড়া ?

‘কি বলবেন বলুন ?’

চোখের ইঙ্গিতে সুধীরকে বাইরে যাবার আদেশ দিয়ে আবার কোঁচে বসে পড়ে মঞ্জরী ।

জলন্ত দৃষ্টি নিয়ে চলে যায় সুধীর ।

মাইনেটাই যে অস্বাভাবিক ক্ষীণ সংখ্যার বন্ধনে বেঁধে রেখেছে তাকে এখানে । নইলে এসব জায়গায় কি সুধীরের মতো লোকের পোষায় ? মেয়েমানুষের বাচালতা দেখলেই যার রাগে সর্বাস্ব জ্বালা করে !


‘বলুন কী আপনার বলবার আছে ?’

‘আমার বক্তব্য কী, আপনি বুঝতে পারছেন না মঞ্জরীদেবী ? আমি আপনাকে ভালোবেসে ফেলেছি—দারুণ ভালোবেসে ফেলেছি, এই আমার বক্তব্য ।’

মঞ্জরীকে ভাগ্যান্বেষণে অনেক দূরে যেতে হবে ।

মঞ্জরীকে নিজের সমস্ত দায় বহন করতে হবে ।

মঞ্জরীর নিজেকে নিজে রক্ষা করতে হবে ।



বিচলিত হয়ে উঠে পড়লে মঞ্জরীর চলবে না।

মনে মনে এই রক্ষামন্ত্র উচ্চারণ করে মঞ্জরী শাস্ত্র সংযত স্বরে বলে, ‘এটা স্টুডিও নয় নিশীথবাবু!’

‘সারা পৃথিবীটাই তো স্টুডিও মঞ্জরীদেবী!’

‘ওটা খুব নতুন কথা নয়। আশা করি আপনার বক্তব্য শেষ হয়েছে।’

‘আপনি বড়ো নিষ্ঠুর মঞ্জরীদেবী’—মুখের চেহারায় বিষাদ বিষণ্ণতার অতি করুণ অভিব্যক্তি ফুটিয়ে নিশীথ রায় বলে, ‘আপনি নিজের প্রতিও নিষ্ঠুরতা করছেন, অপরের প্রতিও—’

‘কি করা যাবে বলুন, সকলের ভিতরে সমান দয়া থাকেনা।’

‘কিন্তু এ যে আপনার আত্ম-পীড়ন মঞ্জরীদেবী—’

‘বিচলিত হবোনা’ এ কথা ভাবা সহজ, কাজে করা বড়ো শক্ত। তবু কষ্টে সংযত থেকে মঞ্জরী উত্তর দেয়, ‘আমার ব্যাপার আপনি একটু কম ভাবলেই সুখী হবো নিশীথবাবু!’

‘না ভেবে যে আমার উপায় নেই মঞ্জরীদেবী! প্রতিনিয়ত শুধু আপনার চিন্তাই যে আমাকে জখম করে ফেলেছে। কেন আপনি অকারণ নিজেকে উপবাসী রেখে বঞ্চিত হচ্ছেন? সমাজ আপনাকে কি দিয়েছে? অকারণ অপমান আর অত্যাচার বিচার! এছাড়া আর কিছু? বলুন মঞ্জরীদেবী, কেউ আপনার প্রতি সহানুভূতি দেখিয়েছে? আপনার হিষ্টি আমি জানি। আপনি তেজী মেয়ে, মিথ্যা অপবাদের লাঞ্ছনা সহ্য করতে না পেরে ঘর ছেড়ে বেরিয়ে এসেছেন! কই, আপনার সমাজ কি

জনমকে
সার্থী

অনুতপ্ত হয়ে আপনাকে ফিরিয়ে নিতে এসেছে?
তবে? সে সমাজের পরোয়া কেন করবেন আপনি?
বলুন? জবাব দিন আমায়?’

ক্রুদ্ধা সর্পিনীকে যেন ওষধীলতার ধোঁয়া দেওয়া হচ্ছে, ক্রমশঃই তেজ হারিয়ে ফেলছে সর্পিনী। যে দৃঢ়তায় উচ্চারণ করা সম্ভব হয়েছিলো—‘সুধীর, বাবু বাইরে যাবেন, সঙ্গে ক’রে নিয়ে যাও—’ সে দৃঢ়তা কোথাও যেন আর খুঁজে পাচ্ছেনা মঞ্জরী। মুখের রং ক্রমশঃ সাদাটে হয়ে আসছে যেন, বৃকের মধ্যে শুধু ছপ্পদাপ্প শব্দের মিছিল। মাথার মধ্যে রিমঝিম্ রিমঝিম্ ক’রে শুধু বাজছে কয়েকটা শব্দ। শব্দ নয়, এতোটুকু বাক্যাংশ।...

‘সমাজ আপনাকে কি দিয়েছে? সমাজ আপনাকে কী দিয়েছে? অকারণ অপমান আর অন্যায় অবিচার, এই তো?...এই তো? আপনার সমাজ কি অনুতপ্ত হয়ে আপনাকে ফিরিয়ে নিতে এসেছিলো?...’

পাকা খেলোয়াড়রা জানে খেলার কোথায় ঝাঁপ দিয়ে পড়তে হয়, আর কোথায় ঔদাসীণ্য দেখাতে হয়, তাই নিশীথ রায় আরো বিপন্নমুখে আরো উদাস করুণ সুরে বলে, ‘আপনি আমাকে দরোয়ান দিয়ে তাড়িয়ে দিতে পারেন মঞ্জরীদেবী, মাথা হেঁট ক’রে চলে যাবো আমি। কিন্তু মনে জানবেন, নিতান্ত খারাপ লোকেরাও কখনো কখনো সত্যিকার ভালোবেসে ফেলতে পারে। তার সারা জীবনের ইতিহাস দিয়ে বিচার করতে গেলে বড্ডো বেশী অবিচার করা হয়।’

ভয় বরং ভালো তাতে চীৎকার করা যায়, চাকর দরোয়ান ডাকা যায়। বিপন্নতা আরো ভয়ঙ্কর! এখানে মানুষ আরো অসহায়।

অসহায় বিপন্নমুখে তাকিয়ে থাকে মঞ্জরী।

সাপুড়ের তীক্ষ্ণদৃষ্টি নিয়ে এই মস্তাহত বিপন্নমুখের

জন্ম
জন্মকে
জাতি

দিকে তাকায় নিশীথ রায়। আবার বলতে শুরু করে, ‘জানি আপনি পবিত্র, আপনি বলিষ্ঠচিত্ত, আমি দুর্বল। কারণ আমি রক্তমাংসের মানুষ। তাই আমার দুর্বলতাকে আমি অপরাধ বলেও ভাবতে পারছি না মঞ্জরীদেবী! স্বীকার করছি আমি দেবচরিত্র নই, কিন্তু ভালোবাসা যে কী বস্তু সেও যে এর আগে এমন ক’রে অনুভব করিনি!’

মঞ্জরী চঞ্চল হয়ে উঠে দাঁড়ায়, শুকনো মুখে বলে, ‘আমি আপনার কি উপকার করতে পারি বলুন?’

‘উপকার!’ নিশীথ রায় সেই বিষণ্ণ-বিধুর হাসি হেসে বলে, ‘না মঞ্জরীদেবী, এর উত্তর আপনার সামনে দেবার সাহস আমার নেই। আমি বিদায় হচ্ছি। আপনাকে অগ্নায় খানিকটা বিরক্ত করলাম, যদি পারেন তো মার্জনা করবেন। আপনি অনেক দূর চলে যাচ্ছেন, তবু হয়তো—কস্মক্ষেত্রে আমাদের আবার কখনো দেখা হবে, কিন্তু অতিথিদের সমাদর যে আর কোনোদিন পাবোনা তা জানি। আচ্ছা নমস্কার!’

মঞ্জরী বিমূঢ়ভাবে দুই হাত তুলে নমস্কার ক’রে বলে, ‘কিন্তু আমি তো আপনাকে আসতে বারণ করিনি!’

‘করেননি, সে আপনার মহত্ত্ব, কিন্তু আমি তো জানি সে অধিকার আমি হারিয়ে গেলাম। তবু বিদায় নেবার সময় ব’লে যাচ্ছি মঞ্জরীদেবী, নিজেকে নিজে একবার প্রশ্ন ক’রে দেখবেন কেন আপনি কৃচ্ছ্রসাধন করবেন? কিসের মূল্যে? আপনার এই

জন্ম
জন্মকে
সাধা

কৃচ্ছ্রসাধনা কি কেউ বিশ্বাস করবে? মাথা খুঁড়ে ফেল্লেও বিশ্বাস করবে?’

ধীরে ধীরে নেমে যায় নিশীথ রায়।

নেমে গিয়ে গাড়ীতে স্টার্ট দিয়ে শিস দিয়ে ওঠে।

কৌচের পিঠটা ধরে স্তব্ধ হয়ে দাঁড়িয়ে থাকে মঞ্জরী। আর ঘরের সমস্ত বায়ুমণ্ডলে যেন নিশীথ রায়ের শেষ কথাটা ধাক্কা দিয়ে ফেরে।...

কেউ কি বিশ্বাস করবে ?

কেউ কি বিশ্বাস করবে ? মাথা খুঁড়ে ফেললেও বিশ্বাস করবে ?...

কিন্তু কেবল মাত্র অপরের বিশ্বাসভাজন হয়ে থাকতে পারা ছাড়া পবিত্রতার আর কোনো মূল্য নেই ?

সমাজ শাসন ছাড়া আর কোথাও কোনো শাসন নেই ?

* *

*

* *

‘দ্বারকা যাবেন অভিমন্যুদা ?’

হুড়মুড়িয়ে এসে বিনা ভূমিকায় হুড়মুড়িয়েই প্রশ্ন ক’রে উঠলো সুরেশ্বর, ‘যাবেন তো চলুন।’

অভিমন্যু তো অবাকের অবাক !

‘তুমি হঠাৎ কোথা থেকে হে ? মানসকৈলাস থেকে ফিরলে কবে ? আমার বাড়ী চিনলে কি ক’রে ? আবার একখুনি দ্বারকা যাবে মানে কি ?’

‘থামুন থামুন ! একে একে। ...হঠাৎ কোথা থেকে ? আপাততঃ অধমের ব্যারাকপুরের বাসভবন থেকে ! ...মানসকৈলাস থেকে ফিরলাম কবে ? প্রায় মাস পাঁচ-ছয়। কালশ্রোত জলশ্রোতের মতোই অহরহ প্রবহমান অভিমন্যুদা ! ...আপনার বাড়ী চিনলাম কি ক’রে ? ঠিকানার জোরে। যদিও আপনার ভৃত্য মহাপ্রভু আমাকে প্রায় ভাগাচ্ছিলো।’

জনম
জনমকে
সার্থী

‘ভাগাচ্ছিলো ?’

‘হ্যাঁ গো ! বলে কিনা না বাবুর শরীর ভালো নয়, মেলা পাঁচ-জনের সঙ্গে দেখা-সাক্ষাৎ করেন না ।’

‘হঁ, খুব সর্দার হয়েছে দেখছি ।’

‘তারপর ? যাচ্ছেন তো ?’

‘যাচ্ছি ? কোথায় যাচ্ছি ?’

‘বাঃ, বললাম যে ? দ্বারকা পুণা নাসিক বম্বে—’

‘তু’দিন বুঝি এক জায়গায় স্থির থাকতে পারোনা ? ভিতরে কি আছে ? ঘূর্ণ্যমান চক্র ?’

‘বোধ হয় ! সত্যি অভিমত্বাদা, ছ’মাস কোথাও না বেরোলেই যেন মনে হয় বাতে ধ’রে যাচ্ছে ।’

‘সমুদ্র পাড়ির ব্যাপার বুঝি মিটিয়ে ফেলেছো ? অবশ্য সমুদ্র-পাড়ি, অথবা আকাশ পাড়ি—’

‘নাঃ, সে আর বেশীদূর এগোলো কই ? মাত্র জাপান পর্য্যন্ত ধাওয়া করেছিলাম একবার । মাতৃভূমিতেই এক-এক জায়গায় তু’চারবার হচ্ছে ।’

‘পাগল নাশ্বার ওয়ান ।’

‘তা যা বলেন । তারপর—মাসীমার খবর কি ?’

‘ভালোই আছেন ।’

‘কোথায় ? দোতলায় বুঝি ? চলুন না একবার—দ্বারকার নাম শুনিয়ে আসি ।’

জন্ম
জন্মকে
সার্থী

‘রক্ষে দাও. সুরেশ্বর, মাকে আর উৎসাহিত করোনা ।’

‘না করলে আপনাকে টেনে বার করা যাবে ?’

‘আমার কথা পরে বিবেচ্য ।’

‘বিবেচনার মধ্যে আমি নেই, একেবারে পাকা কথা চাই।
সত্যি অভিমতাদা, গতবার থেকে ঠিক ক’রে রেখেছি, পরবর্তী
অভিযানে আপনাকে পাকড়াবোই।’

অভিমত সৰ্কৌতুকে বলে, ‘কেন বলো তো?’

‘ওই তো কে বলে? কি যেন কথা আছে না, যার সঙ্গে যার
মজে মন। তাই আর কি। তাহ’লে কথা পাকা তো?’

অভিমত হেসে ফেলে বলে, ‘কবে যাবে কি বৃত্তান্ত কিছুই
জানলাম না, পাকা কথা আদায় করতে চাও?’

‘আহা, সে সব ঠিকই জানতে পাবেন। যাবার আগের দিন
পর্যন্ত রোজ একবার ক’রে এসে হানা দেবো। কই, মাসীমার
সঙ্গে একবার দেখা করি চলুন?’

‘চলো। কিন্তু এসব যাওয়ার কথা কিছু তুলো না সুরেশ্বর,
দোহাই তোমার! যদি সত্যিই আবার কোথাও বেরোই, একাই
বেরোবো।’

‘আর মাসীমা? তিনি কোথায় থাকবেন?’


‘তাঁর থাকার অভাব কিছু নেই হে! এই অধম জীবটিই তাঁর
সর্বাপেক্ষা অকৃতী সন্তান। আরো দুই বিজ্ঞ বিচক্ষণ পুত্র আছেন
তাঁর, তাঁদের সুরমা অট্টালিকা, সুদৃশ্য মোটর, ইত্যাদি ইত্যাদি।
কথা আছেন সর্বসাকল্যে চারটি—’

‘তাই নাকি?’ সুরেশ্বর সৰ্কৌতুকে বলে, ‘এসব তো কই
কোনোদিন বলেননি? আমি জানি আপনিই সবেধন নীলমণি।’

সহসা চুপ ক’রে যায় অভিমত।

সে তো জানে পূর্ণিমা দেবী কেন পরিচয় পরিচিতির
দিকটা সম্পূর্ণ অন্ধকারে রেখে দিয়েছিলেন।

সুরেশ্বর ওর চুপ ক’রে যাওয়ার প্রতি কটাক্ষপাত



ক'রে বলে, 'আপনি বড়ো বেশী রিজার্ভ অভিমত্ব্যদা ! নিজের সম্পর্কে আপনি একটি শব্দ উচ্চারণ করতে রাজী নন ।'

অভিমত্ব্য ফ্যাকাসে-হাসি হেসে বলে, 'বুদ্ধিমানদের লক্ষণই তাই ।'

‘ওই ফাঁকে নিজের বিজ্ঞাপন দিয়ে নিলেন ?’

ব'লে হো হো ক'রে হেসে ওঠে সুরেশ্বর ।

আশ্চর্য্য এই ছেলেটা !

আর আশ্চর্য্য তার ক্ষমতা !

অভিমত্ব্যর সমস্ত ওজর আপত্তি ধূলিসাৎ ক'রে দিয়ে সত্যিই একদিন তাকে নিয়ে বেরিয়ে পড়লো দ্বারকার পথে ।


পূর্ণিমা দেবী অভিমাণে দ্বিরুক্তি করেননি, নিজের জিনিসপত্র গুছিয়ে নিয়ে চলে গেলেন মেজছেলের কাছে । কিন্তু অভিমত্ব্যর যেন এতেও কোনো আক্ষেপ নেই ।

সুরেশ্বরের ওপর হাড়ে চটে গেলেও এই প্রথম যেন স্পষ্ট ক'রে উপলব্ধি করলেন পূর্ণিমা দেবী, ছেলের এবং তাঁর মাঝখানের বধূরূপী ব্যবধান-প্রাচীরটি দূরে স'রে গিয়ে ছ'জনের মধ্যে ব্যবধান যেন আরো বেড়েই গেছে । লক্ষ যোজনব্যাপী এ ব্যবধান কোনোদিনই আর দূর হবেনা ।

এই প্রথম সন্দেহ ক'রে শিউরে 'উঠলেন' তিনি, অভিমত্ব্য হয়তো বা তার নিঃসঙ্গ হৃদয়ের হাহাকার নিয়ে এর জগ্ন্য মাকেই অনেকাংশে দায়ী করছে ।

নিশ্চয়ই করছে ?

পূর্ণিমা যদি পুত্রবধূকে অমন ক্ষমাহীন কঠোর



বিচারকের দৃষ্টিতে না দেখাতেন, হাতো পুত্রবধূও এমনভাবে ভেসে যেতেন। অভিমন্যুও এমন ভাবে ছেঁড়া নৌকোর মতো ঘুরে ঘুরে বেড়াতেন। আর পৃথিবীতে বিড়ালছানা নাড়ানাড়ির মতো নিতি এখানে একবার ওখানে একবার আসন গাড়তে হতেন।

সেকালে যে নিয়ম ছিলো—শেষ বয়সে তীর্থবাস, ভালো নিয়ম ছিলো। তাতে শেষ বয়সে নিজেকে এমন অবাস্তুর মনে হতো না।

* *

* *

* *

‘বুর্গ্যমান চক্র !’

কথাটা ঠিকই বোঝেন অভিমন্যু।

আপন প্রাণচাকরো অশ্বির সুরেশ্বর অভিমন্যুকে এতো ঘুরিয়ে নিয়ে বেড়াতে চায়। পিয়ে ওঠে অভিমন্যু। একবেলা চুপ করে ঘরে বসে থাকতে দেখেন।

মন নিয়ে বিলম্ব। এ ওর অসহ।

‘বেরোতে মন লাগছেনা—ও আবার একটা পুরুষোচিত কথা হলো নাকি অভিমন্যুদা! মনকে লাগান? মন আপনার ইচ্ছাধীন, না আপনি মনের ইচ্ছাধীন?’

‘তোমার মতো এমন একটি পালকের বল-এর মতো হালকা মনের অধিকারী হলে হয়তো ব্যাপারটা তাই হতো।’

‘ইচ্ছে করলেই পালকের বল করা যায় অভিমন্যুদা, না করলেই বাইশ মণ বোঝা। মানুষ চিরদিন বাঁচবার জন্যে পৃথিবীতে আসেন। যার দিন ফুরোবে, সে চলে যাবে, সেই মৃত্যুটাকে অহরহ আর-একজনের মনের মধ্যে বাঁচিয়ে রাখার কোনো মানে হয়?’

জন্ম
জন্মকে
জগাখা

মৃত্যু ! কার সে মৃত্যু ? মঞ্জরী !

কথাটা সুরেশ্বরই আর-একবার কবে যেন উচ্চারণ করেছিলো না ?

কিন্তু অভিমন্যুর চম্কাবার কি আছে ?

তার জীবন থেকে তো মঞ্জরী মৃত্যুই হয়েছে ।

তবু কথাটা এতো স্পষ্টভাবে স্মরণিত হতে শুনলে চম্কানি আসে

তবু মনে করলেই ভিতরে কী অস্তিত্ব একটা যন্ত্রণা হতে থাকে

ভিতরে ? মাথার ভিতরে ? না মনে ?

‘মন’ বস্তুটা মস্তিষ্কেরই কোন্‌খানে মন আবাসন করে না ?

মঞ্জরীর ছবিতে সহরের দেয়ালগুলো ভাঙে । প্রাকাবোনা ভাবলেও না তাকিয়ে উপায় নেই । কিন্তু বিজ্ঞানটি কেন তাকে মঞ্জরী ব’লে মনে হয়না ?

সত্যকার মঞ্জরী, রক্তমাংসের দেহবাহী সেই মানুষটা কেমন দেখতে আছে এখনও ? তাকেও দেখলে মঞ্জরী ব’লে চেনা যাবেনা ?

‘কী অভিমন্যুদা, রেগে গেলেন না কি ? আপনি কি সেন্টিমেন্টাল, আশ্চর্য্য ! চলুন চলুন, মন্দিরদর্শন করে আসা যাক । ভারতের লোকের পুণ্য না করে উপায় নেই, দেখেছেন ? যেখানে প্রাকৃতিক সৌন্দর্য্য, যেখানে স্থাপত্যশিল্প, যেখানে ঐতিহ্যের প্রাচীন নিদর্শন, সেখানেই সর্বস্ব জুড়ে এক এক বিগ্রহ স্থাপনা করা আছে ।’

‘তাছাড়া আর কি হবে ? দেবতাকেন্দ্রিক দেশ !’

জন্ম
জন্মকে
সাধা থা

‘আমার কিন্তু কি মনে হয় জানেন অভিমন্যুদা ?

ভক্তি-ফক্তি কিছু নয়, এও একরকম কুটনীতি ।

দেবতার নাম করে ধনসম্পদ সংরক্ষিত রাখার ব্যবস্থা ।

জনসাধারণ সহজে লুঠেপুটে নেবেনা, উত্তরাধিকারীরা উড়িয়ে দিতে পারবেনা, এই সব আর কি !’

‘সব জিনিসেরই একশো রকম ব্যাখ্যা করা যায় সুরেশ্বর ! মানুষের ব্রেণ যে সব সময় কাজ করছে, ওটা তার নিদর্শন !’

সুরেশ্বর চকিত হয়ে বলে, ‘কোনটা ?’

‘এই ব্যাখ্যাগুলো !’

‘ও ! কিন্তু যাই বলুন অভিমতাদা, আপনাকে দেখে যেন মনে হয় আপনি ব্রেণকে এবং মনকে একদম সীল ক’রে রেখে দিয়েছেন, কোনো রকমে নাড়াচাড়া করতে রাজী নয় !’

স্বভাবগত পদ্ধতিতে হেসে ওঠে সুরেশ্বর ।

বর্ণ আর ওজ্জল্যের চোখ ধাঁধানো সমাবেশ ।

বিছানার উপর শাড়ীর পাহাড়, কোচের উপর ব্লাউজের বৃন্দাবন, এখানে-সেখানে আরো কত কি ! ঘরের মেঝেয় তিন-চারটে প্রকাণ্ড প্রকাণ্ড সুটকেস হাঁ ক’রে প’ড়ে আছে । আলমারি থেকে বার ক’রে ঢেলে রাখা এই জিনিসগুলো ওই সুটকেস ক’টার মধ্যে গুছিয়ে নিতে হবে ।

নবনিযুক্ত দাসী প্রমদা সাহায্য করবার আশায় এবং কর্তীর নির্দেশের আশায় অনেকক্ষণ এ-ঘরে অপেক্ষা করেছিলো, একটু আগে মঞ্জরী তাকে ভাগিয়ে দিয়েছে । বলেছে, ‘এখন পালা, পরে ডাকবো !’

ঢাকাই বেনারসী সিল্ক, জর্জেট ক্রেপ, শিফন, জরি রেশমের বর্ণাঢ্য বৈচিত্র্য ! শাড়ীগুলো একত্রে দেখে বিস্ময়ে স্তব্ধ হয়ে গেছে মঞ্জরী । পাগলের

জনম
জনমকে
জাখী

মতো এ কী করেছে সে? এতো শাড়ী, এতো ব্লাউজ, প্রয়োজনীয়
প্রসাধনের আর অকারণ বিলাসের এতো উপকরণ কোন্‌ ফাঁকে জমে
উঠেছে?

জোয়ারের জলের প্রচণ্ড টান যেমন আকর্ষিত করে তীরবর্তী
খড়কুটো পাতা-লতা, পোড়া বাঁশ, ভাঙা-মালসার স্তূপীকৃত জঞ্জাল,
তাকিয়ে দেখেনা কি সংগ্রহ করছি আর না করছি, তেমনি করেই
কি দোকানে দোকানে স্তূপীকৃত এই জঞ্জালগুলো এসে জমা হয়েছে
মঞ্জরীর ঘরে?

অপ্রত্যাশিত অগাধ উপার্জনের নতুন জোয়ারে ভাসতে ভাসতে
কাণ্ডজ্ঞান হারিয়ে ফেলেছিলো মঞ্জরী?

মঞ্জরী এতো লোভী?

তুচ্ছ বস্তুর প্রতি এমন দুর্দান্ত লোভ কোথায় লুকিয়েছিলো
মঞ্জরীর মধ্যে? এই লোভই কি তাহ'লে মঞ্জরীকে কেন্দ্রচ্যুত
করেছে?

নিশ্বাস বন্ধ হয়ে আসা নিজেকে নিজে এই প্রশ্ন।

‘কোন্‌ স্টকেসে কোন্‌গুলো রাখবো দিদিমণি, ব'লে দিন—’

প্রমদার এই বারংবার একঘেয়ে প্রশ্নে বিরক্ত হয়ে তাকে
আপাততঃ দূর ক'রে দিয়ে ডাঁই ক'রে ঢালা শাড়ীগুলো একপাশে
ঠেলে দিয়ে বিছানায় শুয়ে পড়েছিলো মঞ্জরী।

আর চোখবোজা চোখের সামনে ভাসছিলো অনেকদিন আগের
একটা ছবি।...অভিমন্যু আর মঞ্জরী কয়েকদিনের
জুড়ে রাঁচী বেড়াতে গিয়েছিলো। মাত্র কয়েকদিনের
জুড়ে ব'লে অভিমন্যু বলেছিলো, তু'জনের একটা
স্টকেসই যথেষ্ট। মঞ্জরী একটা স্টকেসের মধ্যে

জন্ম
জন্মকে
সার্থী

হুঁসুনি জামা-কাপড় ঠেলে ঠেলে ভরতে ঘেমে গিয়ে হেসে ফেলে বলেছিলো, ‘অসাধ্য সাধন করালে তুমি আমাকে দিয়ে। উঃ! একেই বলে থলির মধ্যে হাতী পোরা। অথচ আমার শাড়ীটাড়ী তো কিছুই নিতে পারলাম না। এরপর যেখানে যাবো—মনে রেখো, কেবলমাত্র আমার একলার জুতোই দশটা স্যুটকেস নেবো।’

অভিমন্যু হেসে বলেছিলো, ‘তার মধ্যে ভরবে কি? ঘুঁটেকয়লা?’

‘তার মানে?’

‘তা—গরীব লেকচারারের স্ত্রী, দশটা স্যুটকেস ভরানোর উপযুক্ত ওর থেকে দামী মাল আর পাবে কোথায়?’

‘পাবো কোথায়? ইস্!’ মঞ্জরী ক্রভঙ্গী ক’রে বলেছিলো— ‘তোমরাই ভিখিরী ভোলানাথের জাত, আমরা চির অন্তর্পূর্ণা, চিরলক্ষ্মী! বুঝলে মশাই?’

‘বুঝলাম।’ বলে অভিমন্যু হাত দিয়ে মঞ্জরীর কপালের ঘাম মুছে দিয়েছিলো।

সেই ঘামের সঙ্গে সঙ্গে কি অভিমন্যু মঞ্জরীর কপালের সৌভাগ্যের লেখাটাও মুছে দিয়েছিলো?

অভিমন্যুর সঙ্গে আর কোথাও যাওয়া হয়নি মঞ্জরীর দশটা স্যুটকেস গুছিয়ে নিয়ে।

চোখের জল এতো অবাধ্য কেন?

জনম

‘মা, একটা ছেলে আর দুটো মেয়ে এসেছে,

জনমকে

আপনার সঙ্গে দেখা করতে চায়।’

চাকরটার ডাকে তাড়াতাড়ি উঠে বসলো মঞ্জরী।

একটা ছেলে আর ছোটো মেয়ে। কে তারা ?

উঠে ব'সে মঞ্জরী বলে, 'কত বড়ো ছেলে মেয়ে ?'

'এই—ইস্কুলের মিস্কুলের ছেলে মেয়ে হবে।'

মঞ্জরী অবাক হয়ে বলে, 'কই, ডাক তো দেখি।'

সাংবাদিকের "সাক্ষাৎকার" সূত্রে কেউ কেউ আসছে মাঝে মাঝে বটে, কিন্তু এরকম 'ছেলে মেয়ে' গোছের তো নয় তারা !

উঠে চেয়ারে এসে বসে।

আর পরক্ষণেই দু'জনকে বাইরে বসিয়ে রেখে একজনকে মাত্র নিয়ে এসে ঘরে ঢোকে চাকরটা। যাকে নিয়ে এসেছে, সে দরজার কাছে এসেই চূপ ক'রে দাঁড়িয়ে পড়ে, মঞ্জরী তার দিকে তাকিয়ে স্তম্ভিত-বিস্ময়ে শুধু বলতে পারে, 'চঞ্চলা ?'

ছুটে গিয়ে জড়িয়ে ধরতে গিয়ে থেমে যায়।

সে অধিকার মঞ্জরীর আর আছে ?

'আমি লুকিয়ে পালিয়ে এসেছি ছোটমাসী !' চঞ্চলাই এবার মঞ্জরীর বাধা ভেঙে দেয়, কাছে এসে জড়িয়ে ধরে।

'তুই। তুই। কি ক'রে তুই আমার বাড়ী খুঁজে বার করলি রে চঞ্চল ? তুষ্টু মেয়ে সোনা মেয়ে !'

চঞ্চলার এবার চমক ভাঙলো। অবহিত হয়ে বললো, 'আমি বার করিনি, আমাদের স্কুলের একটা মেয়ের দাদা—' ঢোক গিলে চঞ্চলা বলে, 'মেয়েটা বললো—ওর দাদা তোমার কাছে আসবে অটোগ্রাফ নিতে, তাই আমি—'

জন্ম
জন্মকে
সার্থী

'কেন এলি ? দিদি জানতে পারলে নিশ্চয় তোর উপর খুব রাগ করবেন !' বিষণ্ণ স্বরে বলে মঞ্জরী।

চঞ্চলা কুণ্ঠিত হয়ে বলে, ‘রাগ আবার কি করবেন। মার আর ওসব কিছু নেই ছোটমাসী, কি রকম যেন হয়ে গেছেন।’

‘কি রকম? কি রকম হয়ে গেছেন?’

মঞ্জরীর কণ্ঠে আর্তনাদের সুর।

‘কি রকম যেন। আগের মতো আর নেই। বাড়ীতে থাকতে আমার আর ভালো লাগেনা ছোটমাসী।’

মঞ্জরী পুরনো অভ্যাসে পরিহাসের সুরে বলতে যাচ্ছিলো, ‘বাড়ীতে ভালো লাগছেন? তাহ’লে স্বশুরবাড়ী যা?’ কিন্তু কি ভেবে বললো না। শুধু বললো, ‘কিন্তু তারা কোথায় তাহ’লে? তোর বন্ধু আর তার দাদা?’

‘নীচের ঘরে।’

‘ও মা সে কি, ডাক তাদের?’

‘ডাকছি। আমার কথাটা আগে ব’লে নিই—’

‘কি কথা রে? বল। চুপ ক’রে আছিস কেন?’

সহসা মুখ তুলে চঞ্চলা ব’লে ওঠে, ‘ছোটমাসী, আমাকে তোমার কাছে থাকতে দেবে?’

‘কী সর্বনাশ!’ শিউরে উঠে মঞ্জরী বলে, ‘অমন কথা মুখে আনিসনে। আমার কাছে আবার মানুষে থাকে!’

‘কেন থাকবেনা। কী দোষ করেছেো তুমি? ওদের কথা আমার বিশ্বাস হয়না।’

‘কাদের কথা?’

‘এই—ইয়ে—সব্বাইয়ের কথা। সব্বাই বলে তুমি না কি অল্পরকম হয়ে গেছো ছোটমাসী। কই, আমি তো তা দেখছিনা। ঠিক সেই রকমই তো আছো।’

জন্ম
জন্মকে
জাখী

কথাটা ব'লে এতোক্ক্ষেণে ঘরের সম্পূর্ণ চেহারাটা তাকিয়ে দেখে চঞ্চলা ।

এতো জিনিসপত্র, এই ঘর-বাড়ী সব ছোটমাসীর !

সব তার নিজের রোজগারের ! বিশ্বাস হয়না যেন ! কিন্তু মঞ্জরী আর অন্য রকম কোথায় ?

মঞ্জরী গন্তীরভাবে বলে, 'কে বললে সেই রকম আছি ? বদলে গেছি, একেবারে বদলে গেছি আমি ।'

'মোটাই না !' চঞ্চলা জোর দিয়ে বলে, 'ঠিক তো সেই রকমই রয়েছো ! আমাকে তোমার কাছে থাকতে দাওনা ছোটমাসী ।'

হায় অবোধ মেয়ে !

বুকের ভিতরটা টন্টনিয়ে ওঠে মঞ্জরীর, তবু হেসে বলে, 'আমি তো সিনেমা ক'রে বেড়াই, আমার কাছে থেকে কি করবি ?'

'আমিও সিনেমা করবো ।'

'সর্বনাশ ! অমন কথা মুখে আনিস্নে চঞ্চল, স্বপ্নেও মনে আনিস্নে ! দুর্গা দুর্গা !'

'বাঃ ! নিজে তো বেশ—তোমার কতো নাম, কতো সুখ্যাতি, কতো টাকা ।'

মঞ্জরী হাসির আবরণ মুখে পরিয়ে ক্লিষ্টস্বরে বলে, 'কতো দুঃখ কতো জ্বালা—'

'দুঃখ ! দুঃখ আবার কি ? শুধু আপনার লোকেরা তোমার নিন্দে করে, এইতো ?'

জন্ম
জন্মকে
সার্থী

'তা সেটাই কি কম দুঃখ রে ?'

'ছাই ! আপনার লোকেরা তো সবতাতেই নিন্দে করে ! ও বলে—' বলেই থেমে যায় চঞ্চলা ।

'কে কি বলে ?'

মঞ্জরীর স্বর বিস্ময়াভিভূত।

‘মানে, ওই যে ছেলেটা আমার সঙ্গে এসেছে। আমার বন্ধুর দাদা তো? ও বলে যে, “পৃথিবীতে এমন কোনো কাজ নেই যাতে আত্মীয়রা নিন্দে না করে। দেশের সেবা করলেও করবে, পরোপকার করলেও করবে, দাতা হ’লেও করবে, সন্ন্যাসী হয়ে বনে চলে গেলেও করবে। ও নিন্দেয় কান দিলে চলেনা।” ও বলে যে, ও নাকি কারুর নিন্দেয় কান না দিয়ে—সিনেমা এ্যাক্ট্রেসকে বিয়ে করবে।’

ওর বর্ণনায় চমৎকৃত মঞ্জরী বলে, ‘ছেলেটা বেশ মহৎ, না রে?’

চঞ্চলা মহোৎসাহে উত্তর দেয়, ‘খু-ব! অম্মরা যাকে ঘৃণা করে, ও তাকেই ভক্তি করে—’

চঞ্চলার এই উৎসাহের মধ্যে থেকে তার সিনেমা করবার উৎসাহের কিছু সূত্র আবিষ্কার ক’রে ফেলে ঈষৎ বিমনা হয়ে পড়ে মঞ্জরী। সন্দেহ নেই—একটি ইয়ার ছোকরার পাল্লায় পড়েছে মেয়েটা! কিন্তু মঞ্জরী কি করবে? নিবৃত্ত করবার কোনো উপায় তার হাতে আছে? তবু বলে, ‘সত্যি বুঝি? অদ্ভুত ছেলে তো! তা ডাক দিকি তাকে, দেখি।’

চঞ্চলা উঠে দাঁড়ায়।

বলে, ‘ডাকছি।’

‘ডাকহিস্? রোস্, দাঁড়া, একটা কথা বলছিলাম—’

‘কি কথা?’ থম্কে দাঁড়ালো চঞ্চলা।

কি কথা! সত্যি তো কি কথা! যে কথা পূর্ণিমার সমুদ্রের মতো উদ্বেল হয়ে উঠছে বুকের মধ্যে, সে কথা বলবার ক্ষমতা কই? দেহের সমস্ত শক্তি মুখের দরজায় জড়ো ক’রে এনেও নিতান্ত সহজ ভঙ্গিতে বলা যায়না, ‘হাঁরে, তোর ছোট মেসোর খবর-টবর কি? আসে-

জনম্
জনমকে
সার্থী

টাসে তোদের বাড়ীতে ? তোরা যাস্ তার বাড়ী ?

কিছুতেই বলা গেলোনা। কিন্তু আশ্চর্য্য। চঞ্চলাও তো কোনো ছলেই সেই লোকটার প্রসঙ্গে এলোনা।

চঞ্চলা একটু অপেক্ষা ক'রে বলে, 'কই, বললে না ?'

'হ্যাঁ—এই যে ! বলছিলাম কি, আমি তো ক'দিন পরে বস্বে চলে যাচ্ছি চঞ্চল, তুই আমার কাছে থাকবিই বা কি ক'রে ?'

যাহোক্ একটা কথা ব'লে পার পাওয়া।

চঞ্চলা কিন্তু উৎসাহের দীপ্তি মুখে মাথিয়ে ব'লে ওঠে, 'সে তো আমি জানিই—! 'চিত্রজগৎ'-পত্রিকায় তো তোমরা কখন কোথায় যাচ্ছে—ছেড়ে, কি দিয়ে ভাত খাও তা পর্য্যন্ত থাকে। সেই জন্তেই তো বলছি, তোমার সঙ্গে আমিও চলে যাবো। কেউ চট্ ক'রে ধ'রে আনতে পারবেনা।'

মঞ্জরীর হাহাকার-করা শূন্য হৃদয় সহসা ছরন্ত এক লোভে তৃষিত হয়ে ওঠে। তা যদি সম্ভব হতো। এতোটুকু একটু স্নেহের ধনকেও যদি কাছে রাখতে পারা যেতো !

যায়। রাখা যায়।

বিবেককে চুপ করিয়ে রাখতে পারলেই রাখা যায়। চলুক না মঞ্জরী ওকে নিয়ে পালিয়ে। সুনীতির ক্ষতি হবে ?

হোক্ না।

সুনীতির একটু অবহেলায় মঞ্জরীর জীবনের কতো-বড়ো ক্ষতি

হয়ে গেছে, সে হিসেব কি কোনোদিন করেছে সুনীতি ?

'মঞ্জরী' ব'লে একটা অবোধ মেয়ে যে এক প্রবল

ঝড়ের ধাক্কায় ছিটকে তার কাছে আশ্রয় নিতে গিয়ে

হতাশ হয়ে ফিরে এসেছিলো, ফিরে এসে সে যে

জন্ম
জন্মকে
সার্থী

হুঃখে অভিমানে নিরুপায় হয়ে জ্বলন্ত আগুনে ঝাঁপ দিয়ে আত্মহত্যা করেছিলো, সে কথা ভেবে কি সুনীতি কোনোদিন অনুতাপ করেছিলো ?

না, করেনি। করলে, অনায়াসেই একটা চিঠি লিখে খোঁজ নিতে পারতো সুনীতি, কোনো দুর্বল মুহূর্তে টেলিফোন রিসিভারটা একবার তুলে নিতো।

মঞ্জরী লুকিয়ে পালিয়ে নেই যে তার খোঁজ মিলবেনা।

সুনীতি মঞ্জরীর খোঁজ নেবার চেষ্টা করেনি, শুধু আর পাঁচজনের সঙ্গে গলা মিলিয়ে ‘ছি ছি’ করেছে। তাছাড়া আর কি ?

তবে মঞ্জরীই বা তাকে দয়া করবে কেন ? কেন নিষ্ঠুর প্রতিহিংসা নেবেনা ? মনকে কঠিন ক’রে নিয়ে মঞ্জরী বলে, ‘আচ্ছা, আমাকে দু’একটা দিন ভাবতে দে। তুইও ঠিক ক’রে ভেবে নে। যদি সত্যিই আমার কাছে চলে আসতে চাস্, বুধবার সন্ধ্যায়—হ্যাঁ, বুধবার সন্ধ্যায় ফের এখানে আসবি।’

‘ঠিক আসবো দেখো। একেবারে জিনিস-টিনিস নিয়ে—’

‘জিনিস-টিনিস তোকে কিছু আনতে হবেনা রে—দেখছিস্ না এই কতো জিনিস ? এ সব তোকে দিয়ে দেবো, সব।’

‘আহা !’

অবশ্যই কথাটা পরিহাস !

ফিক্ ক’রে হেসে ফেলে চঞ্চলা।

‘কিন্তু ভাবছি—সত্যিই আসতে পারবি তো ? দিদি জানতে পারলে—’

‘কেউই জানতে পারবেনা। ওই যে ওই ছেলেটা, ও বলেছে আমাকে সিনেমা এ্যাকট্রেস হবার জন্য সব রকম সাহায্য করতে প্রস্তুত আছে।’

জনম
জনমকে
সার্থী

উত্তরোত্তর চমৎকৃত মঞ্জরী বিবেককে সাস্থনা দেয়, মঞ্জরী প্রতি-
হিংসা সাধন না করলেও কি সুনীতি এই বোকা মেয়েটাকে রক্ষা করতে
পারবে? সুনীতি বৈধব্যের কুচ্ছ্রসাধন আর নির্লিপ্ত ঔদাসীণ্য নিয়ে
কেবল মাত্র নিজের গণ্ডীতে আবদ্ধ থেকে থেকে আরো 'কি রকম
যেন' হয়ে যেতে থাকবে, আর কর্তাহীন বাড়ীতে অসহায় ছোটো তরুণী
মেয়ে জীবনকে এলোমেলো ক'রে ফেলবে। বললো, 'হঁারে, তোর
মেজদির খবর কি?'

'মেজদি? মেজদি তো শুধু মার কাছে ব'সে থাকে গম্ভীর
হয়ে, আর কাঁদে। আমারই প্রাণ হাঁপিয়ে ওঠে!'

'হুঁ। আচ্ছা। যা ওদের ডেকে আনগে!'

রোগা সিড়িঙ্গে হাফসার্ট আর পায়জামা-পরা একটা ছেলে,
পিছন পিছন তদনুরূপই ফ্রক-পরা একটা মেয়ে। অটোগ্রাফের
খাতা হাতে নিয়ে ঘরে এসে ঢুকলো।

ছেলেটা যেন গড়িয়ে-পড়া বিনয়ের অবতার, মেয়েটা কুণ্ঠিত
ভীত লজ্জাবনত।

দেখে হাসিও পেলো, অবাকও লাগলো মঞ্জরীর।

এই দীন হীন ভঙ্গি আর নিতান্ত নাবালক বয়সের মধ্যে এতো
ছঃসাহস এলো কোথা থেকে? এতোটুকু ছেলেটা ছ'ছোটো মেয়েকে
ঘাড়ে ক'রে লুকিয়ে এসে হানা দিয়েছে সহরের একজন নামকরা
অভিনেত্রীর বাড়ীতে।

জন্ম
জন্মকে
জাখী

আশ্চর্য্য।

ছেলেটাকে দেখলে অবশ্য হাসিই পাচ্ছে, কিন্তু
চঞ্চলার মতো হাবাগোবা মেয়েদের ক্ষতি করতে,
এরাই করে।

শুধু স্বপ্নের নয়, বাণীও চাই।

যথারীতি বাণী বিতরণ ক'রে মঞ্জরী ওদের পরিতুষ্ট ক'রে খাওয়ায়।
'হিম আধার' খুলে খাওয়ায় ঠাণ্ডা ফল আর ঠাণ্ডা মালাই।

মাসীগৌরবে গৌরবান্বিত চঞ্চলা আবার আসবার প্রতিশ্রুতি
দিয়ে পুলক-কম্পিত চিত্তে সবাক্ষবে বিদায় নেয়।

মঞ্জরী মিনিটকয়েক চিন্তা-হারানো স্তব্ধ মন নিয়ে চুপ ক'রে
ব'সে থেকে সহসা উঠে প'ড়ে বিছানায় রাশ-করা শাড়ীগুলো নিয়ে
মহোৎসাহে গোছাতে বসে একটা স্ট্রটকেস টেনে নিয়ে। চঞ্চলাকে
নিয়ে পালিয়েই যাবে সে! কেন যাবে না? তার মুখের দিকে কে
কবে চেয়েছে যে সে অপরের মুখের দিকে তাকাবে? বেশ করবে
মঞ্জরী, সমাজ আর সংসারের অনিষ্ট ক'রে। সমাজ যদি তার জন্তে
মঞ্জুর ক'রে রেখে থাকে শুধু ঘণার বিষ, মঞ্জরীই-বা অমৃত পাবে
কোথায়? সেই বিষের পুঁজি নিয়ে সমাজকে ছোবলই হানবে।

কঠিন কঠিন সংকল্পমগ্ন কখন কোন্ অবসরে নিস্তেজ হয়ে যায়।
কোন্ কোন্ শাড়ীগুলো চঞ্চলাকে মানাবে, কোন্ কোন্ অলঙ্কারগুলো
চঞ্চলাকে দিয়ে দেবে, কতোটুকু ছোট ক'রে নিলে মঞ্জরীর ব্লাউজ-
গুলো চঞ্চলার গায়ে ফিট করবে, এই সবই ভাবতে শুরু করে মঞ্জরী।

অনেক দ্বন্দ্ব, অনেক দ্বিধা! অনেক বিচার বিবেচনা বিতর্ক!
প্রচণ্ড লড়াইয়ে মন ক্ষত বিক্ষত। নিজেকে নিয়ে
ধ্বংসের পথে এগোতেও বোধকরি এতো লড়াই
করতে হয়নি মঞ্জরীকে। পাপ পুণ্য, ত্রায় অত্ৰায়,
সত্য অসত্য! এসব শব্দ নিয়ে এতো বেশী বিশ্লেষণ

জনম
জনমকে
সার্থী

করবার অবকাশও ছিলোনা তখন। সে ছিলো আত্মহত্যা-র সংকল্প
নিয়ে আগুনে ঝাঁপ।

এ অগ্নি।

এ যে ঠাণ্ডা মাথায় নরহত্যা।

তবু একদিন লড়াইয়ের জয়-পরাজয় ঘোষিত হলো।

বহ্নেগামী একখানি ট্রেনের ফাষ্ট ক্লাস কামরায় চঞ্চলাকে দেখা
গেলো মঞ্জরীর পাশে।

চঞ্চলার মুখ শুকনো, গালে শুকিয়ে-যাওয়া চোখের জলের
দাগ, আর চোখে উৎসাহের দীপ্তি।

মঞ্জরীর ?

মঞ্জরীর কিছু বোঝা যাচ্ছেনা।

মঞ্জরী যে প্রথম শ্রেণীর অভিনেত্রী।

যারা তাকে সঙ্গে ক'রে নিয়ে যাচ্ছে তারা যে স্টেশনে স্টেশনে
খোঁজ নিতে আসছে মঞ্জরীর।

না, চঞ্চলার সম্পর্কে কারো কোনো বিশ্বাস নেই।

অনেকেই অমন ছোটখাটো একটি আত্মীয়া-টাত্মীয়া সঙ্গে
আনে।

ট্রেন ছোটো, পিছনে পিছনে একটা ভয় ছুটে আসে তাড়া
ক'রে। মেয়ে-চুরির শাস্তি কি ?

কিন্তু ভয়ের মধ্যে কোথায় যেন একটু ভরসা উঁকি মারে

কেন ?

জন্ম
জন্মকে
সার্থী

অভিযোগ করবে কে ? সুনীতি তো ? তাকে
তাহ'লে দেখতে পাওয়া যাবে ?...কে জানে যাবে কি না,
কে জানে কি নিয়ম।

বোম্বাই সহর ।

তারই একান্তে তার চিত্রজগৎ !

একেই বলে চিত্রজগৎ ?

কিন্তু এতোদিন তবে কোথায় ছিলো মঞ্জরী ? সেও তো চিত্র-
জগৎই ! কিছু না, কিছু না, সে এর তুলনায় নাবালক শিশুমাত্র !

এ কী ছরস্তু দীপ্তি, এ কী চোখ ঝলসানো আগুনে-আলো,
এ কী শ্বাসরোধকারি কৰ্মব্যস্ততা, এ কী দম আটকানো রুচিহীনতা !

এ কোথায় এসে পড়লো মঞ্জরী !

কোথায় নিয়ে এলো বেচারী চঞ্চলাকে !

মনে পড়লো বনলতার নিষেধ, মনে পড়লো নিশীথ রায়ের বিষন্ন
ব্যঙ্গোক্তি !...

‘আজ আপনি আমাকে ফিরিয়ে দিচ্ছেন মঞ্জরীদেবী, কিন্তু বস্তু
আপনাকে ফিরিয়ে দেবেনা !’

কী প্রচণ্ড ভবিষ্যৎবাণী !


জীবনের সমস্ত শক্তি দিয়ে এই দীর্ঘ দুটো বছর যে বাঁধকে
রক্ষা করে এসেছে মঞ্জরী, হু’দিনে সে বাঁধ ভেঙে যেতে বসেছে যে !

এ কী ছরস্তু আকর্ষণ !

স্নান করতে এসে, হাঙরের মুখে পা পড়েছে !

কার আর তবে সাধ্য আছে রক্ষা করবে তাকে ?

যে বস্তু নাকি সোনার কোঁটোয় রক্ষিত সাত



রাজার ধন এক মাণিক, সেই বস্তু নিয়ে এখানে যেন ছিনিমিনি খেলা !

মদের গ্লাশে চুমুক দিতে না চাওয়াটা এখানে 'পিসিমার গোবর জল'-এর মতোই হাস্যকর শুচিবাই। দৈহিক পবিত্রতার মান এখানে অদ্ভুত রকমের উদার !

রাস্তিরের আর দিশ-দিশা থাকে না।

প্রত্যেক দিনই বাড়ী ফিরে দেখে চঞ্চলা ঘুমিয়ে পড়েছে।

আশ্চর্য্য ! আজ পর্য্যন্ত মেয়ে-চুরির অভিযোগে ওয়ারেন্ট এলোনা মঞ্জরীর নামে।

স্বনীতি 'কেমন' হয়ে গেছে !

একটা মেয়ে হারিয়ে গেলেও তার কিছু যায় আসেনা ?

বাড়ীতে রাতের খাওয়া ! সে তো প্রায় ভুলতেই বসেছে মঞ্জরী ! ক্লান্ত অবসন্ন নেশাচ্ছন্ন দেহটাকে টেনে এনে কোনোরকমে বিছানায় এনে ফেলা !

আশ্চর্য্য, ঘুম আসেনা। শোবার আগে মনে হয়, বালিশে মাথা রাখার আগেই ঘুমিয়ে পড়বে, কিন্তু কি যে হয় ! মাথার মধ্যে লক্ষ করতালির বাজনা বাজে, সমস্ত স্নায়ুশিরা দপ্‌দপ্‌ করতে থাকে, রক্তের কণায় কণায় উদ্দাম নর্তন।

ঘুম আসে সেই শেষ রাত্রে।

সে ঘুম ভাঙে অনেক বেলায়। চঞ্চলা তখন স্নান সেরে জল-খাবার খেয়ে স্নানমুখে হয়তো একটা বইয়ের পাতা ওল্টাচ্ছে।

জনম্
জনমকে
সার্থী

প্রথম প্রথম মঞ্জরী চেষ্টা করেছিলো মেয়েটাকে একটু সাহচর্য্য দেবার, কিন্তু সে চেষ্টা হাস্যকর

চেষ্ঠায় পরিণত হয়েছিলো। সময় কোথা? মোটা টাকা দান দিয়ে যে সুন্দরী অভিনেত্রীটিকে কলকাতা থেকে এতদূর টেনে আনা হয়েছে, তাকে কে সময় দেবে তুচ্ছ একটা বালিকাকে সাহচর্য দেবার?

তার সাহচর্য কতো মূল্যবান, সে কথা বোঝবারই কি ক্ষমতা আছে মেয়েটার?

মঞ্জরী লাহিড়ীকে এখানের সমাজ পালকের বলের মতো কাড়াকাড়ি লোফালুফি করতে চাইছে।

পরিচালক নন্দপ্রকাশজী নিজের ফ্ল্যাটের পাশেই প্রতিষ্ঠিত করেছেন নিরভিভাবক বাঙালী অভিনেত্রীকে। বিদেশে ওঁরাই মা বাপ যে।

মাঝে মাঝে নিজের গাড়ীতেও তুলে নিয়ে আসেন তিনি মঞ্জরীদেবীকে। আনেন মানে, আনতে হয়। যেমন আজ হলো। নেশায় বেহঁশ বেএক্তার মানুষটাকে একটু নজরে রাখতে হবে বৈ কি।

এখানে নন্দপ্রকাশজীর স্ত্রীপুত্র আছে, তারা এটাকে ভালো চক্ষে দেখেনা, তবু ভদ্রলোক দায়িত্ব এড়াতে পারেন না। প্রায় ধরে-ধরেই সিঁড়িতে তুলে মঞ্জরীকে তার ফ্ল্যাটের দরজার কাছে দাঁড় করিয়ে দিয়ে নন্দপ্রকাশ প্রশ্ন করেন, ‘যাইতে পারবেন? ওসুবিধা হোবেনা?’

‘নো! নো! থ্যাঙ্কস্।’

জড়িতকণ্ঠে ধন্যবাদ জানিয়ে টলতে টলতে ঘরে ঢুকে সোফায় বসে পড়ে মঞ্জরী।

জন্ম
জন্মকে
সার্থী

মুহ নীল আলো জ্বলছে ঘরে, দেয়ালের কাছে সরু খাটের
বিছানায় চঞ্চলা ঘুমোচ্ছে, যেন বন্দিনী রাজকন্যা।

ওর দিকে তাকিয়ে তাকিয়ে হঠাৎ হুহু ক'রে ডুক্রে কেঁদে ওঠে
মঞ্জরী, যেমন ক'রে একদিন বনলতা কেঁদেছিলো।

চম্কে জেগে ওঠে চঞ্চলা, খাট থেকে নেমে এসে মঞ্জরীকে
'ছোটমাসী ছোটমাসী' ব'লেই ছিটকে পাঁচ হাত দূরে স'রে যায়।
পূর্ব পরিচিতি না থাকলেও সহজাত বোধশক্তিতে বুঝতে দেবী
হয়না তার, ছোটমাসীর সর্ব্বাঙ্গে কিসের গন্ধ।

ওকে স'রে যেতে দেখে আরো ডুক্রে ওঠে মঞ্জরী, 'চলে যা।
চলে যা। আরো অনেক দূরে স'রে চলে যা। আমি মদ খেয়েছি,
আমি মাতাল। বুঝলি? বুঝতে পারলি? আমি তোর মাসী,
প্রফেসর অভিমন্যু লাহিড়ীর স্ত্রী মঞ্জরী লাহিড়ী, আমি মাতাল হয়ে
এসেছি, খারাপ হয়ে এসেছি।'

জড়িত কণ্ঠ আরো জড়িয়ে আসে, সোফার ওপর মুখ ঘষতে
থাকে মঞ্জরী।

কাঠের মতো দাঁড়িয়ে ঠক্ঠক্ ক'রে কাঁপছিলো চঞ্চলা, মাঝ-
রাস্তিরের স্তম্ভ-ঘুমভাঙা চেতনা নিয়ে, এ দৃশ্যে সেও প্রায় হাঁপাতে
হাঁপাতে ছুটে নন্দপ্রকাশজীর স্ত্রীর ঘরের দরজায় ধাক্কা মারে।
এই ক'দিনে ভদ্রমহিলার সঙ্গে তার কিছু আলাপ হয়ে গেছে,
ভাষার ব্যবধান সত্ত্বেও।

জন্ম
জন্মকে
সার্থী

মাঝরাত্রে রীতিমত একটি নাটক জমে ওঠে।

নন্দপ্রকাশজী আসেন, তাঁর স্ত্রী আসেন,
ছেলেমেয়েরা দরজার কাছে ভিড় করে, চাকরবাকররা
উঁকি দেয়।

পরদিন শুকনো-মুখ রুক্ষচুল মঞ্জরী এসে নন্দপ্রকাশজীকে ধরে,
'আমায় কয়েকটা দিন ছুটি দিন জী !'

ছুটির নামে আঁংকে উঠেই ভদ্রলোক কি ভেবে চূপ ক'রে
যান। এক মিনিট ওর মুখের দিকে তাকিয়ে থেকে শাস্তভাবে
বলেন, 'আচ্ছা ! ক'দিন ? চার দিন ?'

'এক সপ্তাহ হয়না ?'

'এক সপ্তাহ, সাত দিন ? এতো লাগবে ?'

'শরীরটা বড়ো খারাপ হয়েছে জী !'

'আচ্ছা, ওই হোবে। স্মুটিং প্রোগ্রাম চেঞ্জ কোরতে হোবে।'

চঞ্চলার জীবনে উৎসব এলো !

মঞ্জরী সারাদিন ট্যান্ডিভাড়া দিয়ে দিয়ে তাকে নিয়ে বেড়িয়ে
বেড়াচ্ছে। সকাল বিকেল সন্ধ্যা। ম্লান বিষণ্ণ ভয়গ্রস্ত প্রাণীটাকে
আদরে ডুবিয়ে রাখতে চেষ্টা করে। উপহারের প্রাচুর্যে ডুবিয়ে
রাখতে চায় সব কিছু !

সন্ধ্যায় সমুদ্রতীর।

আলোকোজ্জ্বল মেরিণ ড্রাইভ।


ঝলমলে ঝকঝকে। খ'সে-পড়া এক টুকরো পরীরাজ্য

অভিভূত চঞ্চলা দিশে পায়না কোন্‌দিকে তাকাবে।

দূরে ট্যান্ডিটা অপেক্ষা করে অনির্দিষ্টকালের জন্য।

ওদের এসব গা-সওয়া।

সে-রাত্রে ভয়টা জোর ক'রে ভুলেছে চঞ্চলা,



জোর করেই সহজ হতে চেষ্টা করছে, তবু তার সমস্ত অন্তরাঙ্গা
তৃষিত হয়ে পথে পার্কে দোকানে পশারে মানুষের ভিড়ের দিকে
তাকায়। এতো লোক, এতো অজস্র লোক, কলকাতার কোনো
লোক থাকেনা এখানে? যাকে চঞ্চলা চিনতে পারে, যার সঙ্গে
কলকাতায় ফিরে যেতে পারে?

কলকাতায় গিয়ে মার পায়ে প'ড়ে কেঁদেকেটে সব ঠিক ক'রে
নেবে। উঃ, কে জানতো ছোটমাসী এমন অদ্ভুত ভয়ঙ্কর হয়ে
গেছে। অবিশিষ্ট এই ক'টা দিন সম্পূর্ণ বদলে গেছে ছোটমাসী,
আগের মতো লাগছে, তবু প্রাণের মধ্যে আর স্বস্তি নেই চঞ্চলার।
তাই পথে বেরিয়ে ও খালি জনারণ্যের মুখের পানে তাকায়।

কিন্তু কী কঠিন যন্ত্রের মতো মুখওলা লোকগুলো এখানকার!
অনবরত সবাই যেন ছুটছে। সমুদ্রতীরে বেড়াতে এসেছে তাও
ব্যস্ততা, তাও তাড়াতাড়ি ছুটছে।

আসছে যাচ্ছে, ছ'মিনিট বসছে, উঠে চলে যাচ্ছে। আজ শুধু
অনেকক্ষণ থেকে ওরা নিজেরা চুপচাপ ব'সে থাকতে থাকতে দেখেছে,
খানিকটা তফাতে ছ'জন লোক ব'সে আছে তাদেরই মতো চুপ
ক'রে পিছন ফিরে।

পাঞ্জাবী-পরা ওই পিঠটা কেন অনবরত এমন ক'রে টানছে
চঞ্চলাকে? কেন মনে হচ্ছে ওই ভঙ্গিটা যেন বহু পরিচিত?

লোক দুটো উঠে কি এইদিকে আসবে?

ছোটমাসী ওদিকে মোটে তাকাচ্ছে না যে।

জন্ম
জন্মকে
দার্থী

‘তুই মোটে কথা বলছিস্ না কেন রে চঞ্চল?’

চম্কে উত্তর দেয় চঞ্চলা, ‘বলছি তো।’

‘কোথায়? শুধু তো হাঁ ক'রে আকাশ পানে চেয়ে

আছিস্

‘ছোটমাসী !’

‘কি রে ?’

‘ওই লোকটাকে দেখেছো ?’

‘কোন লোকটা ?’ বলেই চকিত দৃষ্টিপাত করে মঞ্জরী, এদিকে ওদিকে ।

‘ওই যে !’

পলকপাত মাত্র । বিদ্যুত-শিহরণের মতো একটা শিহরণ ওঠে তন্ত্রীতে তন্ত্রীতে । পরক্ষণেই মুখ ফিরিয়ে নেয় । কিসের আশায় চঞ্চলা তাকে ডেকে দেখাতে চায় ?

স্বপ্নলোকের কোন্ এক ব্যক্তির সঙ্গে ভজির সামান্যতম একটু সাদৃশ্য আছে বলে ? আলো-আঁধারি সমুদ্র-বেলায় পিছু ফিরে বসে থাকা একটা লোকের শুধু পিঠের একটু ভজি ।

বাঙালী অবশ্যই ।

ধুতি পাঞ্জাবী তো এখানে চোখেই পড়েনা । কিন্তু তাই বলে—?

চঞ্চলা পাগল হতে পারে, মঞ্জরী তো পাগল নয় ।

‘আমি একটু ওদিকে যাবো ছোটমাসী ?’

‘কেন ? না না ! ওদিকে গিয়ে কি হবে ?’


‘কিছু না । শুধু দেখবো লোকটা বাঙালী কি না !’

‘হলোই বা বাঙালী, কি লাভ ?’

‘এমনি ! যাই না ছোটমাসী ?’

‘যদি পুলিশের লোক হয় ?’

‘কেন ?’ চঞ্চলা ভয়ে ভয়ে বলে, ‘পুলিসের লোক কেন ?’



‘তোকে ধরতে, আমাকে ধরতে ! তুই ঘরভেঙে পালিয়ে এসেছিস, আমি নাবালিকা বালিকাকে ভুলিয়ে পথে বার করেছি— এ দোষে জেল হয় ।’

‘বাঃ, আমি বলবো, আমি নিজে ইচ্ছে ক’রে এসেছি ।’

‘তোর কথার কোনো মূল্যই নেই ! খবর পেলেই তোকে বাড়ীতে ধরে নিয়ে যাবে, আর আমাকে জেলে নিয়ে যাবে ।’

‘ও ছোটমাসী, ওরা উঠে যাচ্ছে—’

আর অশ্রুমতির অপেক্ষা না করেই চঞ্চলা হঠাৎ তীরবেগে দৌড়ে যায়, আর সমুদ্রের ধারের উতলা বাতাসকে টুকরো টুকরো ক’রে তার আনন্দের আর্তনাদ তীক্ষ্ণস্বরে ধ্বনিত হ’য়ে ওঠে—‘ছোট মেসোমশাই !’

‘চঞ্চলা !’

‘মেসোমশাই !’

‘তুমি এখানে ? কবে এসেছো ? বড়দি এসেছেন ?’

অনেকদিন ধ’রে কলকাতার বাইরে আছে অভিমহু, চঞ্চলার নিরুদ্দেশের বার্তা তার জানা নেই ।

হঠাৎ আনন্দে অশ্রুমনস্ক হয়ে গিয়েছিলো চঞ্চলা, এ প্রশ্নে থতমত খেয়ে ধাতস্থ হয়ে বলে, ‘না, মা আসেননি । আপনি কবে এসেছেন ?’

অভিমহুর পার্শ্ববর্তী লোকটাকে অবশ্য সম্পূর্ণ অগ্রাহ্য করেই

আলাপ চলে ।

জন্ম
জন্মকে
সার্থী

‘আমি ? এখানে অবশ্য ছ’দিন মাত্র, কলকাতা ছেড়েছি অনেকদিন । তারপর, বাড়ীর সব ভালো তো ?’

‘হ্যাঁ !’

‘তা, এখানে একলা একলা ঘুরছে যে ? এসেছে কার সঙ্গে ?’

চঞ্চলা কি যে উত্তর দিলো, বোঝা গেলোনা।

অভিমন্যু এ ভাব-বৈলক্ষণ্য বুঝতে পারেনা।

সুরেশ্বরের উপস্থিতিকেই ওর এই আড়ষ্টতার কারণ ব’লে মনে করে।

‘উঠেছো কোথায় ?’

‘কি জানি। এখানের রাস্তার নাম বুঝতে পারিনা।’

অভিমন্যু হেসে ফেলে বলে, ‘তা ঠিক। কমলাদের সঙ্গে এসেছে বুঝি ? না কি তোমার সেই মোটা পিসিটির সঙ্গে ?’

‘না, ওদের সঙ্গে নয়।’

‘তবে ?’

অভিমন্যুর কণ্ঠে বিস্ময়।

‘আমি—আমি এসেছি, ছোটমাসীর সঙ্গে।’

‘কার সঙ্গে ?’

নিজের কানকে বিশ্বাস করতে পারেনা ব’লেই এই প্রশ্ন ক’রে বসে অভিমন্যু।

চঞ্চলা সাহস সঞ্চয় ক’রে ঝাঁক’রে ব’লে ফ্যালে, ‘ছোটমাসীর সঙ্গে। ওই যে ওখানে ব’সে আছে ছোটমাসী—ও কি, কোথায় গেলো ?’

আবার পাগলের মতো উন্টোমুখো দৌড়োয় চঞ্চলা।

সুরেশ্বর অবাক হয়ে বলে, ‘ব্যাপার কি অভিম্যুদা ?’

অভিমন্যু সামনের অনেকখানি শূণ্যের দিকে তাকিয়ে অদ্ভুত একটা হাসি হেসে বলে, ‘বোধকরি ভাগ্যচক্র।’

জন্ম
জন্মকে
সার্থী

‘মেসোমশাই !’

ফিরে এলো চঞ্চলা, শুকনো-গলায় বললো, ‘কোথাও দেখতে পাচ্ছি না, ট্যাক্সিটাকেও না !’

‘ট্যাক্সি ? কোথায় ছিলো সেটা ?’

‘ওই যে ওখানে দাঁড়িয়ে ছিলো !’

মনের সমস্ত শক্তি সংহত ক’রে কণ্ঠস্বরকে শাস্ত রেখে অভিমন্যু বলে, ‘তোমায় ফেলে রেখে পালিয়ে গেলেন তিনি ?’

এই শাস্ত ব্যঙ্গোক্তিতে হঠাৎ একঝলক জল এসে পড়ে চঞ্চলার চোখে, ঘাড় হেঁট ক’রে চুপ ক’রে থাকে বেচারী ।

অভিমন্যু ওর অবস্থাটা অনুমান করতে পারে, কিন্তু কিছুতেই ভেবে ঠিক করতে পারেনা, মঞ্জরীর কাছে চঞ্চলা কি ক’রে এলো ? তাও কলকাতা ছেড়ে এতো দূরে। সুনীতি কি হঠাৎ এতো প্রগতিশীল হয়ে উঠেছেন ? না কি গোড়া থেকেই অভিমন্যুর অজ্ঞানিতে মঞ্জরীর সঙ্গে সম্পর্ক বন্ধন বজায় রেখেছিলেন সুনীতি ? বিদেশে আসতে—সঙ্গিনী হিসেবে দিদির একটি মেয়েকে চেয়ে এনেছে মঞ্জরী ?

তাই সম্ভব ।

তাছাড়া আর কি ।

মঞ্জরী সম্বন্ধে সব ভাবনা ছেড়ে দিলেও, হৃঃস্বপ্নেও এমন অদ্ভুত কথা ভাবতে পারে না অভিমন্যু, দিদির মেয়েকে চুরি ক’রে নিয়ে পালিয়ে এসেছে মঞ্জরী ।

জনম
জনমকে

‘কোথায় থাকো তোমরা ? মানে, ঠিকানা কি ?’

যতোই অদ্ভুত অবস্থায় পড়ুক অভিমন্যু, অপ্রত্যাশিত ঘটনার আঘাতে দেহের রক্ত যতোই দাপাদাপি করুক, তবু এই মেয়েটাকে এই রাতের

বেলা একা এখানে ফেলে রেখে চলে যাবার কথা কল্পনা করতে পারেনা। অথচ মঞ্জরী এমন কাজ করলো কি ব'লে? এমন কথাও ভাবছেন, এ ছাড়া আর কি করতে পারতো মঞ্জরী।

চঞ্চলা অশ্রুরুদ্ধ কণ্ঠে বলে, 'জানিনা।'

'ঠিকানা জানো না? কতোদিন এসেছো?'

'অনেক দিন, দু'তিন মাস।'

'ঠিকানা জানো না কেন?'

'কিরকম শক্ত শক্ত কথা, ভুলে যাই।'

'বাড়ীতে চিঠি লেখো না?'

উথলে ওঠে চাপা উৎস, ডুক্রে ওঠে চঞ্চলা, 'না।'

সেকেণ্ড-কয়েক চুপ ক'রে থেকে অভিমন্যু গম্ভীরভাবে বলে,
'বাড়ী থেকে পালিয়ে-টালিয়ে আসোনি তো?'

আর উত্তর নেই।

ফোঁপানি দুর্দমনীয়তাই উত্তর।


'কেন এলে?'

বোকা মেয়েটা ভয়ের চোটে এবার একটা মিছেকথা ব'লে বসে। বলে, ছোটমাসীর জন্মে মন কেমন করছিলো, দেখতে গিয়েছিলাম—তা ছোটমাসী বললো যে, বসে যাবি?'

'বললো আর তুমি চলে এলে? বড়দি—মানে তোমার মা রাজী হলেন?'

আর কথা কহানো যায়না চঞ্চলাকে। অনেক প্রশ্নবান নিক্ষেপ করেও না।

সুরেশ্বর এতোক্ষণ তীক্ষ্ণদৃষ্টি আর তীক্ষ্ণকর্ণ হয়ে এদের কথা শুনছিলো, এবার নীচুসুরে আবার বলে,
'ব্যাপারটা কি অভিমন্যুদা?'



‘সবটা আমারও হৃদয়ঙ্গম হচ্ছেনা, বতোটুকু হচ্ছে, বলতে সময় লাগবে।’

এটা উত্তর-এড়ানো কথা, বুঝতে পারে সুরেশ্বর। কিন্তু না বুঝে থাকাও তো শক্ত। একটা শব্দ যে তার মনের মধ্যে কাঁটার মতো বিঁধে রয়েছে।

স্পষ্ট শুনতে পেয়েছে সুরেশ্বর, চঞ্চলার উৎফুল্ল ডাক—‘ছোট মেসোমশাই।’ তার পরই শুনেছে ‘ছোটমাসী ওখানে—’

কী এই রহস্য! কে এই ছোটমাসী?

পতিপরিভ্যক্তা? স্বামীত্যাগিনী? অভিমম্ব্যর কি একাধিক বিবাহ।

অভিমম্ব্যর জীবনে যে একটা রহস্য লুকোনো আছে এ সন্দেহ বারবারই মনে এসেছে সুরেশ্বরের, আজ যেন তার হৃদিস মিলবার স্রোযোগ এসেছে।

সুরেশ্বরকে নিরুত্তর দেখে অভিমম্ব্য আবার বলে, ‘ব্যাপার তোমায় ধীরেসুস্থে বোঝাবো সুরেশ্বর, এখন এই বালিকাটিকে তো যথাস্থানে পৌঁছে দেবার ব্যবস্থা করতে হয়।’

‘তা এ তো শুনছি, ঠিকানাই জানেনা।’

‘সেই তো মুস্কিল! এখান থেকে কতোটা দূর চঞ্চলা?’

চঞ্চলা ভ্রিয়মান ভাবে বলে, ‘অনেকদূর।’

‘গাড়ী ক’রে নিয়ে গেলে রাস্তা চিনিয়ে দিতে পারবে?’

‘পারবোনা’ এমন আত্মঅবমাননাকর কথাটা বলতে বোধকরি

জন্ম
জন্মকে
সার্থী

লজ্জা হয় চঞ্চলার, তাই ঘাড় নীচু ক’রে বলে, ‘পারবো।’

শুধু মেসোমশাই নয়, সঙ্গে আর একটি তরুণ যুবক। তার ষোলোবছরের কুমারী-হৃদয়ে এই লজ্জার

বেদনা বড়ো কঠিন হয়ে বাজছে। কেন সে বাড়ীর ঠিকানাটা মুখস্থ ক'রে রাখেনি? কেন সে এমন বোকার মতো কেঁদে ফেললো।

‘সুরেশ্বর, এ কাজটির ভার তোমাকেই দিচ্ছি ভাই।’

‘সে কী? আপনি?’

‘আমি হোটেল ফিরছি। তুমি একটা ট্যাক্সি নিয়ে ওর ডিরেকশান মতো—’

চঞ্চলা তাড়াতাড়ি এগিয়ে গিয়ে অভিমন্ত্যার একটা হাত চেপে ধরে। সেই চেপে ধরার মধ্যে রয়েছে একটা নিতান্ত কাতর মিনতি।

অভিমন্ত্য ঈষৎ বিচলিতভাবে ওর মাথায় একটু মৃদু আদরের চাপড় দিয়ে বলে, ‘ভয় কি চঞ্চলা, উনি তোমার দাদার মতো। আর ছাখোনা, একখুনি এক মিনিটে এমন ভাব ক'রে ফেলবে—’

‘আপনার না যাওয়ার কারণটাই বা কি অভিমন্ত্যদা?’

অভিমন্ত্য উড়িয়ে দেবার ভঙ্গিতে বলে, ‘কারণ কিছুই নেই, এমনিই শরীরটা তেমন ভালো ঠেকছে না, মাথাটা ধরেছে মনে হচ্ছে। চলোনা তোমাদের ট্যাক্সিতে তুলে দিয়ে যাচ্ছি—ট্যাক্সি নিতে তো হাঁটতে হবে অনেকটা...’

সুরেশ্বর এবার সরাসর চঞ্চলাকেই প্রশ্ন করে, ‘যাঁর সঙ্গে এসেছিলে, উনি তোমার কে হন?’

‘মাসীমা।’


অক্ষুট উচ্চারণে কথাটা জানায় চঞ্চলা।

‘উনি এভাবে চলে গেলেন যে?’

বলাবাহুল্য চঞ্চলা নিরুত্তর।

‘তুমি যদি বাড়ী চিনিয়ে দিতে না পারো কি হবে?’

চঞ্চলা আর বোকা ব'নে থাকতে চায়না, সহসা



মুখ তুলে বেশ স্পষ্টসূরে ব'লে বসে, 'ওঁর ঠিকানা জোগাড় করা
শক্ত হবেনা, ওঁকে সকলেই চেনে।'

‘তাই নাকি ?’

‘হ্যাঁ। উনি অভিনেত্রী মঞ্জরীদেবী।’ ডিরেক্টার নন্দপ্রকাশজীর
বাড়ীতে থাকেন।

চম্কে ওঠে সুরেশ্বর, চম্কে ওঠে অভিমন্যুও।

অভিমন্যু চম্কায়ে এতো স্পষ্ট ক’রে মঞ্জরীর নামটা শুনে,
সুরেশ্বর চম্কায়ে অনেক কিছু কারণে।

এর পর সহসা তিনজনেই নীরব।

নীরবে অনেকটা পথ অতিক্রম ক’রে এসে, আর অনেকক্ষণ
দাঁড়িয়ে থেকে থেকে অবশেষে ট্যান্ডি মেলো। সুরেশ্বর গম্ভীর-
ভাবে বলে, ‘উঠে আসুন অভিমন্যুদা, মিছিমিছি এ বেচারাকে ভয়
খাইয়ে কোনো লাভ নেই।’

কথাটা যুক্তিযুক্ত।

রাত হয়ে গেছে, এখন সম্পূর্ণ অপরিচিত একটি যুবকের সঙ্গে
চঞ্চলাকে একগাড়ীতে তুলে দিয়ে ছেড়ে দেওয়াটা অসমীচীন। নীরবে
গাড়ীতে উঠে বসে অভিমন্যু।

গাড়ী চলতে থাকে, সুরেশ্বর মিনিটে মিনিটে চঞ্চলাকে পথ

জন্ম
জন্মকে
সার্থী

সম্বন্ধে প্রশ্ন করতে থাকে। চঞ্চলা ঘাবড়ে গিয়ে কিছুই
ব'লে উঠতে পারেনা এবং ড্রাইভারটা উত্তর দিয়ে
শেষপর্যন্ত উদ্ধত প্রশ্ন করে, সে পাগলের পাল্লায়
পড়েছে কি না।

ডিরেক্টর নন্দপ্রকাশজীকে চঞ্চলা যতোই সমীহ করুক, দেখা গেলো—বন্ধের পথচারী নাগরিকগণ তেমন করেনা। যে যার নিজের ধাক্কাই উর্দ্ধ্বাসে ছুটছে, প্রশ্ন করলে কেউ কানই করেনা, কান করলেও যথেষ্ট একটা উত্তর দিয়ে কেটে পড়ে।

এমন বিপাকেও মানুষে পড়ে।

শেষ পর্য্যন্ত হতাশ হয়ে সুরেশ্বর বলে, ‘আজ্ঞ আর হবেনা অভিমন্যুদা, কাল সকালে স্টুডিওয় ফোন ক’রে যা হয় হবে। একে আমাদের ওখানেই নিয়ে যাওয়া যাক, খিদে-টিদেও তো পেয়ে গেছে বেচারার।’

চঞ্চলা সবেনে ব’লে ওঠে, ‘খিদে পায়নি।’

‘আহা, তোমার না পাক, আমাদের তো পেয়েছে। খিদেয় মাথা ঘুরছে আমার।’

এতো বড়ো লোকটার—এ হেন ছেলেমানুষী কথায় চঞ্চলা হঠাৎ হেসে ফ্যালে, অভিমন্যু একসেকেও চুপ ক’রে থেকে বলে, ‘তবে চলো তাই। আর তো কোনো উপায়ও দেখছি না।’


হোটেল অভিমুখে চলতে চলতে অভিমন্যুর এই কথাই মনে হতে থাকে, তার সঙ্গে মঞ্জরীর সম্পর্ক যেন শুধু বিপদে ফেলারই সম্পর্ক। অভিমন্যুর ভাগ্যবিধাতা কি অদ্ভুত কৌতুকপ্রিয়।

ভাবতে ভাবতে—খেইহার চিন্তা কোথায় ছড়িয়ে পড়ে।

মঞ্জরী কি এখনো তাকে মনের মধ্যে স্বীকার করে?

নাহ’লে এমন ভূতে তাড়া খাওয়ার মতো—দিশেহারা হয়ে পালালো কেন?

মঞ্জরীর না কি আজকাল নানা ছন্দম, সে না কি



বড্ডো বেহায়া, বড্ডো বাচাল, আর বড্ডো না কি অর্থলিপ্সু
এ মঞ্জরী, কোন্ মঞ্জরী ?
অন্ধকারে অভিমন্ত্যুর ছায়া দেখে যে ছুটে পালালো সে ?

ভূতাহতের মতো যে পালিয়ে এসেছিলো, সে যে কেমন ক'রে
ট্যাঙ্কি থেকে নেমে ভাড়া মিটিয়ে দিয়ে সিঁড়ি দিয়ে উঠে ঘরে এসে
ব'সে পড়লো, নিজেই জানেনা সে ।

অনেকক্ষণ লাগলো উত্তাল বক্ষস্পন্দন স্থির হতে ।

কিন্তু তারপর ?

তারপর শুরু হলো পাগলের মতো ছটফটানি ।

এ কী ক'রে বসলো সে ?

চঞ্চলাকে ফেলে পালিয়ে এলো ।

এ কী বোকামী ! এ কী দুর্বলতা ! কেন সে এমন দুর্বলতা
প্রকাশ ক'রে বসলো ? কেন নিতান্ত অবহেলায় অভিমন্ত্যুকে
গ্রাহ্য না ক'রে চঞ্চলাকে নিয়ে দৃঢ় পদক্ষেপে গাড়ীতে এসে
উঠলো না ?

অভিমন্ত্যু যেমন পরম অবহেলায় মঞ্জরীর জীবনটাকে ধূলায়
ছড়িয়ে দিয়েছে, মঞ্জরী কেন তেমনি ক'রে অভিমন্ত্যুর সামনে
গাড়ীর চাকার ধূলা উড়িয়ে দিয়ে চলে এলোনা ?

নিজেকে নিজে মারতে ইচ্ছে করে মঞ্জরীর ।

জন্ম
জন্মকে
সার্থী

আবার অভিমন্ত্যুর সঙ্গে এই অপ্রত্যাশিত দর্শন-
লাভের সুযোগটুকু নিতান্ত নির্বোধের মতো হারিয়ে
ফেলে সমস্ত প্রাণ যতো হায় হায় করতে থাকে, ততো
ছটফট করতে থাকে চঞ্চলার জন্তে ।

এ কী দায়িত্বজ্ঞানহীনের মতো কাজ ক'রে বসলো সে ?

তবু সমস্ত ক্ষোভ, সমস্ত গ্লানি, রক্তের কোষে কোষে রক্তধারার উন্মাদ নর্তনের সমস্ত চাঞ্চল্যের অন্তরালে বাজতে থাকে অতি মধুর অতি কোমল একটি প্রত্যাশার সুর।

এই রাত্রিরবেলা চঞ্চলাকে সমুদ্রতীরে বালুবেলায় একা ফেলে রেখে চলে যাওয়া কি অভিমন্ত্যুর পক্ষে সম্ভব হবে ?

তাকে তার জায়গায় পৌঁছে দেবার দায়িত্ব ঘাড়ে না নিয়ে পারবে অভিমন্ত্যু ?

চঞ্চলা যে এমন বোকা যে, বাড়ীর ঠিকানাটা বুঝিয়ে বলবার ক্ষমতাও নেই তার, এ-কথা মঞ্জরী ভাবতেও পারেনা। রাত্রি যতো বাড়তে থাকে, ততোই ভয়ে ভাবনায় রক্ত হিম হয়ে আসতে থাকে তার।

এর সবটাই ভুল নয় তো ?

চঞ্চলাই দেখেছিলো, বুদ্ধিহীন কাণ্ডাকাণ্ডজ্ঞানহীন চঞ্চলা ! মঞ্জরী নিজে তেমন স্পষ্ট ক'রে দেখেছিলো কি ? সে কি সত্যিই অভিমন্ত্যু ?

দেখেছিলো বৈ কি। হোক একমুহূর্তের জ্ঞান, তবু দেখেছিলো নির্ভুল স্পষ্ট—চঞ্চলার উচ্ছ্বসিত আহ্বানে হঠাৎ যখন মুখ ফিরিয়ে-ছিলো অভিমন্ত্যু।

রাত্রির গভীরতার সঙ্গে সঙ্গে সেই স্পষ্ট প্রত্যক্ষের নিশ্চিত বিশ্বাসের মূল কেমন শিথিল হয়ে আসে, নিজের ওপর আস্থা হারিয়ে ফেলতে থাকে মঞ্জরী। আপন হৃদয়তত্ত্ব কোন্-কাঁকে বিস্মৃত হয়ে যায়, শুধু

জনম
জনমকে
সার্থী

উত্তরোত্তর একটা ভয়ঙ্কর ভয় দাঁতালো জন্তুর মতো ক্রমশঃ গ্রাস ক'রে ফ্যালে তাকে ।

এতক্ষণ আশার যে ক্ষীণ স্মৃতি সমস্ত দুর্ভাবনার তলায় তলায় বেজে চলেছিলো, সে স্মৃতি স্তব্ধ হয়ে গেছে, অথচ কোনো দিশে পাচ্ছেনা । আবার যাবে টাক্সি নিয়ে সেই পরিত্যক্ত জায়গাটায় ? হয়তো দেখতে পাবে সমস্ত ভ্রমণবিলাসীরা যে যার আপন আপন জায়গায় ফিরে গেছে, চঞ্চলা সেই নির্জ্জন সমুদ্রসৈকতে একা ব'সে কাঁদছে ।

কিন্তু কতো রাত এখন ?

সাড়ে-বারোটা না ? মঞ্জরী যাবে এখন ? একা ? আর পৃথিবীটা কি শুকদেবের আশ্রম ? সেখানে দুপুর রাতে লোকচক্ষুহীন নির্জ্জনতায় ষোলবছরের এক স্বাস্থ্যবতী মেয়ে একা ব'সে কাঁদবার অবকাশ পায় ?

ক্রমশঃ মনের সমস্ত স্মৃতি হারিয়ে ফেলে মঞ্জরী । ওর মনে হতে থাকে, চঞ্চলাকে ও বাঘের খাঁচায় ছুঁড়ে ফেলে দিয়ে চলে এসেছে । এসেছে কেবলমাত্র একটা মূঢ় ভয়ে ।

অভিমন্যুকে দেখেনি মঞ্জরী । না না, অসম্ভব । অভিমন্যু সেখানে আসতেই পারেনা । চঞ্চলার দৃষ্টিভ্রম, মঞ্জরীর দৃষ্টিভ্রম ।

তবে এখন কি করবে মঞ্জরী ?

চঞ্চলাকে মন থেকে নিশ্চিহ্ন ক'রে নিশ্চিন্ত হয়ে ব'সে থাকবে ? একান্তভাবে মঞ্জরীকে নির্ভর ক'রে যে বুদ্ধিহীন মেয়েটা সবকিছু ছেড়ে পালিয়ে এসেছে, মঞ্জরীর বুদ্ধিহীনতাও যার জন্য ষোলো আনা দায়ী—সেই চঞ্চলাকে হয়তো এখন বহুপশুতে—

জনম
জনমকে
সার্থী

শিউরে চীৎকার ক'রে উঠতে গিয়ে থেমে যায়

মঞ্জরী। ভাবে, উঠে গিয়ে নন্দপ্রকাশজীর স্ত্রীর কাছে ঘটনাটা বিবৃত
ক'রে পরামর্শ চায়, কিন্তু কিছুতেই উঠতে পারেনা। কি বিবৃতি
দেবে? ভুলক্রমে মেয়ে ফেলে চলে এসেছে মঞ্জরী? তারপর
নিজের ভয়ে তাকে আর আনবার চেষ্টা করেনি? এর বেশী আর
কি বলবার আছে মঞ্জরীর?

শেষপর্য্যন্ত হয়তো অজ্ঞান হয়েই শুয়ে পড়তো মঞ্জরী, হয়তো
পাগলের মতো ছুটোছুটিই করতো, সহসা চমকে উঠলো নন্দপ্রকাশজীর
গৃহিণীর কণ্ঠস্বরে।

গম্ভীর বনেদীগলায় তিনি 'মঞ্জী বহিন'কে ডাক দিচ্ছেন।

ধড়মড় ক'রে উঠে দরজার কাছে এসে দাঁড়ালো মঞ্জরী, একটা
অজানিত ভয়ে বুক কেঁপে উঠছে।

নন্দ-গৃহিণী খুব সংক্ষিপ্ত ভাষণে জানানলেন, চঞ্চলা তার যে
আত্মীয়ের বাড়ী বেড়াতে গেছে, তাঁরা নন্দপ্রকাশজীর নশ্বরে ফোন্
ক'রে জানিয়ে দিয়েছেন, খাওয়া-দাওয়ায় রাত হয়ে গেছে ব'লে ও
আজ সেখানেই রয়ে গেলো, কাল সকালে আসবে। রাত বহুত
হয়েছে, এতো রাতে চাকর-বাকরকে দিয়ে খবর দেওয়াটা অসভ্যতা
বিবেচনায় বাধ্য হয়ে তাঁকেই আসতে হলো।

সংবাদটুকু এবং মন্তব্যটুকু নিবেদন ক'রে মহীয়সী ভক্তিমায়
চলে গেলেন তিনি, আর মঞ্জরী শুধু অক্ষুটে একবার 'ভগবান' ব'লে
দরজার কাছ থেকে স'রে এসে ছ'হাতে বুকটা চেপে ব'সে পড়লো।

বুকের মধ্যে এ কী ছরস্তু যন্ত্রণা! এ যন্ত্রণা কি—আনন্দের?

কিসের এই আনন্দ, যা যন্ত্রণার মতো মোচড় দিয়ে

দিয়ে নিজের আবির্ভাব জানায়?

চঞ্চলার নিরাপত্তার সংবাদের আনন্দ?

'ভগবান আছেন' এই চিন্তার আনন্দ?

জন্ম
জন্মকে
সার্থী

অভিমন্যু ফোন্ ক'রে 'মঞ্জরীদেবী'র কাছে সংবাদ পাঠিয়েছে
এই আনন্দ ?

অভিমন্যু তো খবর না দিয়ে মঞ্জরীকে জব্দ ক'রে নৃশংস আনন্দ
উপভোগ করতে পারতো। অভিমন্যু তো চঞ্চলাকে কলকাতায়
ফিরিয়ে নিয়ে গিয়ে সুনীতিকে দিয়ে মঞ্জরীর নামে মেয়েচুরির মামলা
তুলতে পারতো। অভিমন্যু তো চঞ্চলাকে উপলক্ষ্য ক'রে অনেক
অনিষ্ট করতে পারতো মঞ্জরীর।

কিন্তু না। অভিমন্যু তা করেনি। সে মঞ্জরীর একান্ত প্রিয়
প্রাণীটিকে সযত্নে সমাদরে নিজের আস্তানায় নিয়ে গেছে, মঞ্জরী
আবার পাছে ছুশ্চিত্তায় অস্থির হয় ব'লে তাকে তার খবর
পাঠিয়েছে।

বারে বারে অভিমন্যুই শুধু জিতে যাবে তাহ'লে ?
মঞ্জরীর বারে-বারেই পরাজয় ?

চায়ের পর্ব শেষ হতেই অভিমন্যু বলে, 'চঞ্চলা, ইতিমধ্যে তো
তোমার সুরেশ্বরদার সঙ্গে রীতিমত ভাব জমিয়ে ফেলেছো দেখছি,
আর তাহ'লে ওর সঙ্গে বাড়ী যেতেও আপত্তি হবেনা ?'

চঞ্চলা সুরেশ্বরের দিকে তাকিয়ে 'লজ্জিত হাসি হাসে।
বাস্তবিকই গতরাত্রে আহারের টেবিলে এবং আজ এই সকালের
মধ্যে সুরেশ্বরকে যেন তার অভিমন্যুর চাইতেও অধিক
পরিচিত আত্মীয় ব'লে মনে হচ্ছে।

জন্ম
জন্মকে
সাধা

সুরেশ্বর গম্ভীরভাবে বলে, 'আমাদের কিছুতেই
আপত্তি নেই, ওটা আপনারই ব্যাপার।'

‘যাক্, সেটা তো তাহ’লে জেনেই নিয়েছে দেখছি।’

অভিমন্যু চেয়ার থেকে উঠে ব্যাল্কনিতে গিয়ে দাঁড়ায়।
সুরেশ্বরও পিছু পিছু উঠে আসে। তেমনি গম্ভীরভাবে বলে,
‘অভিমন্যুদা, মাঝে মাঝে মনে হতো, আপনি বেশ দেবতুল্য ব্যক্তি,
সে ভুল ভাঙলো।’

অভিমন্যু মুখ ফিরিয়ে মৃদুহেসে বলে, ‘ভুল ধারণা যতো ভাঙে
ততোই মঙ্গল।’

‘এখন দেখছি আপনি একটি পাষণ্ড।’

‘জ্ঞানচক্ষু উন্মীলিত হওয়া আরও মঙ্গল।’

‘ঠাট্টা ক’রে উড়িয়ে দেবার চেষ্টা করবেন না। ছি ছি! চঞ্চলার
কাছে শুনে আমি অবাক হয়ে গেছি। একটা জলজ্যান্ত মানুষকে
আপনি দিবি ‘মড়া’ ব’লে চালিয়ে আসছিলেন?’

অভিমন্যু মুখের হাসি প্রায় তেমনি বজায় রেখে বলে, ‘অনেক
সময় মৃত্যুরও তো নানা রকম রূপ থাকে সুরেশ্বর।’

‘হুঁ! তিনি আপনার কাছে মৃত এই বলতে চান তো? কিন্তু
কেন?’

চঞ্চলা যখন তোমার কাছে তার মনের দরজা খুলেছে,
তখন সব খবরই দিয়েছে আশা করছি।’

সুরেশ্বরও এবার হেসে ফেলে বলে, ‘তা অবশ্য দিয়েছে।
ওর বান্ধবীর দাদা সিনেমা-এ্যাকট্রেস ছাড়া বিয়ে করবেনা বলেই
বেচারি তার মাসীমার অঞ্চলপ্রাপ্ত ধ’রে সিনেমা এ্যাকট্রেসের
কারখানায় এসে হাজির হয়েছে, তা ও জানতে দিয়েছে,
কিন্তু কথা তো তা নয়। বৌদিকে আপনার ত্যাগ
করার কোনো মানে হয়না। সিনেমা করা, জলসায়
গান করা, বা বেতার বক্তৃতা করা, এগুলো তো

জন্ম
জনমকে
সার্থী

এ-যুগে এক পর্যায়ের জিনিস, এর জন্তে আপনি জ্বীকে ত্যাগ করবেন? হিঃ! আপনি যে এতো গোঁড়া, এতো সেকলে, তা ভাবাই যায়না।’

‘জাখো সুরেশ্বর’—অভিমন্যু ম্লান গম্ভীরভাবে বলে, ‘সমস্ত কর্মদেহের মধ্যেই সূক্ষ্ম একটি কারণ-রূপ আত্মা থাকে, বুঝলে? যেটা আপাতদৃষ্টিতে দেখা যায়না। কিন্তু চঞ্চলার ব্যাপারটা শুনে তাজ্জব লাগছে যে? ওটা আবার কি?’

‘ওটা?’ সুরেশ্বরের মুচ্কে হাসে, ‘ওটা বোধকরি মহত্বের দৃষ্টান্ত স্থাপন। আপনাদের মতো লোকের জন্তে।’

‘সে চীজটি কোথায়?’

‘সে কলকাতায়। তাতে কি? সে সব ঠিক হয়ে যাবে। এখন শুধু মাসীমার খোসামোদ ক’রে-ট’রে এ্যাকট্রেস হতে পারলেই, ...কিন্তু শুনছি মাসীর তেমন গা নেই। সে যাক্, আমি কিন্তু ঠিক বৌদির সঙ্গে আলাপ ক’রে আসবো—’

অভিমন্যু ব্যাল্কনির ওপর থেকে জনাকীর্ণ পথের দিকে তাকিয়ে দৃঢ়স্বরে বলে, ‘পাগলামী কোরোনা সুরেশ্বর।’

সুরেশ্বর এ দৃঢ়তায় টলেনা, ততোধিক দৃঢ়স্বরে বলে, ‘পাগলামী আপনিই ক’রে চলেছেন অভিমন্যুদা। পৃথিবীকে আজো আপনি পুরনো চশমায় দেখছেন। পৃথিবী বদলাচ্ছে, সমাজ বদলাচ্ছে, বদলাচ্ছে জীবনের রীতিনীতি সংস্কার। পুরনো খুঁটি আগলে ব’সে থাকাটা পাগলামী ছাড়া আর কি? আপনি বারণ করলেও আমি ভয় খাবোনা, আমি ঠিক গিয়ে আলাপ ক’রে আসবো।’

জন্ম
জন্মকে
সার্থী

অভিমন্যু তীক্ষ্ণহাস্যে বলে, ‘কেন বলো তো

এতো জোরালো সংকল্প ? আকর্ষণটা চঞ্চলার নয় তো ?

সুরেশ্বর দমবার ছেলে নয়, সেও সমান তীক্ষ্ণস্বরে বলে,
‘অসম্ভব কি ? সত্যি বলতে, আমি তো শুধু ওর বাড়ী ছেড়ে
পালিয়ে আসার কারণ শুনে মুগ্ধ চমৎকৃত হয়ে গেছি। যে মেয়ে
প্রেমাস্পদের উপযুক্ত হবার সাধনায় এতোবড়ো মূল্য দিতে প্রস্তুত,
সে মেয়ে ছল্লাভ মেয়ে। হয়তো এটা ওর হাশ্বকর ছেলেমানুষী,
হয়তো—প্রেমাস্পদটি একটি হুমান-বিশেষ, কিন্তু ওর নিষ্ঠার মূল্য
কম নয়।’

‘সুসংবাদ !’

বলে ঘরে ফিরে এসেই অভিমন্যু বলে, ‘চঞ্চলা, চলো তাহ’লে ?’

‘আপনি যাবেন ?’ উৎফুল্ল আনন্দে বলে চঞ্চলা।

‘তাই ভাবছি। সুরেশ্বর যাচ্ছে তো ?’

সুরেশ্বর অভিমন্যুর এই সহসা মতি পরিবর্তনে আশ্চর্য্য হলেও
সেটা প্রকাশ করেনা, উদাসভাবে বলে, ‘সবাই মিলে যাবার
দরকার কি ?’

‘বাঃ, বাড়ীটা চেনাও তো দরকার ?’

‘কিজন্তে ?’


‘বৌদির সঙ্গে আলাপ করতে।’

‘নাঃ !’

‘কেন, হঠাৎ সংকল্পের পরিবর্তন ?’

‘সে তো সকলেরই হচ্ছে।’

অভিমন্যু হেসে ফেলে বলে, ‘তা সত্যি, শুভা
হঠাৎই হলো। কি জানো সুরেশ্বর, রাতের অন্ধকারে
মানুষ কেমন দুর্বল হয়ে যায়। সকালের আলোয়



একটু সাহস অনুভব করছি। মনে হচ্ছে—এই লুকোচুরি, এই পালিয়ে বেড়ানো, এটা যেন হাস্যকর ছেলেমানুষী।’

সুরেশ্বর ব্যগ্রভাবে কাছে এসে বলে, ‘আমিও তাই বলছি অভিমন্যুদা। দূরত্বের ব্যবধান ক্রমশঃই সহজ দৃষ্টিকে আচ্ছন্ন ক’রে ফেলে। হয়তো একবার দেখা হলেই দেখবেন সব সহজ হয়ে গেছে। জীবন জিনিসটা কি এতোই সস্তা অভিমন্যুদা, যে ইচ্ছেমতো অপচয় করা চলে?’

শেষপর্য্যন্ত তিনজনেই।

পথে গাড়ী দাঁড় করিয়ে অভিমন্যু চঞ্চলাকে খুসিমত বাছতে দিয়ে দামী শাড়ী কিনে দিলো একটা। সুরেশ্বর বিনা দ্বিধায় কিনে বসলো একগাদা চকোলেট টফি, চুলের রিবন, আর পাউডার কেস্।


নেপথ্যে অভিমন্যু বলে, ‘কি হে ভায়া, শেষ অবধি প্রেমেই প’ড়ে যাচ্ছে না তো? সন্দেহ হচ্ছে যে?’

সুরেশ্বর বেপরোয়া বলে, ‘আমারও সন্দেহ হচ্ছে।’

‘কিন্তু সেই হতভাগ্য হনুমান-বিশেষের উপায়?’

‘কদলীফলের অভাব নেই দেশে।’

স্বভাবসিদ্ধ হাসি হেসে ওঠে সুরেশ্বর।



মঞ্জরীর দরজায় এসেই কিন্তু দুই বন্ধুরই সাহস অবলুপ্ত।

গাড়ীতে ব’সে থেকেই ওরা চঞ্চলকে নামিয়ে দেয়।

দুই হাতে উপহারের বোঝা বুকের কাছে জড়ো

ক'রে ধ'রে রেখে চঞ্চলা বিপন্নভাবে অথচ সাগ্রহে বলে, 'নামবেন না আপনারা ?'

'নাঃ, কাজ আছে আজ ।'

গাড়ী চলে যাবার পরও একটুক্কণ দাঁড়িয়ে থেকে ধীরে ধীরে সিঁড়ি বেয়ে উঠতে থাকে চঞ্চলা । ওর হঠাৎ মনে হয় ও যেন একটা দিন স্বর্গে কাটিয়ে, ফের মাটির পৃথিবীর বুকচাপা অন্ধকারে নেমে এলো ।

একদিনে মনের রং এমন বদলে যায় ? কলকাতার বান্ধবীর দাদা রসাতলে যাক্, সগদেখা স্বর্গদূতের স্বপ্নে বিভোর হয়ে থাকে চঞ্চলা । আর দুঃসাহসী মেয়েটা এক অদ্ভুত উপায় আবিষ্কার ক'রে বসে ।

টেলিফোন ডাইরেক্টরী দেখে দেখে সুরেশ্বরদের হোটেলের নম্বর সংগ্রহ ক'রে ফোন করতে বসে ।...সুবিধে পেলেই বসে । শুরু হয় কথার খেলা । কারুকার্যহীন সহজ কথা, তবু আগ্রহটা সহজ নয় ।


কাটে কয়েকটা দিন ।

'ছোটমাসী ।'

মঞ্জরী জানলার কাছে একটা বেতের মোড়া টেনে নিয়ে ব'সে কি যে ভাবছিলো কে জানে, চম্কে বললো, 'কি রে ?'

চঞ্চলার কণ্ঠে যেন কুণ্ঠিত আবেদনের সুর ।

চঞ্চলার আগের চঞ্চল মূর্তি এখানে এসে পর্যাস্তই নেই, আবার সেদিনের ঘটনার পর থেকে আরো যেন স্থির নীবর হয়ে গেছে ।



‘সুরেশ্বরদা ফোন্ ক’রে জিজ্ঞেস করছেন, এখানে আসবেন ?’

মঞ্জরী অবশ্য চঞ্চলার মুখে সেদিনের ঘটনা সবই শুনেছে, চঞ্চলার সন্তোষাপ্ত ‘দাদা’র গুণবর্ণনাও শুনেছে, উপহার সামগ্রী দেখেও তারিফ করেছে, তবু বলতে পারেনি, ‘সে কি রে, ভদ্রলোককে দরজা থেকে বিদায় দিলি ?’ অথবা বলতে পারেনি, ‘ভদ্রলোককে একদিন আসতে বললিনা কেন ?’ কি ক’রে বলবে ? তার সঙ্গে যে আর-একটা অদ্ভুত অনাস্থি জড়িত। যেখানে সাধারণ ভদ্রতার প্রশ্ন অবাস্তব। তাই আজ আশ্চর্য্য হয়ে বলে, ‘ফোন্ ক’রে জানতে চাইছেন মানে ?’

‘বলছেন, এলে তুমি রাগ করবে কি না ?’

‘রাগ ! রাগ করবো কেন ?’

‘তবে ব’লে দিইগে—’ ব’লেই ঈষৎ থতমত খেয়ে চঞ্চলা বলে, ‘সুরেশ্বরদা বলছিলেন একজায়গায় বেড়াতে যাবেন, তাই—ইয়ে—আমাকে নিয়ে যাবেন—’

মঞ্জরী গম্ভীর হয়ে যায়। বলে, ‘বেড়াতে নিয়ে যাবেন ? কোথায় ?’

‘তা জানিনা।’

‘আচ্ছা, ওঁকে আসতে তো বলো। কথা ব’লে বুঝে দেখি।’

চঞ্চলা ছুটে যায়।

মঞ্জরী ওর দিকে তাকিয়ে একটু কৌতূকের হাসি হাসে। সে কৌতূকে ব্যথা মিশানো। ছেলেমানুষ ! মন এখনো দানা বাঁধেনি। যাকে দেখে তাকেই ভালো লাগে। জানেনা পৃথিবী কি জায়গা। কিন্তু কে এই সুরেশ্বর, যে অভিমন্ত্যর এমন প্রিয়বন্ধু হয়ে উঠেছে ? অভিমন্ত্যর যে-জীবনে মঞ্জরী ছিলো, সেখানে এ নামের বাষ্পও তো শোনেনি।

জনম
জনমকে
সার্থী

খানিকটা পরে চঞ্চলা এলো, খুসিতে টলমল মুখ, আবেগে
ছলছল চোখ।

‘বললেন, একখুনি আসছেন।’

মঞ্জরী প্রশ্ন করতে পারলোনা, ‘একই আসছেন তো?’ মুখে
আসছিলো প্রশ্নটা, তবুও না। ও জায়গাটা যেন একটা স্তূপীকৃত
অন্ধকারের বোঝা। লজ্জার অন্ধকার, বেদনার অন্ধকার, অপমানের
অন্ধকার। ওখানে হাত দিতে সাহস হয়না। থাক্ ওই ডেলা-
পাকানো অন্ধকারখানা...হাত বাড়িয়ে স্পর্শ করতে গেলেই হয়তো
দাঁত খিঁচিয়ে কামড় দিতে আসবে মঞ্জরীকে।

উদ্বৃত্ত প্রশ্ন থামিয়ে মঞ্জরী বরং মৃদুহাস্তে বলে, ‘একবেলার
আলাপেই যে তোর সেই সুরেশ্বরদাদার সঙ্গে দারুণ ভাব হয়ে
গেছে দেখছি রে?’

চঞ্চলার মুখটা শুধু লাল হয়ে ওঠে। বলতে ভুলে যায়, কী
বিপদের সময় উপকার করেছিলো ওরা। সেদিন চঞ্চলার খুসির
আতিশয্যে মঞ্জরীর বিশদৃশ ব্যবহারের কটু আর দায়িত্বজ্ঞানহীনতার
গুরুত্ব যেন হালকা হয়ে গিয়েছিলো।

ও চলে যায়। আর মঞ্জরী শাণিতবুদ্ধির তীক্ষ্ণধার দিয়ে ভাবতে
চেষ্টা করে—এ শুধু সুরেশ্বরের চঞ্চলার প্রতি আকর্ষণ মাত্র, না
এ আর কারো ছিল?

কে জানে এর সবটাই পরিকল্পিত কি না।

নইলে এতো দেশ থাকতে অভিমত্য় কি দরকার পড়েছিলো
এদেশে আসতে? আবার সাক্ষাৎ্রমণের জায়গা
নির্বাচনেও সেই সন্দেহের অবকাশ। এ কি শুধুই
দৈবের ঘটনা?

কিন্তু তাই যদি হয়—যদি পরিকল্পিতই হয়, কেন?

জনম
জনমকে
সাথী

স্বনীতির চর হয়ে যদি চঞ্চলাকে উদ্ধার করতে এসে থাকে
অভিমন্যু, তবে তাকে হাতে পেয়ে আবার ফিরিয়ে দিলো কেন ?

তাহ'লে ?

রগের শিরা ছুটো দপ্‌দপ্‌ ক'রে ওঠে, মুখের গড়ন কঠিন
হয়ে আসে। তাহ'লে কি বনলতার জীবনের অভিজ্ঞতাই মঞ্জরীর
কাজে লাগতে শুরু করেছে এইবার ?

যে ধারণায় প'ড়ে মঞ্জরী কলকাতা ছেড়ে এখানে এসেছে,
সর্বনাশের কবলে প'ড়ে নিজেকে ধ্বংস করেছে, মঞ্জরীর সেই
ধারণাটাই সত্যের ভিত্তির উপর প্রতিষ্ঠিত ?

অর্থই সব ?

অর্থই আবরণ ?

অর্থের আবরণেই সমস্ত কলঙ্ক চাপা প'ড়ে যায় ? আর বনলতার
অর্জিত সেই সত্য ? “জীবনে কোনোখানে কোথাও খানিকটা
প্রতিষ্ঠা অর্জন করতে পারলেই অনেক কলঙ্ক সম্বোধ লোকে
তোমায় সম্মম করতে শুরু করবে।”...সেও এবার প্রমাণিত হবে
নাকি ?

সহায়সম্বলহীনা মঞ্জরীকে অভিমন্যু অপমান করতে পেরেছিলো,
পেরেছিলো অগ্রাহ্য করতে, আজ পারছে না। আজ যশ অর্থ আর
প্রতিষ্ঠার সিংহাসনারূঢ়া মঞ্জরীকে সে বুঝি নতুন ক'রে আত্মীয়তার
বন্ধনে বাঁধতে চায়। তাই এই ছল, তাই এই দূত প্রেরণ।
দূতের পিছনে নিজেও আছে নিশ্চয়ই।

সন্দেহ নিঃসন্দেহ সিদ্ধান্তে উপনীত হয়।

জন্ম
জন্মকে

মনে পড়লো বনলতার সেই তীক্ষ্ণ শ্লেষ, “অনেক
টাকা নিয়ে কি করবি ? ত্যাগ-ক'রে-আসা বরকে ফের
টাকা দিয়ে কিনবি ?”

চেষ্ঠা ক'রে কিনতে হচ্ছেনা, নিজের সেই পতঙ্গ আপনাকে বিকিয়ে দিতে এসেছে।

কিন্তু মঞ্জরীর তো নিজেকে বিকিয়ে দেবার বাসনা নেই, সে উপায়ও নেই। অতএব মঞ্জরীকে শত্রু হতে হবে।

অভিমন্যু যদি আসে মুগ্ধমন্ত্রে তোষামোদ করতে, মুখ ফিরিয়ে থাকতে হবে মঞ্জরীকে। অভিমন্যু যদি আসে মঞ্জরীর টাকার উপর লুক্কদৃষ্টি হানতে, তাহ'লে মঞ্জরী ছ'হাতে সে-টাকা ছড়িয়ে দেবে তার মুখের উপর।

সেই হবে উচিত উত্তর।

ভাবতে ভাবতে এক জায়গায় থমকে যায়, অভিমন্যু কি তেমন? ভাবতে গিয়ে আর-একটা মনস্তত্ত্ব কাজ করে। নিজের মধ্যে যখন জমে ওঠে অপরাধবোধের বোঝা, তখন সে বোঝা হালকা করতে প্রাণপণে অপরের পাল্লায় অপরাধের বোঝা চাপিয়ে চলে। হয়তো সে বোঝা আপন বিকৃতদৃষ্টির বিকারে গড়া কল্পিত অপরাধের। এ নইলে মানুষ বাঁচতোই বা কি ক'রে? অপরাধভারে ভারাক্রান্ত সেই মনকে নিয়ে সংসারে চলতো কি ক'রে?

তাই যে-দোষ করেনি অভিমন্যু, যে-দোষ করা তার পক্ষে সম্ভব কি না ঠিক নেই, মনে মনে অভিমন্যুর সেই দোষের উচিত শাস্তি তৈরী করতে থাকে মঞ্জরী।

অভিমন্যু 'তেমন' নয়, তাই বা বলা যায় কিসে? চিরদিন তো সে আরামপ্রিয় আয়েসী, আত্মমর্যাদাবোধহীন। নইলে দাদারা যখন নতুন নতুন প্রাসাদ তৈরী ক'রে সহরের বুকে জাঁকিয়ে বসলো, অভিমন্যু কিনা তখন তাঁদের প্রসাদস্বরূপ বাবার আমলের ভাঙা বাড়ীখানা নিয়ে কৃতার্থ হয়ে প'ড়ে থাকলো? পূর্ণিমাদেবী অশ্রু

জনম
জনমকে

ছেলেদের-দেওয়া হাতখরচের টাকা অভিমন্ডার সংসারে খরচ করেছেন, অভিমন্ডা অম্মানবদনে মেনে নিয়েছে সে ব্যবস্থা। তবে ?

ভাবতে ভাবতে ক্রমশঃই মনে হতে থাকে—অভিমন্ডা একের নম্বরের নীচ স্বার্থপর আর লোভী। আরাম আয়েসই ওর জীবনের কাম্য। তাই কোনোদিনই কৃতিত্বের শিখরচূড়ায় উঠবার তাগিদে জীবনযুদ্ধে নামলো না। শিস্ দিয়ে গান গেয়ে জীবন কাটাতে পাওয়াই তার চরম লক্ষ্য।

অতএব এখন সে অনায়াসেই মঞ্জরীর স্তাবক হতে পারে।

এই চিন্তার দুরন্ত তাড়নায় দেহের রক্ত যখন পা থেকে মাথা অবধি ছুটোছুটি করেছে, তখন এলো সুরেশ্বর।

নিখুঁৎ পোষাকে ভূষিত দীর্ঘদেহী সুকান্তি যুবা।

এসেই হাত জোড় ক'রে সহাস্ত্রে ব'লে ওঠে, 'আগে থেকে অভয় নিয়ে এসেছি, আর রাগ করতে পারবেন না।'


মঞ্জরী প্রতিমন্ডার ক'রে গম্ভীরভাবে বলে, 'খামোকা রাগই বা করতে যাবো কেন ?'

'কেন নয় ? আপনার মূল্যবান সময় নষ্ট করিয়ে দিতে এলাম। তবে ভয় নেই, বেশীক্ষণ জ্বালাতন করবো না, অম্মতি চাইতে এসেছি, চঞ্চলাকে একটু বেড়াতে নিয়ে যাবার।'

মঞ্জরী তীক্ষ্ণকণ্ঠে বলে, 'প্রার্থনাটা কার ?'

'কার আবার ? আমারই। অপরের বেনামীতে কোনো কাজ করা আমার ধাতে নেই।'

মঞ্জরী আরো তীক্ষ্ণকণ্ঠে বলে, 'আমি অভিনেত্রী, আমার রীতিনীতি জ্বালাদা, কিন্তু আপনি তো



বাঙালীর ছেলে, আপনার এ আবেদনটা সঙ্গত কি না নিজেই বলুন !’

মনে করেছিলো এ অপমানে জোঁকের মুখে নুন পড়বে। এ অপমানে মুখ কালো ক’রে ফিরে যাবে অভিমত্নার সোহাগের বন্ধু। কিন্তু মঞ্জরীকে অবাক ক’রে দিয়ে লোকটা কি না হেসে উঠলো। হাসির শব্দে চম্কে ওর মুখের দিকে তাকিয়ে দেখলো মঞ্জরী, দেখে লজ্জায় ম’রে গেলো।

কী সুন্দর, কী পবিত্র, কী সরল হাসি !

এ হাসি যেন কোন স্বর্গের জিনিস ! এ হাসি যে হাসতে পারে, তার মধ্যে বোধকরি মালিন্যের লেশও থাকতে পারেনা।

সেই হাসি হেসে সুরেশ্বর ব’লে উঠলো, ‘বলেছেন ঠিকই, সঙ্গত নয়। কিন্তু এ কেস্টা আলাদা। চঞ্চলাকে আমি বিয়ে করবো। কাজেই আমার সঙ্গে একে—’

‘চমৎকার !’

মঞ্জরী তিক্ত বিদ্রূপের হাসি হেসে ব’লে ওঠে, ‘চমৎকার ! কালনেমির লঙ্কাভাগের নমুনা !’

‘ঠাট্টা ক’রে আমায় কাবু করতে পারবেন না।’ আর-একবার হাসে সুরেশ্বর—‘এ সংকল্প স্থির ক’রে ফেলেছি। পাত্র হিসেবে আমি নেহাত খারাপ নই, এক সময় লেখাপড়া কিছু করেছি, বাবার অনেক পয়সা আছে, জাতে ব্রাহ্মণ, চেহারাও দেখছেন—নিতান্ত নিন্দের নয়, তাছাড়া—আপনার বোনঝিটিই বা কি এতো রূপসী ?’

মঞ্জরী ওর কথার ধরনে রাগতে ভুলে যায়। প্রায় হেসে ফেলে বলে, ‘কিন্তু আপনার সঙ্গে বিয়ে দিচ্ছে কে ?’

‘আপনারাই ! এই যে স্বয়ং ক’নের মা’র

জনম
জনমকে
সার্থী

হুকুমনামা জোগাড় ক'রে ফেলেছি, এখন ক'নের মাসীর হুকুম
পেলেই হয় ।'

‘মায়ের হুকুমনামা ?’

অবাক হয়ে প্রশ্ন করে মঞ্জরী ।

‘হ্যাঁ, এই যে দেখুন না, ইতিমধ্যে অভিমন্যাদাকে অনেক
সাধ্য-সাধনা ক'রে একখানি পত্রাঘাত করিয়ে এই উত্তরটি আদায়
করতে সমর্থ হয়েছি ।’

আশ্চর্য্য এই ছেলেটা ।

মঞ্জরীর সঙ্গে যেন এইমাত্র পরিচয় হয়নি ওর, যেন যুগযুগান্তের
আলাপ ।

পকেট থেকে একখানা চিঠি বার ক'রে মঞ্জরীর দিকে এগিয়ে
দেয় সে ।

সুনীতির হাতের লেখা । অভিমন্যাকে সম্বোধন ক'রে ।

বুকটা থরথর ক'রে ওঠে, তবু হাত এগোয় না ! তবু কঠিন
থাকতে হয় ।

‘অপরের চিঠি পড়ার অভ্যাস আমার নেই ।’

‘আহা, ‘অভ্যাস:আছে’ এ অপবাদ আপনাকে দিচ্ছে কে ? ধরুন
আমার অনুরোধ । নিন, প'ড়ে দেখুন ।’

অসম্বরণীয় হয়ে ওঠে লোভ, হৃদমনীয় হয়ে ওঠে কৌতূহল ।
বাসনার আবেগে থরথর কম্পন ! মরুভূমির ধাত্রীর কাছে পাত্রভরা
জল এনেছে সুরেশ্বর ।

জন্ম
জন্মকে
সার্থী

কতোদিন দিদির হাতের লেখা দেখেনি মঞ্জরী,
কতোদিন দেখতে পায়নি অভিমন্যুর নাম ।

মস্তাহতের মতো হাত বাড়িয়ে নিয়ে নিলো,
অগ্নাহতের মতো চোখ বুলোলো ।

ছোট চিঠি।

সুনীতি লিখেছেন, ‘ভাই অভিমত, তোমার চিঠিতে সব অবগত হলাম। চঞ্চলার সংবাদ আমি কানাঘুসায় শুনেছিলাম, কিন্তু বিচলিত হইনি। কারণ আমি এখন আর কোনো কিছুই নিজের কর্তব্য বলে চিন্তা করিনা। জানি, গুরুদেবের ইচ্ছা ছাড়া পথ নেই।

তুমি যে পাত্রটিকে সুপাত্র বলেছো, তার সম্বন্ধে আমার আর বলবার কিছু নেই। পথভ্রষ্ট অবোধ মেয়েটাকে তিনি যদি দয়া করে পায়ে স্থান দেন, সেও গুরুদেবের কৃপা বলেই জানবো। আশীর্বাদ নাও।

ইতি—

তোমাদের দিদি’

না, মঞ্জরীর নাম উল্লেখ পর্য্যন্ত নেই।

গুরুকৃপালাভে ধন্য ব্যক্তিদের পক্ষে মমতাশূন্য হওয়া নিন্দনীয় নয়। হয়তো বা প্রশংসনীয়ই।

চিঠিখানা মালিকের হাতে ফেরত দিয়ে মঞ্জরী কেমন যেন ক্লান্তসুরে বলে, ‘আকস্মিক এ খেয়ালটা কখন হলো আপনার?’

‘কোনটা? এই বিয়েটা? খেয়াল নয়, খেয়াল নয়, সংকল্প। যেদিন ওকে দেখলাম সেইদিনই।’

‘আশ্চর্য্য! ওর কি বিয়ের বয়স হয়েছে?’

‘হয়েছে কি না, সে উত্তর তো আপনি নিজে সব প্রথম দিয়েছেন।’

সুরেশ্বর হেসে ওঠে।

মঞ্জরীর মনে প’ড়ে যায় সবপ্রথমেই সে চঞ্চলাকে সুরেশ্বরের সঙ্গে বেড়াতে পাঠাবার প্রস্তাবে সঙ্গতি অসঙ্গতির প্রশ্ন তুলেছিলো।

জনম
জনমকে
সাথী

‘আমার কাছে আপনার প্রস্তাবটা ঝড়ের মতোই আকস্মিক।
যাক, ক’নের প্রকৃত অভিভাবকের সম্মতি যখন পেয়েই গেছেন,
আমার বলবার কি আছে?’

‘উহঁ! ও ভাষা নয়, আপনার প্রসন্ন সম্মতি চাই।’

মঞ্জরী সহসা আত্মস্থ হয়ে উঠলো, আর সেইজন্যই রুঢ় হয়ে
উঠলো। বললো, ‘আপনার সম্বন্ধে আমার এমন বেশী জ্ঞান নেই
যাতে ওটা দেওয়া যায়। বরং যে-কোনো একটা মেয়েকে একবার
দেখেই তার প্রেমে পড়ে যাওয়ার অভ্যাসকে আমি ডিস্কোয়ালি
ফিকেশানই মনে করি।’

‘সর্বনাশ! এটা আমার অভ্যাস ব’লে মনে করেছেন না কি?
তা নয়, তাঃ নয়! শুনুন—এযাবৎ মনের মতন মেয়ে একটিও
পাচ্ছিলাম না, হঠাৎ ওকে দেখেই মনে হলো, এই সেই মেয়ে!
একেই বিয়ে ক’রে ফেলা যাক। আমার মতে, বিয়ে করতে সেই
মেয়েই ঠিক, যার মধ্যে বুদ্ধির ভাগ কম, আর আবেগের ভাগ
বেশী। যে মেয়ে তীক্ষ্ণবুদ্ধির ধারালো ছুরি দিয়ে রাতদিন শুধু
লেনদেনের চুলচেরা হিসেব কষতে থাকে, যার কাছে হৃদয়ের চাইতে
মস্তিষ্ক দামী, সে মেয়ে আমার নম্র, তাকে বিয়ে করার কথা ভাবতে
পারিনা।’

‘বয়েসে চঞ্চলা আপনার অর্ধেক।’

‘কী মুঞ্চিল! আমার ঠিকুজি কোষ্ঠি আপনি দেখলেন কখন?’

রেগে গেলো মঞ্জরী, কিছুতেই সুরেশ্বরকে রাগাতে না পেরে।

জনম
জনমকে
সার্থী

ব্রহ্মস্বর গোপন ক’রে অবহেলাভরে বললো, ‘কতো
বয়েস আপনার?’

‘সাতাশ।’

মঞ্জরী মনে মনে হিসেব করলো সাতাশ—চঞ্চলার

বোলো, এমন বেশী তফাৎ নয়। তখন কৌতুকবোধ করলো।
বললো, ‘দেখে তো মনে হয় না, কে জানে বয়েস চুরি করেছেন
কি না।’

‘রামোঃ! ওটা মেয়েদের একচেটে।’

‘সব মেয়ের নয়।’

‘সেটা ব্যতিক্রম। সত্যবাদী মহিলাদের আবার আরো কষ্ট।
আমি একটি চল্লিশ বছরের মহিলাকে বয়েসের হিসেব দিতে বলতে
শুনছি—উনচল্লিশ বছর সাড়ে-দশমাস।’

মঞ্জরী হেসে ফেললো।

পরিবেশ সৃষ্টি করবার ক্ষমতা সুরেশ্বরের অদ্ভুত। মঞ্জরী ভুলেই
গেলো ও কে, ও কেন এসেছে। তর্কের সুরে সকৌতুকে বললো,
‘আপনি দেখছি বড্ডো বাজে কথা বলেন, এটা নিশ্চয় বানানো কথা।’

‘বিশ্বাস না করেন নাচার। এরকম অনেক ‘সত্য গল্প’ আমার
স্টকে আছে। আর একদিন এসে হবে, আজ যদি অনুমতি করেন
চঞ্চলাকে নিয়ে যাবার—’

সুরেশ্বরের হাতে সুনীতির লেখা ছাড়পত্র। মঞ্জরী বাধা দিতে
যাবে কোন্ ধুষ্টতায়? তাছাড়া—হঠাৎ অবাক হয়ে দেখলো—
অভিমন্যুর প্রেরিত চর ভেবে সুরেশ্বরের প্রতি যে বিরুদ্ধ মনোভাবটা
ছিলো সেটা কখন নিশ্চিহ্ন হয়ে গেছে। চঞ্চলাকে কোঁকের মাথায়
এনে ফেলে পর্যন্ত মনে শাস্তি ছিলোনা একতিল, ভেবে পাচ্ছিলোনা
ওকে নিয়ে অবশেষে কি করবে। চঞ্চলার প্রার্থিত অভিনেত্রী-জীবনের
পথে এগিয়ে দেবার কথা তো ভাবতেই পারেনা
মঞ্জরী। তবে এই ভালো! এই হোক! এ যদি
সবটাই অভিমন্যুর পরিকল্পিত ব্যাপার হয়, তাও
হোক। অভিমন্যুই জিতে যাক। তবু যেখানে

জনম
জনমকে
জাতি

অভিমত আছে সেখানে নিশ্চিন্ততার শান্তি আছে। চঞ্চলার দায়িত্ব থেকে মুক্ত হতে পারলে মঞ্জরী নিজেকে নিয়ে যা খুশি করবে। রসাতলেই যখন যেতে বসেছে, নিরঙ্কুশগতিতেই যাবে। তারপর ? তারপর বনলতার মতো প্রচুর টাকা নিয়ে পুরনো পরিবেশের আশে-পাশে গিয়ে ছ'হাতে হরির লুঠ দেবে সেই টাকা। দেখবে তার পুরনো আত্মীয় বন্ধুরা তাকে কোথায় বসতে দেবে ভেবে দিশেহারা হয় কি না।

লজ্জা আর আনন্দের আবীর-ছড়ানো মুখ নিয়ে, আর নিজেকে সুন্দর ক'রে সাজিয়ে নিয়ে চঞ্চলা চলে গেলো—সুরেশ্বরের সঙ্গে। কেমন যেন দিশেহারার মতো তাকিয়ে দাঁড়িয়ে থাকলো মঞ্জরী।

সামান্য ক'টা দিনের মধ্যে কতো অভাবিত ঘটনাই ঘটে গেলো। অভিমতের দেখা পাওয়া গেলো, চঞ্চলা পথে হারিয়ে গেলো, আবার সেই হারানোর সূত্র ধরে চঞ্চলার জীবনে নিজেকে হারিয়ে ফেলবার এক নতুন অধ্যায় যোজনা হলো, অজানা অচেনা এক ব্যক্তি যেন চিলের মতো ছোঁ মেরে তুলে নিয়ে গেল চঞ্চলাকে—মঞ্জরী প্রতিবাদের ভাষা ভুলে গেলো।

এ কী অঘটন !

কিন্তু আরো কত অভাবিত ঘটনা তার জন্তে অপেক্ষা করছে, সে কথা কি মঞ্জরী ভাবতেই পারছে ?

সত্যাকার মানুষের সত্যাকার জীবনকাহিনী যে রংচড়া উপন্যাসের চাইতেও চড়ারঙের হতে পারে, একথা বিশ্বাস করে ক'জন ? উপন্যাসের কাহিনীতে অভাবনীয়ের সমাবেশ দেখলেই মুচ্কি হেসে বলে,—‘কষ্টকল্পনা’, বলে—‘যথেষ্ট ঘটনা বিশ্বাস।’

জন্ম
জন্মকে
জাতি

চঞ্চলা ফিরে এলো খুসিতে টলমল।

‘বেড়াতে যাওয়া-টাওয়া নয় ছোটমাসী, মার্কেটিং করতে যাওয়া হয়েছিলো। তব্বর জিনিসগুলো যাতে আমার পছন্দসই হয়—’

ঝোঁকের মাথায় ব’লে ফেলে লজ্জায় চুপ ক’রে গেলো চঞ্চলা।

‘ওর বুঝি কেউ কোথাও নেই?’

মঞ্জরীর কণ্ঠে কুটিল হিংসা। চঞ্চলা অবশ্য এতো ধরতে পারেনা, তেমনি লজ্জা-মাথানো স্বরে বলে, ‘থাকবেনা কেন? তাদের তো খবর দেওয়া হয়েছে। তারা না কি আমাদের নিতে আসবে। কলকাতায়—মানে, ব্যারাকপুরে ওদের বাড়ীতে গিয়েই সব হ’বে। তারা না কি বলে—ও বিয়ে করলেই তারা কৃতার্থ হবে, বামুনের মেয়ে হোক্ চাই না হোক্। তা আমি তো তবু—’

‘তুমি তো বাড়ী থেকে পালিয়ে আসা মেয়ে—’ বিষ হিংসার তিক্তস্বর মঞ্জরীর কণ্ঠে, ‘এ জানতে পেলে তারা ঘরে নেবে?’

ভয়ে আশঙ্কায় পাংশু হয়ে গেলো চঞ্চলার খুসিটল্টলে মুখটা, তেমনি ভয়ে-ভয়েই বললো, ‘আমি তো শুধু তোমার সঙ্গে চলে এসেছি—’

মঞ্জরী এতো নীচ হয়ে যাচ্ছে কেন? চঞ্চলার—তার নিতান্ত স্নেহপাত্রী বেচারী চঞ্চলার—খুসি টল্টলে মুখ দেখে ওর বুকের ভিতর এমন জ্বালা ধরছে কেন? সেই জ্বালার জ্বালাতেই না ওকে আবার বলতে হচ্ছে, ‘তাতে কি? আমি তো ভালো মাসী নই? আমি তো খারাপ! মদ খাই, সিনেমা করি—আমার সঙ্গে চলে আসা মানেই খারাপ হয়ে যাওয়া—নষ্ট হয়ে যাওয়া—’

চঞ্চলা এবার মুখ তুলে সবেগে বলে, ‘কক্খনো নয়! ও বলে, মানুষ কক্খনো নষ্ট হয়না। তোমাকে ও কিছু ঘেন্না করেনা, বলে—’

জনম
জনমকে
জাখী

‘থাক, আমাকে ও কি বলে তা শোনবার আমার দরকার নেই—’ বলে পাশের ঘরে চলে গেলো মঞ্জরী। আর চলে গিয়েই ওর নিজের কাছে নিজের মনের চেহারা স্পষ্ট হয়ে উঠলো। ছি ছি, চঞ্চলাকে কি সে ঈর্ষা করছে? চঞ্চলার জীবন সার্থক হয়ে উঠছে, সুন্দর হয়ে উঠছে, এতে সে খুশী হতে পারছেননা? এতো নীচ হয়ে গেলো মঞ্জরী? এ কী হলো!

অনেকক্ষণ চুপিচুপি কান্নার পর মঞ্জরী আবার সোজা হয়ে বসলো। চুলচেরা বিশ্লেষণে আপন মনকে যাচাই ক’রে দেখে দেখে শাস্তির নিশ্বাস ফেলে ভাবলো—হিংসে নয়, হিংসে নয়, এ জ্বালা ‘মন কেমন’-এর শূন্যতার।

চঞ্চলা তো কেবলমাত্র তার একটি স্নেহপাত্রীই নয়, চঞ্চলা যে মঞ্জরীর ফেলে-আসা জীবনের—সেই পবিত্র সুন্দর সত্যকার জীবনের—এককণা চিহ্ন, আজকের এই মূল-উৎপাটিত গ্লানিকর জীবনের মাঝখানে এক টুকরো মাটির শিকড়। সেই শিকড়টুকুও ছিঁড়ে নিয়ে যেতে চাইছে ওরা, তাই না এই হাহাকার!

বিরহের আশঙ্কা তো প্রিয়পাত্রকেই আঘাত হানতে চায়।

মনে পড়লো চঞ্চলার পাংশু হয়ে যাওয়া মুখখানা, বুকটা টন্টন্ ক’রে উঠলো। উঠে গিয়ে সহজ ভঙ্গিতে বললো, ‘উঃ, কী মাথাটাই ধরেছে। কই রে চঞ্চল, কি মার্কেটিং করলি শুনি?’

জন্ম
জন্মকে
সার্থী

মঞ্জরী এখানে একটি কোম্পানীর সঙ্গে চুক্তিবদ্ধ হয়ে এসেছে, আর কারো তার উপর হাত বাড়াবার উপায় নেই, তাই কলকাতার জীবনের চাইতে এখানে

অবসর বেশী, কিন্তু সে অবসর পঙ্কিল হয়ে ওঠে অনুরাগী ভক্তবৃন্দের
অনুরাগ-প্রাবল্যে।

ঝড়ে-ওড়া দিনগুলোর মাঝখানে হঠাৎ একদিন খবরটা ধাক্কা
দিলো। চঞ্চলাকে আজ নিয়ে যাবে ওরা। সুরেশ্বরের বাড়ীর
সরকার এসেছে না কি, এসেছে বুড়ো ঝি। খবরটা সুরেশ্বরই
আনলো। আরো দু'তিন দিন এসেছিলো সুরেশ্বর, দেখা হয়নি
মঞ্জরীর সঙ্গে, আজ আবার এলো সন্ধ্যাবেলা। বললো, 'আপনার
সঙ্গে আরো অনেক আলাপ করার ইচ্ছে ছিলো, কিছুতেই সুবিধে
হলোনা, আপনি তুল'ভ ব্যক্তি। কিন্তু মনে করবেন না, এইখানেই
ইতি। আমার পরিচয় ক্রমশঃ প্রকাশ্য। তবে এ-যাত্রায় আপনার
কাছে আমার ভূমিকা ছবু'ত্তের। কন্যাহরণের পালার ভিলেন।'

মঞ্জরী হাসলো। সমাদর ক'রে বসালোও। বললো, 'জীবনে
ছবু'ত্তের ভূমিকাই অধিকাংশের ভাগ্যে জোটে।'

'সেটাই জীবনের পরীক্ষা।'

'তা হবে। বসুন, চা দিতে বলি। ওঃ, না—থাবেন তো আমার
বাড়ীতে?'

সুরেশ্বর গম্ভীরমুখের ভূমিকা ক'রে বললো, 'শুধু চা হ'লে
খাবোনা, তার সঙ্গে উত্তম ফলারের আয়োজন থাকলে খেতে পারি।
অবশ্য শুধু উত্তম। উত্তম-মধ্যম নয়—' বলেই সে কী হাসি।

চোখ জুড়িয়ে যায় মঞ্জরীর, আবার আনন্দে চোখে জলও এসে
যায় বুঝি—কী চমৎকার ছেঁলে! কী নির্মল হাসি! ছোট চঞ্চলা,
বোকা চঞ্চলা—সুখী হোক, সুখী হোক। ব্যস্ত হয়ে
ছুটে গেলো অতিথিসংকারের চেষ্টায়। চঞ্চলা লজ্জায়
পাশের ঘরে ব'সে আছে।

খেতে খেতে সুরেশ্বর প্রশ্ন করলো, 'এখানের

জনম
জনমকে
জানি

মেয়াদ আপনার আর ক'দিনের ?

‘চিরদিনেরও হতে পারে—’ মঞ্জরী উত্তর দেয়।

‘অসম্ভব ! বাংলার মেয়ে বাংলা ছেড়ে এখানে প'ড়ে থাকবেন কি চুংথে ?’

‘আমার কাছে বাংলা বেহার বোম্বাই মধ্যপ্রদেশ সবই সমান। পৃথিবীর যে-কোনো এক কোণে ঠাই পেলেই হলো। কিন্তু আমার কথা থাক্, আপনার কথাই শুনি। ব্যারাকপুরে বাড়ী আপনারদের ?’

‘হ্যাঁ। ওইখানেই বীরভদ্র এক বাড়ী গেড়ে রেখেছেন বাবা, খোলা-মেলা ব'লে। কিন্তু যার জন্তে সকালবেলাই এলাম সেটা তো বলা হলোনা ! আমাদের বাড়ী থেকে পিসিমা সরকারমশাইকে আর পুরনো ঝিকে পাঠিয়েছেন ভাবী বধূকে নিয়ে যেতে। আমার মতিগতি তো তাঁরা জানেন, হঠাৎ বিয়ের সংকল্প ক'রে ফেলেছি— এতেই ভীষণ খুশী, আবার পাছে মত বদলায় তাই তাড়াছড়ো। চঞ্চলাকে নিয়ে যেতে হয় তাহ'লে ?’

‘এখনই ?’ চম্কে ওঠে মঞ্জরী।

সুরেশ্বর কুণ্ঠিত হলো। লজ্জিত হয়ে বললো, ‘কিন্তু আমার তো সারাদিনে আর সময় হয়ে উঠবেনা—’

‘গাড়ী তো রাত্রে ?’

‘তা অবশ্য।’

‘আমি যদি স্টেশনে পৌঁছে দিয়ে আসি আপত্তি আছে ?’

‘আপত্তি ? কী আশ্চর্য্য ? কিন্তু আপ'নার কি সময় হবে ?’

জন্ম
জন্মকে
সার্থী

‘সেটা আমার বিবেচ্য। বিশ্বাস রাখতে পারবেন তো আমার উপর ?’

‘বিশ্বাস মানে ?’

‘ধরুন যদি শেষ মুহূর্ত্তে ওকে লুকিয়ে ফেলি,

আপনাকে না দিই।’

সুরেশ্বর ওর মুখের দিকে স্বচ্ছদৃষ্টি তুলে নিশ্চিতভাবে বলে,
‘সে আপনি পারবেন না।’

‘পারবো না?’

‘না।’

সারাদিন ধ’রে মঞ্জরীও কেনাকাটা করলো প্রচুর। হৃদয়ের
সমস্ত আবেগ উজাড় ক’রে দিতে চায় বুঝি উপহার-সামগ্রীর মাধ্যমে।
বোঝাই হয়ে উঠলো প্রকাণ্ড তিনটে নতুন স্যুটকেস।

কিন্তু স্টেশনে অভিমন্যুও থাকতে পারে—পারে কেন থাকবেই,
এ ধারণা কি ছিলোনা মঞ্জরীর? অমন চম্কে উঠলো কেন? তাহ’লে
অভিমন্যুকে দেখে?

লোক...লোক...লোকে লোকারণ্য।

‘ভিক্টোরিয়া টার্মিনাসে’র ভিড় নিত্যই রথযাত্রার ভিড়। বড়ো-
বড়ো স্টেশনগুলো যেন সমগ্র পৃথিবীর এক-একটি ছোট ছোট
নমুনা।

সেখানেও যেমন জন্ম-মৃত্যুর ট্রেনে চেপে ইহলোক আর
পরলোকে বিরতিহীন যাওয়া আসা, এখানেও তাই। সেখানেও
মাঝের সময়টায় কুতো না ঠেলাঠেলি ছুটোছুটি চেষ্টামেচি, নির্দিষ্ট
কামরায় উঠে পড়তে পারলেই ব্যস, সব ঠাণ্ডা,—এখানেও অনেকটা
তেমনি।

ফোর বার্থের একটা কামরা রিজার্ভ করা ছিলো,
ভিড় ঠেলে কোনোরকমে একবার নামের স্লিপ্‌টা
দেখে নিয়ে উঠে প’ড়ে ব্যস, নিশ্চিত।

জন্ম
জন্মকে
সাথী

চঞ্চলা কেঁদে ভাসাচ্ছে ! ছাড়বেনা মঞ্জরীকে ।

মঞ্জরী একে কাছে টেনে নিয়ে ব'সে আছে চুপচাপ । কথায়
সাস্থনা ওর আসেনা । তাছাড়া জানে এ কাজ সাময়িক, ট্রেন
ছাড়ার পরেই আবার মুখে হাসি ফুটবে । চঞ্চলার মতো হাল্কা
মেয়েরা, যে মেয়েরা জীবনে সুখী হতে জানে, তারাই এইরকম
সহজে কেঁদে ভাসাতে পারে, সহজেই হেসে কুটিকুটি হতে পারে ।

অভিমন্যুর সঙ্গে মুহূর্তের জন্য একবার চোখোচোখি হয়েছিলো,
ট্যাক্সি থেকে নেমেই । চমকে উঠেছিলো মঞ্জরী । কিন্তু চম্কাবার
কি সত্যিই কোনো কারণ ছিলো ?

এ ঘটনাটা কি অপ্রত্যাশিত ?

সকাল থেকে সারাদিন ধরে এই মধুর আশাটুকুই কি মনের মধ্যে
লালন করছিলো না মঞ্জরী ?

চঞ্চলাকে স্টেশনে পৌঁছে দেবার প্রস্তাবের মধ্যেও কি এই
উন্মাদনাকর চিন্তাটা পাক খেয়ে মরছিলো না মাথার মধ্যে ? এই
চিন্তা নিয়েই তো অদ্ভুত একটা বিহ্বলতার মধ্যে কেটেছে সারাটা
দিন ।

এখানে পালিয়ে যাবার প্রশ্ন নেই ।

অভিমন্যু আর সুরেশ্বর প্লটফর্মে পায়চারি করছে । গাড়ী
যতোক্লগ না ছাড়ে, চঞ্চলা যতো পারে বিদায় নিক্ মাসীর কাছে ।

জনম
জনমকে
সার্থী

অভিমন্যু কি ভাবছে বোঝার উপায় নেই, পুরুষ-
মানুষরা বড়ো বেশী চাপা । ওদের চোখে-মুখে হৃদয়ের
ব্যাকুলতা চট্ ক'রে ধরা পড়েনা ।

মঞ্জরী ভাবছিলো, গাড়ী ন'ড়ে ওঠার পর তো

আর প্লাটফর্মে ঘুরবে না ওরা? কিন্তু মঞ্জরী যদি নামতে ভুলে যায়? ওরা কি সে ভুলের সংশোধন করতে ইতস্ততঃ করবে না? ওরা কি বলবে, ‘যাও, এবার নেমে যাও তুমি, আর থাকবার অধিকার তোমার নেই। তোমার টিকিট নেই। সহজ জীবনের চলার পথের টিকিট তুমি হারিয়ে ফেলেছো!’

ওয়ানিং বেল পড়লো।

চঞ্চল্য দেখা দিলো প্লাটফর্মে।


মঞ্জরী চঞ্চলার হাতটা নিজের হাত থেকে ছাড়িয়ে নিয়ে উঠে দাঁড়িয়ে স্নেহকৌতুকে বললো, ‘অমন সুন্দর বর পাচ্ছি, বড়ো-লোক শ্বশুরবাড়ী পাচ্ছি, কেঁদে আকুল হচ্ছি যে?’

‘তুমিও চলো ছোটমাসী।’

‘আমি? আমি কোথায় যাবো রে? তোর কি হয়ে?’ হেসে ওঠে মঞ্জরী। ওর মনে হয়, ও যেন আগের মঞ্জরীই আছে। সাধারণ গৃহস্থবধূর মতোই নিকটআত্মীয়দের স্টেশনে তুলে দিতে এসেছে বিচ্ছেদব্যাকুল স্নেহাতুর হৃদয় নিয়ে। হাসিঅশ্রুর মেঘরোদ্ভে বিচ্ছেদ ক্ষণ মধুর ক’রে তুলে বাড়ী ফিরবে। বাড়ী ফিরে যেন আলমারি খুলে মদের বোতল বার করবেনা, মাতাল হয়ে মাটিতে প’ড়ে ফুলে ফুলে কাঁদবেনা, কালই আবার চোখে স্মৃতি টেনে ঠোঁটে রং মেখে শালীনতার মাথায় কুঠারহানা পোষাক প’রে স্টুডিওয় গিয়ে হাজির হবেনা।

ও যেন চিত্রতারকাদের মধ্যে একটি উজ্জ্বল তারকা নয়, ও শুধু মঞ্জরী।

কিন্তু এ সুখস্বপ্ন কতোটুকুর জন্মেই বা।



চঞ্চলা নীচু হয়ে প্রণাম করলো। নেমে যাবার সঙ্কেত।
তাড়াতাড়ি নেমে পড়তে হলো মঞ্জরীকে। আর তারপর—গাড়ী
নড়ে ওঠার পর ধীরেসুস্থে উঠলো ওরা।

অভিমন্যু আর সুরেশ্বর।

মঞ্জরীর সঙ্গে কি মুহূর্তের জ্ঞাত চোখোচোখি হয়নি অভিমন্যুর ?
হয়েছিলো। বোধহয় হয়েছিলো।...কিন্তু অভিমন্যুর সে চোখে কি
কোনো ভাষা ছিলো ? না সে শুধু পাথরের চোখ ?

পাথরের চোখে প্রাণের বাণী ধরা পড়েনা।

কিন্তু পাথরের চোখ কি এমন বিষণ্ণ-কোমল হয় ?

বৃহৎ অজগরের দেহখানা যেন খোলস ছেড়ে শন্শন্ ক'রে
এগিয়ে গেলো, গতি তার দ্রুত থেকে দ্রুততর হচ্ছে লহমায়
লহমায়। মঞ্জরী মাথা নীচু ক'রে জনতার সঙ্গে এগিয়ে চলে
শ্লথগতিতে। আর কিছু ভাবছেনা, শুধু ভাবতে ভাবতে চলেছে,
কতোখানি সাহস থাকলে ট্রেনের চাকার তলায় পড়া যায় ! কতো
লোকই তো পড়ে এমন।

মঞ্জরীর সাহস বড়ো কম।

সাহস হলোনা বিনা টিকিটে জোর ক'রে গাড়ীতে ব'সে থাকবার,
সাহস হলোনা গাড়ীর চাকার তলায় ঝাঁপিয়ে পড়বার। শুধু
সাহস ক'রে একখানা ট্যান্ডিতে চ'ড়ে বসতে পারলো,
যার চালকটাকে দেখলেই ভয় করা উচিত।

জন্ম
জন্মকে
সার্থী

তা ভয়ই কি করেছিলো ওর ?

নইলে বাড়ী ফিরেই পাগলের মতো অমন উর্দ্ধ্বাসে

দৌড় মারলো কেন সিঁড়ি ধ'রে ? ভয়ই যদি হলো তো ছুটে গিয়েই
ঘরে ঢুকে বিছানায় গড়াগড়ি দিয়ে অমন হাসতে লাগলো কেন ?
তীব্র হাসি, চোখ দিয়ে জল বেরিয়ে-আসা হাসি ।

এ হাসিকে ভাষায় রূপান্তরিত করলে বোধহয় এই দাঁড়ায়,
'আর কেন ? আর কিসের আশা ? সবই তো শেষ হয়ে গেলো ?'

অথচ কিসের আশা ?

শুধু আর-একবার দেখা হওয়ার আশা ? হয়তো তাই—শুধু
সেই আশাটুকুর মধ্যেই অচেতন চেতনায় তিল তিল ক'রে সঞ্চিত
হয়ে উঠেছিলো আরো অনেকখানি আশা । অজ্ঞাতসারে বুঝি গ'ড়ে
উঠেছিলো অবুঝ এক আশ্বাস ।

একবার দেখা হলেই বুঝি আবার সব ঠিক হয়ে যাবে ।
খুলে পড়বে মঞ্জরীর এই কুৎসিত ছদ্মবেশ, বাতাসে উড়ে যাবে
ভুলবোঝার বোঝা ।

কিছুই হলোনা ।

কিছুই হলোনা ।

অভিমন্ত্রের সঙ্গে দেখা হলো, স্পষ্ট প্রত্যক্ষ । বাতাসে মিলিয়ে
গেলো সেই পরম ক্ষণ । ধূলায় উড়ে গেলো স্বপ্নপ্রাসাদের গাঁথনি ।
পৃথিবী যেমন চলছিলো তেমনিই চলতে থাকলো, মঞ্জরী যেখানে
ছিলো সেখানেই দাঁড়িয়ে থাকলো ।

শেষ হবার আর বাকী কি থাকলো তবে ?

হাসতে হাসতে কঁদতে শুরু করলো মঞ্জরী ।
আখালি-পাখালি কান্না । খাটের বাজুতে মাথা ঠুকে
ঠুকে কান্না ।

কঁদতে কঁদতে হঠাৎ ধড়মড় ক'রে উঠে বসলো

জনম
জনমকে
জাখি

মঞ্জরী। খাট থেকে নেমে দেয়ালের গা-আলমারিটা টেনে খুলে ফেললো।

বোম্বাইয়ের বাজারে মদ নিষিদ্ধ হয়ে গেলেও, যাদের দরকার তাদের ঘরে ঠিকই মজুত আছে।

দরকার ?

দরকার বৈ কি ! নিজেকে বিস্মৃত হয়ে থাকবারও তো দরকার থাকে মানুষের ? ক'দিন আগে ভেবেছে, 'আর নয়'। আজ ভাবলো 'এখনি চাই।'

যাক্ যাক্, সবই যাক্ ! কিছুই যদি রইলোনা, কিছুই বা রাখবার চেষ্টা কেন ? তরল খানিকটা আগুন ঢেলে যদি দাউ দাউ ক'রে জ্বলতে-থাকা আগুনের জ্বালা শাস্ত হয়, মন্দ কি ? বিষে বিষক্ষয় হোক্ !

এ কি হলো !

এ যে একেবারে খালি ! দু'টো বোতল একে একে উপুড় ক'রে ঝাঁকুনি দিয়ে দেখলো, একফোঁটা নেই। সবটা কখন ফুরোলো ? না না, মঞ্জরী শেষ করেনি।

নির্ঘাৎ ওই হতভাগা চাকরটার কাজ। চুরি করেছে, চুরি ক'রে চড়াদামে বেচেছে !

পর পর দু'টো বোতল ছুঁড়ে ছুঁড়ে আছড়ে মারলো। বন্‌বন্‌ শব্দে ঘরের মেঝেয় ছড়িয়ে পড়লো কাঁচের টুকরো।

জনম্
জনম্‌কে
সার্থী

শব্দে ব্যস্ত হয়ে ছুটে এলো উদ্দিপরা ভৃত্য কেশবন। স্তম্ভিত হয়ে দাঁড়িয়ে পড়লো। এ-ঘরে এমন দৃশ্য দেখেনি এর আগে।

'নিকাল যাও, আভি নিকাল যাও, ডাকু বদমাস্ চোটা !'

ছড়ানো কাঁচের টুকরোর উপরই শুয়ে পড়লো মঞ্জরী, মদ না
খেয়েও বেহেড্‌ মাতালের মতো ।

* *

* *

* *

ব্রাহ্মমুখে স্নিগ্ধহাসি হেসে অভিমন্যু বললো, ‘এবারে হে বন্ধু,
বিদায় !’

সুরেশ্বর শশব্যস্তে বললো, ‘তার মানে ? এখুনি বিদায় কি ?
শুভকাজ নির্বিলম্বে সমাধা না হওয়া পর্য্যন্ত এখান থেকে একটি
দিনের জন্যে বেরোন দিকি ?’

‘শুভকাজ ?’ অভিমন্যু হাসলো । ‘সে তো তোমার সেই
পঞ্জিকার করুণার উপর নির্ভর ! তোমার পিসিমার কাছে যে শুনলাম,
তার এখনো দিন-পনেরো দেবী ।’

‘সে ক’টা দিন আমাদের সংস্পর্শে থাকা কি এতোই কষ্টকর ?’

‘কী পাগল ! আমি যে এখানে থাকছিই না ! মানে,
এদেশে ।’

‘এদেশে থাকছেন না, কোথায় যাচ্ছেন ?’

‘আরে ভাই, অনেকদিন থেকেই বাসনা ছিলো, পৃথিবীর ও-পিঠটা
কেমন একবার দেখে আসি । সাধই ছিলো, সাধ্য তো ছিলোনা ?
তাই চেষ্টায় ছিলাম যাতে ওদের পয়সাতেই ওদের দেশ ঘুরি ।
সাতঘাটের জল একঘাটে ক’রে অনেক রকম দরখাস্ত
ঝেড়ে বসেছিলাম নিশ্চিন্ত হয়ে, হবেনা জেনেই । হঠাৎ
দেখছি জবাব এসে গেছে নিয়োগপত্র সমেত । অতএব
আগামী সপ্তাহেই রওনা ।’

জন্ম
জন্মকে
সার্থী

হাসি-হাসিমুখে অভিমুখ্য যেন ফাঁসির বার্তা শোনায়ে সুরেশ্বরকে ।

‘নিয়োগপত্র ? তার মানে, আপনি ভারত ছেড়ে একেবারে
আমেরিকায় যাচ্ছেন চাকরি করতে ?’

‘আরে দূর, অতো-বড়ো ব্যাপার কিছু না । বছর-তিনেকের
মেয়াদ, সামান্য একটা লেকচারারের পোষ্ট, প্রায় স্টুডেন্টস্ স্কলার-
শিপেরই সমগোত্র, প্যাসেজ খরচা দেবে, আর থাকা-খাওয়ার জন্তে
মোটামুটি একটা সংখ্যা । তাও আমাদের পুরনো কলেজের
প্রিন্সিপালের চেষ্টাতেই হলো—আমার আর কি ক্যাপাসিটি
আছে ?’

সুরেশ্বরের বোধকরি এই আচম্কা খবরটা কিছুতেই ধাতস্থ
হতে চায়না, বলে, ‘কবে কখন আপনার সেই নিয়োগপত্র এলো
শুনি ? আমি তো আজ মাস-চারেক আপনার সঙ্গে সঙ্গে আছি ।’

‘প্রিন্সিপালের বাড়ীতে এসে প’ড়ে ছিলো দিন-পাঁচেক । কাল
তোমাদের নামিয়ে দিয়েই চলে গিয়েছিলাম না ? সোদপুরে ওঁর
বাড়ীতেই গিয়েছিলাম । ছটফট করছিলেন ভদ্রলোক, খুব ধমক
দিলেন বেছ’শ হয়ে ঘুরে বেড়ানোর জন্তে । বললেন, “অবিলম্বে
পাসপোর্ট করিয়ে নাও” ।’

সুরেশ্বর তবু অবিশ্বাসের ভঙ্গিতে বলে, ‘কই, দেখি আপনার
সেসব কাগজপত্র ?’

‘না দেখালে বিশ্বাস করবেনা ?’

‘উঁহ !’

জন্ম
জন্মকে
সার্থী

‘আচ্ছা দেখাবো । জানি তুমি আর চঞ্চলা
একটু মনঃক্ষুণ্ণ হবে, কিন্তু আমিও জানতাম না এটা
এতো তাড়াতাড়ি হয়ে যাবে । আদৌ হবে কি না
তাইই জানতাম না ।’

সুরেশ্বর গম্ভীরভাবে বলে, ‘আমরা একটু মনঃক্ষুণ্ণ হবো ? তা ভালো ! আমার আশা ছিলো, কত্কা সম্প্রদান আপনিই করবেন ।’

‘এই ঠাখো ! বন্ধু আছো এই তো বেশ ! জামাই হচ্ছে। তাও মন্দ না, কিন্তু অতো পাকাপাকি স্বপ্তুর হতে চাইনা ।’

‘তাহ’লে নিশ্চিত থাকছেন না সে সময় ?’

‘তা একরকম নিশ্চিতই ।’

‘তাহ’লে যে ক’টা দিন ভারতবর্ষের মাটিতে আছেন, আমাদের কাছেই থাকুন ।’

‘নিতান্তই থাকতে হবে ?’

‘হ্যাঁ । রওনা দেবেন কোন্ পথে ? জলে না অন্তরীক্ষে ?’

‘অন্তরীক্ষের খবরটাই তো বরাদ্দ করেছে শুনছি ।’

সুরেশ্বর মিনিটখানেক চুপ ক’রে থেকে বলে, ‘অভিমন্যুদা, একটা কথা বলবো ?’

‘অতো ইতস্ততঃ কিসের ?’ হাসলো অভিমন্যু ।

‘বলছিলাম—’ কুণ্ঠা ছেড়ে সুরেশ্বর বলে, ‘হার মেনে পালিয়ে যাচ্ছেন তাহ’লে ?’

ঈষৎ কেঁপে ওঠে অভিমন্যু, তারপর স্নানহাসি হেসে বলে, ‘পৃথিবীতে এসে ক’জন আর জয়গৌরব অর্জন ক’রে যেতে পারে বলো ? কেউ হার মেনে পালায়, কেউ মার খেয়ে পালায় ।’

‘কথা এড়াবেন না অভিমন্যুদা ! আমি অতো কথার আঁট বুঝিনা । আমি স্পষ্ট প্রশ্নের মানুষ । বৌদিকে যদি না দেখতাম, এ প্রশ্ন করবার কোনো দরকারই হতোনা আমার । কিন্তু তাঁকে দেখবার সৌভাগ্য আমার হয়েছে । এবং সেই থেকেই এ প্রশ্ন আমার মনে

জন্ম
জনমকে
সার্থী

জেগে আছে। আজ আপনার দেশছাড়ার সংকল্পে অবাক হয়ে
ভাবছি, তাঁকে তাহ'লে সম্পূর্ণ ত্যাগই ক'রে যাচ্ছেন ?

অভিমন্যু শান্তগলায় বললো, 'ত্যাগ আর গ্রহণের প্রশ্ন তো
অনেকদিন শেষ হয়ে গেছে সুরেশ্বর !'

'না হয়নি।' জোর দিয়ে ব'লে ওঠে সুরেশ্বর, 'মানুষ কি এতোই
সস্তা জিনিস অভিমন্যুদা, যে সহজেই ছড়িয়ে ফেলে দেওয়া যায় ?
আমি তো দেখলাম, তাঁকে ফেলে দিলে লোকসান হয়না এমন
মেয়েও তিনি নন। তার সম্বন্ধে কোনো চিন্তা না ক'রে বিনা
দ্বিধায় এমন ক'রে চলে যেতে আপনার বাধবে না ?'

অভিমন্যু হতাশভাবে বলে, 'এখন আর আমার করবার কি
আছে বলো সুরেশ্বর ? সে চলেছে, তার পথে, ছরস্তু তার গতি।
সে পথ থেকে টেনে আনি এ ক্ষমতা আমার নেই। তাই বেছে
নিলাম নিজের বাঁচবার পথ।'

'তাকেও বাঁচাও ? ধ্বংসের পথ থেকে জোর ক'রে টেনে এনে
বাঁচাও।'

'সে কি আর হয় রে পাগ'লা !'

সুরেশ্বর গম্ভীরভাবে বলে, 'স্নেহ' 'প্রেম' 'মমতা' 'ক্ষমা' এসব
শব্দগুলো কি তাহ'লে অর্থহীন শব্দ মাত্র অভিমন্যুদা ? না—
সমাজ-ব্যবস্থার থার্মোমিটারের পারা ? ব্যবস্থার তাপমাত্রা অনুসারে
ওঠে নামে ? আমাদের সমাজে তো পুরুষের সহস্র ভুলও ক্ষমাই,
মেয়েরা মুহূর্তের অসতর্কতায় বাতিল। চিরকাল এই
ব্যবস্থাই চলতে থাকবে তাহ'লে ? এ ব্যবস্থা যে
পুরুষজাতির কতো-বড়ো লজ্জার স্মারক এ কি আমরা
কোনোদিন ভেবে দেখবো না ? মেয়েদের অপরাধের

জন্ম
জন্মকে
সার্থী

কড়া শাস্তি বিধান দিয়ে যারা পুরুষের অপরাধ ক্ষমা করার নির্দেশ দিয়েছে, কোন্ সেই শাস্ত্রকারেরা ? আমার তো মনে হয় অভিমন্যুদা, নির্ধাৎ তারা মহিলা । নইলে কখনো এমন ক'রে পুরুষের গালে অপমানের চুনকালি মাখাতে পারতো না ! অথচ এখনো সেই চুনকালি মেখেই ব'সে থাকবো আমরা ?'

অভিমন্যু ধীরে ধীরে বলে, 'হয়তো আর থাকবো না সুরেশ্বর ! হয়তো ব্যবস্থার সাম্য আসবে ! এক-একটা যুগের প্রয়োজনে এক-এক রকম আইন সৃষ্টি হয়, আর পরবর্তীকালের পরিবেশে যতোক্ষণ না সে আইন নিতান্ত অচল হয়ে ওঠে, ততোক্ষণ চলতেই থাকে । বিকৃত বিকলাঙ্গ মূর্তি নিয়েও টিকে থাকবার চেষ্টায় মাটি কামড়ে থাকে । আমাদের সমাজ-ব্যবস্থায় আজ সেই মূর্তি, বিকৃত বিকলাঙ্গ ! আজ একে কেউ অস্বীকার ক'রে ডিঙিয়ে চলে যাচ্ছে, কেউ টিট্কিরি দিয়ে ধাক্কা মেরে চলে যাচ্ছে, আর কেউ পূর্বপুরুষের ঐতিহ্যের ধারক ভেবে সময়ে আগলে ব'সে আছে । কিন্তু এ দিন আর বেশীদিন নয় । যুগের প্রয়োজনে আবার নতুন আইন সৃষ্টি শুরু হয়ে গেছে ।'

'তবে আপনি কেন সেই নতুন যুগের সঙ্গে পা ফেলে চলবেন না অভিমন্যুদা ?'

অভিমন্যু একবার জানলার বাইরে তাকালো ।

বাইরে অপরাহ্ন-বেলা স্তিমিত হয়ে আসছে সন্ধ্যার কাছে আশ্রয় নেবে ব'লে । সামনে একটা অজানা গাছের পাতা কাঁপছে হাল্কা হাওয়ায় ।

সেইদিকে তাকিয়ে অভিমন্যু বলে, 'সেইখানেই তো হার মানলাম সুরেশ্বর ! আমার নিজের মনকে যাচাই ক'রে ভেবে দেখেছিলাম, সেখানে মেনে নেওয়া শক্ত

জন্ম
জন্মকে
জাতি

ছিলোনা, কিন্তু আমার মা ? আমার সমগ্র পরিবার ? তাদেরই বা আমি দুঃখ দিই কেমন করে ? মমতার জালে যে আষ্টেপৃষ্ঠে বাঁধা আমরা সুরেশ্বর !’

সুরেশ্বর অনমিত স্বরে বলে, ‘কেউ যদি অন্ডায় দুঃখ পায় অভিমন্যুদা, তার হাত থেকে কে তাকে বাঁচাবে ? আজো যারা জীবনকে পুরনো দৃষ্টি দিয়ে দেখতে চাইবে, দুঃখ তো তারা পাবেই । একসময় আমাদের সমাজে মেয়েদের গান গাওয়াও নিতান্ত গর্হিত নিন্দনীয় ব্যাপার ছিলো ! আজ সেকথা হাস্যকর । নৃত্য অভিনয় এসবও তেমনি করেই জায়গা দখল করবে, করছে !’

অভিমন্যু মুহূর্ত্তে বলে, ‘জানি । সমাজ ক্রমশঃ এদের পথ ছেড়ে দিতে বাধ্য হবে, তবু তার মাঝখানে এই সংঘর্ষে কিছু প্রাণ, কিছু সুখ, বলি যাবেই ।’

‘এ হচ্ছে নিশ্চেষ্টবাদ ।’

‘হবে তাই ।’

‘উড়িয়ে দিলে চলবেনা । আপনি তো আত্মীয়সমাজ ছেড়ে পৃথিবীর ও-পিঠের উদ্দেশে যাত্রা করছেন অভিমন্যুদা, তবে কেন—’

অভিমন্যু হেসে ফেলে বলে, ‘কেবলমাত্র আমার দিকটাই দেখছে কেন ? আরো একটা দিকও তো আছে ? সে দিকেও ইচ্ছে-অনিচ্ছের প্রশ্ন আছে ।’

‘ওইখানেই তো আপনার সঙ্গে আমার মতের মিল হচ্ছেনা অভিমন্যুদা । আমি যদি আগুনে ঝাঁপিয়ে পড়তে চাই, বাধা

জন্ম
জন্মকে
সার্থী

দেবেন না আপনি ? চঞ্চলা যদি বিষ খেতে চায়, দেবেন খেতে ? তবে ? যে আপনার সবথেকে স্নেহের, আর যার ওপর কর্তব্যের দায় সবচেয়ে বেশী, তাকেই ঠেলে দেবেন যথেষ্টাচারের পথে ?’

‘এখানে যে সাবালিকা-নাবালিকার প্রশ্ন রয়ে যাচ্ছে হে!’

‘এ সমস্তই আপনার লোক-ঠকানো এড়িয়ে-যাওয়া কথা ব’লে রাগ ক’রে উঠে যায় সুরেশ্বর।

কিন্তু সে রাগ রাখতে পারেনা।

আবার তর্ক তোলে রাত্রে ঘুমের আগে।

হাসিখুসি হাল্কা মানুষটা, কিন্তু কথা বলে যখন, চিন্তাশীলের মতোই মনে হয়। অভিমন্ত্যর প্রতিবাদ কম, কণ্ঠ মৃদু। সুরেশ্বর একাই বাদ-প্রতিবাদ করতে থাকে—‘মানুষ জিনিসটা কি এতোই সস্তা অভিমন্ত্যদা, যে একটু ময়লা ধরলেই রিজেক্ট করা চলে? ...আজকের যুগেও কি আমাদের জীবনবোধ, আমাদের সত্যবোধ, অতীতের অন্ধকারে পথ হাতড়ে মরবে? ...মানুষ যে একটা মূল্যবান জিনিস, এই ছোট কথাটুকু বুঝতে শিখলেই পৃথিবীর অনেক সমস্যা সংক্ষিপ্ত হয়ে আসে।’ বলে, ‘যে যুগ আমাদের দরজায় এসে পৌঁছেছে, তাকে অস্বীকার করবার উপায় কোথা? যে সভ্যতাকে আমরা আমন্ত্রণ ক’রে এনেছি, তার দায় পোহাতে পারবো না বললে চলবে কেন?’

অভিমন্ত্য বলে, ‘ছাখো সুরেশ্বর, মানুষ জিনিসটা সমাজের অংশ মানি, কিন্তু কেবলমাত্র সমাজের এক-একটি টুকরো নয়। প্রত্যেকেরই ব্যক্তিজীবন ব’লে সম্পূর্ণ একটা জিনিস আছে, সেই ব্যক্তিজীবনকে নিয়েই আমাদের আসল কারবার। সেখানেই প্রকৃত মূল্য নিরূপণ।’

সুরেশ্বর রেগে বলে, ‘আপনি তো হিন্দুশাস্ত্র খুব মানেন, এ-কথা মানেন না, স্বামী-স্ত্রীর সম্পর্ক জন্ম-জন্মান্তরের?’

জন্ম
জন্মকে
জাখা

‘স্বামী-স্ত্রী সম্পর্কটা জন্মজন্মান্তরের এ আমি মানিনা।’

‘মানেন না ?’ চক্ষু কপালে তোলে সুরেশ্বর।

‘না। তার কারণ হিন্দুশাস্ত্রে বহুবিবাহ প্রথারও সমর্থন আছে। ও আমি মানিনা। তবে এইটে আমি মানি সুরেশ্বর, জন্মজন্মান্তরের সম্পর্ক যদি সত্যিই কিছু থাকে, তো সে হচ্ছে প্রথম প্রেম আর প্রথম প্রেমাস্পদের সম্পর্ক।’ বলে যত্নহেসে আবার বলে, ‘অন্য জীবনেও যার সঙ্গে হঠাৎ দেখা হয়ে গেলে মনে হয় ‘এই সেই।’ যেমন চঞ্চলাকে দেখে তোমার।’

আর একটু হেসে থামলো অভিমন্যু।

‘আপনাদেরও তো শুনেছি ‘লাভ ম্যারেজ’ হয়েছিলো। অবশ্যই প্রথম দেখায় মনে হয়েছিলো ‘এই সেই।’ তাহলে ? সে ‘লাভ’—লোকসানের খাতায় গেলো কেন ? সে প্রেম ভেঙে পড়লো কি ক’রে ?’

অভিমন্যু সেকেণ্ড-কয়েক চুপ ক’রে থেকে বলে, ‘কোনো ‘লাভ’ই কখনো লোকসানের খাতায় যায় না সুরেশ্বর। সত্যিকার ভালোবাসা কখনো ভেঙেও পড়েনা। শুধু প্রতিকূল পরিবেশে প’ড়ে হয়তো তার বাইরের চেহারাটা বদলে যায়। কিন্তু সে কি শেষ হয়ে যায় ? আমি কি কখনো আর-কাউকে ভালোবাসতে পারবো ?’

শেষের এই প্রশ্নটা স্তিমিত অন্তমনস্ক। প্রশ্নটা যেন সুরেশ্বরকে নয়, আপন আত্মাকে।

তবু সুরেশ্বর উত্তর দেয় রেগে রেগে, ‘পারবেন না—এমন কথা

জোর ক’রে বলতে পারেন না অভিমন্যুদা ! সেও পরিবেশের ওপর নির্ভর।’

জন্ম
জন্মকে
দার্থী

‘হয়তো তাই। তবুও ভালোবাসার মধ্যে লোকসান ব’লে কিছু নেই। ধরো এই যে তোমার—

আমার ভালোবাসা। তুমি আমাকে পথ থেকে কুড়িয়ে এতো ভালোবাসতে শুরু করলে। কিন্তু আজ যদি তোমার সঙ্গে আমার মতান্তর ঘটে, তুমি আমাকে ত্যাগ ক'রে বসো, এ দিনগুলো তো ফিরিয়ে নিতে পারবে না? এ-দিনগুলো তো রইলো? এ তো অমূল্য। বাকী জীবনটা যদি তোমার সঙ্গে আর দেখা না হয়, কষ্ট হবে—যন্ত্রণা হবে, কিন্তু এ-জীবনটা হারিয়ে যাবেনা।’

অভিমন্যু তেমন সরবে টেবিল ঠুকে তর্ক করেনা বলেই হয়তো ওকে তর্কে হারানো যায়না। ওর কাছে ‘বিশ্বাস’টাই একমাত্র সত্য।

সুরেশ্বরও অবশ্য হার মানেনা, কিন্তু সমস্যার সমাধান কিছু হয়না।

অভিমন্যু স্বীকার করে—হ্যাঁ, সে ভুল করেছে, অন্ডায় ক'রে ফেলেছে, মঞ্জরীর কল্যাণ-অকল্যাণের দায়িত্ব এড়ানো তার উচিত হয়নি, সে ভুলের খেসারতও দিয়েছে অনেক, কিন্তু সে ভুল শোধরাবার উপায় আর এখন নেই। বাকী জীবনের জন্তে নতুন ক'রে ছক কেটেছে অভিমন্যু। সে জীবনের পথ কস্ম-তপস্ত্যার।

কিন্তু মঞ্জরী যদি কোনোদিন নিজের ভুল বুঝে ফিরে আসতে চায়? আসার সে দরজা খোলাই রইলো, খোলাই থাকবে চিরদিন।

কেন? তাহ'লে অভিমন্যু তার খোলা দরজা আর খোলা মন নিয়ে নিজেই কেন এগিয়ে যাকনা? দেখিয়ে দিক মঞ্জরীকে সেই তপস্ত্যার পথ।

‘সে হয়না।’ অভিমন্যু বলে।

সুরেশ্বর বলে, ‘ভুল শোধরাবার পথ কখনো বন্ধ হয়না।’

অভিমন্যু হাসে।



শোধরাবার পদ্ধতিতে সকলের সঙ্গে সকলের মিল থাকেনা।

অতএব একদিকে চলে বিয়ের তোড়জোড়, অপরদিকে প্রবাস-
যাত্রার। অবশ্য অভিমুখ্য তার নিজের বাড়ীতেই অবস্থান করে—
যেখানে আশ্রয়স্থল কেবলমাত্র ভৃত্য শ্রীপদ।

* *

* *

* *

তিন মাসের মাইনে আর বাড়তি একশো টাকা মালতির হাতে
খুঁজে দিয়ে বনলতা বললো—‘তুই যদি বাড়ী চলে যেতে চাস্ তো
কিছুদিন ঘুরে আয় মালতি। নয় তো যে ক’দিন অন্য কাজ খুঁজে
না পাস্, চালাস্ এই দিয়ে।’

মালতি করুণ মুখ করুণতর ক’রে চোখ মুছলো।

‘তুমি যে আমাকে সুদ্ধু জন্মের শোধ বিদেয় ক’রে দেবে, সঙ্গে
নেবেনা, এ আমি ভাবতেই পারিনি দিদি। আমি কি অপরাধ
করলাম?’

‘তোর আবার অপরাধ কিসের!’—বনলতা বললো, ‘তোকে
বিদেয় না করলে “বনলতা রাক্ষুসী”কে যে কিছুতেই বিদেয় করতে
পারবোনা রে! তুই তাকে ভুলতে দিবিনা, জীইয়ে রাখবি।
তাই’লে মথুরা বৃন্দাবন দ্বারকা রামেশ্বর যেখানেই যাবো, ‘বনলতা’

আমার সঙ্গে সঙ্গে ধাওয়া করবে, আর দাঁত খিঁচোবে।’

জন্ম
জন্মকে
সার্থী

মালতি চোখ মুছে মুছে লাল ক’রে ফেলে বলে,
‘জানিনে দিদি, কিসে যে কি হলো হঠাৎ, কেউ কিছু
তুচ্ছাক্ করলো কি না তাই বা বিশ্বাস কি! তোমার

কথাবার্তাও যেন বুঝতে পারিনে আজকাল। বলা নেই কওয়া নেই, হঠাৎ কেন যে এই যৌবনে যোগিনী বেশ। এসব কি আর মানুষে এখন করে? তীর্থধর্মের বয়েস কতো প'ড়ে আছে। সেই নতুন দিদিমণি—মঞ্জরীদিদি গো—তোমার আশ্রয়ে উঠে তোমার রাজ্যপাট দেখে হিংসেয় হিংসেয় দু'দিনে কি বোলবোলাওটাই না ক'রে নিলো, আর তুমি কি না ইচ্ছে ক'রে সেই রাজ্যপাট ছেড়ে দিয়ে, হাত শুধু ক'রে থান প'রে তীর্থবাসী হ'তে চললে? দেখে প্রাণে যে আর প্রাণ থাকছে না দিদি।'

বনলতা তাড়াতাড়ি বললো, 'দোহাই তোর, আর যা করিস্, প্যান্ প্যান্ ক'রে কাঁদিস্নে! চুপ কর্। আর এই হারছড়াটা নে, তোর মেয়েকে দিস্।'


থিয়েটারের ম্যানেজার মাথায় হাত দিয়ে ছুটে এলেন—'কী সর্বনাশ! এ কী শুনছি! তুমি কি আমার গলায় পা দিয়ে মেরে ফেলতে চাও বনলতা? তুমি চলে গেলে, থিয়েটার চালাবো কাকে নিয়ে?'

বনলতা হাসলো।

বললো, 'রাজা নইলে রাজ্য চলে, আর আমি নইলে আপনার থিয়েটার চলবে না? এক রাজা যাবে, অন্য রাজা হবে—'

'হবে। রাজা খুঁজে বার করতে আমার টাকের চুল ক'টা সব উঠে যাবে।' আর ক'টা দিন পরেই যে আমাদের—“নব গৌরঙ্গ”র চারশো নাইটের ফাংশান। অন্ততঃ এ ক'টা দিনও—'

বনলতা হাত জোড় ক'রে বললো, 'মাপ করবেন ম্যানেজার সাহেব, হয়তো বা আপনাদের ওই চারশো



নাইটের হাত এড়াতেই পালাচ্ছি। আমরা অভিনেত্রীর জাত, আমাদের রক্তে নিত্য নতুনের নেশা। রাত্রির পর রাত্রি, একই পালা, একই বঁধুর জন্তে বাসর সাজানো, এ আর সহ্য হচ্ছে না। হাঁপিয়ে উঠছি।’

ম্যানেজার আশ্বাসের সুরে বলেন, ‘আহা, আর কি নতুন বই আসবেনা? এখনো লোকে এ-বই দেখতে এসে টিকিট পাচ্ছে না, ফিরে যাচ্ছে, তুলেই বা দিই কি ক’রে?’

‘কি মুশ্কিল! তুলে দেবেন কেন? কিন্তু আপনার নতুন বই আসতে ততোদিনে আমি আমার মরণ-বঁধুর বাসর সাজাতে বসবো কি না তাই বা কে জানে!’

ম্যানেজার এবার আশ্বাস ছেড়ে অবিশ্বাসের সুর ধরেন, ‘শুধু এইজন্তে তুমি থিয়েটার-করা ছেড়ে দিচ্ছে বনলতা?’

‘ছেড়ে দিচ্ছি কে বললে?’ বনলতা মুচ্কি হেসে বলে, ‘এও তো থিয়েটারই করতে চলেছি। এতোদিন আপনার স্টেজে বোষ্টুমীর পার্ট প্লে করছিলাম, এইবার আর-এক ম্যানেজারের স্টেজে বৈরাগিনীর পার্ট নিতে যাচ্ছি। এতোদিন আপনার গ্যালারির দর্শককে চোখ ঠেরেছি, এইবার নিজের মনকে চোখ ঠারবো, এই তফাৎ!’

তথাপি ম্যানেজার অনেক হাত জোড় করলো, বনলতা আবার ডবল হাত জোড় করলো। শেষপর্যন্ত ভদ্রলোক মনে মনে অকথ্য গালাগালি দিতে দিতে ফিরে গেলেন। আর বনলতা কাগজ কলম

জন্ম
জন্মকে
সার্থী

জোগাড় ক’রে একটা চিঠি লিখতে বসলো।

লিখলো মঞ্জরীকে।

লিখলো—‘কেন জানিনা যাবার বেলায় তোকে একবার দেখার বড়ো ইচ্ছে হচ্ছিলো। শুনে হাসবিনা

তো—আমি এখন “তুলসীর মালা গলায় দিয়ে যাচ্ছি বৃন্দাবন।” মুখ্য মানুষ ঠিক ক’রে বোঝাতে পারবো না, তবু অনেক ভেবে ভেবে দেখে কি বুঝেছি জানিস্? মানুষের অন্তরাআ চিরদিন কখনো ধূলোমাটি নিয়ে ভুলে থাকতে পারেনা, সে অনবরত যা ভালো, যা সৎ, যা পবিত্র, তার জন্তেই মাথা কুটে মরছে।...থিয়েটার ক’রে ক’রে কথাগুলোও থিয়েটারী হয়ে গেছে, না রে? যাক, তোর কাছে লজ্জা নেই। মনে হয়, হয়তো আনন্দকুমার, নিশীথ রায়দের মতোও চলেছে এই মাথা কোটাকুটি, শুধু বুঝতে পারেনা ব’লে উল্টো রাস্তা ধরেই ছুটছে। তাই বলি, কেউ কারো বিচার করতেই বসি কেন? সে বিচারকের আসনটা আমাদের দিলো কে? বিচার ছেড়ে দিয়ে বিশ্বাসের পথ ধরলে একদিন হয়তো সবই সহজ হয়ে যাবে।’

ভেবেছিলো আরো লিখবে। লিখবে, “ত্যাগ আর পবিত্রতা, এর কাছে হার না মেনে উপায় নেই কারো। আমি যদি এদের চাকরি ছেড়ে’ দিয়ে অন্য কোম্পানীর ঘরে চাকরি নিতে যেতাম, ম্যানেজার নির্ধাৎ আমাকে গুণ্ডা দিয়ে খুন করতো, এখানে শুধু মনে মনে ব্যাজার হয়েই থামলো! এই হচ্ছে মানুষের প্রকৃতি”—কিন্তু এতো কথা আর লিখলোনা। লেখার অভ্যাস নেই, ওইটুকুতেই আঙুল ব্যথা করছে।

বসে থেকে কলকাতা।

সরীশূপের মতো বৃকে-হাঁটা, সকল-মাটি মাড়ানো রথে যতোই সময় লাগুক, আকাশ-রথে উড়ে আসতে ক’ঘণ্টাই বা? উড়ে এসে বনলতাকে ধরা যাবে না? বলা যাবে না তাকে—এ দীক্ষা তুমি মঞ্জরীকে দাও না?

চিঠিখানা হাতে নিয়ে নন্দপ্রকাশজীর কাছে

জন্ম
জনমকে
সার্থী

আবেদন করতে গেলো মঞ্জরী। চিঠিটা খাম থেকে টেনে বার করলোনা, শুধু বললো, ‘এক বিশেষ বন্ধুর মারাত্মক অসুখ, না গেলে চলবে না। আজ হ’লে আজই।’

‘প্লেনে?’

‘অবশ্যই।’

বিরক্ত নন্দপ্রকাশ সবিস্ময়ে জানালেন, প্যাসেঞ্জ জোগাড় করা অতো সোজা নয়। মঞ্জরী বিনীত ভঙ্গিতে বললো, নিতান্ত না পাওয়া যায়, অগত্যা কাল। তিনিই করুন না সাহায্য, যাতে সোজা হয়।

সোজা হবার মন্ত্র টাকা।

সকল ইচ্ছা পূরণেরও মন্ত্র।

যেখানে-সেখানে সে মন্ত্র আওড়াতে পারলেই সব পথ সুগম।

পরদিন ভোরেই আকাশে উড়লো মঞ্জরী।

বনলতার সঙ্গে একবার দেখা করবার তরেও বড়ো ইচ্ছে।

কিন্তু নাঃ। সব ইচ্ছে আবার টাকাতেও পূরণ হয়না।

এসে দেখলো বনলতার ফ্ল্যাটে তালা ঝুলছে। গত-কাল ফ্ল্যাট ছেড়ে দিয়ে বাসা উঠিয়ে কোথায় যেন চলে গেছে সে। বাড়ীর পুরনো দরোয়ানটা আছে, সেলাম ক’রে জানালো—না, ঠিকানা কিছু রেখে যায়নি বনলতা।

জনম
জনমকে
সার্থী

স্তব্ধ হয়ে এই তালা-বন্ধ দরজাটার দিকে কিছুক্ষণ তাকিয়ে রইলো মঞ্জরী। দরজাটা যেন মঞ্জরীর ভাগ্যের প্রতীক। তার পৃথিবীর চেহারাটাও ঠিক এমনি।

কতোদিনের জন্তেই বা কলকাতা ছেড়ে চলে গেছিলো মঞ্জরী ?
সময়ের সমুদ্রে ছোট একটু বুদ্ধদ ! তবু কলকাতার রাস্তায় বেরিয়ে
চারদিক চেয়ে চেয়ে মঞ্জরীর মনে হয় যেন কতো যুগ-যুগান্তর পরে
আবার এই স্বর্গে এসে পৌঁছেছে, এই অপূর্ব দৃশ্য দেখছে !

কলেজ স্ট্রীট, কালীতলা, মেডিক্যাল কলেজ, পাশের দিকে ওই
বইয়ের দোকানগুলো.....বিবেকানন্দ রোডের মোড়ের ওই বাস-
স্টপেজটা...সরবতের দোকান...ষ্টেশনারি দোকান—সব ঠিক আছে,
সব তেমনি আছে ! আশ্চর্য্য ! সকলে যেন পরিচিত আত্মীয়ের মতো
সহাস্ত্রে অভ্যর্থনা জানাচ্ছে—‘এই যে, এসো ? কোথায় ছিলে
এতোদিন ?’

সত্যি, কোথায় ছিলো এতোদিন মঞ্জরী ?


সেটা কি একটা দেশ ? না সবটাই স্টুডিও ?

মঞ্জরীর কাছে সমস্ত দেশটাই প্রাণহীন মমতাহীন, শুধু অথগু
একটা স্টুডিওর মূর্তিতে ধরা দিয়েছে। তার বেশী আর কিছু নয় !
এখানে সর্বত্র প্রাণের স্পর্শ। এর সবখানে মঞ্জরীর সমস্ত সত্তা
অনু-পরমাণু হয়ে মিশিয়ে ছড়িয়ে আছে। এখানে আশা জাগে,
হয়তো আবার বাঁচা যায় !...হয়তো আজ মঞ্জরীর জন্তে জায়গা
আছে এখানে।

ট্যাক্সি ড্রাইভারটা অনেকক্ষণ একটানা চালিয়ে চলেছে, কোনো
প্রতিবাদ আসেনি পিছন থেকে, না এসেছে কোনো নির্দেশ। এবার
সে নিজেই প্রশ্ন করে গন্তব্যস্থলটা কোথায় ?

আর সেই অসতর্ক মুহূর্তে যে ঠিকানাটা ব’লে
বসে মঞ্জরী, এক মিনিট আগেও কি ভেবেছিলো
সেখানে যেতে চাইবে সে ?

হাতের টিল আর মুখের কথা ! ফেরে না।



কিন্তু বিশেষ সেই মোড়ের কাছাকাছি এসে পৌঁছোতেই নিশ্বাস
রুদ্ধ হয়ে আসে, মুখের কথাটা ফিরিয়ে নেবার জন্তে প্রায় চীৎকার
ক'রে ওঠে মঞ্জরী—‘ঘুমকে ঘুমকে, ইধার নেহি।’

‘তব্ কাঁহা ?’

গাড়ীর গতি মন্থর ক'রে চালক বিরক্তস্বরে প্রশ্ন করে—তাকে
ভালো ক'রে ব'লে দেওয়া হোক অতঃপর কোথায় যেতে হবে।

এইটুকু অবসর।

গাড়ীর এই মন্থরতার অবসরে জানলা দিয়ে মাথাটা বার ক'রে
চুপিচুপি একবার দেখে নেওয়া যায়না সেই পুরনো তিনতলা
বাড়ীখানার দোতলার জানলাগুলো খোলা আছে কি না। ঘরের
মালিক তো ফিরে এসেছে।

‘ছোট বৌদি না ?’

চমকে মাথাটা একবারের জন্তে ভিতরে টেনে নিয়েই সাহস
ক'রে আবার মুখ বাড়ালো মঞ্জরী—‘কে, শ্রীপদ ?’

শ্রীপদ অসতর্ক একবার উচ্ছ্বসিত উচ্চারণে নামটা ব'লে
ফেলেছিলো, এবার আত্মস্থস্বরে বলে, ‘আপনি এখানে যে ?’

এখানে অতো মান-সম্মানের প্রশ্ন নেই, কণ্ঠে যদি ব্যাকুল
আগ্রহের সুর লাগে তো লাগুক। ‘এসেছিলাম এদিকে। শোনো—
শোনো, তারপর—তোমাদের খবর সব ভালো তো ?’

শ্রীপদ একটু কঠিন হাসি হেসে বলে, ‘আজ্ঞে, তা একরকম সব
ভালো বৈকি। মা তো সেই-ইন্তক মেজদাদাবাবুর
বাড়ীতেই আছেন, ছোড়দাদাবাবু এতোদিন ধ'রে
ভারতবর্ষ পয়লটু ক'রে এইবার চললো আমেরিকায়।
এতোবড়ো বাড়ীখানার একছত্র রাজা এই শ্রীপদ।’

জন্ম
জন্মকে
সার্থী

দাঁড়িয়ে ছোটো কথা কইবার প্রবল ইচ্ছাকে দমন ক'রে সামনের দিকে এগোতে চেষ্টা করে শ্রীপদ। হলোই বা সে চাকর, তবু হাঙলা হতে পারেনা।

মঞ্জরী আর-একবার ব্যগ্রভাবে বলে, 'তোমার দেশের বাড়ীর সব খবর ভালো তো ?'

যেন সেই চিন্তাতেই মরছিলো মঞ্জরী।

শ্রীপদ তুষণীভাব অবলম্বন ক'রে বলে, 'হুঁ।'

'এইটে ধরো তো—তোমার ছেলেকে মিষ্টি কিনে দিও।'

ছু'খানা দশটাকার নোট বাড়িয়ে দেয় মঞ্জরী।

শ্রীপদ চম্কে উঠে জিভ কাটে। কিছুতেই না, ওসব কি !
ছেলের কাছে সে যাচ্ছে কোথায় এখন ?

কিন্তু আপত্তির জোয়ারের মাঝখানে এক কঁাকে সেই মনোরম চিত্রপট ছ'খানি ঢুকেও যায় শ্রীপদের হাফসার্টের পকেটে।

'আমেরিকায় কেন শ্রীপদ ?'


'আজ্ঞে, শুনছি নাকি চাকরি করতে। এতো-বড়ো ভারতভূমিতে আর চাকরি জুটলোনা তাঁর ! তা তো নয়, এ হলো দেশত্যাগ !'

'কবে যাবেন ?'

'কাল।'

দূর থেকে দেখা যাচ্ছিলো, দ্রুতপদে আসতে-
আসতেও সে দৃশ্য মিলিয়ে গেলো। অনেকটা দূরে
এগিয়ে যাচ্ছে তখন গাড়ীটা।

শ্রীপদ কিন্তু তেমনিভাবেই দাঁড়িয়ে রয়েছে।



অভিমত্যা বিস্মিত প্রশ্ন করে, 'কার গাড়ী থামিয়ে কথা বলছিলি
রে শ্রীপদ ?'

বুকের কাছাকাছি নতুন নোট ছোটো খড়খড় করছে।

বুকের ভিতরে হাতুড়ীর ঘা।

তবু অম্লান বদনে উত্তর দেয় শ্রীপদ, 'আমি থামাবো কেন ? ও
একজন জিজ্ঞেসা করছিলো, মুক্তরামবাবুর লেনটা কোনদিকে ?'

'তাই ? ও !'

কিন্তু তাছাড়া আর কি হবে ! প্রত্যাশায় মানুষ এমন বোকা
হয়ে যায় !

চেনা দরোয়ান, প্রচুর বকশিসের লোভ !

বনলতার ঘরটা খুলে দিলো সে মঞ্জরীকে।

আর খোলার সঙ্গে সঙ্গে যেন ভিতর থেকে কে ধাক্কা মারলো।
কী ভয়াবহ শূন্যতা ! কোথাও কিছু নেই। ঘরের সমস্ত আসবাবপত্র
বিলিয়ে দিয়ে ঘর খালি ক'রে দিয়ে চলে গেছে বনলতা। মঞ্জরীর
মনের উপযুক্ত ঘর বটে।

না, একটা জিনিস আছে। যেটা বোধকরি বনলতার নয়,
বাড়ীর মালিকেরই খাট একখানা। এই সব—এই অনেক ! ঘরে
খিল বন্ধ ক'রে প'ড়ে প'ড়ে কাঁদা তো যাবে। মাতালের এলোমেলো
কান্না নয়। বেদনার পাত্র উপছে-ওঠা অশ্রুজলহীন গভীর কান্না !

জন্ম
জন্মকে
সার্থী

অনেকক্ষণ পরে উঠে বসলো মঞ্জরী।

একমনে মস্ত জপ করতে লাগলো, 'হে ঈশ্বর,
সাহস দাও। সাহস দাও। দাও সহজ হয়ে সামনে
এগিয়ে যাবার সাহস, অপমান সহ্য করবার সাহস,

প্রত্যাখ্যান সেইবার সাহস, মৃত্যুর গহ্বর হ'তে মাথা তুলে ফের
জীবনকে আহরণ ক'রে নেবার সাহস।'

নিজেকে প্রশ্নে প্রশ্নে ক্ষতবিক্ষত ক'রে দেখেছে মঞ্জরী, দেখেছে
যাচাই ক'রে ক'রে! পৌঁছেছে শেষ সিদ্ধান্তে। অভিমন্যুকে অস্বীকার
ক'রে বেঁচে থাকাটা অর্থহীন! অভিমন্যুকে বাদ দিলে মঞ্জরীর
পৃথিবীতে আর কোথাও কিছু নেই। সে পৃথিবী বোবা, বিশ্বাদ, মৃত।

অভিমন্যুর অহঙ্কার আর ঈর্ষাকে কেন্দ্র করেই না এতোদিন
বিতোর ছিলো মঞ্জরী উচ্ছৃঙ্খলতার আনন্দে, ধ্বংসের উল্লাসে।
অভিমন্যুকে 'দেখিয়ে দেবার' জন্তেই তো খ্যাতি আর অর্থের কদর্যা
কুৎসিৎ বোঝাটা কুড়িয়ে তোলবার এই নিলজ্জ প্রয়াস।

আবার অভিমন্যুর কাছে গিয়ে নিজেকে বিনীত নিবেদনে সমর্পণ
ক'রে দেবার জন্তেই তো অন্তরাত্মার এতো মাথা কোটাকুটি।

এখন তবে আর লজ্জা অভিমানের সময় কোথা মঞ্জরীর?

'কে?'

চম্কে মুখ ফিরিয়ে আরও একবার বুঝি অক্ষুটে উচ্চারণ করলো
অভিমন্যু, 'কে?'


সরানো পর্দার গায়ে একখানি ছবি ফুটে উঠেছে।

নির্বাক, নিশ্চল।

বুঝি জীবন্ত হবার জন্তে শক্তি সংগ্রহ করছে।

বিদ্যুৎবাতির তীব্র আলোয় শ্রামল মুখটা সাদা
দেখাচ্ছে।

অভিমন্যু শুধু বিছানা ছেড়ে উঠে দাঁড়ালো। শুধু



আরো অক্ষুটে উচ্চারণ করলো, ‘মঞ্জরী।’

আঁকা-ছবি ধীরে ধীরে কাছে এসে হেঁট হয়ে প্রণাম করলো।

এবারে যেন সচেতন হয়ে ওঠে অভিমন্যু, স্নিগ্ধ কোমল স্বরে বলে, ‘বোসো।’ ব’লে একটা চেয়ার একটু ঠেলে দিলো। বেশীক্ষণ দাঁড়িয়ে থাকবার ক্ষমতাও ছিলোনা মঞ্জরীর, তাই বসেই পড়লো। মুখে কথা নেই, কথা শুধু দীর্ঘ পল্লবাচ্ছন্ন দুটি চোখে। দেখে ভয় হচ্ছে—ও বুঝি এখুনি বাষ্পে ফেটে পড়বে, আবেগে ভেঙে পড়বে, কাঁপবে থরথরিয়ে, কাঁদবে আকুল হয়ে। কাঁপছে চোঁট, কাঁপছে নাকের পাটা, কাঁপছে হাতের আঙুলগুলো। কিন্তু না! ফেটে পড়লোনা, উপছে পড়লোনা, ব্যস্ত করলোনা অভিমন্যুকে। শুধু চোখ নামিয়ে নিয়ে ঘাড় ফিরিয়ে ব’সে থাকলো অচ্যুদিকে চেয়ে।

অভিমন্যু তেমনি মমতার গলায় আস্তে আস্তে বললো, ‘ইঠাৎ তোমার এমন ক’রে আসার ইচ্ছে হলো কেন, এ প্রশ্ন করবোনা মঞ্জরী, শুধু মনে হচ্ছে, ঈশ্বর তাহ’লে মাঝে মাঝে আমাদের কথা শুনতে পান। যাবার আগে তোমাকে একবার দেখবার ভারী ইচ্ছে হচ্ছিলো।’

কেন এতো করুণা! কেন এমন মমতা-বিধুর কণ্ঠ!

মঞ্জরী তো প্রস্তুত হয়ে এসেছিলো সব মান বিসর্জন দিয়ে বলবে, ‘আমাকে তুমি সঙ্গ নাও।’ চোখে জল আসতে দেবেনা, দেবেনা গলার স্বরকে কেঁপে উঠতে। শুধু বলবে—‘আমাকে তুমি সঙ্গ নাও।’

শুধু এই কটি শব্দ।

জন্ম
জন্মকে
সার্থী

সহস্রবার জপ করেছে এই মন্ত্র। সহস্রবার উচ্চারণ করেছে মনে মনে। ভেবেছিলো চেষ্টা ক’রে আর বলতে হবেনা, ভিতরের উচ্চারিত ধ্বনি আপনিই ধ্বনিত হয়ে উঠবে।

হলোনা।

তার বদলে শুধু ক্ষীণ রুদ্ধকণ্ঠের এক প্রশ্ন বেরিয়ে এলো,
'অতৌদূরে চলে যেতে হচ্ছে কেন?'

'দূর আর কাছে কি! যেখানে হোক থাকলেই হলো!'

তা বটে! তা বটে!

কার কাছ থেকে দূরে?

অভিমন্যুই আর-একবার কথা বললো, 'কবে এলে?' মনে
ভাবছিলো, সুরেশ্বরই অসাধ্য সাধন করেছে, এনেছে বিয়েতে।

'কাল!'

'ওরা ভালো আছে?'

'কারা?'

অবাক হয়ে প্রশ্ন করে মঞ্জরী।

'চঞ্চলারা?'

'ওদের কথা তো আমি জানি না!'

'ও! কিন্তু যাবার কথা কে বললো তাহ'লে?'

'শ্রীপদ!'

'শ্রীপদ?' মুহূর্তে সকালবেলায় সেই গাড়ী দাঁড়-করানোর দৃশ্যটা
মনে প'ড়ে গেলো। সব সরল হয়ে গেলো। সকালেই এসেছিলো
মঞ্জরী, দরজায় এসে দাঁড়িয়েছিলো। শ্রীপদ তাড়িয়ে দিয়েছে।
নিশ্চয় তাই। করুণায় ভ'রে গেলো মন। তবু মঞ্জরী-আবার
এসেছে! কেন? ক্ষমী চাইতে? বিদায় সম্ভাষণ জানাতে?
ভাবলো অনেক রকম, প্রশ্ন করলোনা।

মঞ্জরী হয়তো অপেক্ষা করছিলো, করছিলো আশা।
হয়তো ভাবছিলো, অভিমন্যু শেষপর্যন্ত প্রশ্ন করবেই,

জনম
জনমকে
জাতি

‘তুমি এসেছো কেন বলো মঞ্জরী ?’

না, অভিমন্যুও চুপ ক’রে আছে।

সবলে সমস্ত দ্বিধা ঠেলে উঠে এলো মঞ্জরী, খুব কাছে। বললো,
‘আমাকে সঙ্গে নেওয়া কি একেবারেই অসম্ভব ?’

মুহূর্তের জন্য একবার চমকে উঠলো অভিমন্যু।

চমকে উঠে তাকিয়ে দেখলো মঞ্জরীর মুখের দিকে। দেখলো
সামনের দেয়ালের আলোটা এসে পড়েছে ওর চুলে, কপালে, বাহু-
মূলে। ঠিক যেমন ক’রে পড়তো অনেকদিন আগে, রাতে শুয়ে
পড়বার আগে যখন হয়তো একটুখানির জন্যে বেতের এই চেয়ারটায়
বসতো, আর বসা থেকে উঠে আসতো। তেমনি ঝুরো ঝুরো ক’টা
চুল উড়ছে রগের পাশে, তেমনি সুগঠন কণ্ঠ ঘিরে সরু একটু
হার, তেমনি সুকুমার ভঙ্গিটি।

তাকিয়ে দেখলো ঘরের চারদিকে। অবিকল তেমনি।

কোথাও কোনো পরিবর্তন নেই। নতুন ক’রে কেউ গোছায়নি
এ ঘর। দেয়ালের পাশে বইয়ের র‍্যাকটা আর ঘরের মাঝখানে
টেবিলটা তেমনি অনড় হয়ে বসে আছে, এলোমেলো হাওয়ায়
জানলার পর্দাগুলো তেমনি ছুঁটাছুঁটি করছে। কোথাও কোনো
বিচ্যুতি নেই। শুধু মঞ্জরী বিচ্যুত হয়ে গেছে এই কেন্দ্র থেকে।

কিন্তু সে কথা যেন এখন মনে ক’রে মনে আনতে হচ্ছে। মনে
মনে বললো—‘মঞ্জরী, এতো পরে এলে তুমি ? যখন সব সম্ভাবনা

শেষ হয়ে গেছে।’

জনম
জনমকে
সার্থী

মুখে বললো আন্তে থেমে, ‘সে কি ক’রে হয় ?’

‘কিছুতেই হতে পারে না ?’

একটু চুপ ক’রে থেকে বললো, ‘আর সময় কোথা ?’

এতো পরে এলে তুমি ?

মঞ্জরী প্রতিজ্ঞা ক'রে এসেছে কিছুতেই বিচলিত হবেনা, তাই স্বচ্ছ ছুটি চোখ তুলে ঠাণ্ডাগলায় বললো, 'তুমিও তো কোনোদিন ডাকোনি !'

তাই বটে। তাই বটে।

অভিমন্যুও তো কোনোদিন ডাকেনি। বহে-যাওয়া অতীতের দিকে একবার তাকিয়ে দেখলো অভিমন্যু। সেখানে কি সঞ্চিত ছিলো ? ঘৃণা ? বিতৃষ্ণা ? না, না, সেখানে ছিল খালি সর্বগ্রাসী একটা লজ্জার যন্ত্রণা ! সেই যন্ত্রণার হাত এড়াতেই শুধু চেঁচা করেছে এখান থেকে পালাবার—ঘর ছেড়ে, দেশ ছেড়ে, আত্মীয়সমাজ ছেড়ে, পৃথিবীর অপর পৃষ্ঠে !

উত্তর দিতে ভুলে গেছে অভিমন্যু, শুধু জানলার দিকে তাকিয়ে আছে চিন্তার গভীরে ডুবে। মনে হচ্ছে, পর্দাটার ওই ছোটোছুটিই দেখছে বুঝি !

সময়সমুদ্রের কণা কণা জলবিন্দু ঝরে পড়ছে একটি একটি ক'রে। দেয়ালঘড়ির কাঁটাটায় তার সঙ্কেতধ্বনি।...

‘যাঠি !’

একটু সরে গেলো মঞ্জরী।

চলে যাবে ? চলে যাবে ? এখনি মিলিয়ে যাবে ওই ছবিখানি। এখনি শূন্য হয়ে যাবে সব ? আর কোনোদিন এঘরে ওর ছায়া পড়বে না ?

ওই জলভারাবনত ছুটি চোখ আরো নামিয়ে নিয়ে,

জনম
জনমকে
সার্থী

মাথা নীচু ক'রে চলে যাবে' ঘর ছেড়ে। নেমে যাবে সিঁড়িতে,
সিঁড়ি থেকে রাস্তায়। থেমে যাবে ক্ষীণ অস্পষ্ট ভীকু পদশব্দটুকু,
পথের অরণ্যে হারিয়ে যাবে পাতলা হালকা ওই তনুখানি।

কী অদ্ভুত হবে সেই হারিয়ে যাওয়া।

অথচ এখনি সব সহজ হয়ে যেতে পারে।

না, তা হয়না।

সমস্ত প্রাণ আছড়ে মরলেও হয়না।

সহজ হওয়াই বুঝি সবচেয়ে কঠিন।

কাঁধের উপর দিয়ে শাড়ীর আঁচলটা টেনে নিয়ে গায়ে জড়িয়ে
আর-একবার নীচু হয়ে প্রণাম করলো মঞ্জরী, ইতস্ততঃ করলো
একটু, তারপর দরজার পর্দাটা সরিয়ে বেরিয়ে গেলো আস্তে আস্তে।

‘মঞ্জরী।’

সিঁড়ির শেষপ্রান্তে বাইরের দরজার কাছে এসে চম্কে পিছনে
চাইলো মঞ্জরী। দেখলো ব্যাকুল ছুটি চোখের কোমল দৃষ্টি।

‘চলো। তোমায় পৌঁছে দিয়ে আসি।’

এবার একটু হাসলো মঞ্জরী।

‘একলাই তো এসেছিলাম।’

জনম
জনমকে
সাথী

কিন্তু এ কী। এ কি ভূমিকম্প? সারা শরীরে
এ কিসের আলোড়ন মঞ্জরীর। না, ভূমিকম্প নয়,
কাঁধের উপর আলতো একখানি হাতের স্পর্শ।

হাতের অধিকারীও কাঁপছে।

‘একলাই তো এসেছিলাম !’

তাই বটে ! তাই বটে ! একলাই এসেছে ও ।

আবার একলাই চলে যাবে ওই রাত-হয়ে-আসা ঝিমঝিমে
ঠাণ্ডা ঠাণ্ডা রাস্তাটা ধ’রে । ধীর স্থির পুরুষচিন্তেও আলোড়ন
ওঠে বৈ কি ।

‘মঞ্জরী, চলো—’ আগ্রহ-ব্যাকুলস্বরে বলে অভিমন্যু, ‘আমার
সঙ্গেই চলো । নতুন পরিবেশে নতুন পরিচয়ে আবার নতুন ক’রে
জীবন শুরু করি আমরা । নতুন ক’রে বেঁচে উঠি ।’

মঞ্জরী একমুহূর্ত্ত স্তব্ধ হয়ে রইলো, তারপর আস্তে আস্তে
বললো, ‘না ! পালিয়ে গিয়ে নতুন ক’রে বাঁচতে চাওয়া তো
হার মানা ! হার মানতে চাইনা । পুরনো পরিচয়ের মধ্যে থেকেই
নতুন ক’রে বাঁচতে চাই আমি । আগে বুঝতে পারিনি তাই বৃথা
বিরক্ত ক’রে গেলাম তোমায় ।’

‘মঞ্জরী !’

সিঁড়ির রেলিঙে-রাখা মঞ্জরীর ডান হাতখানার উপর একটা হাত
রাখলো অভিমন্যু, হৃদয়ের উত্তাল উত্তাপ যেন ওই আবেগ স্পর্শটুকুর
মধ্যেই সীমায়িত হয়ে আছে ।

‘মঞ্জরী ! আমি যাবোনা ।’

মঞ্জরী সেই আরক্ত উচ্ছ্বসিত মুখের দিকে চেয়ে দেখলো
একবার, স্মরণ করলো অবিচলিত থাকার প্রতিজ্ঞা । অভিমানশূণ্য
শাস্তগলায় বললো, ‘তা হয়না । কোঁকের বশে এতোটা মূল্য দিতে
চেয়োনা । তাতে ছঃখ আছে । করুণা নয়, দয়া
নয়, কেবলমাত্র নিজের প্রয়োজনে যদি কোনোদিন
বিনা দ্বিধায় ডাক দিতে পারো, সেইদিনের জগ্গে
অপেক্ষা করবো ।’

জনম
জনমকে
দার্থী

‘বিশ্বাস করো মঞ্জরী, কোথাও কোনোখানে দ্বিধা নেই। শুধু
‘তুমি এতো অসময়ে এলে—’

মঞ্জরী আস্তে আস্তে অভিমত্নার ধরা হাতখানা টেনে নিয়ে
মৃদুগলায় বললো, ‘বিশ্বাস করছি। আর সময়ের জন্তে প্রস্তুত হবো।’

‘এখন তবে তুমি কি করবে?’

‘এখন? যে মঞ্জরী তোমার লজ্জার না হয়ে গৌরবের হ’তে
পারবে, তাকে গড়বার সাধনায় শুরু করবো কস্মের তপস্যা।’

বিরাট পক্ষীদেহ নিয়ে মাঠজোড়া ক’রে শুয়েছিলো আকাশচারি
রথখানা। সময়ের সঙ্কেতের সঙ্গে সঙ্গে সাড়া জাগলো তার সর্ব্বাঙ্গে,
জাগলো কম্পন। কাঁপতে কাঁপতে ঘুরতে শুরু করলো ‘প্রপেলার’
ছ’খানা। বাতাস কেটে কেটে আকাশের বুক চিরে চালিয়ে নিয়ে
যাবে ওরা বিরাট পক্ষীদেহটাকে।

একটু একটু ক’রে উঠছে মাটি ছেড়ে—উঁচুতে—আরো উঁচুতে।
উঠবে মেঘ ছাড়িয়ে আরো উঁচুতে।

এই আকাশরথে উঠে বসেছে অভিমত্না, মঞ্জরী দেখছে দূরে থেকে।
না, আর দেখা দেবে না। শুধু দেখবে।

অনেক দূরে দাঁড়িয়ে মুখ উঁচু ক’রে দেখছে—অনেক মানুষ
আর অনেক বোঝার ভারে ভারাক্রান্ত যন্ত্রটা কেমন সহজে উঠে
গেলো আকাশে। এরপর ছরস্তুবেগে এগিয়ে যাবে অনন্ত সমুদ্র
ডিঙিয়ে, ডিঙিয়ে পাহাড় অরণ্য আর জনপদ।

পৌছে যাবে পৃথিবীর ও-প্রান্তে।

(শেষ)

বিবাহে যৌতুক, আর প্রিয়জনকে উপহার দেবার জন্ত

১৭ জন প্রথম শ্রেণীর সাহিত্যিকের লেখা—

১২৮ দামের উপযুক্ত দু'খানি নূতন লেখা সম্পূর্ণ উপন্যাস ও
পনেরোটি নূতন বিচিত্র শ্রেষ্ঠ গল্পে ভরা বিরাট গ্রন্থ

মনোবীণা

মাত্র ৪৮ টাকায়—ভারতবর্ষে এই প্রথম।

এতে লিখেছেন :

নূতন বড়ো গল্প

অপপ্রায়োগ—তারাকান্ত বন্দ্যোপাধ্যায়

রঙের গোলম—শ্রী প্রবোধকুমার সান্যাল

অগ্নি-আখ্যে—শ্রী নৃপেন্দ্রকৃষ্ণ চট্টোপাধ্যায়

আদর্শ—বুদ্ধদেব বসু

ধূতুরো যি—শ্রী মাশাপূর্ণা দেবী

দুইখানি নূতন সম্পূর্ণ উপন্যাস

মেষন মেষর—শ্রী শৈলজ্ঞানন্দ মুখোপাধ্যায়

শাহানা—অবধূত

অন্যান্য নূতন শ্রেষ্ঠ গল্প

দুইটি গিঠি—বনফুল

কলতায়—প্রেমেন্দ্র মিত্র

রূপনরায়ণ—শ্রী নারায়ণ গঙ্গোপাধ্যায়

প্রবাসী স্বামী—শ্রী সৌরীন্দ্রমোহন মুখোপাধ্যায়

হাসিনী-হরণ-কাহিনী—শ্রী হেমেন্দ্রকুমার রায়

কৃষ্ণকর্ম—শ্রী গজেন্দ্রকুমার মিত্র

প্রমিশাধ—দেবদূত

রাতির শেষ—কিরীটকুমার

হাফ-মরকা বাধাই ১২৮ দামের উপযুক্ত 'মনোবীণা'

পাবে মাত্র ৪৮ টাকায়—ডাকব্যয় এক টাকা ছয় আনা।

গ্রাম ১২ টাকা না পাঠালে এ-বই ভিঃ পিঃতে পাঠানো হবে না

উজ্জ্বল-সাহিত্য-মন্দির

লক্ষ ট্রা মার্কেট (দ্বিতলে) ব্লক নং সি, রুম নং ৩, কলিকাতা-১২

প্রকাশিত হয়েছে—

ছ'টাকা সংস্করণ—

বন্ধুপ্রিয়া—শ্রীশৈলজানন্দ মুখোপাধ্যায়
চিরবান্ধবী—শ্রীপ্রভাবতী দেবী সরস্বতী
একবৃন্তে-ছটিফুল—শ্রীসৌরীন্দ্রমোহন মুখোপাধ্যায়
প্রিয়সঙ্গিনী—শ্রীহেমেন্দ্রপ্রসাদ ঘোষ
বউ কথা কও—শ্রীপ্রভাবতী দেবী সরস্বতী
ঘরের আলো—শ্রীসৌরীন্দ্রমোহন মুখোপাধ্যায়
পল্লীবধূ—দীনেন্দ্রকুমার রায়
কি রূপ হেরিনু—শ্রীশৈলজানন্দ মুখোপাধ্যায়

আড়াই টাকা সংস্করণ—

প্রিয়া ও প্রিয়—শ্রীহেমেন্দ্রকুমার রায়
লক্ষ্মী এলো ঘরে—নারায়ণচন্দ্র ভট্টাচার্য
ছই চেউ, এক নদী—বুদ্ধদেব বসু

তিন টাকা সংস্করণ—

আজ শুভদিন—শ্রীশৈলজানন্দ মুখোপাধ্যায়
তবু মনে রেখো—শ্রীসৌরীন্দ্রমোহন মুখোপাধ্যায়

চার টাকা সংস্করণ—

জনম্-জনম্কে সাথী—শ্রীআশাপূর্ণা দেবী
মনোবীণা—তারাপ্রসাদ বন্দ্যোপাধ্যায় প্রমুখ শ্রীষীষুন্দ

প্রকাশ-প্রতীক্ষায়—

আলোকাভিসার—তারাপ্রসাদ বন্দ্যোপাধ্যায়

উজ্জ্বল-সাহিত্য-মন্দির

কলেজ ষ্ট্রীট মার্কেট (দ্বিতলে) ব্লক নং সি. রুম নং ৩, কালীঘাট

